

Chronicz milo

Wszystko co
w miastach i de
cąc rzeczy zle, i to
leś / je głup
a mądrym

WE C

Wszystko co
niepł. iako my

Stanoć zno

Wym

a rozmy

O koronac

uśmier

Wszystko

mi

Stro

Wszystko

nie

Oto

Cre: in milos

ry: adecr

mial: e: ac de

to: .

inpi

emu

E O

stribi

ake: wy

ac: inc

wyr

rozmi

ona: r

miera

Oa: r

ten


tero

potas

niek

Oto: l





SO

H

Ada

dier

Cam M

Exam

R. P.

S

R. P. M

Acqu

Editio

Sump

Cui

SOLITVDO HAGIOPHILÆ:

SIVE
INSTRUCTIO

Ad annua octo vel decem
dierum Exercitia spiritualia
utiliter peragenda;

*Cum Meditationibus, Considerationibus,
Examinibus, & spiritualibus Lectioni-
bus, quæ fieri eo tempore po-
terunt.*

AUTHORE

R. P. PAVLO DE BARRY
SOCIETATIS IESV

Gallicè conscripta,

INTERPRETE

R. P. MICHAËLE CVVELIER,

eiusdem Societatis IESV Sacer-

dote.

*Editio tertia, emendatior, & dierum singulorum
Iconis suis ornata.*

MONACHI,

Sumptibus Ioannis VVagneri Bibliopolæ.

Cum facultate Superiorum & Privilegio.

Formis, LVCE STRAVB.

M. DC. LV,

S. Hieronymus in Prooemio
Epistolæ D. Pauli ad
Ephesios.

*Parum eloquens sum: quid ad te? dis-
torem lege. Non dignè Græca (Gal-
lica) in Latinum transfero: aut Græ-
cos (Gallicos) lege, si eiusdem lingue
habes scientiam; aut si tantum Latino
es, noli te gratuito munere iudicare, &
ut vulgare proverbum est: Equi den-
tes inspicere donati.*

Fredericus Samuel D. W.
W. G. G. G. G. G.

A. III. 24

GLORIOSO

S. IOSEPHO MA-
XIME AMABILI ET
MAXIME

Post IESVM & MARIAM
præ reliquis Sanctis
dilecto,

DIGNISSIMO SPONSO
Matris DEI

ET

VERBI INCARNATI
Sapientissimo moderatori.



ACNE sancte, amator
animarum sanctita-
tem amantium, &
que in amabili solitu-
dine ad insignem profectum vi-
te latentis, cuius tu fuisti Idea in-
comparabilis, anhelant. Obla-
tum venio Aris tuis omnes meas

A 3 cogi-

DEDICATIO.

cogitationes, quas in hoc opere
 Hagiophilæ impendi, & nolo, vt
 prius illa in solitudinem ingre-
 diatur, fructumque sancti huius
 secessus iuxta directionem illi à
 me propositam, degustet, quàm
 intelligat, quid tibi debeam, &
 quo iure tuus sim, cùm credam
 hanc operam meam fore inuti-
 lem, nisi prodeat sub tui nominis
 auspicijs. Id verò à bonitate tua
 expecto, vti has omnes paginas,
 eosque, qui illis vtentur, tuis
 prosequi fauoribus ne dedigne-
 ris, & vt me ab aris tuis non re-
 pellas, si non satis expleo debi-
 tum personæ tibi penitus deuin-
 ctæ, quæque cùm in vno domici-
 liorum tuorum sit, maximo iure
 obstringitur, vt honori tuo la-
 bore, præsertim post acceptum il-
 lud

DEDICATIO.

lud recens beneficium, quo me
 ope tuâ benignissimâ à conta-
 gione, quæ Lugduni grassata do-
 mum hanc nomini tuo dicatam
 periculosissimè cingebat, libe-
 rum incolumemque conserva-
 sti. Verùm quidem est: nisi amor
 ipse aut pennam, aut verba sua
 subministret, exprimi non posse
 teneritudines affectuum, obli-
 gationum, desideriorumq; ma-
 gnitudinem, quibus ij, qui Ie-
 sum amant & Mariam, in obse-
 quia tua, & gloriæ tuæ amplifica-
 tionem rapiuntur; abstinere ta-
 men idcirco non debeo, quòd
 videam nihil adorandis tuis me-
 ritis à me dignum adferri posse.
 Beneficia, quæ à te accepi, quæ-
 que in dies à paterna tua beni-
 gnitate mihi conferuntur, minus

DEDICATIO.

nō exigunt, quā huius saltem
debiti testificationem; neque
erat causa, cur hic deessem,
quandoquidem pluris facio,
prosequi te reuerentiā, amore,
& oblatione mei ipsius, quā
Vniuerso imperare, & omnibus
hominum omnium delitijs vo-
luptatibùsque affluere.

Pro.

Pro



ri, quā
agere;
ample
bus nos
serum
reum,
non tot
occupat
fungam
omnes
uni ini
proposi
qua in
tibi de
tionibu
agito, n
& perf
decem
& repr
re, ubi
liceat,

Propositum Authoris,

HAGIOPHILA, didici aliquando à veteri, sed ingenioso scriptore, ad sapientiam nihil aliud requiri, quàm ut benè quis sciat unam personam agere; eo quod multitudo negotiorum quæ amplectimur, & curarum varietas, quibus nos intricamus, dissipat diuiditque miserum cor, palàmque facit inconstantia reum, dum iam illi, iam alteri obiecto nos non totos applicat; cùm si unius tantùm rei occupatio in manibus sit, eadem rectè defungamur, & aliunde liberi cogitationes omnes conferamus in istud negotium, cui uni intendimus. Hec lectio maximè est propositio meo oportuna & ad rem eorum, quæ in usu huius libri à te exigo. Si igitur tibi decretum est propositis hisce Exercitationibus vacare, unam tantùm personam agito, neq; alteri, quàm negotio salutis tuæ & perfectionis incumbere. Huic per octo vel decem dies impende omnes cogitationes, & reputa te in semotissima Eremita degerere, ubi cum solo Deo & animâ tuâ loqui liceat, Omni quidem tempore hanc agere

PROPOSITVM

personam deberemus: verum quia vita nostra ratio id non permittit, semel in anno saltem, optimo, quo potest, modo faciamus. In hisce Exercitationibus anima sanctitatem addiscit, & veluti in munitione securissima soli Deo placere contendit. Hic profectus suo utilissimam locat operam, & cernere, quam alias victoria proclines in malum affectus domat. In hac solitudine eximitur à vana inutilique hominum familiaritate, & eorum vitiorum occursum, quæ conversatione veluti contagione quædam insciunt: in hoc secessu maxima conscientie puritate, & animi pace vivitur, ita ut nihil illius quietem possit perturbare, aut officere pulchre istis luminibus & solidis veritatibus, quas Deus extra tumultum & impedimenta creatura suggerit & docet. Quod si huic inuocationi mea obedis, & tali secessu affueris; en me ad obsequia tua promptum, paratūque tibi huius libelli officio deservire: neque alium apparatus, quam ductoris munus prestabo, qui porrecta veluti manu aliquot dierum spatio te per actiones deducat, quæ iuxta Methodum

thodum
tam
perspect
bac sol
gatua
que M
ritual
sum,
tualiu
alioru
Exerc
uation
quid si
te per
verum
ad au
rias co
minib
laru L
desine
ferio
eaque
mus,
etius p
disur

AVTHORIS.

rhodum à me in monitiis generalibus notatam erunt instituenda. Et verò tibi etiam perspectum sit propositum meum, ducam te hac solitudine per tres vias consuetas, Purgativam, Aluminativam, & Vnitivam; iisque Meditationes, Considerationes & spirituales Dissertationes accommodaturus sum, ut si desit aliorum libellorum spiritualium copia, huius unius lectione possis aliorum defectum supplere: & quia hac Exercitia ad generalem vitam nostram renovationem instituuntur, non solum dicam, quid fieri necesse sit ad vitia vite praterita per annuam Confessionem emendanda, verum etiam quid fieri deinceps oporteat ad augendos Dei fauores, cuiusque gratias copiosius consequendas, deductis Examinibus virtutum particularium, & alacris Devotionibus precipuis, ut cum, quae desint, viderimus, redintegremus tandem serio anima nostra parvam œconomiam, eaque ratione omnia suauiter disponamus, ne mors imparatis obrepit; qui fructus præcipue his Exercitationibus intenditur.

PROPOSITVM

Ita habes proximè, *Hagiophila*, scopum meum: nam quod ad titulum attinet, huic operi praefixum, & ad promptitudinem meam, quâ illud typis euulgo, post tot præclaros scriptores, qui me præcessere, non existimo lumen aliquod à te desiderari: patet idcirco vocari *Solitudinem*, quia qui illa uti volet, *Solitarij* personâ per aliquot dies agat necesse est, omni usu familiaritatèque aliorum, præterquam Dei, excluso: addere possem, quod esse in *solitudine*, & occupare se spiritualibus *Exercitijs*, idem omnino sit, si ad amorem loquendi *ascetarum* attendimus. Quod verò nuncupem *Solitudinem Hagiophila*, idè est, ut ostendam hac potissimum pertinere ad animas sanctitatis amantes, & ad eos, qui impensè statuunt in perfectionem incumbere, siue ij inter Religiosos uiuant, siue inter seculares: cum sanctitas ubiq; obuia sit, & tam hi, quàm illi possint eius fieri participes. Id superest, ut dicam, me non detrectauisse sequi scriptores alios, qui dignius hanc materiam tractarunt; quia cum gustus admodum differentes sint inter tot, qui annis singulis seponunt

AUTHORIS.

nunt alia negotia. ut anima sua vacent,
 tanto electio erit liberior; aut cum nihil
 gratus sit varietate, poterunt nunc esse in
 usu Exercitia praeclarorum illorum viro-
 rum, nunc aliorum, aliquando horum, ali-
 quando istorum, quae commodissima vide-
 buntur. Idem accidit anima gustus, quod
 lingua; Perdix bubulâ melior est: nihilo-
 minus eo sunt nonnulli appetitu, ut hanc illi
 praeponant, aut nunc huius, nunc illius gustu
 delectentur. Hagiophila, tibi eligendi li-
 bertas est; mihi sufficit hac tibi obtulisse:
 quidquid feceris, probabo: modo tandem
 eâ ratione animam tuam disponas, ut mor-
 te accedente omnia sint parata: serius
 enim illa dignoscitur, quando
 praeforibus est.



MONITA GENERALIA.

Legenda pridie, quàm Exercitijs te applices.

HAGIOPHILA, tanti momenti est actio, quam suscipis, cum tota tendat in Dei gloriam, & animæ tuæ commodum, vt importunus videri possim, si eam velim tibi commendare: satis ipsa se commendat absque verborum lenocinijs & rationum adiecto apparatu. Necessè tamen est, vt de quibusdam moneam, quæ tibi reddant iter per hanc solitudinem & commodius, & vtilius ad fructum illum, quem tibi proposuisti consequendum: omnia facilia sunt, ideoque magis amplectenda.

I.

Pridie Exercitiorum sic negotia tua dispones, vt te sancto illo tempore non distrahant, aut ea prius absoluendo, quàm secedas, aut donec secesseris, differendo. Illo tempore tanquam in deserto viuere volumus, vt maiori libertate tantum cogitemus de illo Deo amoris

ris, qui totâ æternitate de nobis cogita-
uit: ideò fieri nihil minus potest, quàm
vt omnes curæ seponantur, quæ men-
tem possent ab illo auertere. Eandem
ob causam nullius admittendum est al-
loquium, quàm Directoris, casu quo ne-
cessitas id exigat: quin & hoc parcè agē-
dum & horis constitutis. Ista verò offi-
cia visitationum, salutationum, aue &
valedictionum, commendationum in-
preces & sacrificia, illa obiter & perpau-
cis dicta, illæ nouorum relationes, illi
occurfus affectati, & similia, quæ non-
nunquam Iunioribus (qui exiguo sunt
in DEVM affectu, & nimio in personas
sibi similes abripiuntur) excidunt, omni-
nò rescindantur, veluti penitus con-
traria illi animi decreto, quo statuere
debemus, nulli nos placere velle, quàm
sponso animarum nostrarum, maximè
eo tempore, quod illi integrum dedica-
mus, vt illum nobis, & nos ipsos illi per-
fectè conciliemus: si contingat nos ege-
re aliqua post sumptum cibum recrea-
tione, fiat, sed cum ijs personis, quæ nos
possint

possint occupare religioso sermone, nos solari, & stimulos ad virtutem adijcere, omnia ex eorum consilio, qui nos morderantur: quin primis duobus aut tribus diebus melius abstinebitur, vt nihil in mentem veniat, nisi detestatio vitæ antea actæ, & temporis inutiliter impensæ ex naturæ nostræ deprauatione.

II.

Procurandi sunt libri nostris vñsibus idonei, quales sunt vitæ Sanctorum, præsertim eorum, qui excellentius DEVM dilexerunt; Opera Rodericij de perfectione; Thomas de Kempis de Imitatione Christi; P. Pinellus de perfectione Religiosâ, alijque similes, quorum lectione potissimum capimur, & qui statui vocationique nostræ maximè congruunt, ita tamen vt ij solùm legantur, qui feriunt cor & pios sensus animis nostris imprimunt, non verò illi noui moris, qui potius auribus delicias faciunt, quàm cor perstringant: si tamen forent admodum spirituales, in vsu esse possent. Quod si contingat deesse libros tam vtilis, in eo-

rum

rum locum venire poterunt Dissertationes illæ, quas hîc inferui, vt explerem defectum aliorum, qui omnibus ad manum non sunt, & maximo tamen emolumento legerentur. Singulis diebus binas attribuo, quarum vna à prandio, altera à cæna relaxationis loco legi possit, modò suscipiatur integra exactaque solitudo, neque isto tempore lubeat cum aliquo colloqui: si tum non leguntur, nulla erit iactura, cùm aliàs resarciri possit; tam prolixæ non sunt, vt absolui nequeant eo tempore, quod spirituali lectioni destinatum est.

III.

Exercitiorum tempore requiritur inusitata Pietas, & deuotio: Primò visitando Venerabile Sacramentum, minimum quotidie quiniæ, vt illud adores, vt cor tuum cum otio illi pandas, vt frequentibus tuis precibus illud sollicites: si hæc visitandi commoditas desit, suppleri potest corpore in aliquam Ecclesiam, in qua asseruatur, conuerso. Secundo, frequenti inuocatione eius Sancti,

ſti, quem pridie tuorum Exercitiorum
 Protectorem, & Patronum elegiſti.
 Tempus matutinum, quo Venerabile
 adibimus, eius inuocationi erit oportu-
 niſſimum. Electio ſit pro affectu & pro-
 penſione, quâ in alios atque alios San-
 ctos feremur. Neque dubito, quin S. Io-
 ſeph, S. Alexius, & ſimiles excellenti ſan-
 ctitate Cælites, aliquē in hac Electione
 locum habituri ſint; dedita opera S. Io-
 ſephum primò nominaui, quòd ſingu-
 lari quodam ſubſidio adſit ijs, qui hanc
 ſolitudinem ingrediuntur; id ſaltem tri-
 ginta & ampliùs annorum ſpatio, ob-
 ſeruauimus, neminem eorum, qui ſe, in
 Domo Societatis Ieſu Lugduni, quæ ab
 illo nomen habet, Exercitijs ſpirituali-
 bus excolendos tradidere, vnquam illo
 tempore, morbo fuiſſe afflicto, etſi
 plerumque, menſis integer ijs impen-
 datur; imò fuerunt, qui valetudinem
 etiam labefactam eâ Exercitatione per-
 ſanarunt. Noui aliquem continuo ca-
 pitis dolore vexatum, ſimul atque eam
 ſuſcepit, ita conualuiſſe, vt feliciffimè
 pere-

peregerit. Si tantam Sanctus iste operam confert corpori, quid non animæ præstabit? Tertiò, per amorosas Deteſtationes vitæ tranſactæ & tepiditatis, quæ nos & bonis maximis ſpoliauit, & in antiqua vitia egit præcipites. Commodiſſimè tamen id fiet quatuor primis diebus, qui Viæ Purgatiuæ annuæque Confeſſioni, de qua ſuo loco dicam, ſunt assignati. Quartò, per Communiones, die Confeſſionis generalis, aut poſtridie; die ingreſſûs, aut exitûs Exercitiorum, aut alijs, quos Deus ſuggeret, & ij, quorum ductum ſequimur, approbabunt. Quintò, per quaſdam corporis afflictationes, diſciplinas, cilicia, cingula, armillas, abſtinentias, ieiunia, mortificationes in quantitate, vel qualitate ciborum, iuxta facultatem nobis permiſſam, & vt feruor animi promptæque voluntas nos ſtimulabit. Sextò, ſancta conſtantique perſeuerantia, quantum valetudo patietur, per octo, vel decem dies; maximè cùm Paulus V. Religioſis plenam Indulgentiam addixerit, qui decem
totos

totos dies impenderint. Vnde materiam pro totidem diebus diuisi, in gratiam eorum, qui eò contendunt: ita tamen, vt quibus octo dies sufficiunt, in octauo consistant; quandoquidem huius diei Meditationes ad concludendum sint, æquè idoneæ, ac istæ aliorum duorum subsequen-
tium. Suadeo nihilominus, vt quisquis finit octauo die, reliqua nono, decimoque die præscripta, attentè postea perlegat: expendatque.

IV.

Verùm in his pietatis officijs potissimum requiro, primò, vt diligenter faciamus non solum Examina conscientie generalia, vt vocant, & particularia: vt rectè, quales simus, quidque nobis desit, discernamus; sed etiam illa Examina virtutum, quas in dies singulos propono, veluti speculum, in quo videamus nos parum in virtutibus promouisse, & vnde accendamus ad animas nostras Sanctorum operibus exornandas, cum firmo & generoso animi decreto vsurpandi eas pro Examine particulari, quibus

bus nos maximè indigere deprehendimus. Secundò, vt quotidie assumamus tesseram aliquam spiritualem, hoc est, pulchram breuèmq; sententiam, axioma luculentum, quod centies in die, in cubiculo, foris, eundo, redeundo, & quâuis aliâ occasione iteretur. Simile verbum aptum est ad nos in diuino obsequio excitandos, subiiciendumque illum animo ignem, quo sanctiores carent: conabor dare semper congruam materiam meditationi, quæ si palato tuo non arridet, plura sunt eiusmodi, quæ deligere tibi possis. Tertiò, vt sensu affectuque eodem expendas additas Considerationes, quo Meditationes: cum experientia mihi, probatissimum sit, illas tantundem atque has, & nonnunquam ampliùs efficere. Vt te tamen ijs occupes eâ attentione, quâ Orationes peraguntur, non est opus; imò liber esto situs corporis, aut stes, aut sedas, aut etiam deambules per cubiculum, vt placidè commodèque notata puncta perpendens & ruminans, acceden-

dentibus Spiritûs sancti illustrationibus plurimos affectus, & optima ad proficiendum, & ad animæ tuæ tranquillitatem & solatium proposita elicias. Quartò, vt quotidie innoues propensam tuam voluntatē erga salutare quādam praes, in quibus per omnem vitam exercere te decernis; qualis est deuotio erga Augustissimam Trinitatem, B. Virginem, & alia, quas tibi in memoriam reuocabo. In eam rem seruire possent: *a Paradisus apertus; sanctus apud IESVM fauor; utile cum calitibus foedus* quæ sunt tria opuscula à me tibi elaborata, quæque deuotiones proponendas reddent expeditiores.

a Le Paradis ouvert; la sainte faueur auprès de IESVS; la riche alliance avec les saints de Paradis.

§. V.

De Intentione, quam in hoc secessu habere oportet, quæque alia esse non debet, quam vt imperfectiones nostras corrigamus, nouumque robur ad virtutes, maxime Amorem Dei comparandum

dum resumamus; de electione personæ,
quæ nos dirigat, iunet, soletur, cuique,
omnes difficultates nostras pandamus,
vti è re nostra esse videbitur; de commu-
ni illa Instructione, ne Meditationes,
aliâque hîc proposita ex curiositate per-
currantur, sed vt legantur tum studiosè,
quando ijs vtendum est; vtque inter me-
ditandum illi maximè puncto inhærea-
mus, quo nos vehementius affici aduer-
terimus, deque alijs similibus, quorum
pleni sunt libelli, qui artem meditandî
docent, nihil est, quod dicam. Mihi cum
Hagiophila rerum omnium istarum pe-
ritâ sermo est. Quantum ad materiam
Meditationum, quam accipio, ne illam
quidem video hîc collocandam, vti ne-
que Dissertationum, quod suis omni-
bus locus deputatus sit, aut in Tabella
præmissa in gratiam eorum, qui antici-
pata nosse desiderant, videri poterunt.

VI.

Quod ad temporis distributionem
spectat, difficile est talem præscribere,
quæ omnibus arrideat, & singulis vsui
esse

esse possit, quandoquidem sint, qui tres tantum Meditationes in diem desiderant, alij quaternas velint; nonnulli septem horas somni requirant, alij octo; nonnulli Communitatis legibus ratione statûs sui adstringantur, alij liberi sint; spero me tamen omnibus facturum satis, & æquus videri possum, cum cuiusque postulatis assentiar. Qui octo horas quietis exigit, habeat; tantum coarctet tempus Lectionum, aut Orationum vocalium, & cuncta in idem recident. Magnum à corpore obsequium expectamus, cedamus illi hunc somnum, blanditijs illud obstringamus; ob rem tantillam ne reddamus illud languidum ineptumque, neque efficiamus, ut toto die cogatur oscitare. Quoad Meditationes, existimo ternas sufficere, cum Consideratione, quæ si benè peragatur, quartæ Meditationis vicem & fructum præstabit: si quaternas vis, & satis firmo capite es, permitto, quartam facias ex duarum præcedentium Repetitione, quod tantopere in suis Exercitijs laudat

S. Igna-

S. Ignatius
Superest
fit, si vi
capit au
te alijs
quæ pos
prius vo
satisfact
quâ die
aut Exa
cassies, &
remoue
sio exig
maxima
totam c
compos
multa te
serio quâ
velim, &

Loqu
poris, &
deamus.
tidie hab
Octo ian

S. Ignatius, & numerum tuum habebis. Superest vt dicam, quid agendum tibi sit, si viuis in Communitate, quæ cibum capit aut seriùs, aut citiùs; accommoda te alijs; ante cibi sumptionem expedi, quæ post fecisses; aut postea fac, quæ priùs voluisses expediuisse, ita tibi erit satisfactum; quo etiam modo facies ali- quâ die ieiunij, præsertim Lectionem, aut Examen virtutis, cui aliàs postea vacasses, & sic de cæteris: promoue, aut remoue, produc aut contrahe, vti occasio exiget: vtinam hæc in tuis exercitijs maxima sit molestia! & æquè facile te totam consecres, atque hæc difficultas composita est! prælagit enim animus, multa te tergiuersatione vsuram prius, seriò quàm te dones. Falli nihilominus velim, & iudicio errare.

VII.

Loquamur de ista distributione temporis, & ordinem, qui teneri debet, videamus. Viginti quatuor horas quotidie habemus, quæ disponendæ sunt. Octo iam tum quieti assignauimus: tres

B

Medi-

Meditationibus, vna considerationi de-
 betur, vna duplici refectioni, duæ vtri-
 que recreationi à prandio & coenâ; duæ
 Lectioni spirituali, nisi, cui septem hora
 somni sufficiunt, tertiam addere placeat.
 Vna tum pro sacro, tum pro duobus
 conscientiae Examinibus, vna pro Ora-
 tione vocali partim matutinâ, partim
 pomeridianâ iuxta cuiusque obligatio-
 nem, aut peculiarem erga Rosarium aut
 Officia B Virginis, S. Iosephi, Angeli cu-
 stodis, & aliorum Sanctorum deuotio-
 nem; vna pro animi relaxatione, quan-
 do à meridie fieri licebit, aut alio nego-
 tio, quod maximè videbitur; siue ad cor-
 poris aliquam exercitationem, laboran-
 do aut in horto deambulando, siue ad
 conferendum cum Directore, siue ad
 vtrumque, aut aliud, quod ex vsu tuo
 erit. Vna detur tum Examine virtutis,
 quam hodie proponam, tum decernen-
 dæ, aut exercendæ alicui deuotioni,
 quam notabo Vna pro semiquadranti-
 bus, vel quadrantibus horæ, qui requi-
 runtur tum ad recollectionem post Me-
 dita-

dianes f
 par. q. ne
 quum di
 sua. Atqu
 art. recte
 gir. quat
 reg. n. Si
 cui est, i
 ra. aut
 auct. helle
 min. us, q
 bens aut
 ribi. aut
 Au. oris p
 com. que
 hil. in. can
 nis. perib.
 tim. honi
 fiet. & con
 ad. h. illi
 rog. diuina
 ten. momen
 tur. si que p
 quelliter, a
 ama. & cor

ditiones faciendam, tum ad eius præparationem; tum ut quis se vespere ad quietem disponat, tum ut mane se vestiat. Atque hæc omnia, si numerandi artem rectè calleo, proximè horas viginti quatuor conficiunt, id est, diem integrum. Si quid subinde temporis vacuum est, impendatur visitando Venerabili, aut legendo Thomæ de Kempis, aut Pinello, libro temerè aperto; aut luminibus, quæ Deus immiserit, describendis aut Orationi pro tuis benefactoribus, aut relegendis hisce monitis, & Authoris proposito, aut tesseræ centies centiesque repetendæ; quæ dico, ne nihil omittam & ut tradam tibi diem bonis operibus refertum: offerens tibi ultimi moniti loco, ut cum privilegium sit tui seculi, statim & è vestigio adeas ad Sanctissimum Sacramentum, ibique roges diuinam bonitatem, ut in opere tanti momenti tibi adesse ne dedignetur, illique pandas animi tui decretum, quo aliter, atque hactenus, illum statuis amare, & complecti.

TABELLA
MATERIARVM HOC OPERE
CONTENTARVM,

**PRIMO DIE EXERCITI-
 TIORVM.**

De Fine, propter quem creati
 sumus,

- I. Meditatio. *De fine, & beneficio Creationis nostrae.*
 - II. Meditatio. *De Amore, quem reddere Deo debemus.*
 - III. Meditatio. *De Servitute, quam debemus Deo.*
 - I. Dissertatio. *De fructu Solitudinis cum vita communi consistentis.*
 - II. Dissertatio. *De spiritu secessus, & collectionis interna, quae est vera, & appetenda Cordis Solitudo.*
- Consideratio pro primo die.*
Examen circa Amorem & Charitatem Deo debitam.

SECUNDO DIE.

De Detestatione vitæ antea factæ.

I. Meditatio. De horrore peccati mortali.

II. Meditatio. De conditione peccatorum venialium, & quanto ea studio declinanda sint.

III. Meditatio. De fructibus vera penitentia.

I. Dissertatio. De Confessione annua & extraordinaria.

II. Dissertatio. De Examine ad Confessionem annuam directo.

Consideratio.

Examē de Amore, & Charitate proximis impendenda.

TERTIO DIE.

De miserijs vitæ tepidæ, & in Dei servitio languentis.

I. Meditatio. De miserijs & damnis vitæ tepidæ.

II. Meditatio. De damnis, quæ proveniunt

*niunt ex adionibus tepidè & ex co-
suetudine factis.*

III. Meditatio. *Motiva ad fervorem &
perfectiorem consequendam.*

I. Dissertatio. *De Confessione ordinaria.*

II. Dissertatio. *De spiritu fervoris erga
actiones etiam heroicis.*

Consideratio.

Examen de diligentia spiritali.

QVARTO DIE.

*De ijs, quæ homini in extremis
accidunt.*

I. Meditatio. *De Morte.*

II. Meditatio. *De iudicio particulari.*

III. Meditatio. *De Purgatorio.*

I. Dissertatio. *Plurimum referre, per se
esse Mortis qualitates.*

II. Dissertatio. *Prodesse ad benè morien-
dum. Tempus vtiliter impendere.*

Consideratio.

Examen circa Humilitatem.

QVIN.

QVINTO DIE.

De virtutibus in Infantia, & vitâ latente
Seruatoris nostri imitandis.

I. Meditatio. *Quod Deus nobis dederit
Filium suum, ut eius virtutes imi-
temur.*

II. Meditatio. *De Paupertate Filij Dei
Infantis.*

III. Meditatio. *De vita occulta Filij Dei,
& eius obedientia per annos octodeci-
cim.*

I. Dissertatio. *De particularibus Amicitij.*

II. Dissertatio. *De felicitate vita occul-
ta.*

Consideratio.

*Examen circa Simplicitatem & candorem
Animi.*

SEXTO DIE.

De virtutibus imitandis in vita Aposto-
lica Christi IESV.

I. Meditatio. *De Humilitate Filij Dei.*

B 4

II. Me-

II. Meditatio. *De Comitatu & Mansuetudine eiusdem.*

III. Meditatio. *De Zelo Filij Dei erga salutem animarum.*

I. Dissertatio. *De Mansuetudine.*

II. Dissertatio. *De respectibus humani. Consideratio.*

Examen circa Mansuetudinem.

SEPTIMO DIE.

De virtutibus in Passione & Morte Christi imitandis.

I. Meditatio. *De Resignatione Filij Dei tempore Passionis.*

II. Meditatio. *De Amore eiusdem erga proximum.*

III. Meditatio. *De Patientia Filij Dei.*

I. Dissertatio. *De Mortificatione.*

II. Dissertatio. *De Lingua.*

Consideratio.

Examen circa Patientiam.

OCTAVO DIE.

De Amore, quem Deo debemus.

I. Meditatio. *De Motibus ad amandum Deum.*

II. Meditatio. *De Conditionibus veri Amoris Dei.*

III. Meditatio. *De Exemplis Sanctorum in amando Deo.*

I. Dissertatio. *De curâ minimorum.*

II. Dissertatio. *De felicitate Vocationis Religiosæ.*

Consideratio.

Examen circa tria vota Religionis.

NONO DIE.

De Conformitate nostræ voluntatis cum Diuinâ,

I. Meditatio. *De incitamentis ad conformandam nostram voluntatem cum diuinâ.*

II. Meditatio. *De excellentijs & prerogatiuis huius conformitatis.*

III. Meditatio. *De Exemplis Sanctorum in hac Conformitate.*

- I. Dissertatio. *De damnis voluntatis propriæ.*
 II. Dissertatio. *De felicitate eorum, qui se Deo totos tradunt.*
Consideratio.
Examen de Sobrietate.
-

DECIMO DIE.

De Amore erga Venerabile Sacramentum.

- I. Meditatio. *De Amore, quem Deus in Venerabili Sacramento nobis testatur.*
 II. Meditatio. *De Amore, quem nos Venerabili Sacramento debemus.*
 III. Meditatio. *De tribus admirandis qualitatibus Venerabilis Sacramenti, quæ nobis illud reddunt amabile.*
 I. Dissertatio. *De Communione.*
 II. Dissertatio. *De desiderio Sanctitatis & profectus spiritualis.*
Consideratio.
Examen de Modestia.

P R I M V S D I E S
EXERCITIORVM.

*De Fine, propter quem creati
sumus.*

CVM deceat ante omnia emundari
animas nostras, & tolli, quidquid
mali residet in nobis, dabis, Hagiophi-
la, hunc & tres proximos dies viæ Pur-
gatiuæ; inde ornabis te virtutibus ex
consideratione triduana Vitæ & Exem-
plorum, quæ nobis Seruator noster pro-
posuit; atque hi dies ad vitam illumina-
tiuam pertinebunt. Reliquum quod erit
temporis, impendes, vt te vnias dilectis-
simo sponso animarum nostrarum, id-
que per semitas viæ vnitiuæ, quibus te
deducemus. Hæc agenda tibi sunt,
quamdiu in ista solitudine delitesces.

Hoc die, quod neque reliquis diebus ne-
gligentes, primùm saluta Venerabile
Sacramentum, si domi tuæ illud asser-
uatur: ab hac visitatione præpara te se-
quenti Meditationi.

PRIMA MEDITATIO PRIMÆ DIEI.

De fine & beneficio nostra Creationis.

ORationem præparatoriam in hac Meditatione, & reliquis omnibus comitetur profunda animi demissio, quâ postules à Deo gratiam, vt hora Meditationis benè & cum fructu impendatur, vtque omnes animæ potentix ritè munere suo defungantur; Memoria, suggerendo quidquid facit ad propositam materiam, Intellectus, penetrando occurrentes veritates; voluntas resol- uendo se ad ea, quæ ad maiorē Dei gloriam, & vtilitatē tuam esse videbuntur,

I. Præludium. Imaginare regem aliquem, qui è vilissimo Pago eductum rusticellum Aulæ suæ non tantum proponit, verum etiam inter intimos adoptatum ijs afficit honoribus, diuitijs & favore, qui solis Regni primatibus donari consueuere.

II. Præludium. Pete lumen à Deo, vt cognoscere possis gratias, quas te creando tibi contulit; cum eæ sine compara-
tione

tionem maiores sint, quam si Rex aliquis te de luto & fimo sublatam ad summos honores & gloriam euexisset.

1. *Punctum.* Creauit Deus animam, meam eo fine, ut illum amem, ei que seruiam; & ut eum amando ei que seruiendo fiam capax gloriæ cælestis, ubi eum videam, & amem æternum sine ullo ullius mali periculo, imò in possessione omni boni, & felicitatis. Non alium ob finem in mundo sum. O quantum hinc debeo sic amanti Creatori! Angeli propter illum sunt, & ego. Maria sanctissima illius Mater, & omnium creaturarum rerum nobilissima est propter illum, & ego. Deus ipse non alium sibi propositum finem habet, quam seipsum, ipse & meus finis est. O anima mea, inter creaturas omnes ingratiissima es, si tanti beneficii magnitudine non tangeris. Es perfidissima, si non persequeris finem tuum: si non istud agis, propter quod in Mundo es. Ipsum cælum, ipse sol, ipsa Elementa & Creaturæ omnes Deo obtemperant, & ad finem suum contendunt,

dunt, præter te vnâ, ô anima mea! sed non sic impoſterum. Actum eſt, Deus meus, nolo amplius eſſe de numero rebellium tuorum: nolo alias deinceps cogitationes, nolo intentiones, quæ non ad ſeruitiũ tuum dirigantur.

II. *Punctum.* Quando Deus creauit animam meam è nihilo, poterat creare infinitas alias, quas tamen in nihilo ſuo reliquit, neque vnquam educturus eſt. Ah anima mea, quo tuo opere diuinam bonitatem excitaras, vt hoc tibi beneficium conferret? & nunc quantum illi debes propterea? an non conſtanti animi gratitudinem, ſeruitium & amorem? ſed hæc fortasſe cogitatio animum tuum hætenus non pupugit, pungat ſane impoſterum; & iam nunc obſtupeſce hanc amabilem bonitatem, hoc opus amoris incomparabilis, quo te Deus dilexit, dum eſſe te voluit, tot alijs in ſuo nihilo relictis.

III. *Punctum.* Quando Deus ex nihilo produxit animam meam, inter innumeras illas, quas creare poterat, & quas

quas
fuer
tia &
amali
dillen
perpe
etis m
huic
doler
mas,
Deur
non
æqua
nam
Vrſu
bus
cum
ceret
rum
poſte
Ape
tanti
prop
C
Trin

quas tamen nunquam producturus est, fuere plurime, quæ me fidelitate, sapientia & sanctitate superassent; quæ illum amassent ardentius, quæ minus offenderent, quæ maiora pro illius honore perpetrassent; & nihilominus ijs neglectis meam selegit, ut illam crearet, & huic corpori commodaret. An non dolendum est, tot tamque præclaras animas, quæ tanta vitæ sanctitate, tanto in Deum suum amore floruisent, creatas non esse? nonnullæ sine dubio illarum æquassent S. Tereciam, aliæ S. Catharinam Genuensem, aliæ S. Benedictum, S. Ursulam, S. Ignatium. alios aliæ virtutibus etiam anteuissent. O anima mea, cum locum illarum occupes, an non deceret te vivere eo ritu, quo aliqua illarum vixisset? quid igitur decernis imposterum, qua ratione vivere statuis? Aperi mentem tuam Creatori tuo, & tanti beneficij magnitudinem solidis propositis & resolutionibus adæqua.

Colloquium Primò age gratias SS. Trinitati pro beneficio Creationis. Sec-

cun-

cundò roga Beatissimam Virginem Matrem, quæ tam singulariter in finem suum tetendit, vt tibi adsit in propositis tuis. Tertio recurre ad aliquem Patronum tuum his similibusue verbis: sic est, Patrone mi, vitio meo accidit, quod tibi similis non sim! vtinam parem amorem, parem humilitatem, & parem sanctimoniam haberem! Pater, Aue.

Peracta Oratione instituenda Recollectio est, & quædam reuissio Meditationis, quomodo successerit, quem fructum hauseris, qui defectus sese insinuarint. Fieri potest deambulando per cubiculum, aut alio quouis commodo corporis situm: plerumque illi medius quadrans impenditur. Concludes illam denique, deprecando defectus, qui in Oratione admissi sunt, & pollicendo vsum eorum luminum, quæ tibi Deus largitus est, eorumque propositorum, quæ concessisti.

A Recollectione deliges tibi Tesseram aliquam spiritalem, quam in die vsurpes: seruire tibi hodie potest illa D. Augustini DEVM alloquentis: Va tempori illi, in quo non amamus te. illam extemplo decies itera, ac deinde quoties per diem lube-

Iubebit; lubeat verò frequentissimè & ubique, ut animum tuum teneat occupatum, suggeratque tibi suaves conceptus & amantia ad illum suspiria, quem heu! serius amasti. Si hæc tesseræ tibi non aridet, aliam tu delige, ista hoc & sequentibus diebus arbitrio tuo commissa libertas est; sed delige pulchram, piam & breuem, & plus centies in die repete. Aliud eiusdem D. Augustini dictum: *Domine, inquietum est cor nostrum, donec requiescat in te*, affectu plenum est, & huic diei opportunum. Vide an præ alterâ tibi sapiat.

Sequitur Oratio vocalis, aut officij ex obligatione recitandi, aut Precum aliarum siue Rosarij, siue Officij B. Virginis aut S. Iosephi, aut alterius.

Hinc ad sacrum te præpara & Communio: nem, si forte ea frui felicitate debeas.

A Sacro lege librum spiritualem, aut hanc subiectam Dissertationem, (nisi malis illam differre in tempus recreationis post sumptum prandium) aut aliud ali- quid, prout tibi post Dissertationem designabo.

DISSERTATIO SPIRITVALIS
MATVINA.*De Fructu Solitudinis cum vita com-
muni consistentis.*

H Agiophila, cū iam in solitudine
sis, & paruo cubiculi tui deserto;
patieris me tribus verbis excurrere in
comendationem vitæ solitariae, vt tantò
facilius tui secessus felicitatem agno-
scas, vtque deinceps maiore animo sta-
tuas subinde in Eremum conuertere,
cellulam tuam, quod mediū præsen-
tissimum est, ad illam cordis solitudinē
& collectionem internam, in qua rerum
spiritualium Magistri plurimum mo-
menti ad profectum animarum consti-
tuunt, acquirendam. Nunc de priore,
seu externa solitudine agamus, à pran-
dio de altera tecum disseram.

Iam nunc securus sum, tibi futuram
cordi hanc vitam: qui enim animo per-
pendit suauem conditionem solitarij, &
deserti delicias, non potest non propen-
sissimo affectu in solitudinem inclinari.

S. Hieronymus, si quis alius degustaue-
 rat voluptatem omnem, quæ posset ex
 hominum usu & familiaritate proueni-
 re: ille tamen ipse, simul atque auram
 deserti delibauit, ah! nemo, inquit, mihi
 ingerat urbium frequentiam, conuer-
 sationem hominum, foëminarum occur-
 sum, & similibus creaturarum impor-
 tunitatem; nullus cum solitudine con-
 ferri locus potest, hic mille molestijs ex-
 emptus sum, hic occasionibus Deum
 offendendi careo, hic secretò & ex ani-
 mi sententia cum Deo meo conuersor.
 Nullus interpellator auocat, nulla red-
 hibenda sunt officia, nullis litteris pe-
 tor, quibus respondere sit opus, nulli at-
 tendere necesse est nisi Deo & mihi: de-
 nique hic delicias omnes reperio, hic
 calicas prælibo voluptates. *Oppidum
 mihi carcer est, & solitudo Paradisus.*
 Et reuera solitudinem gratam esse oportet,
 cum S. Ioannes Baptista ab incu-
 nabilis eam adiuuerit, pluribusque an-
 nis coluerit; ille, inquam, inter natos
 mulierum maximus, Sancta Magdale-
 na,

na, etsi singulari iam gratia valeret apud Christum, aliam sedem non elegit, & sic triginta annos, qui reliqui erant vitæ, voluit transigere. Carolus huius nominis postremus Imperator, postquam regna sua in Philippum filium deriuasset, eandem non minore gloriâ, quàm animi voluptate amplexus est, vt annalium nostrorum scriptor asserere audeat, Carolum maiorem fuisse in sua Eremo, quàm in Imperio. Eius nepos Philippus Tertius reipsa quidem id non præstitit, sæpius tamen in hæc verba prorupit morti vicinus (quantumvis vitam duxisset innocentem) vtinam Corona caput non cinxisset! poenitet fuisse Regem! melius in aliquo deserti angulo, extra mundanorum negotiorum tumultum, extra commercium hominum vixissem. Nondum lubet, Hagio-phila, centies iterare? viuat desertum, viuat solitudo! id tamen à te modò non exigo, non adeuntur amplius deserta; extra vsum iam eæ solitudines sunt: ad aliam te magisque commodam inuito; nîmi-

nimirum ad Cellule, ad Cubiculi, ad domus tuæ solitudinem, in qua subinde à cæterorum hominum commercio se iuncta cum Deo & Angelo tuo tutelari sola verferis. Neque auctor sum, vt illic te semper contineas, sed quantum poteris, & quantum id officium tuum & occupationes patientur. Si seruitio diuino mancipata es in domo religiosâ, singulari affectu eellulam tuam complectere. Ne sis ex eorum vagorum, inquietorum, & libertinorum numero, qui in angulis omnibus reperiuntur, ad portam frequentissimi, vt obseruent intrantes exeuntesque, vt quid fiat, quid dicatur; explorent. Tu in cubiculo tuo te contine, & ama secessum & solitudinem, quando id temporis ratio exigit; ne per domum vaga discurras, sed ex cubiculo tuo paruulam Eremum construe. Si verò secularis es, secede in conclaue tuum, minimum semel iterumque per diem, potius quàm vt curiositati tuæ ad portam, in fenestris, in horto facias fatiſ. Recipe te ad orandum, ad cogitandum

dum de diuinis tuisque rebus, ad legendum libellum aliquem spiritalem, agendenique Eremitam, ex animo, vt insignem aliquam sanctitatem consequaris, fruarisque Solitiorum felicitate, vnâ saltem quotidie horâ.

A multis studiosè inquiritur: vbi nam locorum aer sit saluberrimus, suauissimus, iucundissimus? alij asserunt in monte Olympo, alij in Arabia felici, alij alia loca assignant: cuiusque quod volet definiat, mea sententia est, aerem cellulae esse saluberrimum, suauissimum, & maximè utilem illi, qui magnos facere in virtutibus progressus, se Deo penitus tradere contendit, & quidni? post Choros, Aedículas & Tempia, in quibus seruator noster quiescit, nihil reperio augustius, nihil præstantius cellulâ & conclauis alicuius probæ animæ, modò in illud tanquam dilectissimam suam solitudinem subinde se subducatur. Vt dictis fidem faciam, audi, Hagiophila, opinionem meam de cellulae tuæ excellentijs: quid illam esse arbitraris? E-

remus

remus est paruula in medio Ciuitatis^m
alicuius, in qua tu anachoretam agis,
quamdiu tibi libuerit illic commorari.
Illic sine teste peragis tua pietatis opera,
tuas deuotiones, nemine obloquente;
illic humiliter terram deoscularis, illic
adoras seruatorem tuum, eiusq; vulneri-
bus labia affigis, quod alibi, & in homi-
num oculis non auderes. Illic oculos in
Cælū extollis, iungis manus, pectus pul-
sas absq; metu humani respectus, eiusq;
pessimi verbi, *quid dicitur?* denique agis
illic omnia, quæ solitarius in eremo sua
perageret. Quid enim obstat? Quid Cel-
lula? conclaue est diuini amoris: in eo
mille suspiria iacularis in cælum, in di-
lectum sponsū tuum, nemine, extra il-
lum, conscio; in eo pandis illi minutulas
molestias tuas, amantia vota tua, inno-
centes & castos affectus tuos; in eo cum
sanctissima eius Matre misces sermones,
cum Angelis, cum illius intimis, ad eius
gratiam & fauorem promerendum; in
eo extra omnem garriendi, nugandi,
murmurandi, detrahendi, mentem tuam
dissi-

dissipandi, tempus & conscientiam pro-
 digendi occasionem constituta, illum,
 amanti gratoq; animo compellare po-
 tes, & dicere: O felicem; Deus meus,
 cui ad te offendendum desunt irrita-
 menta! Quid censes esse cellulam? ex-
 mente Diui Bernardi Cælum est. *Celi &*
Cella, inquit, habitatio cognata; Cella &
Calum cognationem habent neminis, sic &
pietatis Calum dicitur à celando, & quod
celatur in celis, hoc & in cellis; quod qua-
ritur in celis, hoc & in cellis, nempe va-
care Deo, frui Deo; Angeli Dei cellas ha-
bent pro celis & aquè delectantur in cel-
lis atque in celis, à cella in calum ascendi-
tur. Cella terra sancta est & locus sanctus,
ibi anima Deo iungitur. Quid glorio-
 sius dici potest in commendationem so-
 litudinis, quæ in cellæ custodia habetur?
 quid optatius, quàm in via esse, qua ad
 cælum itur? à Cella ascenditur in Cæ-
 lum. Cætera prosequamur: Cubicu-
 lum (præsertim animæ virtutibus dedi-
 tæ) Tempellum est, & sacra ædícula, cu-
 ius, qui in illa comoratur, sacerdos est,

&c.

& administer. Oratorium vicem subit,
 aræ principis, Imagines & pictura Chri-
 sti cruci affixi, & B. Matris, aqua lustra-
 lis non desunt : eadem prope peragun-
 tur, quæ in Ecclesijs, imò teste eodem
 Bernardo: *In templo & in cella diuina tra-*
flantur, sed crebrius in cella. Cubiculum
 est hortus deliciarum, & area præstan-
 tis animæ: hic illa recreat se suauissimo
 vsu piarum cogitationum; nunquam in-
 nocentiùs suis affectibus indulget quàm
 quando sola est, & à creaturarum tu-
 multu seiuncta. Nimirum *Cogitationes*
robusti semper in abundantia. ait sapiens,
 & vt alij vertunt: *Cogitationes collecti.*
 Qui enim Collectus est, & secessum au-
 ramque cubiculi sui diligit, sanctis &
 pijs cogitationibus abundat. Cubicu-
 lum est Tablinum animæ, vbi illa rei suæ
 spirituali attendit, vbi omnia ad calcu-
 los & rationem reuocat, expendit quid
 habeat, quid desit; vbi de componendis
 suis imperfectionibus, vitijs & affecti-
 bus deliberat. Solitudo similibus actio-
 nibus maximè idonea est, cum per eam

animus in se facillè reducatur. Huius opinionis etiam fuere Ethnici, ex quibus Poëta canit: *Tecum habita, & non quam sit tibi curia supellex.* Conclauē est illi, qui eo veluti solitudine quadam delectatur, non conclauē, sed aula congressus & colloquij cum Angelis & sanctis. Quantumuis illic quis solus sit, optima tamen Societate stipatur, minimum quatuor personarum, Patris, Filij, Spiritus Sancti; & Angeli Tutelarīs. Vt merito dici hic possit: *Numquam minus solus sum, quam cum solus, cum fruar eorum consortio, quorum vnus multis millibus mortalium antecellit, & verò sum cum tanta satisfactione illius, qui cor meum possidet, vt si alius interpellator se ingerat, præpediatque solitudinem meam ægrè laturus sit, & consuetos fauores subtrahaturus.* Vir sanctitatis fama celeberrimus singulariter Annuntiatīs Bituricensibus commendabat, vt ab ingressu cubiculi alieni abstinerent, quod à Religiosa didicisset: IESVM illam inuisere solitum, noluisse amplius re-

uer-

uerti, postquam nonnullas alias in suum
cubiculum admisisset; factiq; rationem
addidisse. quod sponsus probè zeloty-
pus sit sponsæ suæ, neq; alteri, quàm sibi
præberi aditum patiatur. Conclauē, si
illud diligis, arx est aduersus hostes mu-
nita æquē atque secura. Tribus fortissi-
mis & molestissimis inimicis nos impeti-
aiebat S. Antonius, Oculis, Auribus, &
Lingua. At si Cellam meam custodiam,
cūm neminem videam, nihil audiam, &
silentium accuratum sit, summa fruor
tranquillitate & pace. Denique Cubi-
culum Paradisus est, & quietis locus de
quo iure meritissimo idem dicere possumus,
quod Hieronymus de suo deser-
to: *Mibi cetera carcer, & solitudo Para-*
disus. Id saltem non ignoro, pientissi-
mum Thomam de Kempis non alibi,
quàm in Cella securiorem quietem, ma-
iusq; solatium inuenisse. Verba illius
sunt, quæ grandioribus descripta chera-
cteribus tibi semper ob oculos versari
deberent: *In omnibus requiem quæ sit*
non inueni, nisi in angello cum libello. Ha-

giophila, nonne iniurius tibi fuisset si
te celassem singulares illas prærogati-
uas, & felices excellentias, quas ex cu-
biculi tui solitudine consequi potes? sa-
tis dixisse me puto, ut te eius amore in-
flammarem, & ut cognosceres, magno
sibi damno esse eos, qui continere illic
se nequeunt, seque cuiusvis obuij arbi-
trio indulgent. Nonne felix es, quod
per dies aliquot te ad Cellæ tuæ solitu-
dinem obstrinxeris? si me audis, præ-
stabis idem annis singulis. Imò am-
plius, singulis mensibus integrum aut
medium diem delige, quo Eremitam a-
gas, & seclusis tantillo tempore negotijs
omnibus, nullam aliam, quàm de Deo
& conscientia tua cogitationem admit-
tas. Principio cuiusque mensis tempus
ad hoc opportunissimum est, ubi fructus
referes eximios; saltem perspicias statum
animæ tuæ, num in propositis tuis fue-
ris constans, num ad mortem, quæ ma-
gis passibus accedit, sis præparata. At-
que is affectus annuæ & menstruæ se-
cessionis procedet à quotidiana illa cel-
læ cu-

la custodia, quam hac dissertatione proposui. Quo ut efficacius te permoueam, finio verbis elegantissimis S Bernardi : *O anima sancta , sola esto , ut soli omnium serues teipsam , quem ex omnibus tibi elegisti; fuge publicum, fuge & ipsos domesticos. An nescis te habere sponsum verendum, qui nequaquam suam tibi velit indulgere praesentiam, praesentibus cateris ?* Quam monitum hoc arridet ? optimè iudicio meo facies, si fidem adhibes verbis tanti Abbatis, & Spiritui Sancto, quoties te interno instinctu ad cubiculum inuitauerit, obtemperas. Simulatque ea cogitatio in animum tuum incurrit, recipe te, quamcumque societatem interrompe, nullo habito hominum respectu, desere omnia, nisi muneris tui ratio aut obedientia alibi te habeat occupatam. Imitare Thomam de Kempis, qui impelli se sentiens, ut in cellam orandi vel scribendi gratia se reciperet, planè fratribus dicebat, & ijs quibus cū versabatur: *Charissimi Fratres, oportet me recedere; est enim in Cella, qui me exspe-*

Stat. Cellam verò ingressus demittebat
se in genua, opusque suum his Samue-
lis verbis: *Loquere Domine, quia audi-*
seruus tuus, auspicabatur.

Habes, Hagiophila, Dissertationem, quam
tibi promiseram; si aliam lectionem de-
sideras, lege priora quinq; capita primi
Tractatus Rodericij in prima parte: Aut
nonum, decimum & undecimum caput
libri tertij de Imitatione Christi.

Absoluta hac Lectione renoua proposita
tua circa deuotionem, quam debes Au-
gustissima Trinitati; hæc deuotio deuoti-
onum est, quam tibi præ reliquis om-
nibus commendo, præsertim, vt sapius
iteres Gloria Patri, &c. & actiones tuas
bonaque opera faciās numero ternario
in honorem trium diuinarum Persona-
rum. Et ne cogar dicta repetere, vide
nunc (si otium est) aut à meridie tem-
pore recreationis, quæ de ea deuotione
dixi in Sancto Fauore apud *l. s. v. m.* Cap.
7. præcipuè prima & quarta Deuotione,
& Statue maiore quodam affectu, quàm
hæc genus, ferri in hoc sacrum mysteriũ.
Deinde para te ad Meditationem sequen-
tem: cùm enim ad amandum & serui-
endum Deo conditi simus, vt eo sic ali-
quando persuamur, sciri necesse est,
quid

quid sit eum amare, quid illi servire & circa ea etiam binæ Meditationes versabuntur, quas adhuc hodie peragi oportet.

II. MEDITATIO.

De Amore: quem Deo debemus

Oratio præparatoria vt suprà.

P*Relud. I.* Imaginare bonam aliquam & prudentem Matrem, quæ Filiam ad Amorem sollicitat, cuique respondeat Filia, se officio suo nunquam deserturam, eò adigi pluribus nominibus, in illam vnã tendere omnes affectus suos.

Prelud. II. Roga Deum, vt cum similia à te postulet, det tibi lumen, vt agnoscas immensum illud desiderium, quo amari cupit à te.

I. Punctum. Deus nos condidit, vt eum amemus, & vt amemus præcipit. Considera Amorem illum titulis omnibus ei deberi; tum quia Pater noster est, cuius beneficio viuimus & sumus. At quid naturæ conformius, quã amare Pa-

rentem ? tum quia noster benefactor est, qui de victu, vestitu, habitatione, de omnibus denique prouidet nobis; at quis ita naturam exuit, vt eos non diligat, quorum beneficijs fruitur ? tum quia Princeps noster est, & Dominus & Rex eius clementiæ & affectus, vt maximè velit nos participes & hæredes efficere Regni sui & cælestis & æterni; at quis non ferret in oculis eum Principē, quem sciret amicis suis talia destinare ? Hisce omnibus titulis & alijs Deus amandus est. O amabilissime Creator qui potes omnia, iube vt te amet cor meum, & da quod iubes, rebellem meam compellendo voluntatem ! ô mi sint corda mille & millies mille, eaque omnia plenijs affectibus, quibus abundauit cor maximi Sancti tui, vt desiderijs meis & meritis tuis respondeat amor meus.

II. *Punctum.* Deus amari vult, sed sine modo & mensura, id est ex toto corde: cùm enim cor nostrum, etsi exiguum, semper possit amorem suum dilatare, non vult terminum Deus; neque

que vnequam dicat amans, sufficit, & hucusque, non ultra amare illum volo. Primò, quia aliter tractandus est Deus, quàm res ab illo creatæ: atqui in his amandis modus est: *Diliges proximum tuum, sicut teipsum*: en mensuram. Secundò, Deus infinitè amabilis est: cùm ergo reponere amorem non possis infinitum & reciprocum, quod præscribunt amantium leges, reponere quàm potes maximum, continuâ noui amoris accessione, vti S. Augustinus, S. Franciscus, S. Teresa, & tot fecere alij. Confundi igitur meritò hîc potes anima mea, quæ toties mensuram præfixisti amori tuo, dum diceres, id quod patrabas non omninò esse mortale, esse ex leuioribus venialibus; istud consilium, istam regulam, istam ordinationem non grauiter obligare. Itâne deinceps loqueris? tam parum amabis?

III. *Punctum*. Considera, quid impossibile facere possis, & velis. vt eumes, vbi, quando, & quomodo, iuxta facultates & omnes vires tuas. Percurre

singula, & vbiq; accende ignem amoris ardentis more Sanctorum, & potissimum exemplo Sancti Sanctorum Iesu Christi, qui tanta facit pro salute nostra, quam procurare vel vnico suspirio potuisset. Luculentum testimonium dederat amoris erga nos sui, quando carne nostra indutus iacuit in præsep: sed an istud ei sufficit? Minime. Et adhuc torpescit animus, neque flammæ mei Iesu patientis & morientis, possunt depellere pertinax frigus cordis mei?

Colloq. Ad Dei Filium, cuius cor fornax est immensi amoris. Ora illum. vt te flammarum illarum faciat participem, faciat te in amore Seraphicum. O Deus, dignissimum totius amoris obiectum! cur non ardentem ab omnibus hominibus diligaris? vtinam ex illis essem, qui te vnice amant! *Tempus erat quando non amauit te: at vt tempori illi, quo non amauit te.* Serio emendandum hoc crimen est: esse volo inter amatores tuos, volo etiam cum dispendio sanguinis & vitæ meæ, & quidquid in hac vita charum possi-

possideo. Ita contestor: aut moriendum, aut amandus Deus est, & quidem sine mensura, ad morem Seraphinorum est amandus. Pater, Ave.

Recollectio Meditationis. Vistâ deinde Venerabile, institue Conscientiæ Examen, & prande.

Hagiophila, reuerteris à sumpto prandio: an non huc rediens submissâ voce recitasti: *De profundis* pro defunctis benefactoribus tuis, qui suâ liberalitate & munificentiam sumptus, quibus alereris, necessarios reliquere? Laudabilis illa consuetudo est, eidem assuesce, seu adiens, seu rediens à mensa, certoque huius officij gratiam à Deo expecta. Quid verò nunc, quâ ratione hanc horam perages? eius omnino sententiæ sum, ut animum relaxes aut ambulatione per cubiculû, per porticum aliquam commodam, per hortum, si tempestas anni & aëris permittat, sisque extra aliorum occursum, ut centies repetas tesseram tuam, quæ fortasse iam nunc memoriâ excidit, aut colloctione cum tali persona, quæ nullo, quàm de rebus spiritualibus sermones misceat; nisi tantum animi tibi sit, ut velis te modico hoc solatio priuare; aut lectione matutinæ dissertationis, vel

septimi capitis ex *sancto favore*, nisi ea iam
lecta sint. Saltem aliquo horum modo-
rum te occupa, deinde nos reuifemus.

Hagiophila, iam hora recreationis peracta
est, & tempus adeundi ad Venerabile
Sacramentum, vt inter cetera eam quo-
que gratiam postules pomeridiani tem-
poris benè impendendi.

Hinc applica te Examini particulari, inde
scriptioni eorum, quæ idonea iudicabis,
vt tantisper te occupes, aut quæ voles
propriâ manu exarata tibi impofterum
deseruere, aut vt somnolentiâ te expe-
dias: cui pellendæ scriptio peropportu-
na est. Sed age; nunquid indulgere tibi
ante vel post scriptionem debebam, vt
semihoræ quadrante paullulùm oculis
conniueres, quò ad Orationem reddaris
aptior? nullum mihi ius in oculos tuos
vsurpo. Scient illi exigere necessitates
suas, & tu eius prudentiæ es, vt plus ijs
non concedas. Ad me hoc solùm perti-
nuit, vt significarem hoc tempus esse
scriptioni commodissimum.

Quod ad scriptionis materiam attinet, gra-
uatè illam definio, cùm nesciam, cuius
tu genij sis, quid tibi arrideat, quibus
deuotionis exercitijs sis addicta. Verùm
vtut es, suadeo, quotidie scribas ea lu-
mina, quæ tibi Deus largiri dignabitur;
tum

tum bona proposita, quæ feceris, deinde quod libuerit. Neque dubito, quin libellum habeas, in quo secretissimas tuas deuotiones, & sanctiores affectus annotes, & quem subinde, præsertim festis solennioribus, aut semel in mense peruolas ad renouandam tuorum propositorum memoriam: libellum arcanum, quèmq; non faciliè alijs pandas. In hoc igitur notari debebunt omnia. Similem memini me nuper uidisse, spectantem ad eximium quendam Dei seruum; in quo hæc continebantur. Primò Litaniæ suorum Patronorum, vt eas quotidie recitaret. Secundò, Beneficiorum tum communium, tum priuatorum Catalogus, vt de ijs diuinæ bonitati gratias sæpius referret. Terriò, Series præcipuorum benefactorum & amicorum, quibus preces suas aut pro sacro, aut pro fine Examinum addixerat. Quartò, Res plures, quas à Deo postulabat quotidie, veluti salutis suæ consequendæ necessarias. Quintò, Nomina amicorum defunctorum, quos sperabat in calum admissos, vt eos inuocaret, aut esse in Purgatorio, vt eos iuaret suffragijs suis. Sextò, Nonnullæ virtutes, circa quas particulare Examen instituire volebat, vnà cum vitijs, quæ eodem Exercitij genere

nere statuebat oppugnare. Septimò, Opera pietatis, quæ ad honorem Dei-
paræ singulis diebus, mensibus, & annis
exercuit. Octauò, Alio, quæ ad cultum
Venerabilis Sacramenti, & Passionis me-
moriam referebat. Nonò, Variæ Ora-
tiones iaculatoriæ, quibus totâ vitâ in
oblatis occasionibus vteretur. Decimò,
Diuersæ pœnitentiæ, singulis septima-
nis & festorum peruigilijs subeundæ,
cum breui Testamento animæ, ad imi-
tationem eius, quod S. Borromæus fe-
cit, concepto. Atque hæc præcipuè li-
bellus ille complectebatur, Auctori quæ
suo seruiebat loco Diurnalis, Ducis, &
Directorij, ad suas deuotiones exequen-
das. Ex ijs punctis delige, quæ maximè
tibi commoda videbuntur, & sequenti-
bus diebus in ijs, cùm scribendum erit,
te occupa; nunc in hoc, deinde in alte-
ro, vt in fine secessûs rem habeas con-
fectam, Incipe iam, etsi temporis aliquid
tibi suffuratus fuerim, aliàs emendabo
me, neque hac de re ampliùs conue-
niam.

Ascriptione transfer te ad Lectionem se-
quentis Dissertationis, aut eorum, quæ
tibi postea notabo, vt liberior sis; nota-
bo autem, quæ maximè in rem tuam fa-
ciunt, & repertu sunt facilia.

DIS-

DISSERTATIO POME-

RIDIANA.

De Spiritu Secessus & Collectionis interna, quæ est vera. & appetenda animi solitudo.

H Agiophila, si polliceor me ostensurum tibi rationem, quâ euadas felicissîma, non tantum in calo, ubi omnis beatitudinis & felicitatis cumulus est, verum etiam in hac ipsâ vitâ tot miserijs calamitatibusque subiecta, nonne dignus videbor, quem audias? & an non lubens has paginas euolues, in quibus hac de ratione dissero? ita facti dimidium à te obtinui: perficies, si ea, quæ dixerò, exequaris. Sed numquid nimia sum fiducia, dum asserere audeo. solitudinem cordis, de qua nobis sermo est, reddere posse te beatam in hac sede lacrymarum, calamitatumque? dicant de me, quod volent: uti non sum in extollenda cordis solitudine, & collectione interiori præfidentissimus, ita nec videri debeo præ reliquis dignus, qui nomine reprehendar. Nostro sæculo Martyr in
Hol.

Hollandia Cornelius Musius de ea lo-
 quebatur, quando summo animi sensu
 affectuque erumpebat in hæc paucula
 verba, sed omni auro mihi chariora :
O beata solitudo ! ô sola beatitudo ! planè
 quasi tota vitæ nostræ felicitas in ea con-
 sisteret, & ita quidem, vt inter omnia
 infortunia, & aduersa nouo quodam, &
 inaudito miraculo non desinamus esse
 contenti. Quam si semel possederimus,
 nulla erit creatura tam potens, nullus
 casus tam violentus, qui nos possit, nisi
 vltro præcipites, de tranquillitate &
 beatitudine nostra deturbare : nulla for-
 tunæ, seu blandientis, seu aduersantis
 conditio mouebit, aut affliget. Meritò
 igitur dicere & iterare frequenter pos-
 sumus : *O beata solitudo ! ô sola beatitudo !*
 vt verò maiore animi sensu id dicas,
 nonne rationi consentaneum tibi vide-
 tur, vt me declarem, vt confirmem pro-
 positionem meam, vt explicem, quid sit
 cordis solitudo, vt neque hoc reticeam,
 quàm facilè eius vsum tibi possis redde-
 re familiarem ? id omnino est, quod
 pro-

proposui, nullam volens illius excellen-
tiam præterire. Vt enim verum fatear,
solitudo illa corporis, de qua hodie dis-
ferebam, bona, utilis, & aliquando
optanda est, animâ tamen caret, si ei
hæc cordis solitudo non adiungatur,
cùm hæc grauioris momenti sit, & ma-
ximè necessaria, summæque perfectio-
nis, illa verò non, nisi quatenus ad aliam
disponit. Vnde ista est Magni Gregorij
maxima vox omnia complectens: *Quid
potest solitudo corporis, si desit solitudo cor-
dis?* cuius dicti veritatem tunc clarissi-
mè perspicies, vbi dixerimus, in quo sita
sit hæc cordis solitudo. Et dicere para-
tus sum, velim tamen prius mihi dicas:
an non aliquando quâdam animi pro-
pensione & amore personam aliquam
sis complexa? affirmabis omninò: ita-
que esse suspicabar. At nōne id tem-
poris creatura illa semper in corde tuo
versabatur, ita vt aliam nullam admit-
teres, aut si qua se forsan insinuasset, non
illicò excluderes, vt huic vni cogitatio-
nes omnes tuas applicares? soli illi pa-
tebat

tebat aditus ad cor tuum, illa sola istud possidebat, desipiebant omnia, nisi illam versares animo, nisi de illa loquerere. Deum eâ ratione habere in corde, eoque modo complecti, est præstans illa cordis solitudo, quam tibi conor persuadere. Cum eousque perueneris, ut omnes creaturæ illoci pilique sint, & ratione dilecti tui desipiant, illéque solus sit obiectum amorum tuorum, tuarum cogitationum, tuarumque voluntatum, tunc nimirum eâ solitudine perfrueris, de qua mihi sermo est. In mundo esse, & viuere, quasi nihil illic esset præter Deum, & te animatam, eo proposito, ut illi vni placere velis, sine cura alia, quam ut illi satisfacias, præsertim in vñ & conuersatione hominum, (quæ tamen ideirco inculta, & aduersa charitati non erit) hoc demum est habere eam, quam deprædico, solitudinem. S. Eucherius scribens S. Hilario tradit, curiosum quendam, adijisse personam fama virtutis celebrem, scilicet ratum: vbi Deus habitaret. Bone vir, respond-

spondit alter, scire hoc compendio vis?
manum porrige, méque sequere. Illum
igitur apprehensâ manu duxit in deser-
tum: Hic, inquit, locus est, vbi Deus ha-
bitat. Innuens eo pacto, quòd quisquis
Deum reperire desiderat, eundem quæ-
rere debet extra turbam, & Mundi tu-
multum, & in paruo cordis sui, ab omni
creaturarum affectu semoti, deserto.

Hagiophila, nondum scire appetis,
an in omni loco, & in quouis occupa-
tionum genere seruari possit hæc cordis
solitudo? imò verò, dicam. Audi igi-
tur, quòd aliquando Deus dixerit Phi-
lippo Nerio in Metropoli Orbis habi-
tanti: Philippe, in vrbe Româ tanquam
in deserto viuendum est. Id enim uerò
docere erat, posse vbiuis locorum ha-
beri illam cordis solitudinem, ita vt nec
impedire eam possint occupationes ex
charitate susceptæ, neque conuersatio
hominum, quam status cuiusque exi-
git, & cui se hic Sanctus ex instituto
Ordinis sui impendebat. In hoc totius
rei cardo vertitur, vt scias illam vsu ipso
exer-

exercere : & ne dissimulem, eò pertingere solæ animæ regiæ possunt. Sic enim, teste D. Gregorio, intelligi debent verba illa Iobi: *Nunc silerem cum regibus terra, qui ædificant sibi solitudines* : a quasi diceret : Vis illæ abiectæque animæ, quæ non habent generosa perfectionis consequendæ proposita, ad illam collectionis internæ felicitatem peruenire non possunt defectu cordis regij, & sublimia tantum appetentis. Cùm verò tu ex numero sis earum animarum regalium, & desiderare videaris, vt cortuum vertatur in solitudinem, quâ id ratione fieri possit, explanabo. Artem omnem complectitur D. Bernardus his verbis : *Deus spiritus est, ideo sola tibi indicitur solitudo mentis, non corporis. Sede solitarius, sede non corpore sed intentione, & deuotione.* b Hæc quisquis habuerit, habet materiam omnem, & apparatus tali in corde suo solitudini ædificandæ necessarium. Do-
leo sanctum hunc Abbatem pluribus
men-

a Iob. 3. v. 13. 14.

b Serm. 40. in Cant.

mentem suam non explicuisse : quæ mea sit, & quomodo illum intelligam, expono. Ac imprimis arbitror, intentionem illam requisitam ad cordis solitudinem, & collectionem internam in eo consistere, vt in omnibus actionibus nostris solum Deum nobis propositum habeamus, vtque hæc præcipua & sola nostra intentio sit, adeò vt cor nostrum sit ab omnibus creaturis abstractum, nudum & vacuum, itaque omnem rerum terrenarum affectum exuerit, vt inter homines, in recreationibus, in occupationibus, & negotijs sit nihilominus solum illi vni attentum, nihil quærens nisi ipsum, ipsiusque gloriam, nihil aliunde satisfactionis, aut commodi mendicans. Hâc ratione constitutum cor non tantum manet, & in principio actionum suarum de Deo cogitat, eius opem implorat, eique offert, quidquid aggreditur, verum etiam nullum alium suorum operum, cogitationum, & dictorum scopum habet, quàm Deum eiusque beneplacitum; eo planè modo, quo Architectus

tectus murum erigens continuò regulam & perpendicularum singulis lapidibus, quos ædificio applicat, adhibere consuevit.

Hagiophila, si istud agis, iam nosti ex corde tuo solitudinem construere, quæ tantum Creatori tuo & tibi seruiat. Ædificium profectò, quantumvis exiguum, superbissimis tamen Regum palatijs præstantius! & ne existimes opus esse arduum molestumque, patieris, ut narrem præclaram illam attentionem, quâ actiones omnes suas peragebat (ut eas in Deum referret) is Anachoreta, de quo vitæ Patrum: quando opus aliquod aggrediebatur seu precum, seu laboris, seu conuersationis, aut alterius rei cuiuscumque, paululum consistebat, ac veluti quid ageret, rogaretur, vide, aiebat, actiones nostræ nullius pretij sunt, multum saltem ijs decedit, si eon non collimamus, quò oportet Reuocat id mihi in memoriam responsum illud observatione dignissimum, quod non ita pridem daemón aliquis dedit. Intellexeris.

affli-

afflictionem Religiosarum Landunen-
sium, quas maligni spiritus possidebant.
Accidit aliquando, vt inter sacros ritus,
qui pellendis dæmonibus adhibentur,
proponeretur pulcherrima D. Domini-
ci imago: vix apparuerat, cum subito
possessæ omnes terga illi obuertunt, ne-
que adduci possunt, vt in eam oculos de-
figant, tandem vi exorcismorum coactæ
intuentur, vnica excepta, quæ mirum in
modum reluctabatur: nihilominus eâ-
dem virtute compulsæ non solum aspe-
xit, verum etiam obtutum defixit in
imaginis oculos, vti Sacerdos diabolo
præceperat. His peractis exigitur à dæ-
mone ratio, cur tantâ difficultate pictu-
ram hanc intueri detrectasset? vix obti-
neri responsum potuit: tandem exortæ
hæ voces: Ha, inquit, cum hic Sanctus
inter mortales degeret, semper in Deum
intuebatur, in omnibus actionibus suis
oculos habebat in illum obuertos; nos
verò nos ipsas aspeximus & quia aspexi-
mus, perijmus, & in hanc conditionem
miserrimam delapsæ sumus, Post hæc

ma-

maturè considerata, fierine poterit, vt non flagremus desiderio Deum semper habendi præ oculis, cum alloquendi, & in nobis ipsis illum præsentem continuò intuendi? longè istud præstat, quàm in se oculos conuertere, quàm opera omnia, propriæ satisfactionis, commodi, vanitatis, & lubentiae vitio labefactare. Vtinam, Hagiophila, haberemus oculos Diui Dominici! vtinam nunquam nos ipsos respiceremus! vtinam tandem saperemus instructi admirandâ hac sententiâ, quam verissimam Deus à diabolo (mendaciorum aliàs patre) voluit enuntiari! quin fructum aliquem ex hac historia perceptura sis, nullus dubito.

Sed quis modus perueniendi ad hanc Collectionem tam sublimem. tamque arduam, quæ tantâ occupationum multitudinem, tantâ negotiorum varietate, tantâ licentiâ imaginationis nostræ non perturbetur? aptiorem non inuenio, quàm illum S. Bernardi præcipientis, vt nonnulla deuotionis exercitia vsurpamus, quibus mirum in modum secessus ille

terit, ille interior redditur facilis : *Secede non*
 in fenestru corpore, sed intentione, & deuotione, quasi
 quend & cordis solitudo ex duabus alijs compo-
 contineretur, solitudine intentionis, de qua
 quanta nobis haecenus sermo fuit, & solitudine
 operis deuotionis, de qua nunc loquendum est.
 omni, Has deuotiones ad quatuor capita refe-
 refacte ro, quæ vnita, imò verò etiam singula
 us oculos spiritum nostrum facili negotio colle-
 nam os ctum conseruant : eaque tantò libentiùs
 ridenda. hîc commemoro, quòd Sanctis in vsu
 hac in fuerint ad finem eundem, aut conse-
 i diablo quendum, aut conseruandum Primum
 it ena. est, habere quædam quasi refugij loca,
 x hacti. ad quæ quis se recipiat, quibùque ani-
 mo. mo semper inhæreat : sed ita suauiter, vt
 ad hac propterea negotium, quod præ manibus
 amq. est, nihil detrimenti patiat. Sic Reli-
 um m. giosissimus Berchmannus recurrebat ad
 arietæ, vulnera Seruatoris, & ad pallium Matris
 stræ in Deiparæ, vt illic protegeretur. Sic S. Ca-
 tharina Senensis ex prouidentia Diuina
 nuenit sibi struxerat cōclaue, quo se recipie-
 rentis. bat. Ita S. Paulus iuxta mentem D. Gre-
 viur. gorij ex occupationibus, quæ illum in-
 fecerit
 ill

terris detinebant, animo in caelum euo-
 labat. *Nostra* inquit, *conuersatio in calu-*
est. Alterum est, vt Dei praesentiam vbi-
 que, & in omnibus tibi reddas familia-
 rem, Regij Vatis exemplo, qui eum sem-
 per à dextra imaginabatur. Tertium est
 ab Orationibus iaculatorijs, breuibus,
 sed saepe iteratis, quæ mentem nostram
 accendant. Aut à tessera quadam spiri-
 tali, quam singulis diebus deligere oport-
 rebat. Noui virum, cui hæc frequentis-
 simè in ore: *Nullum bonum, nisi æternum,*
nullum malum, nisi æternum. Alteri fuit
 hæc communissima tessera: *Pro IESU*
quid vii agere, & pati decet. Sancto Xa-
 uerio illa: *Mater Dei memento mei.* His
 illi sententijs manebant continuò col-
 lecti & sui. Quartum est, quod ex ipsis
 occupationibus desumitur. Ita S. Catha-
 rina Parentibus, alijsque domesticis in-
 seruientiis IESVM, Mariam & Apostolos
 sibi proponebat. Ita pientissimus P. Fa-
 ber (primus S. Ignatio socius in itineri-
 bus Angelos locorum, & hominum Tu-
 telares, sibi comites adsciscēbat, ijsque
 Client-

Clientes commendabat. Ad eum mo-
 dum, quoties hora audiebatur, S. Igna-
 tius animam citabat ad examen actio-
 num suarum, vt perspiceret, recte ne ef-
 sent omnia. S. Tereſia refricabat me-
 moriam mortis, & Venerabilis Buzo
 Sancti alicuius ex ijs, quos peculiari cul-
 tu venerabatur. Hac ratione alij, si in-
 oculos incurrat creatura formæ præ-
 stantis: ah! inquit, quàm formosior
 Iesus est, quàm Maria amabilior! si sunt
 in hominum conuersatione, aut ab ea
 digrediuntur; tacite dicunt: ah! aman-
 tissime Seruator, quantò suauior est illa,
 quæ tecum initur necessitudo, & fami-
 liaritas! si adesse coguntur personis de-
 formibus, incultis, asperis, aut aliqua
 corporis, vel animi molestia laborant;
 ah! inquit, quàm hoc dulce & iucundum
 est, si cum Inferno Purgatoriôque con-
 feratur, quæ loca toties peccatis meis
 promerui! Ita illi pro occupationum
 varietate alias atque alias, sed semper
 pias & sanctas cogitationes eliciunt. nò
 minore fructu, quàm animi voluptate.

Habes, Hagiophila, modum, quem ad facilitandam illam internam collectionem tibi promiseram; qualis verò foret ea tibi & mihi felicitas, si eius com-
potes fieri possemus? Caue rem æstimes
difficilem; vt enim talis esset, minúsne
animi tibi est, quàm fuerit tot alijs, qui
id consecuti sunt? quique, quod vel se-
mel firmo mentis proposito dixerint:
istud volo, vt cor meum semper in
Deum dirigatur: eo tandem peruenère,
vsumque sibi reddidère pèrfacilem. Ne-
que pertimescas, ne hæc attentio te mo-
rosam reddat & tristiores, quàm è con-
trario, lætitiâ pariât, & alacritatem.
Nullum enim lætius cor, quàm quod
amore diuino saucium est, quòdque li-
beris & crebris cogitationibus versari
potest circa id, quod castissimè sanctis-
simèque amat. Nullam alibi quære vo-
luptatem; in hac sede mortalitatis non
est vlla sincerior. Iterum inculcare pla-
cet: *O beata solitudo! ô sola beatitudo!*
Scire exercitium huius deuotionis, est
in hoc miseriarum loco, beatum esse, &

inchoare felicitatem æternam: Est Angelorum ritu viuere, qui nostræ tutelæ deputati sunt; quantumuis enim opibus nobis ferendæ, & curandis nostris negotijs intentissimi sint, non omittunt tamen Deum aspicere, de illo cogitare, illum continuo stabilique amore complecti. Ire licet, & hoc voto te dimitto, vt Raphaëlem viuendo exprimas. Hic Angelus, Tobix comes, & inter homines versatus, omnia peragebat more aliorum, differebat. loquebatur, tractabat negotia, cibum sumebat, credebaturq; in hæc ferri cogitationibus omnibus, velut è triuio homo. Interim versabatur ille cum Deo, eundem sibi semper propositum & præsentem habebat, *alio cibo & potu, qui ab hominibus videri non potest*, utebatur, & Angelus erat. Eiusmodi plures in domibus Religiosis, etiam in sæculo viuunt, quos si occupatos aspexeris, dices ipsis negotijs absorberi, nullamque aliam, quàm de re præfenti voluere cogitationem. Nihilominus cor alibi est, nimirum cum Deo. Di-

centur, omnia facere vt alij, & tamen plus longè faciunt, quia faciunt omnia vt Angelus Tobiae, omninò vt tu facis. Amen.

Si hæc Lectio displicet, aut non sufficit, lege cap. 6. 7. & 8. Partis primæ Rosarii tract. 1. vel cap. 1. lib. 1. de Imitatione Christi, aut cap. 22. & 34. lib. 3.

Post Lectionem applica te Examini virtutis alicuius, vt discas, qualis in schola Dei sis, quantumque proficias; vt erubescas, te tam parum in virtute promouisse; & maiora eius in posterum exercendæ desideria concipias. Examen istud institui debet suauiter ad modum Lectio- nis; singulis tamen punctis paucillùm inherendo. Deambula, si placet, aut prope Oratorium tuum intereà confiste.

EXAMEN CIRCA AMOREM ET CHARITATEM DEO DEBITUM.

EN vicens notas sincere amoris di-
uini.

Prima. Nullum unquam mortale pec-
catum admittere, qualiscumq; sese offerat
ocasio, in o mori malle, quam se in laben-
di occasionem admittere.

Secun-

Secunda. Ne venialibus quidem peccatis dedita opera & deliberatio consentire.

Tertia. Dolere & detestari omnia delicta, seu magna, seu parua, qua aduersus Deum committuntur.

Quarta. Publicè profiteri amorem virtutis, & odium cuiuscumque vitij.

Quinta. Amare Deum ex toto corde, integrum illud ei consecrando, neque in creaturas cum praiudicio reuerentia, honoris, & obedientia Creatori debita disponendo.

Sexta. Amare Deum purè propter ipsum, nullo intento proprio commodo, quamuis nullam neque in hac, neque in altera vita huius Amoris mercedem esse relaturus.

Septima. Amare quidquid Dei est, & in illo, & propter illum creaturas omnes, & non aliter.

Octaua. Amare quidquid Deus amat, praesertim ipsius mandata, consilia, & virtutes.

Nona. Maiori amore ferri in eos, quos ipse plus diligit, ut est sanctissima Virgo,

Sancti alij, viri probi, & qui peculiariter ipsius obsequijs dediti sunt.

Decimò. Dare operam, ut ametur, & gloria illius amplificetur apud omnes creaturas Amoris capaces.

Vndecima. Amare & approbare, quid. quid circa nos & alios operatur, amanter omnia de manu paterna sua bonitatis acceptando.

Duodecima. Velle & delectari in omnibus, quæ ipse vult, siue illa factu facilia sint, siue toleratu molesta.

Decima tertia. Priuare se creaturis, earumque solatijs, & voluptatibus propter eius amorem.

Decima quarta. Sape illum versare animo, & libentiùs, quàm creaturas.

Decima quinta. Libenter de illo loqui.

Decima sexta. De eius Maiestate, & adorandis perfectionibus gaudere.

Decima septima. Pluris facere minimum gradum gratiæ eius, & minimum donorum & fauorum illius, quàm omnes totius Orbis honores & delicias.

Decima octaua. Optare quocumq; pretio

sio Amorem illius, etiam tolerantia quorumcumque incommodorum & cruciatuum non tantum ad tempus vite mortalis, sed etiam ad millia annorum, si Deus ea nobis largiretur.

Decima nona. Ad visionem eius feruenter anhelare.

Vigesima. Crescere in dies in Amore, & aspirare ad ardentissimam, & quotidie augescens sui Creatoris dilectionem.

Hagiophila, ut verum fatear, credo te attonitam, dum vides, te plurimum aberrasse eâ opinione, quâ rebaris te Dei amantem, dumque adeo paucas diuini amoris notas in te animaduertis. Habeas fortasse primam, præterea nihil. Aggredere iam nunc, & intra annum plures obtinebis; quin Deo & Virgine Matre opem ferentibus, omnes,

Succedit Examini Oratio vocalis, seu Vesperarum alicuius Officij, seu Precum aliarum ex obligatione, aut deuotione recitandarum.

Hinc aggredere Considerationem hinc propositam. Quid in ea agendum iam in Monitis Generalibus declaravi, Si nimum

mum tibi videtur horam impendi integram, prudenter nunc & alias digere tempus tuum, & tantum semihoram impende. Sic sum, ut voluntati tue me penitus accommodem.

CONSIDERATIO.

I. **Q**Uæ tibi felicitas, Hagiophila, octo, vel decem habere dies integros, quibus nullam aliam, quam de Deo atque anima tua cogitationem, curamque suscipias? Milleni Ethnici sunt, & totidem Christiani, qui mirabiles in virtute progressus facerent, magnamque vitæ sanctimoniam consequerentur, si tali otio, similibus cogitationibus, & luminibus fruerentur, quibus iam tu abundas, & quæ Deus in hoc secessu tecum adhuc communicabit.

II. Fatere verum, nunquid e numero carum animarum es; quæ velut in tenebris palpantes ad Deum accedunt? nondum ruiisti in eius amplexum neque de omni iure penitus illi cessisti; dudum est quod cum illo licitaris. Tantane tergiversatione opus, ut tibi bonum cudas?

ah

ah quantam tibi iacturam paris! Tandem aliquando insiste vestigijs eorum Sanctorum, qui ardentissime ea complectuntur, quæ tu tantoperè metuis; quique tantò feruentius profectum suum, persequuntur, quantò propius abesse, se vident à fine, propter quem conditi sunt.

III. Nonne iucundius & tranquillius est Deo seruire, quam Mundo, & sibi? quid tibi nunc prodest, laxasse habenas cupiditatibus tuis? quem fructum, retulisti ab amore huius, vel illius creaturæ? nihil melius est, quàm Deum diligere, illique seruire: cætera omnia vanitas. & afflictio animi. O Anima mea toties perfidia creaturarum decepta & afflicta, nonne tandem in sinu conquiesces vnici & fidissimi amantis tui? nonne pertæsa insaniæ & vanitatum tuarum, omnem curam & amorem transferes in Deum sincerè amicum & vnice amabilem! qui nunquam fallit, aut destituit suos, nisi quando contemptu legum suarum ignauissimè deseritur.

IV. Vbi eram ante centum annos? æternitas præcessit. Vbi eris post annos centum? sequetur æternitas, & quidem breui: cuncta enim incredibili celeritate præteruolant: sola tu anima mea te-
studineo passu graderis, & lentè repis in diuino seruitio, cùm plurimum itineris tibi restet peragendum.

V. Omnes illæ voluptates, quas nunc hic, nunc illic decerpit animus meus, quæq; non totæ, sed diuissim succedunt, relinquunt in fine quendam cordis amarorem & occultas anxietates: unde istud? nisi quòd animus ad finem suum anhelat, exspectatque visionem Dei, qui solus vti obiectum infinitum, explere potest animæ & amoris mei capacita-
tem, nunquam saturandam ijs, quibus hætenus cum salutis meæ periculo in-
tendi.

VI. Hoc fortasse vltimum tuum otium est; hæc postrema Exercitia, quibus incumbes. Si id tibi constaret, quid ageres? hoc age nunc omni posito metu & respectu, age propter Deum & te: ne
tibi

tibi blandiaris, ne procrastines. Negotium hoc tuum est, negotium maximi momenti, & cardo prædestinationis tuæ.

Peracta Consideratione trade horam animi relaxationi; declaravi ad finem monitorum Generalium, qua ratione transigi illa possit; si integra redundat impende semihoram: ita denique tempus dispesce, ut omnibus sufficiat.

Inde ora Officium, aut alias preces vocales. Visita Venerabile, ac demum præpara te ad Meditationem.

III. MEDITATIO.

De servitute, quam DEO debemus.

Oratio præparatoria consueta.

I. *Præludium.* Vide & admirare Apostolum Paulum, qui personam suam alio titulo noluit exornare, quam servi Iesu Christi: *Paulus servus Iesu Christi*, hoc potissimum elogio utitur, non dicit se patratores mirabilium, non Apostolum Nationum, non Gentilium Magistrum, sed servum Iesu Christi.

II. Prælud. Pete à Deo gratiam, ut

cognoscere possis, in quo sita sit felicitas, excellentia & materia seruitutis Deo debitæ, vt ex huius cognitione transeamus ad vsum eius rei, propter quam conditi sumus.

I. *Punctum.* Immensam esse Dei maiestatem necesse est, cum illi seruire, regnare sit, & maximus titulus, quem homines etiã honore & sanctimonia præstantissimi ambiunt, sit esse seruos Dei. Et verò nihil excelsius de aliquo dici potest, quàm, magnus est seruus Dei, hæc bona Dei ancilla est, multoque ampliùs, quàm si dicatur: Princeps est, Regina est, præstans creatura est, homo sapientissimus est. Malè mundo & omnibus qui illi seruiunt! Viat Iesus & serui eius! Anima mea, quæ tanta honorum ambitione teneris, cui vis seruire?

II. *Punctum.* Seruire Deo, est primò Deum Magistri & Domini loco habere. Dominus arbitrato suo de rebus ad se spectantibus disponit. Qui agri Dominus est, potest illum diuendere, illum colere, illum negligere, in eo ferere triticum,

ficum, legumina, plantare arbores, illas
 euellere & comburere utcumque libi-
 tum illi fuerit. Eodémne pacto ad arbi-
 trium Dei disposita es anima mea? libe-
 rè de te disponit? producisne fructus
 quos requirit à te? multum abest, etsi
 propterea ab eo condita sis. Secundò
 est consumere se omnino ad volunta-
 tem eius, qui Magister & Dominus est
 omnium Creaturarum. Ita Domino
 candela seruit se consumens; ita cibus
 seruit sal, dum consumitur. Quæ ea fe-
 licitas mihi foret, si vita mea, quæ ad
 modum candelæ deficit, quæ diffluit sa-
 lis instar, pro Deo consumeretur? quan-
 do anima mea cum Regio Psalter excla-
 mabis: O Domine, quia ego seruus tuus?
 Tertiò est viuere cum respectu in eius
 præsentia, eique promptè, hilariter, &
 ad minimum nutum voluntatis eius ob-
 temperare.

III. *Punctum.* Trià genera seruitio-
 rum sunt. Primò Mancipij, quod poenis
 & verberibus ad officium virgendum
 est, Secundò Mercenarij, qui merce-
 dem

dem spectat & lucrum. Tertio Filij, qui ex amore seruit Patri. Quo pacto hactenus ego Deo meo seruiui, qua ratione deinceps seruiam?

Colloquium ad SS. Virginem, quæ se Ancillam Domini nominabat, & ad alios Sanctos, qui præcipuo affectu Deo seruiuerunt. Pater. Aue.

Recollectio. Lectio obuia Thomæ de Kempis. Rosarium. Visitatio Venerabilis Sacramenti. Cæna Recreatio. Litanie SS. Visitatio Venerabilis Sacramenti. Preparatio crastine meditationis. Examen. Quies.



SECVN.

SECUNDVS DIES.

De Pœnitentia vite transacta, qua Deum offendimus.

H Agiophila, peccata impediunt, quò minus ad finem, propter quem creati sumus, pertingere valeamus. Idcirco hunc diem transiges in consideratione peccati tum mortalis, tum venialis, ut inde horrorem, compunctionem & verę pœnitentię fructus elicias.

Inchoanda dies est à Visitatione Venerabilis Sacramenti, inde te para huic Meditationi.

MEDITATIO I.

De horrore peccati mortalis.

Oratio præparatoria consueta.

I. Prælud. Statue te coram Deo veluti reum aliquem gravissimorum criminum, qui stet ante Iudicem catenatus, vinctus & manibus pedibusque arctissimè constrictus.

II. Prælud. Pete à Deo lumen, quo rectè miseriam peccati mortalis agnoscas,

scas, & vt illud tibi ignoscat, si fortassis eo animam tuam aliquando contaminaueris.

I. *Punſum.* Peccatum mortale tam terribile eſt, & tantopere Deo fonti omnis ſanctitatis diſplicet, cum actus rebellionis ſit, & iniuriæ aduerſus diuinam illius maiestatem, vt vel ob vnicum, è cælo detrufi ſint Angeli, & in Infernum præcipitati, vbi etiam diuinæ Juſtitie Carnifices effecti ſunt. Adam hominum Princeps & Parens vnum admiſerat, & illico non ſolum ipſe Paradifi delicijs excluſus eſt, verum etiam tota eius poſteritas ad miſerias peccati mortuorum, peſtilentiae, belli, reliquorumque incommodorum & aduerſitatum per totam vitam damnatur. Centum millia damnatorum ardent & æternum ardebunt ob vnicum ſolum commiſſum peccatum mortale, in quo mors illos occupauit. Tam horrendum eſt mortale peccatum. O Deus meus quas tibi gratias debeo, quòd, cum eorum imitatus ſim culpam, eodem tamen loco cum illis non ſim.

II. *Par-*

II. *Punctum.* Nihil in mundo odibilis & detestabilius est peccato mortali. Satius foret affligi quacunque alia calamitate in bonis fortunæ, honoris, valetudinis & vitæ, imò dæmonibus omnibus possideri præstaret: cum nihil execrabilius dici excogitariue possit, quàm Dei esse inimicum. Deus ipse nihil odit nisi peccatum: ubique præsens cooperatur omnibus, præterquam peccato. Nulla alia re offenditur quàm peccato, aduersus aliud non indignatur, quàm peccatum, idque modo tam terribili, vt non minus, quàm æterno incendio puniat, cum est mortale. Qui fieri ergo potuit; vt insurgerem in Deum meum, in Dominum, in Patrem optimum, & in leges ipsius & æquissima præcepta? ob frustulum pomi Adamum acculo, & quid hoc, si cum meis sceleribus componatur! Confusio, deprecatio, propositum.

III. *Punctum.* Peccatum mortale incredibilium damnorum causa est: gratia Dei & illius amicitia nos priuat. Plurimi,

rimi, quod gratiâ alicuius Principis aut hominis excidissent, in summam animi ægritudinem, quin & mortem ipsam, inciderunt: & ego qui toties Dei gratiam perdidici, minori dolore commouear! Atque hanc iacturam plura alia detrimenta consequuntur. Priuatur peccator merito sanguinis Iesu Christi, curâ & singulari prouidentia, quam Deus gerit iustorum, iure Cæli & gloriæ, felici societate sanctorum, eorundem meritis & suffragijs, tranquillitate Conscientiæ, qua nihil præstantius, denique Deo ipso priuatur, quod damnorum omnium damnosissimum est. Tantis me malis, peccatum mortale inuoluisti! quàm charus Deo nunc essem, quàm me complecteretur, si non inescatus à te, aliò cor meum amandassem! O amabilissime Deus, rogo te, mortem (minus est) infernum volo, potius, quàm ut te mortaliter offendam. Suaues erunt æternæ flammæ, modò te amem, & indulta sint illa, quæ aduersum te commisi.

Col-

Colloquium ad SS. Patronos orando
 ut dignentur in re tanti momenti adesse
 misellæ animæ meæ, pro eo affectu, quo
 me prosequuntur. Oratio, suspiria &
 protestatio, Pater, Ave.

Recollectio, Electio Tesseræ. Accommoda
 videtur hæc: *Momentum quod delectat,
 æternum quod cruciat. Aut illa Davidis:
 Domine ne memineris iniquitatum nostrarum an-
 signarum. Sequitur. Oratio Vocalis aut
 Officij aut alia: Deinde Sacrum: Tum
 Lectio spiritualis.*

DISSERTATIO MATUTINA.

*De annua aut extraordinaria
 Confessione.*

INcredibile quoddam solatium à Con-
 fessione generali ritè facta colligitur,
 quando omnia dicta sunt, singula per-
 spicuè explicata, & totus animæ nostræ
 status, personæ idoneæ, spiritali & indu-
 striæ commissus est. Nequit explicari
 lingua, neque calamo describi ea tran-
 quillitas animi, illa interea voluptas,
 quâ

quâ fruitur is, qui molestum conscientiae onus deposuit. Noni præcipuae dignitatis virum, qui, posteaquam similem de tota vita, non optimè traducta, confessionem instituisset, ad quam se magno studio diligentiaque (vti rei momentum exigit) præparauerat, dicere erat solitus: montem videri suis ab humeris femorum, neque quinquaginta annorum spatio, quos in omni deficiarum genere transegerat, se tanta voluptate atque animi lætitia fuisse perfructum, quantam illi ista suorum peccatorum exoneratio attulisset. Hanc autem spiritus tranquillitatē illico consequuntur feruentia desideria Deum amandi, & aliam melioremque vitæ rationem instituendi B Maria Veneta puella nobilis fuerat, vt quæ maximè, tum ante, tum in matrimonio dedita vanitati Accidit, vt marito absente & bellis detento, statuerit audiendis Concionibus temperare tedium & merorem suum; quod ipsi plurimum, imò summum profuit: nam ita tactus illius animus est, vt

omni-

omninò decreuerit vanitati suæ valedi-
cere, seque seriâ Confessione generali
expiare; quod & fecit tam generosè ta-
lique proposito, vt à Confessione do-
mum regressa, conscenderit in superio-
rem ædium partem, vbi vniones, cate-
nulas, annulos, specula, cæteraque vani-
tatis & superbiæ instrumenta ita diffre-
git, vt vsui amplius esse non possent;
cùmque Mater, quæ fortuito accesserat,
eum mundum muliebrè sororibus, do-
nec adolescerent, seruandum fuisse af-
firmaret; ah! inquit, sorores meæ plus
nimio ijs affluent! quod egi, feci eo in-
stituto, vt mihi omnem occasionē præ-
scinderem repetundarum mearum va-
nitatum, & primum gradum seriæ con-
uersionis meæ & sanctitatis. ad quam
contendo solidarem. Quid ad hæc, Ha-
giophila? credis forsitan à me tantopere
genus istud Confessionis commendari,
vt eam tibi modò persuadeam? minimè
istud est quod à te exigo. Suppono pri-
dem à te generalem factam Confessio-
nem, imò eius opinionis sum vt ne men-

rem quidem amplius aduertat, neq; implices cor temporis acti recordatione, nisi vrgens adsit necessitas; qualis foret, si dedita opera peccatum aliquod in Confessionibus particularibus conticissēs, ac deinde in Generali non declarasses numerum, neque species differentes peccatorum lethalium; aut debitum & sufficiens conscientiae Examen non præmisissēs. Absque his rationibus ne cogita quidem de tali Confessione iteranda. Reperiuntur nonnulli Confessarii, qui audita semel iterumque aliqua persona, statim hanc illi mentem injiciunt, aut zelo superuacaneo & imprudenti; aut specie imbibendæ notitiæ melioris, vt commodius animas regant; aut alijs de causis, quas ipsi quidem sciunt, sed quas Deus non probat. Si tales tibi occurrunt, ne moueare & de labore, quem impensum tibi vellent, gratias habe maximas. Sunt verò etiam nonnullæ animæ sic constitutæ, quæ quotannis si earum arbitrio res permitteretur, duodecim Confessiones generales

les peragerent, singulis mensibus vnā,
aut quotiescunque nouos Confessarios
nanciscerentur, siue ex tacita quadam
& occulta complacentia vitæ præteritæ,
siue ex scrupulis conscientiaē semper an-
xia, & ne post centum quidem eiusmo-
di confessiones pacandæ, cū fidem ha-
bere nolint ijs, qui prudentissimè mo-
nent, ne præteritorum recordentur. Ca-
ue, sis ex earum numero, & acquiesce illi
gratiæ, quam tibi Deus præstitit, vt vnā
feriam faceres. Quod si singulari affe-
ctu capereris, aut ad animi solatium, aut
ad maiorem confusionem & contritio-
nem eliciendam, aut ad alia, quæ Deus
tibi suggereret, per me licet, itera. Tem-
poris tamen habe rationem, vt expectes
aut singulare aliquod Iubilæū, aut mor-
bum fatalem, quando pluribus id est in
vsu, & eo quidem pacto, vt solū ea re-
petas quæ grauiora sunt, & momenti
maioris, neque venias ad ista minuta,
quæ & aegritudini incommodum adfer-
rent, & impedirent deuotionem.

Non est igitur Confessio generalis,

E quam

quam à te postulo, sed annua. Quòd ve-
rò in illius commendationem excurrere-
rim, feci vt simili ratione tibi annuam &
extraordinariam persuaderem, de qua
nunc dissero, occasione illius, quam ho-
die vel cras facere proposuisti. Dixi, si-
mili ratione, quia fructus maximus &
ineffabilis animi lætitia colligitur, si fiat
ab anno, vel vltima generali, vti oportet.
Simul enim atque peracta est, tantæ
mentem inuadunt voluptates, tam seria
emendationis & nouæ vitæ desideria,
occupant, vt nihil magis luberet, quàm
octo diebus in eo statu peractis, statim
emori, ne consueta leuitate in antiquum
torporem perfidiamque (cuius adhuc
recens est dolor) relabamur. Atque hoc
adeo verum est, vt pro vsu, quem ea-
rum rerum habeo, testari possim, me re-
perisse animas post Confessionem an-
nuam siue extraordinariam, ita conten-
tas, & in talibus melioris vitæ decretis,
vt elicerent mihi lacrymas solatij testes,
& vnà tacitos sensus ingererent: fore
me felicissimum, si vel semel talem con-
fessio-

fectionem pari fructu, similibusque affectibus possem peragere. Hagiophila, uti prælagit animus, ab his tua non abluet. Et cum viribus omnibus commodo tuo studeam, habe quæ in præsentem materiam velim à te considerari, duobus capitibus distincta. Primò. Quid attendendum, ut Confessio annua bene instituat. Secundò. Qui accidere defectus possint, ut eos devites. Quantum ad Examen attinet, etsi huic Dissertationi videatur annecti debuisse, seposui tamen in pomeridianam: duo ista puncta hic sufficient.

Primum facile expediam, cum satis intelligas, quid requiratur, ut Confessio seu particularis seu Annua bona validaque sit. Sufficiet igitur, ut de quibusdam moneam, quæ reddere possunt illam perfectiorem & numeris suis magis absolutam. Primò. In ipso Confessionis exordio accusa te de ijs, quæ ab ultima particulari commisisti, tum ad confusionem peculiarem, tum ad evitandam aliquorum astutiam, qui sub terminis

generalibus peccatorum aliàs confessorum suauiter insinuant ea, quæ paucis ante diebus patrauere: quo modo Confessarijs occasionē præscindunt numerū & speciem indagandi, quod tamen forsitan res exigeret. Secundò. Dic deinde ea, quæ potissimum conscientiam tuam cruciant, quæ te in diuino seruitio maximè præpediunt, & morantur, & quæ, opinione tua est vitiorum tuorum origo. Ita sufficientem accipiet tui notitiam Pater spiritualis maximè si eo ordinariè vteris, vt nulla futura sit necessitas aperiendi peccata, quæ Confessione generali aliquando expiasti Tertiò. Si aliquid occurrit, quod nunquam es confessa, id ipsum Confessario significa, vt te circa id interroget, si opus est. Quartò. Multò magis maturè declarandum est, si fortè in confessione particulari peccatum aliquod silentio pressisses siue ex verecundia siue alia quacumque ratione id accidisset. Hoc enim casu Confessarius attentior erit ad singula, vt te iuuet, & satisfiat confessionibus, quæ

quæ potuerunt esse vitiosæ & inutiles.
Quintò. Si Confessario nondum inno-
tuisti, conditio & status vitæ tuæ mani-
festandus est. Si enim in sæculo es, vn-
de sciet te esse matrimonio copulatam
aut adhuc liberam? si in ordine religio-
so, vnde coniectabit, professane sis an-
non? An vis istud onus illi incumbere,
vt quotiescumque aperis peccatum ali-
quod contra votum admissum, te con-
tinuò percunctetur, an nouitia sis, an
verò feceris professionem? quod fieri
etiam necesse foret in quibusdam alijs
peccatis, quæ specie differunt, grauiora-
que sunt in vno aliquo, quàm in alio, ob
adiunctam obligationem. Sextò. Pecca-
tis tuis etiam venialibus adijce numerū
quantum fieri poterit, vt tanto magis
erubescas, si modò numerus frequens
est. Septimò. Explica te in omni mate-
ria verbis decentibus honestisque, vt
castæ aures Confessarij offendi non pos-
sint, aut suggeri imaginationes impuræ;
vtere tamen talibus, vt te perfectè intel-
ligat. Octauò. Perfice denique tanta-

animi tui satisfactione hanc Confessionem, ut post absolutionem paratissima esses mortem obire, si Deus ita statueret. Verbo, ita perage omnia, quasi postremum in vita tua confitereris. Atque hæc ad primum caput spectant; si quid hic desit, supplebit Dissertatio de confessione ordinaria, quam aliàs proponam: nunc ista sufficiunt.

Ad alterum progrediamur, de defectibus qui in confessione annua possunt accidere. Eisdem fateor committi posse in alijs quoque Confessionibus: video nihilominus aptissime hoc loco referri, quando nobis propositum est, per illam supplere præcipuos ordinariæ confessionis defectus. Primus est, quando adferuntur termini generales & ambigui ex quibus Confessarius perfectam scelerum admissorum cognitionem assequi non potest. Ut si dicas: fecisse reationes immodestas. At quas? fortasse instar famuli à pedibus, porticum aliquam, aut ad modum cuniculi hortum vel aream percurristi? forte calceos induens,

duens, excessisti decentiæ modum? an protuleris obscura & ambigui sensus verba, quæ ineptas audientibus imaginationes impresserunt? an alium traxeris, tetigeris, percusseris, aut indecoro aliquo gestu læseris castitatem? hæc aliæque similia immodestiæ nomine veniunt. At nonne vides, ita Confessarium assequi non posse, quid velis? Angitur tamen interea, & si dissimulat, inde est, quod arbitretur ea à te in confessionibus particularibus esse clariùs explicata. Pari ratione dicet alius, malas se habuisse cogitationes: quid? voluitne naso mutilare Turcarum Imperatorem? an proximo malam crucem & mortem optavit? an consensit inhonestis affectibus? omnia ista malæ cogitationes sunt. Hinc disce melius declarare te, & nominatim dicere actionem, ut eius species, & qualis sit agnoscatur. Secundus defectus est, quando cogitur Confessarius interloqui, & interrogare, eò quod peccata, non ut oportet, proferantur. Dices habuisse te suspensiones & iudicia

temeraria; non sufficit. Addendum est, an in materia graui, an leui: an deliberatè ita iudicaueris, an inaduertentem ea opinio perstrinxerit. Accusabis te distractionibus indulgisse, in Officio aut sacro, ad quod obligaberis: si aliud non dicis, vnde diuinabit, fuerintne longæ, an breues; exiguæ an capaces peccati mortalis? Pròh Deum immortalē! quidni ita te explicas, vt statim intelligat, an graui, an leui crimine te obstrinxeris? an deliberatè, an inaduertenter, aut modica quadam admissa negligentia? Tertius est, inter confitendum abuti verbis quibusdam, & modis loquendi, qui affectationem sapiunt & vanitatem. Iste sui amor & complacentia vbique comes est, etiam in hoc sacro Tribunali. At animo simplici accedere oportet, seque claris & significantibus terminis explicare. Et optima hinc eloquentia est, quam candor & dolor exornat. Quartus est, deligere sibi Confessarium, qui nobis aduletur, qui vitia nostra non carpat, aut cui sumus ignoti; cum

cūm tamen hic ad eum modum nos gerere deberemus, quo in electione medici corporum nostrorum; hunc volumus scientissimum, longo usu experientiāque probatum, & gnarissimum nostri, nostrarūque omnium infirmitatum. Tanti profectō anima est, quanti corpus, & aliquantō præstantior. Quintus est, proprio Marte sibi formare conscientiam, nimis facili decernendo non petitā vllius Auctoris idonei sententia, actionem hanc peccatum non esse, aut non esse lethale, cūm tamen eiusmodi sit; vnde euenit animam aliquando esse mortali peccato infectam, nec ritè confiteri, aut sacram synaxim accedere, exponique periculo in tali statu moriendi, æternūque pereundi. Quare consultissimum est, eos audire, qui doctrinā pollent, qui animarum saluti incumbunt, quique hoc negotium peritè tractant, non verò sibi fidere, & suis affectibus blandiri, qui sæpe, quod reuera peccatum est, & subinde mortale, rem esse licitam, aut aliàs indifferen-

tem proponunt. Memini, quantum aliàs laborauerim, vt quibusdam hominibus persuaderem, res à tota Theologorum schola peccati damnatas, esse malas, & periculi plenas, neque satis scio, an fidem obtinuerim. Nonne lepidum est, quod creaturæ aliquæ, quæ nunquam studuerunt, nullius rei, quàm garrulitatis sunt peritæ, quæque nullum in Ecclesiâ munus obtinent, agant Doctrices, velintque resolvere & determinare puncta, soli subiecta iudicio Clauium, quas Deus Ecclesiæ suæque administris concedidit. Si sua illa loquacitate nimiaque fiducia perdiderint nonnullas animas, aut plurimorum scelerum fuerint authores, vide qualem ab ijs, alijsque qui conscientiam sibi fingunt, rationem aliquando exacturus sit supremus Iudex. Hæc hætenus: à meridie, reliqua ad annuam confessionem attinentia, prosequamur.

Si aliam cupis lectionem, lege cap. 9. & 10. & 11. tract. 4. primi voluminis, partis tertia. Romanorum aut 21. & 25. ap. lib. 1. Thomæ de Kempis

A lectione renoua proposita tua erga cultum D. Virginis. Non dubito, quin habeas certa honoris & pietatis obsequia quotidie illi exhibenda. Vide hodie, an non officio tuo desis, aut quid impoterum exhibere velis, decerne. Si ad numerum est Paradisus apertus centum deuotionibus erga Deiparam, ne pigeat istum oculi commodare Libelli Epilogo, Monitòque illi, quod agit de perleuerantia in cultu Virginis; reperies in vsum tuum opportuna. Aut lege deuotionem quintam, in octauo Purificationis; eaque obfirma animum tuum, ne aliam Matrem velis, quàm Mariam Dei parentem. Hinc ad sequentem meditationem te para.



II. MEDITATIO.

De conditione Peccatorum venialium, & quanto ea studio declinanda sunt.

Oratio præparatoria consueta.

I. Præludium. Imaginare cymbam, in quam se quotidie insinuant plurimæ guttæ aquæ, vel arenæ granula, à quibus tandem sic oneratur, ut versetur in proximo demersionis periculo. Par ratio animæ est, quæ indulget peccatis venialibus.

II. Prælud. Roga Deum, ut agnosce-re possis detrimenta animæ tuæ à peccatis venialibus illata, & periculum, cui illam exposuerunt.

I. Punctum. Peccata venialia displicent Deo, quia sunt immoderationes quædam voluntariæ siue cogitationis, siue verbi, siue operis contra rationem, contra Dei voluntatem, & præcepta. Et quamvis non adæquent malitiam peccati mortalis ut tamen sunt, Deus illa vehementer auersatur, adeò ut præstaret omnes

omnes homines mori, annihilari Angelos, & perire mundū vniuersum, quā vnico leui peccato veniali, verbulo aliquo otioso, offendi supremam Maiestatem: cū minima iniuria Creatoris, & Dei præ malis omnibus, quæ creaturas afficere possunt, magis metuenda sit, & omni conatu impedienda. Vnde consequitur, hæc peccata venialia esse totidem paruas contumelias, paruas iniurias, modicas rebelliones, modicos contemptus diuinæ Maiestatis: qui scriò amat, nullā in re displicere vult amico. Cur ergo toties Deum meum venialiter offendi? innumeræ sunt eæ parvæ contumeliæ, quibus te lacerasti; nolo amplius tibi displicere, nolo ne minimum quidem temnere, ô amabilissime Deus meus! an non satis est, quòd alij peccatores iniuriam tibi inferant, nisi & ego, qui me tui amantem profiteor, contumelias adijciam? ah nimis quā perfidum es cor meum, cū metuas ijs displicere, quos in hac vita charos habes, & potueris toties displicere vnice amabili!

I I. *Punctum*. Peccata venialia sunt diuerſi generis, alia leuia ſunt, alia grauiora; alia per malitiam, alia per inaduerſentiam; alia ex conſuetudine, alia ex fragilitate; alia coram hominibus, alia clàm; alia cogitationis, alia operis. O infeliçiſſimum me, qui omnium ſum reus! tantò deterius, quòd præ ſtupore iſta vulnera non ſentiam, quaſi Deus hiſce non offenderetur, & quaſi non aliquando meritas de ijs poenas eſſem daturus; cùm tamen certiſſimum ſit, Deum iſta, non ſolùm in hac vita, per morbos, afflictiones, deſolationes, dereliſtiones, per lapſus in alia peccata venialia, & nonnunquam permittendo, vt in mortale ruatur, verùm etiam in Purgatorio flammis ardentiffimis caſtigare. O chariſſime Deus, aperi mihi nunc oculos, ſubueni mihi gratijs tuis, & eſto mihi miſericors.

III. *Punctum*. Ex peccatis tuis venialibus animæ tuæ conſtitutionem agnoſce Primò, ſi ex malitia liberè, & ſæpe ea committis, indicium eſt, miſeram,

ani-

animam tuam in statu versari periculo-
so, & in proxima dispositione peccati
mortalis; tandem hydria frangitur, quâ
sæpe aquatum iisti. Secundo, quando
ex inordinato animi affectu venialia,
graviora admittuntur; Exempli gratiâ,
obtrectare alicui, violare charitatem,
non obtemperare, & similia, ex occulto
quodam odio, ex pernicacia, item non
agnoscere defectus suos, aut eos tanti
non facere, vt corrigere quis velit, vel
confiteri. malum signum est, & condi-
tio metuenda. Tertiò, non cohibere pec-
cata venialia, sed quâuis datâ occasione
illa committere, signum est, quòd quis
nulla profectûs sui. & perfectionis cu-
piditate teneatur, cum hæc requirat,
amitti potius vitam, quàm vel vnicum
deliberatè admitti, & velit eâdem animi
fortitudine, minima atque mortalia ex-
cludi

Colloquium ad Spiritum Sanctum.
O diuine Consolator animarum, quid
tandem fiet de animâ meâ tot læsâ vul-
neribus? quâ fronte inter tot imperfe-
ctio-

ctiones dicere se audet sponsam tuam? quo modo in tanta deformitate diligere illam poteris? deprecare, protestare, & ora. Pater, Ave.

Recollectio Meditationis. Visitatio Venerabilis Sacramenti, Examen. Prandium. Recreatio. Visitatio Venerabilis Sacramenti, & Examen particulare.

Sequitur tempus scriptionis, quam hodie velim te impendere scribendæ Confessionis annuæ, ad illam te disponendo iuxta instructionem in proximè subiecto Examine tibi oblatam, quod erit tibi loco Lectionis, & admissorum peccatorum memoriam reficabit.

DISSERTATIO POME- RIDIANA.

Continens Examen ad instituendam Confessionem annuam.

Dissertatio, Hagiophila, quæ vix aliud complectitur, quàm Examen ad annuam tuam Confessionem directum, facile æquabit Lectionem spiritalem, si noueris fructum hunc colligere, vt memineris omnium tuorum vitiorum, ad Confessionem ritè faciendam.

Vti

Vti verò diuersas personas alloquor, ita non mireris, me tangere plures chordas. Excerpe, quæ tibi propria, cætera alijs relinque. Quòd si Methodus hæc & Examen tibi non arrideat, aliunde tibi prospice, plures libri sunt, qui hac in re te iuuent; sed vide, ne illam imiteris, quæ generalem totius vitæ Confessionem peractura, omnia genera peccatorum, quæ talis libellus proponebat, nullo adhibito delectu annotauit, neque omisit deinde coram Confessario enuntiare, quidquid chartæ mandauerat; illæ qui aliunde perspectam habebat huius Virginis virtutem, & innocentiam, cum audiret opinioni suæ tam contraria, primum obstupescere, demum etiam interrogare: fecissetne illa omnia, de quibus se accusabat? Ah non, inquit, mi Pater, auertat tantum malum Deus! Cur ergo ista confiteris, subiungit Confessarius? quia ita in libello meo reperi, inquit, & existimaui ex demissione animi, & virtute omnia proferri debere. Quid fieret? proximum fuit, vt lacerato imprudenti

sche.

ſchediaſmate, ipſa ſua peccata bonâ fide
enuntiaret, quod fecit paucis: vitam
enim viuebat Angelicam, quam etiam
produxit ad annum ætatis quinquage-
ſimum, virginitate ſemper illibatâ, &
inſigni opinione ſanctitatis, cuius præ-
mium aliquot abhinc annis in cælo con-
ſecuta eſt. Rem hanc tantò ſecuriùs re-
tuli, quòd ex ipſius ore didicerim. For-
taſſis tamen melius coram te ſiluiſſem,
quòd non videaris eius genij, vt vel in
Tribunali ſacro, vel alibi plura contra-
te dicas, quàm feceris. At ſi non tibi,
alijs certè prodeſſe poterit, ſaltem vt ni-
hil dicant, quod non rectè intelligunt.
Nam negotium mihi fuit aliquando
cum nonnullis, qui adferebant termi-
nos, aut reſcriptos in libris, aut ſuggeſtos
ab alijs, quorum verum ſenſum non af-
ſequiebantur, vnde eueniebat, vt Con-
feſſarius hoc, aliud illi intelligerent. Ni-
hil dicere debes, quin ſcias quis ſit, ne-
que amplius quàm feceris. Quod ad me
attinet, ſpero me uſurum ijs verbis, &
terminis, qui capi ab omnibus poſſint;
ad-

addenda tamen fuit hæc monitio pro
ijs, qui aliâ quàm nostrâ instructione
sunt vsuri. Etiam hoc prædico, Examen
futurum satis breue, neque penè alia-
raturum peccata quàm venialia: non
enim credo te tam esse infelicem, vt
mortalibus te obstringas. Si tamen quæ-
dam propiùs eò accederent, tantùm di-
cam, vt eorum possis recordari. Tui mu-
neris erit diligenter attendere, & singu-
lis paululùm immorari, expendendo
num in ijs leuiter, an grauius delique-
ris, & quoties proximè, vt deinde anno-
tes, & scribas peccata tua. Ordinis verò
mei ratio facilis est, exordior à peccatis
contra Deum, contra proximum, con-
tra seipsum; deinde enumero cetera,
prout sese offerunt. Incipio:

EXAMEN PRO ANNUA CONFESSIONE.

EXamina te primò circa ea, quæ pro-
ximè ad Deum pertinent, & incipe
ab exercitijs spiritualibus, sacro Officio,
Rosario, Oratione tum vocali, tum
men-

mentali, Confessione, Communionē, Examine conscientiæ generali, & particulari, quâ ratione omnia peracta sint: quæ in ijs distractiones, longæ, an breues, voluntariæ, an indeliberatæ? quæ in illis omissiones, an tempus contraxeris, an ex eorum vsu profeceris, an peregeris sine seria applicatione animi, & ex consuetudine? Fuitne Confessio cum dolore, & emendationis proposito, sincera & sufficienter præparata? Communio habuitne suam præparationem, & deinde actionem gratiarum? & Lectio spiritualis tempore mensæ, & alibi peracta cum fructu, & attentione? Nihilne neglectum in vsu Indulgentiarum, aquæ lustralis, inuocationis S. Patroni menstrui, & annui, Orationum pro ijs, quibus promissimus, aut quibus debemus? De gratiarum actione post cibum sumptum, de benedictione illum præcedente. De vsu poenitentiarum publicarum, aut priuatarum, aut in Sacramento Confessionis impositarum. De Religione erga Augustissimum Sacramentum, &

& Passionem Seruatoris, erga Deiparam,
 Angelum Tutelarem, & alios electos Pa-
 tronos. De Verbo Dei in Concionibus,
 aut Exhortationibus, illi non attenden-
 do, dormiendo, fabulando, non adcu-
 do. De modestia in templis seruanda, per
 silentium, & debitam reuerentiam. De
 colloquijs in recreatione, & congressio-
 nibus hominum. De exercitio diuinæ
 præsentia. De matutina oblatione actio-
 num nostrarū ad Dei gloriam, & quoties
 aliquid maioris momenti aggredimur,
 per diem. De deuotione erga Salutatio-
 nem Angelicam ad pulsum campanæ, &
 erga Rosarium quotidianum. De cura
 dies festos maiori feruore, & pietate,
 quàm feriatos peragendi. De gratitudi-
 ne erga diuina beneficia, Deo rariùs &
 tepidiùs gratias referendo. De gloria
 Deo reddenda, de bonis successibus, non
 verò illam sibi vanè attribuendo. De fi-
 ducia in Deum, in afflictionibus tum
 animi, tum corporis De refugio ad il-
 lum in nostris necessitatibus, & actioni-
 bus omnibus, De curiositate, & dubita-
 tione

tionem circa res fidei, non statim repellendo. De exiguo zelo in impediendis Dei offensis, dando nostra indulgentia & dissimulatione occasionem alijs peccandi liberiùs. De repugnantia, & tepiditate in exequendis sanctis inspirationibus.

Secundò. Circa defectus aduersus proximum vide, an non peccaueris eum vilipendendo aut in animo, aut etiam signis externis, aut illi adulando, aut nimium laudando, aut silendo, tum, cum opportunitas bene de illo loquendi offerebatur, manifestando eius imperfectiones magnas an paruas, publicas an occultas, calumniando aut iniuriosè accusando. Multum aut modicum mali illi optando, famæ illius detrahendo, non salutando; fastidiendo, aut contemptim alloquendo, grauib, aut leuib, imprecationibus illi maledicendo. Congressum eius declinando, & alloquium. Volendo te leuiter, aut grauiter vindicare de iniurijs tibi illatis, precendo alijs antipathiam, & animi tui ab illo auersionem.

sionem, carpendo omnes illius actiones; genus, patriam: verbis amarioribus, & aculeatis illum inuadendo, petendo illum iniurijs, minis, verberibus. Reprehendendo indiscretè, imperiosè citra authoritatem; exprobrando illi defectus suos, & vitia à naturâ insita; negando illi operam, aut subsidium postulatum; inuidendo quòd plus aliquid præstet, magisque ametur; illum deridendo; illum exempli prauitate offendendo, & scandalizando; malè illi consulendo, eius secreta alijs prodendo. Referendo illi, quæ ab alijs dicta ad irritandum; seminando inter illum, & alios discordiam. Mendacij arguendo, delectando te, dum stomachantem vides, neque, cum posses, impediendo. Gaudendo de ipsius infortunio de felicitate dolendo; illius afflictionibus non compatiendo; curiosè indagando, quidquid ad eum spectat; suspicando aut temerè iudicando de ipsius actionibus in materia parui, aut magni ponderis, cum firma adhesionem, imò illas ipsas suspiciones, & iudicia alijs agni-

significando. Ipsius opera in peiorem partem interpretando, astutiæ nomine afficiendo ipsius prudentiam, religionem & pietatem vocando hypocritism. Clamosè, agrè & pertinaciter contradicendo: Amando personam aliquam, potius vt propensioni naturali facias satis quàm in commodum animæ; priuatis amicitijs indulgendo, neque abstinendo, etsi eâ re alij offendantur; permittendo quibusdam (eiusdem quidem sexus) aliquos actus familiaritatis, quos præfente Confessario, aut bonæ notæ homine non permitteres. Contemnendo Parentes, aut alios, quibus reuerentiam debes: Impendendo te operibus charitatis cum personarum acceptione.

Tertiò. In ijs, quæ te contingunt, cogita, an non defuerit tibi in tuis bonis propositis constantia, maximè quoad seruitium Dei. An non fuerint recidiuæ nimis frequentes; tristitiæ quando res è voto tuo non successerunt; ineptæ & nimis lætitiæ nullâ vel vana de causâ; indignationes internæ, ostentationes in

ver-

verb
alie
tas in
& stu
nimi
com
natu
culan
loqu
tion
erga
dina
obije
effusi
præ
actio
tion
& ni
das, f
ni v
perd
titud
tio,
rum,
aut a

verbis; laudes tui ipsius, Parentum, & aliorum ad te spectantium; pusillanimitas in virtute prosequenda; nimia cura, & studium commodorum corporis; amor nimius tui; fuga mortificationum; vana complacentia in donis, & talentis tuis naturalibus, aut supernaturalibus; excusationes in peccatis mendacia in colloquijs; verba otiosa & inutilia; cogitationes vanæ, impatientiæ, immoderati erga rem aliquam affectus; amor inordinatus, continuò rem amatam menti obijciens; euagatio animi in creaturas effusi; similitates, cupiditates vindictæ, præteritorum scelerum complacentia; actiones vanæ gloriæ, aut ad tui æstimationem & amorem directæ; præsumptio & nimia tui fiducia ad res benè gerendas, si adhibereris. Pigritia, nimius somni vsus, aut intempestivus; tempus otio perditum, aut malè impensum; ingratitudo in Deum, & homines; ambitio, & appetitus honorum, & officiorum. Repugnantia ad benefaciendum, aut ad emendationem, etiam cum mo-

F neris;

neris ; facilius lapsus in peccatum , eò
quòd aliàs id admiseris , aut quòd cogi-
tes eàdem operâ etiam istud confessione
expiandum ; neglectus pœnitentiarum
tùm ex obligatione subeundarum , tùm
ex deuotione assumendarum ; propo-
situm non confitendi quædam venialia ,
eò quòd corrigere illa nolis ; destructio
valetudinis , nimium sensualitati indul-
gendo : nimia rerum nouarum curiosi-
tas , vt nihil te domi forisq̃ lateat ; Le-
ctio librorum inutilium , iocosorum , pe-
riculosorum , & similium , qui animum
dissipant , & aliquando species minus
honestas menti suggerunt ; credulitas
somnia & diuinationibus adhibita , hy-
pocrisis virtutem simulans ; pertinacia
tui sensûs , & proprii iudicij ; immode-
stia in incessu , risu , clamore , sermone ,
aspectu ; delectatio in audiendis obtre-
ctationibus ; vanitas in habitu , orna-
tûque ; prudentia carnis , & sæculi ; dis-
simulationes , vtendo in conuersatione ,
verbis æquiuocis , ambiguis ; aulicis ,
& vanis officiorum delationibus. Agen-
dorum

dorum cura, aut nimijs negotijs te implicando, aut suscipiendo ea, quæ à vocatione tua sunt aliena, aut laboribus te eximendo sub prætextu seu sanitatis, seu imbecillitatis, nisi sint speciosi, & honorifici. Contemptus virtutis, & virtuti studentium; eos simplicitatis aut hypocrisis arguendo, qui plura præstant officia charitatis, quique ad omnia sunt promptissimi; eos etiam asperius alloquendo, carpendoque tanquam nimis faciles, & credulos. Arrogantia: nolendo sequi, nec petere aliorum consilia in rebus dubijs, neque patienter audiendo monitiones tuorum Confessariorum, Superiorum, Concionatorum, alijs non cedendo, teque ijs meliorem reputando & digniorem. Gula: Intempestive edendo, aut vt appetitui tuo satisfacias, aut ne minùs facias quàm cæteri; quærendo cibos peculiares, specie quidam varietudinis, cum reuerà aliud non sit, quàm cura cuticulæ; effundendo te in cibos, còsque tantà aviditate sumendo, vt neque lectioni, neque sermoni at-

tendas; conquerendo etiam, si quid palato tuo non arrideat. Libertas periculosa; nihil sensibus negando, viuendo ad arbitrium quasi nullæ tibi regulæ præscriptæ forent; repetendo morem viuendi antiquum, & sæcularem; separando te à communitate ex pertinacia, vel quòd ita lubeat, aut ex affectu aliquo singularitatis.

Quartò. Circa Castitatem considera, an non dederis aliquam occasionem istis turpibus somnijs istis miserijs, & illusionibus nocturnis, quæ subinde dormienti accidunt; & an euigilans aliquam delectationem, & consensum non adhibueris. An custodieris ita oculos, ut nihil lasciuum, nihil nudum præter manus, & faciem, siue in alijs, siue in te videris. An ab obscœnis imaginibus, à vultibus formosis, alijsque obiectis, quæ ad incontinentiam alliciunt, & impuras cogitationes, & motus periculosos generant, auerteris? An non commiseris, aut permiseris actum aliquem indecorum, & huic virtuti contrarium siue tecum,

cum, siue cum alia persona, & quâ intentione, cum nulla bona sit, nisi quæ est necessitatis. An non faciliè vultum, caput, manus alterius contrectaueris, & an id ex leuitate, an verò ex voluptate. An non blandiori quâdam agendi ratione, alios in tui amorem excitare volueris. An non minùs casto, & nimis ardenti affectu dilexeris aliquam creaturam, illam pascendo verbis molliibus & amatorijs, muneribus, litteris, nimia familiaritate, eaque priuata, continuò de illa cogitans. An diligenter cogitationes inhonestas repuleris, & tentationum occasiones vitaueris. An verba protuleris minùs casta, eaque libenter audieris ab alijs. An non habeas turpes libros, an eos legeris, turpia cecineris, aut cum voluptate attenderis alijs legentibus, aut cantantibus ea, quæ puritati, & decoro aduersabantur.

Quintò. Quod ad obedientiam attinet, si in statu es Religioso, reuoca in mentem, an promptè sine oblocutione & murmure obediueris. An non volun-

tatem Superioris pertraxeris in tuam. An non male de illo sis locuta, an debitam reuerentiam ei detuleris, cum Dei loco te regat. An non declinaueris illius occursum, vel ad fouendam auersionem tuam ab illo, vel ne tibi aliquid mandaret. An candidè patefeceris illi omnia, quæ scire illum oportebat. An eum non contristaueris tuâ agendi ratione, per uicaciâ, murmurationibus, dictis aculeatis, repulsâ aut obtemperandi difficultate, aut similibus superbiæ & inobedientiæ actionibus.

Sextò. Superest paupertas, si eius voto teneris. Nihilne accepisti, dedisti, commodâsti sine facultate? nihil habes in cubiculo, aut alibi superfluum? an non satagis, vt optima ad vsus tuos concedantur? an ea, quorum vsus tibi permixtus est, benè conseruaris, an rem domesticam prodegeris, corruperis, & malè impenderis? an non immoderato affectu adhærescis rei alicui, ita vt agrè illa tibi eriperetur? nihilne habes reconditum, ne reperiatur Superior? nihil-

ne

ne est, quod tibi proprium facis, siue pecunia, siue aliud aliquid in cubiculo, aut alibi sine facultate & scitu Superioris?

Septimò. Adde his omnibus examen circa Regulas tuas, si es in Religione, aut Socierate, Congregatione, Confraternitate: circa officium tuum, statum & conditionem; circa præcepta Dei, & Ecclesiæ, casu quo in ijs deliqueris. Hæc enim omnia vbi studiosè perpensa discussaque fuerint, maximè si accesserit, etiam inspectio eorum Examinum, quæ circa virtutes, & tria vota hîc in singulos dies addidi, dubitari non debet, quin anima, quæ aliquo Dei timore tangitur, inueniat sibi factum satis, vt bonam integramque Confessionem annuam instituat, Amen.

Confessione iuxta hanc dissertationem parata, & descripta, si tempus adhuc Lectioni supererit, lege cap. 8. & 9. tract. 7. vol. 2. Part. 1. Roderici, aut cap. 24. lib. 1. & c. 5. & 6. lib. 2. de Imitatione Christi.

Sequitur Examen circa charitatem proximi, quod eodem modo institues, quod hesternum hæc eadem horâ,

EXAMEN DE AMORE ET Charitate proximis impen- denda.

EN tibi nunc quindenae notas sinceri
amoris erga proximum.

Primò. *illum diligere sicut seipsum.* Sec-
cundò. *Nihil illi facere, nisi quod velimus*
nobis fieri. Tertiò. *Gaudere de omni illius*
felicitate, & commodo. Quartò. *Illius in-*
commodis & aduersis addolere. Quintò.
Non offendere, neque ulla, vel minima mo-
lestia afficere. Sextò. *Nullò indicio seu ab-*
sentem, seu presentem vilipendere. Septi-
mò. *Nunquam illum reprehendere, nisi id*
muneris nostri ratio postulet. Octauò. *Nul-*
lum illi denegare subsidium consentaneum
rationi. Nonò. *Vitia illius excusare.* De-
cimò. *Illi non obloqui contentiosè.* Unde-
cimò. *Cordatè, & ingenuè cum illo age-*
re. Duodecimò. *Tolerare ipsius defectus,*
& imperfectiones. Decimò tertiò. *Ho-*
nore, & officijs humanitatis illum praeue-
nire. Decimò quartò. *Non inuidere, sed*
illius laudibus oblectari. Decimò quintò.

Pa-

Patienter sustinere, quidquid nobis molestia intulerit.

Hagiophila, hinc arbitrare, num proximum diligas: ægrè primam, & ultimam notam in te reperies: sed ne deiecto sis animo, & has & alias sufficere potest Deus, quando promptam reperit voluntatem, qualem tuam esse non dif-
fido. Nunc erubescere, quòd tam parum instructa sis vero proximi amore, & statue peculiari studio deinceps illi incumbere.

Examen excipit Oratio vocalis, aut Officij, aut alia, hanc sequitur consideratio.

CONSIDERATIO.

I. **O**Mnis Theologia consentit, nullum esse dolorem tam acerbum, nullam tam molestam ægritudinem, nullum tormentum neque rotæ, neque ignis, neque plumbi liquati, aut aliud, esse tam terribile, ut maiora non mereatur etiam vnum peccatum veniale. Cur istud igitur non expendo, qui tam facile in ea peccata labor, quique tam ægrè in-

F s ducor

ducor ad poenitentias, delendis & expi-
andis vitæ præterite peccatis necessarias.

II. Ah! qui animo affligeretur,
quantum Deo displiceat minimum pec-
catum veniale, quam se studiosè conti-
neret! exigua Davidis Regis vanitas,
quæ subditorum numerum iniri iulce-
rat, trium dierum pestilentia, & iactura
septuaginta millium hominum castiga-
ta fuit. Post hæc ausim ego aliquando
me permittere vanitati, aut minimo ve-
niali peccato indulgere?

III. O Deus! quam immerito queri-
mur de aduersis, quæ sustinemus, quæ-
que Deus nobis immittit, si aduertamus
animum ad scelera, quæ perpetravimus,
& ad poenas, quæ ista promerentur. Eti-
am si non admisilemus nisi peccatum
unicum, diuina Maiestas (quæ eo lædi-
tur) tanti est, ut omnes totius Mundi
cruciatus præstandæ satisfactioni legiti-
me non sufficiant. Irruat igitur in me,
quidquid durum, quidquid asperum,
non querar, quin ubique & semper pro-
ficior me duriora, asperioraq; mereri.

IV. Fer-

IV.
firor
mult
amore
& aux
deficie
thale
mihi i
tionis
pter in
nutis
aman
to, au
nialib
V.
citas
quam
illas
num
fluen
fruen
atern
hilar
com
dein

I V. Fertur diuina bonitas visâ no-
frorum peccatorum, etiam venialium,
multitudine, plurimum remittere de
amore erga nos suo, & protectionis suæ,
& auxiliorum gratiam subtrahere, quâ
deficiente pronissimus in ruinam & le-
thale peccatum est lapsus. Heu! & istud
mihi infortunium æternæque damna-
tionis periculum accidere poterit pro-
pter insignem illam licentiam, quâ mi-
nutis istis me noxis obruo. Mortem, ô
amantissime Deus, mortem ipsam flagi-
to, aut verò gratiam, quâ à vitijs istis ve-
nialibus sim immunis.

V. O quanta harum animarum feli-
citas, quæ cælum incolunt! nullo vn-
quam scelere offendunt Deum O quàm
illas vel inde complector, quòd æter-
nùm cælo excludi mallent, cæque af-
fluentia, & magnitudine gloriæ, quâ
fruuntur, priuari, quin & præcipitari in
æternos inferorum cruciatus, aut anni-
hilari quàm minimam venialem noxam
committere Is modus est, quo viuere,
deinceps desidero, & eligere infernum,

& in nihilum meū reuerti potiùs quàm peccare.

VI. Verè dictum olim à S. Catharina Genuensi, quòd si homo cognosceret, quando dignum odio, fugaque esset peccatum vel vnicum, existere mallet in ardenti fornace, ibique viuus consumi, quàm illud admittere, & si totum mare foret igneum potiùs in illud adfundum vsque se demergeret, neque vnquam enataret, si crederet sibi emersuro obuium fore peccatum, eoque se contaminandum. Nihil illo verius, cùm nihil in Mundo præter peccatum, & offensionem Dei timeri debeat: si scirent istud homines, & ego, vt par est, istud apprehenderem, in alium sanè virum ab eo qui sum, euaderem, & omnes sancti essemus.

Adest hora relaxationis: Deinde Officij aut orationis vocalis, tum visitandi Venerabile, denique præparandi sequentem Meditationem,

III. MEDITATIO.

De fructibus vera Pœnitentia.

Oratio præparatoria vt aliàs.

P*ralud.* I. Propone tibi ob oculos S. Ioannem Baptistam alta voce clamantem : facite fructus dignos pœnitentiæ ; & quidem hæc tibi denunciari cogita, cum maximè ex usu tuo sint.

Pralud. II. Pete à Deo peculiare subsidium, quo possis penetrare hos fructus, & vt eosdem in anima tua, producere & conseruare dignetur.

I. *Punctum.* Insignis pœnitentiæ fructus est, contritio & dolor habitualis de offenso Deo, quem si tota vita continues, sic vt passim in actum erumpat, indicio est, fructum esse maturum. Considera varijs id modis fieri posse, eiusque exercitium esse vtilissimum. Recordor me Deum offendisse, & quid verat, ne suspiriolum, ne oculos in cælum dirigam, ne leui pugno contingam petus? quid prohibet, ne submissa, aut etià elata, si sine arbitris sum, voce con-

tester : Deus meus propitius esto mihi peccatori ; delicta iuuentutis meæ & ignorantias meas ne memineris Domine ? O dulcissime , malletm mortuus esse , quàm te offendisse ? Statue igitur vti simili exercitio , sine quo nulla tibi dies abeat ; & iam nunc incipe iuxta instimctum Spiritus Sancti . En actum perfectæ Contritionis , quo nunc & aliàs vti poteris : Dulcissime Iesu , vere Deus & Homo , diligo te ex toto corde meo , & quia infinitè bonus es , detestor & execror omnia peccata mea supra quidquid detestabile & execrabile est , & propono me nunquam amplius te offensurum , succurrente gratia tua & meritis mortis & Passionis tuæ , in quarum vnione offero tibi omnes actiones meas , Amen .

II. *Punctum* . Alter fructus poenitentiae satisfactio est , cui idcirco danda opera , quòd in domo Dei omnia persoluantur seriùs aut ociùs . Et verò præstat , vt nos ipsi soluamus Deo , dum viuimus , quàm vt in Purgatorio trada-

mur

mur tortoribus infernalibus, donec de nouissimo quadrante satisfiat. Statuam igitur & decernam poenitentias, quibus tota vita constanter uti volo delendis tum praesentibus peccatis, tum praeteritis: in hebdomade vel mense tot disciplinas, toties cilicium, toties ieiunium, toties abstinentiam, & alia, ad quae me Deus stimulabit, & quae non negligam nisi coactus aduersa valetudine. Confusio ob praeteritam ignauiam. O anima mea! quis sensus Dei tui & sanctorum, qui vident tam parum te ad haec attendisse, tam nihil te motam consideratione talium flammaram purgantium? inauditus hactenus tepor tuus est. Centum anni Purgatorij, & suppliciorum, & aspectus daemonum, & ardentium flammaram tibi minimum debentur, neque commoueris? o Deus misericordiarum, quid tandem erit de me? loco castigationum, quas corpori deberem, blanditijs illud mulceo, & omnes patiendi occasiones declino. Largire mihi, Deus meus, cor aliquod Dauidis contritum

tritum & humiliatum, da cor Magda-
lenæ, quod triginta annis egit pœniten-
tiam: Hic vre, hic seca, modò in æter-
num parcas

III. *Punctum.* Excellens etiam est fru-
ctus pœnitentiæ, horror peccati præfer-
tim mortalis & metus vel leuissima of-
fensione Deum prouocandi. Plurima
me ad hunc timorem instigant, ac im-
primis inconstans naturæ nostræ condi-
tio; tot præclari viri post tam singula-
res conuersiones & pœnitentias, post
tam seria bene viuendi proposita, post
tot illustrationes animi, post exercita-
tiones spirituales tam accuratè obitas,
tandem defecere, & fortassis periere: ipse
ego sæpius mores mutauī; adeò vt qui
totos quinquaginta annos diuino ser-
uitio impendisset, nullam sibi securita-
tem posset polliceri, & ego ea ætate iu-
uenis non metuā? maximis præditi vir-
tutibus deficere possunt, quid ego, qui
nullam habeo, aut admodum exiguam?
Angelus simili carne, parique naturæ
genio indutus timeret; & ego conscius
rebel-

rebellionis & violentiæ, qua me caro la-
cessit, cuius indoles mutabilis, superba,
& impatiens, non verebor? quid scio,
qualis mea post annum, post decenniū,
si eo vita prorogetur, futura sit volun-
tas? suspectam igitur anima mea habe
inconstantiam tuam, & relapsū, &
ruinam time. O Saluator animæ meæ!
moriar nunc; si periculum est, vt ali-
quando te deseram, aut ab hisce propo-
sitis meis discedam. Permittite, aiebat
B. Aloysius Gonzaga morti proximus,
& viginti quinque tantum annos natus
permittite, vt moriar; si enim vixero
diutius, quid de me futurum sit, ignoro.
Ita omnino forsitan satius tibi esset, ô
anima, vt hinc discederes ocissimè,
quàm vt vitam longiùs trahendo, dege-
neres in deteriora.

Colloquium ad tres Personas Angu-
stissimæ Trinitatis, quæ inmutabiles sunt,
& constantes in amore & decretis suis.
Vtinam eas æmularer! vtinam de con-
stantia, veræ pœnitentiæ comite, forem
secura! dabis mihi illam, ô adoranda.

Tri.

Trinitas: hâc ipsâ viuo, & sic mori spero, Pater, Ave.

Recollectio Meditationis. Lectio Thomæ de Kempis, temere libro aperto. Rosarium Visitatio Venerabilis Sacramenti, Cæna, Recreatio, Litaniæ SS. Visitatio Venerab. Sacramenti. Præparatio Meditationis in sequentem diem. Examen. Quies: sed memineris prius à B. Virgine petere benedictionem obuertendo te, ad aliquam eius sacram ædem. Fuit hæc olim Religio B. Stanislai Kostkæ Tyronis in Societate nostrâ, quam tu imitaberis, vt tantò securiùs dormias. *Quidquid enim B. Virgo benedixerit, erit benedictum.*



TER.

TERTIVS DIES.

*De miseris vita tepida, & in seruitio
diuino languentis.*

O Rigo peccatorum nostrorum maximè prouenit ex languore spiritali, & ex tepiditate negligentiaque, quâ Deo seruimus. Illam igitur meritissimo iure oppugnabimus hodie, & sic indagabimus calamitates, quibus animam nostram depopulatur, vt eam reliquo vitæ tempore velimus exclusissimam.

More tuo adi Venerabile Sacramentum;
inde ad Meditationem hanc te dispone.

MEDITATIO I.

*De miseris & damnis vita
tepede.*

Oratio preparatoria vt aliàs.

I. P *Relud.* Statue te in conspectu Dei, veluti hominem, cuius membra omnia inutilia sint, sine auribus, sine naso, sine labijs, corpore toto vlceribus & plagis operto, ita tamen vt nulla lethali

lis sit. Talis proximè conditio est animæ, plurimis defectibus, & tepiditati subiectæ.

II. *Pralud.* Ora Deum, vt videre possis, an talis conditio sit animæ tuæ.

I. *Punctum.* Infelix est vita tepida in Dei seruitio, quòd Deum prouocet ad fastidium, nauseam, & indignationem aduersus animas torpentes, vsque eò, vt parum absit ab illo vomitu, de quo Scriptura loquitur, plane quasi obnoxius illi esset, & ad instar eius, qui potâ aquâ tepidâ, vix vomitum cohiberet: *Quia tepidus es*, inquit, *ego incipiam te euomere ex ore meo.* Vt vt est, status hîc plurimum Deo displicet, & maxima damna inducit. Primò hebetat splendorem & pulcritudinem Communitatis Deo seruientis Vnus tepidus sufficit ad turbandâ decorandamque domum integram, Par insolenti Militi, qui ordinem militare dissoluit; similis amico perfido, Filio inobedienti, sponsæ infideli. Secundò anima tepida prorsus ingrata est, malum bono rependit, & amoriniuriâ. Tertio

tiò à communitate benignas prouidentia diuinæ dispositiones auertit, & fontem donorum cælestium, tum spirituum, tum temporalium obstruit. Quartò semper diuinis inspirationibus resistit. Quintò valetudine corporis, quam Deus ad feruenter sibi seruiendum impertit, abutitur. Sextò decipit eos, qui siue in cælo, siue in terris mira à nobis sperant & exspectant. Quid tibi videtur anima mea, nonne examussim hisce coloribus depicta es, & uti vixisti, expressa? verbo tantum opus est. Dic Duci tuo, Patri & sponso tuo, quid impofterum? ut vel præteritas negligentias tibi indulgeat, vel omnino te destituat, indignam tali Principe, tali Patre, & sponso tali, quem nihil delectat, nisi feruor, & alacritas bonæ vitæ.

II. *Punctum.* Tepidus iniuriam facit Ecclesiæ, & ijs quibuscum viuit Primò alter aliquis, millies melius ageret quàm ego: cur igitur locum illius occupo & absumo panem eius, qui esset feruens? Secundò, Vana sunt omnia auxilia, quæ
Deus

Deus largitur per Sacramenta Confessionis & Communionis, per pœnitentias, per lectiones & colloquia spiritualia, per adhortationes, per Exercitia: frustra his omnibus tempus teritur. Tertiò. Communitas, in qua viuo, magnum famæ, & existimationis patitur detrimentum: cùm enim ex toto habitu corporis mei, ex verbis, & actionibus meis appareat tepiditas, facîle de Sodalibus meis concipitur eadem opinio. Quartò. Tantundem alij meo abrepti exemplo faciunt, facientque, & dicent, ista olim in me fuisse dissimulata & tolerata. Quintò. Non sit vllus processus ad virtutem, sed potius regressus, cùm in domo Dei non progredi, regredi sit. Sextò. Tandem obduratur cor, neque amplius aduertit ad conscientie morsus, quos pridem neglexerat, vt nihil iam propius sit, quàm ruina in grauem aliquam noxam.

III. *Punctum.* Vita tepida est febris hectica, qua, qui laborat, dū credit plurimum adhuc vitæ superesse; ita paulatim

tim consumitur, vt subito extingatur:
vnde tepido idem inculcari potest, quod
Angelus cuidam in Apocalypsi obijcit:
Dicis quod Diues sis, & locupletatus, &
nullius egeas; & nescis quia tu es miser,
& miserabilis, & cæcus, & nudus. No-
men habes, quod viuas, & es mortuus.
Mortuus! ô Deus meus, quid erit de me?
en paratissimus sum, ad omnia deinceps
feruenter peragenda.

Colloq: ad sanctos, quos meminero
in vita sua feruentes fuisse. Pater, Ave.

Recollectio. Electio Tessera. Idonea hodie
videtur hæc: *Maledictus homo, qui facit opus
Dei negligenter. Aut ista S. Gregorij: De-
minus vigilat in suis, dormit tepidis.*

Deinde Oratio vocalis, aut Officium. Sa-
crum. Spiritualis Lectio.

DISSERTATIO MATUTINA.

*De Confessione ordinaria, qua hebdo-
matim, aut frequentius in-
stituatur.*

A Bripor stupore, Hagiophila, quo-
ties mecum reputo, tot personas,
quæ

quæ siue in Religione, siue in sæculo, virtutis & deuotionis studium profitentur, cum progredi maximè deberent, turpissimè retro ferri, & vitam in Dei seruitio ducere penitus tepidam, segnem & ignauam; ita vt pluribus annis hoc pacto decursis, sint imperfectiores, minus deditæ pietatis exercitijs, quàm ipso Conuersionis exordio; quin & vitijs sca- teant crebrioribus, & grauioribus, magisque periculosis. Sæpe causam huius indagauì curiosius, & postquam versa- ui animo plurima, non reperiò aliam, quantùm ego quidem iudico, solidior- rem, quàm à frequenti vsu Sacramen- torum, sine debita animi dispositione. Itur enim ad Confessionem, ad Com- munionem ex more quodam, ex con- suetudine, & defunctoriè, animo non præparato, sine feruore, & sine serio (quod tamen requireretur) emenda- tionis proposito: vnde accidit, vt Sacra- menta, quæ non operantur nisi iuxta di- spositionem suscipientis, careant effectu suo, hominemque relinquant iisdem vi- tijs

tij's o
femina
in per
aridit
mus i
deren
gratia
furan
rare
rum
feram
Qu
com
doqu
uia n
impu
nion
quanc
Sacr
uia ta
arting
struct
ignor
tiale
huc e

tijſ obnoxium, & immerſum: eadem, ſemper in Confefſione proferuntur, & in peiora prolabimur, eodem frigore, & ariditate Cōmunicamus, & è malo ruimus in deterius: vbi è contrārio, ſi accederemus, vti par eſt, eas reciperemus gratias, quæ bonæ diſpoſitioni admeſurantur, & ſingulari fortitudine roboremur aduerſus vitia & peccata, quorum ſeriam Deo generoſamque promiſſeramus emendationem.

Quamobrem diſſertationem hanc ac-
cōmodo Confefſionī ordinariæ: quan-
doquidē ea, ſi malè inſtituitur, ſit igna-
uiæ noſtræ, & repidæ vitæ, quam hodie
impugnamus, origo. Alibi de Commu-
nionē loquemur, decimo nimirum die,
quando de religione erga diuiniffimum
Sacramentum diſſerere propoſui. Ob-
uia tamen Confefſionis fundamenta nō
attingo: ſuppono enim ab ijs ſatis in-
ſtructam Hagiophilam meam, neque
ignorare quid huic Sacramento eſſen-
tiale ſit. Neque etiam dubito, quin ad-
huc eorum meminerit, quæ de Confef-

sione annua, huc referenda, disceptant. Verfor hic circa conditiones, quas habere necesse est Confessione illam, quæ octonis diebus, aut etiam sæpius instituitur, prout quemque deuotio ad vsum huius Sacramenti extimulat. Varins enim, etiam apud Sanctos, fuit. S. Epictetus, non nisi semel in hebdomade fieri volebat. S. Catharina Senensis, S. Birgitta, S. Carolus Borromæus, & S. Patriarcha noster Ignatius quotidie usurpabant; vtcumque libuerit, ego eas qualitates proponā, quas arbitror esse consideratione dignissimas: ad decadem omnes reuoco, & ex occasione dico, quidquid attendi debet, ne erretur, & quid obseruandum sit, vt bene & cum fructu peragatur. Ordiamur à preparatione.

I. *Preparanda* est non solum quotidianis Conscientiæ examinibus, vbi defectus annotantur, & eo, quod prius paulò, quàm Sacerdoti nos sistamus, instituitur, quando præuidemus ea, quæ nobis dicenda sunt, verum etiam, idque præ-

præcipua quadam ratione, per actum
 doloris, & boni propositi, peccatorum
 Confessioni præmittendum: quod com-
 mendare satis non possum, cum sciam
 subinde graviter hic delinqui etiam à
 viris probis, qui istud Sacramentum, si-
 ne actu contritionis, aut attritionis ac-
 ceperunt: fatebuntur quidem omnia, ve-
 rum defectu doloris sufficientis, siue o-
 misso motu contritionis, aut attritio-
 nis, & quia deest vitæ emendandæ pro-
 positum, eorum Confessio erit nulla, quin
 & insigni iâcricio, mortalique crimi-
 ne vitata, iuxta rationem admissæ ne-
 gligentia: accedit huic Cōfessio, alia-
 que deinceps eodem fortassis pacto in-
 stitutæ Confessiones, & proinde miser-
 rimus animæ status: e quo non emergi-
 tur, nisi tempore Confessionis, annuæ,
 quando accuratius omnia discutiantur.
 Ut verò hic tibi aperiam, quod sit Contri-
 tionis, quod Attritionis motuum, quin
 iam scias, nullas dubito: quisquis con-
 tritus est, dolet se Deum offendisse ob
 eius bonitatem & amorem; qui autem

est Attritus, etiam dolet, sed ob peccati
 foeditatem, & ratione poenarum sibi im-
 pendentium. Dixi, alterutrum horum
 actuum esse Confessioni præmittendū,
 gratia securitatis; quia illum differre
 velle, donec aut Sacerdos te adhortetur,
 aut absoluat, periculo te exponis, aut vt
 illius non sis memor, aut ne otium de-
 sit illi vacandi: cū animus alibi disti-
 neri possit, siue an dixeris omnia siue
 in recolenda poenitentia tibi à sacerdo-
 te imposita, siue alia quacumque re.
 Quando verò actus ille præcessit, iam
 extra sollicitudinem es, & discrimen sa-
 crilegæ Confessionis: & in potestate tua
 est, eundem in fine iterandi, si opportu-
 nitas & otium sese offerat.

II. *Sit utilis & proficiuus.* Nunquam e-
 nim adire debemus ad Confessionem,
 quin peccatum aliquod deponamus; etsi
 enim optima sumus voluntate emen-
 dandi omnia, tamē eò potissimū con-
 niti debemus, vt ab vno aliquo peculia-
 riter expediamur, cui deinde post Con-
 fessionem studiosius intenti, omnes re-
 laben-

labendi occasiones euitemus. Atque in eo nostrarum Confessionum fructus existit, nam, ut corrigamus omnia, difficile est: miseri peccatores sumus, innumeris lapsibus obnoxij: ea tamen animi magnitudine, & propositi firmitate esse possumus, ut superemus illud, quod nobis præfixerimus peccatum, aut penitus non admittendo, aut quàm antea, rariùs, aut saltem minori deliberatione, malitiâque; quod maximum sanè erit emolumentum: fietq; ut inter pauculos annos, quin & menses, multam de peruersis nostris habitibus, & malâ naturæ propensione victoriam reportemus.

III. *Animosa.* Ipso statim exordio dicendo id, quod acriùs grauat conscientiam, & cuius nos præcipuè pudet; idque non tantùm nostro ordinario Confessori, verùm etiam illi, qui eius locum occupauerit, si fortasse contingat alterum absentem esse, aut ægritudine impeditum; memores, quòd quicumque nos audierit, Dei vices gerat. Quo in genere nonnulli deficiunt, quibus tam agrè est,

ut alteri confiteantur, ut vel aliqua sub-
 ticeant cum periculo sacrilegij, vel sui
 reo cum Confessarij prestolantes, ma-
 linc se confessione Communioneq, pri-
 vare. Qui profectò defectus non leues
 sunt in ijs, qui virtutem vitamque spiri-
 talem videntur profiteri: multumque
 abeunt ab imitatione B. Mariae Venera,
 quæ sui Confessarij absentiam æquissi-
 mo animo tolerabat. Consultissimum
 quidem est, eodem vti Confessario: ve-
 rum si casus aliquis accidat, quo mutare
 cogamur, generosè id faciendum est. &
 cogitandum, Confessarios omnes Domi-
 ni numinis esse Vicarios, neque graui
 culpâ vacaturos, si propter illorum æ-
 mulationem aut imprudentiam, liber-
 tas nobis demeretur alteri confitendi.

IV. *Brevi.* Quia non omnia peccata
 venialia dicenda sunt, neque eo esse de-
 creto debemus, ut ne vnicuique quidem
 omittamus: sic enim nullum reperire-
 mus dicendi finem, usque adeò fragiles
 sumus. Sufficit vandi nonnulla, præci-
 puæque, cæteris diuinæ misericordiæ

com-

commisissis, aut in Confessionem annuam dilatis. Neque etiam ad eum modum peccata referenda sunt, quo narrari historię solent, plenē omnia minutimque recensendo; aut certis quibusdam dicendi formulis, more eorum, qui reliquias publicē ostendunt, à quibus si vel minimū aberrasses, credas te irritam fecisse Confessionem: cuius adeo genij reperiuntur homines, ut ad alium se Sacerdotem conferant, qui talibus historijs, & narrationibus patientes aures accommodet. Cauendum præterea est, ne talia dicantur, quæ usum alium non habent, quàm ut Confessariū reddant sollicitum, ut materiam conferendæ absolutioni reperiatur. Erunt, qui dicent: non amavi Deum, quemadmodum decuit; non oraui, uti debui; charitatem non exercui, quantum oportuisset, & alia lyræ similis, quæ aliò non spectant, quàm ut Confessio protrahatur, aut ut impatientiā vexetur Confessarius, & illi, qui post te confessuri sunt. Dic solidum aliquid, hoc est, aliquid factum malè, &

specie benè expressa, & mitte inutiles illas Litanias, vt Confessio tua brevis sit, & sine fastidio. Nihilominus quando exigo, vt sit brevis, non intelligo talem esse debere, vt tibi non satisfacias, neque animus tuus plenè Confessario tuo perspectus sit: ad hoc instituta Confessio est, & si quisquam sese opponeret, meo nomine significa nefas esse, quamuis ipse tuus Confessarius foret: munus ipsius est, audire te debet, modò dicas solida (neque eandem cantilenam perpetuò recantes, aut ista, de quibus sæpe monita es, vt in cogitationem amplius non admittas) faciásque ea, quæ fieri oportet. Quòd si poenitentibus alijs te secuturis tua Confessio non satis brevis esse videatur, quod volent, dicant, modò tu tibi in re tanti momenti satisfeceris, quid curas? dic, vt patientiam habeant; te illis non aduersari, cum lentè placidèque sumunt cibum: velle te spiritale istud alimentum capere cum otio, properare te hîc non posse. Ista mihi reuocant in memoriam domos quasdam Religiosarum diuersi
Ordi-

Ordinis, in quibus quæcumque breuissimè confessionem absoluebat, maximè egregia habebatur; quæ diutissimè, pungebatur potissimum, vexabaturq; à Reuerendis scilicet matribus. & charissimis sororibus. Ita vsuueniebat, vt plures non omnia, neque integrè confiterentur. Quod idcirco affirmare possum, quia nonnullæ me rogarunt, vt huius rei querimoniam apud eos, ad quos spectabat, deponerem, emendarémque. Quod feci, & cum diuina gratia faciam hoc scripto, vbi demonstrabo zelum, quo volunt adeò breues esse Confessiones, vt si paupercula Virgo suam protrahat vltra spatium vnius *Miserere*, oporteat eandem vestis attractu moneri, tumultum excitari in vicinia, pulsari sedem Confessionalem, vt sciat abunde se fecisse, deinde etiam verbis illam castigare, & extorquere lacrymas: neque esse Deo acceptum, neque consentaneum rationi, quæ vult animas in hac actione, quæ nulla ad salutem grauior est, quiete suâ & solatio frui, cæteris, (quæ forsan re-

dundarent) prudentiæ Confessarij commissis: qui sciet providere, siné inque imponere, vt locus alijs concedatur. Non omnibus vna conscientia ratio est. Huic plura dicenda erunt, illi pauciora; hic proferet omnia, ille mediam & portio-riorem partem subicebit. Hic magnam molestiam, ille nullam experitur: modò nihil illi producat, quod non spectet ad Confessionem, & ad hoc Tribunal, quis queri meritò poterit? quod lubet, obrectent alij: ego existimo maiorem exhiberi charitatem homini non posse, quàm permittendo, dandóque operam, vt illius anima veram pacem, tranquillitatémque consequatur, quantumvis Confessio etiã cum nausea protraheretur. Quid prodest lætitiã ficto vultu gestúque simulare, si cor dolore premitur, & pacis est expers? valde metuo, ne ij, qui hanc animorum tranquillitatem impediunt, insignem aliquando Iudici supremo rationem reddant, exsoluántque, aut in hac, aut altera vita, id quod indifferet, & ineptus ille zelus

com-

commeretur. Suaderem nihilominus,
vt qui præuideret se insolita quadam
prolixitate vsurum, tempus aliud op-
portunum deligeret, ne expectantium
patientiam abutatur. Absque hoc casu,
habeat patientiam, qui vult. Hagio-
phila, vtere commoditate tuā, dic accu-
ratè omnia, & contenta recede ab hoc
opere, sepositis humanis respectibus.
Recta facientem, dicta aliorum curare
non decet. Neque patere, vt te genio
quarundam personarum, minus pietatē
deuotionique addictarum accommo-
des, vt Sacerdos te non dirigat, non sole-
tur, non plenam (cum ijs quæ antecede-
re & subsequi solent) formulā proferat
absolutionis. Bonæ enim appretiationes
sunt, & Ecclesiæ orationes pro te, quæ
id etiam efficiunt, vt omnes secuturæ
actiones tuæ & gloriam caelestem me-
reantur, & expiandis peccatis tuis ser-
uiant. Quo fructu priuareis, si temporis
lucranda gratia, solum simplicem abso-
lutionem verbis pauculis comprehen-
sam enuntiaret, Vbi otium tibi ruat,

inquire, quid velint ea verba, quæ abso-
lutioni præmittuntur, & postponuntur,
Videbísque non inmeritó tibi à me com-
mendari, vt ea dici à Confessàrio postu-
les, quemadmodum còmunis fert vsus,
nisi obliet pœnitentium multitudo.

V. *Prudens*, tum in modo confiten-
di, non nominatis complicibus, aut alijs
personis, quæ ad peccatum aliquid con-
tulerunt: tum ratione Confessàrij non
tam prope accedendo, vt cum contin-
gas, deinde non vtendo nimia cum illo
familiaritate: fiducia adesse debet, non
familiaritas; grauitèr adeundus est, &
cum terminis honore reuerentiâq; ple-
nis; quòd etiam extra Confessionem,
obseruandum, si contingat illum adiri
oportere: quod ego quidem fieri velim
rarissimè, & solum occasione vel dubij
alicuius resoluendi, vel obtinendæ cu-
iusdam facultatis, vel ex singulari quo-
dam desiderio profectûs, & diuini amo-
ris augendi, quæ sola motiua B. Mariam
Venetam, vt Confessàrium extra Con-
fessionem conueniret, impellebant.

VI. *Seria*: vt te geras tanquam in actione maximi ad salutem momenti, & singula ita peragas, quasi statim post moritura: exemplo Religiosi illius ex ordine D. Dominici, qui in infirmitate, grauissima monitus, vt ad mortem sese disponderet, Superiori respondit: ah mi Pater! triginta iam anni sunt, quibus quotidie confessus sum, & Missam celebraui, quasi ijs peractis vitâ essem illico excessurus. Vnde concludo, omnem actionem eo tempore procul abesse debere, quæ aliquam redoleat leuitatem. Reperiuntur. qui eâ tunc sunt immodestia, quasi recreando animo tempus concederetur: quin eousque se effundunt, vt sua apud alios peccata inquirant, aut aliorum inspicere Confessionem velint, vt forment suam. Quæ agendi ratio nequitiam & animum arguit insolenter dissipatum.

VII. *Humilis*: oportet enim accusare se potius, quàm excusare, vituperare, quàm adulari: ad maiorem deinde humilitatem, & confusionem dici debet,

non solum numerus proximus peccatorum venialium, sed etiam scelus aliquod vitæ antea actæ. Verum quidem est id vltimum pluribus esse in vfu, sed non hoc instituto. Satagunt illi dare materiam, absolutioni sufficientem, planè quasi deesset, si non emendicaretur à leui aliquo mendacio, aut actu vanæ gloriæ aliàs admissæ, cuius ad finem mentio fit. Magni istud non facio, si aliud non intenditur, cum inde pœnitenti sit aliqua vanitatis occasio, sibi de innocentia sua sic blandienti, vt pro materiâ confessionis necessaria, sit opus recurrere ad manifestum aliquod crimen præteriti temporis. Quare consuetudo quidem illa retineri potest, sed alio ex motiuo subeunda, nimirum vt magis te humilies, vt actiones vitæ tuæ magis magisque detestere: quo pacto; si in cæteris defuerit, absolutionis materia, in hoc vltimo subijciatur, & occasio subtrahetur vanitati.

VIII. *Fidelis* Confessario: vt non refferas alijs, quæ ille tecum confidenter, & ad animæ tuæ salutem communicauit.

Non

Non quòd eodem iure obstringaris, quò
ille tua silere cogitur: è re tamen esse vi-
detur, vt non recantes ea, quæ ille tibi di-
xerit: aliàs reddes Confessionem ex par-
te illius odiosam, adimésque libertatem,
ne tibi aliisq; ex animi sententia loqua-
tur, ne rectè fungi audear officio suo. Pa-
tereris tu, vt referret ea (non dico scele-
ra) sed alia quædam, quæ ex occasione;
& fiducia, illi hoc loco sacro commissisti?
quâ igitur fronte tu revelas ea. quæ ipse
arcana esse voluit? si me audis, nihil
euulgabis eorum, quæ tibi in hoc Sacra-
mento dicuntur, ne pœnitentias qui-
dem tibi impositas: displicet id Confes-
sario; præterquam quòd illa etiam ra-
tione animi tui statum alijs manifestas,
qui probè norunt æstimare, quibus casi-
bus ex pœnæ debeantur.

IX. *Secreta*: Cum æquum non sit, vt
alteri, quàm Confessario, peccata nostra
innotescant, male illa cum vllò alio
communicantur: neque facilitatem il-
lam nimiam, quâ Confessio seu particu-
laris, seu generalis subinde familiaribus,

aut alijs, quantumuis aliquo officij genere præpositis, ostenditur, possum alio quàm leuitatis, aut impudentiæ, aut puerilitatis nomine compellare. Grauius profectò apprehendi debent eæ, quæ in Deum admissæ sunt iniuriæ, etsi exiguæ videantur. Néque mihi probari similes communicationes possunt, & quæcumque rationes adferantur, non assequor, nec vt illum agendi modum admittam, inducor. Non augetur inde Contritio, imò contrà accidit: nam insinuat se hîc tacita peccatorû complacentia, & quædam approbatio, quòd hoc illúdue feceris, aut quòd vitam minùs peruersam duxeris: vnde vanitas animum titillat. Non redditur hinc poenitens instructor, ne quidem, quando Nouitia illam Superiori suæ. aut Præfectæ ostenderet: nam illarum officia ad Confessiones non ordinantur, neque solet Deus ijs conferre spiritum directionis tali vsui necessariû: præterquam quòd assequi nequeant intentiones, quibus huic vel illi vitio indultum est; & sæpe ne naturam quidem
horum

horum peccatorum intelligant, fortasse nec nomen, cum primâ ætate Religionem ingressæ sint: itaque discent ea, quæ nunquam sciuerunt, quæque scire nunquam deberent. Quod valde absurdum est, & quàm credi possit, periculosius. Atque inde plurimum anguntur, ut decernant, quid ex ijs, quæ chartæ commissæ sunt, confiteri, aut reticere oporteat; nisi eorum intelligentiam sibi velint arrogare, eousque, ut animas exponant periculo ruinæ, bonamque Confessionem impediant. Sed ponamus aliquam hinc hauriri posse instructionem, satius tamen foret eam à Confessario proficisci, quamquam constaret aliquo temporis & patientiæ dispendio, quàm ab ope alterius personæ, ad quam talium rerum notitia non spectat. Et Confessarij (cuius aliàs officium est) molestia, tanti non est momenti quanti periculum quod alteri ex lectione, & notitiâ eorum, quæ in arcano Confessionis tribunali tantùm tractanda sunt, impendat. Ita ut non videam, cur modus iste, & libertas inspici-

ciendi Confessiones , debeat tolerari. Quòd si in quibusdam Religiosis domibus ea vigerit consuetudo , non sequitur eam debere propagari : non vsus est, sed abusus, isque grauissimus quem imprudentia introduxit, fouitque mala curiositas earum personarum , quæ nec Confessionis dignitatem (pace illarum dixerim) intelligebant, neq; institutum suum à similibus facultatibus alienum; neque incommoda inde emanantia, neq; morsus Conscientiæ , quibus impetì meritò possent, & à quibus aliquando, ad rem illà confessione expiandā , adigerentur.

Tantum igitur abest, vt ille abusus tolerari debeat, vt è contrario sit penitus abolendus, distamandusque narratione damnorum inde emergentium , quæ sane exigua non sunt. Primum est à sacrilegijs , quæ hâc occasione committi solent. Persona enim , quæ nouit prius inspiciendam suam Confessionem , quam Sacerdoti eam enuntiet , neq; alias considerat , non teneri se, vt eam sic scribat, quemadmodum Confessario dicenda est,

ex horrore ignominiae, & ne suam viuendi rationem ipsa publicet, certò certius admittet grande sacrilegium, nisi aliud Confessario dicat, quàm quod inscriptum est, cum omnia non inscripserit, quæ Confessione fieri inexploranda, vt si aliquid mortale in Confessionibus ordinarijs sciens retinisset. Neque ista cerebri mei inuenta sunt, aut sine certa cognitione prolata. Scio talia sacrilegia accidisse, & ad eum quidem modum, vt noster quondam creatura per plures menses (ne dicam annos) & ante, & post Professionem in hoc statu damnationis haeserit: & quæ huius mali causa? peccata illa Superior, quæ scire omnia cupiebat, omnium perulstrare Confessiones, quæque iram vultu prodidisset, & peius aliquid, si quæpiam fuisset eius frontis, & animi, vt charrulam porrigere detrectasset: at audacter ista, inquires, imò verò loquor audacissimè, & quidni? cum malo medicina adhibenda sit, & facultatem habeam hinc ista proclamandi, vt cæteri resipiscant, & vt mul-

tura

tum dicam, non metuo, ne innotescat, in quem agrum hic lapis destinetur. Cum enim me pluribus Congregationibus diuersorum Ordinum impenderem, quis poterit assequi coniecturâ, unde hic ictus accidat? præsertim cum non sit, vnicus tantum Ordo, in quo istud, quod persequor, fuerit vsurpatum. Alterum est à curiositatibus, quibus eæ Confessionum inspectrices in vitam alterius intendunt; & ijs, quæ (præcipuè in materia Castitatis) cogitationes suggerunt impudicas, & tentationes (adeò vt etiam periculo exponantur, nisi magna sint præditæ virtute) plurimum notitiam quaestionibus extorquendi, quod facere Confessarius non auderet, quòdque grauer eas offendit, quæ suam Confessionem ostendunt: unde non omittunt hæ conqueri datâ opportunitate, vti reipsâ sæpe questæ sunt, & detestatæ illam agendi rationem, dolentes quòd aliquando chartam suam inspiciendam porrexissent, aut omnia adolescentiæ suæ flagitia adnotassent. Tertium est à periculo manifeste-

nifestandi id, quod hoc pacto cognoscitur, aut exprobandi, ut alicubi factum scio: cum enim secretum hic tale non sit, quale in sacro tribunali Confessionis, facillimè aliquid excidit, præsertim apud foeminas, quæ secreti tenaces esse non possunt. Quartum est à molestia, quam pleræque in ostendenda sua Confessione experiuntur: agrè faciunt, quid quid vultu simulent, faciunt innitæ, ne displiceant, ne minùs cæteris præstent, ne incurrant indignationem: nihil adfero, quod non sciam, quodque non multis, grauibûsque experimentis didicerim. Nec miror horrorem illum & difficultatem: si enim molestum sit vitam suam & occultas actiones patefacere Confessario, qui tantâ secreti lege tenetur, & qui aliunde supremi Sacerdotis Christi locum occupat: quid tandem erit se manifestare foeminæ, ab istis conditionibus remotissimæ, & cui ius nullum est penetrandi abdita conscientiarum, soli Deo, eiusq; Vicario referenda?

Hiscæ ergo rationibus & incommo-

dis impulsas esse arbitror Superiores
Ordinis cuiusdam Religiosarum; quas
magno affectu honoréque prosequor, ut
ad euitandam notam, quæ à tali consue-
tutine illis imminerebat; statuerent, vel-
lèntque promulgari in omnibus sui in-
stituti domicilijs: nò esse mentem suam,
ut eà facultas per Ordinem prose. pat, &
si alicubi abusus aliquis aut impruden-
tia circa illam accidisset, illicò reme-
dium adhibeatur, neque vlla Superio-
rum Directricum, aut Nouitijs Præfe-
ctarum sit tam temeraria, ut deinceps
defectum tam perniciosum, qui infama-
re Ordinem, & multiplici culpâ Deum
posset offendere, admitiat. Spero illa-
rum exemplo ceteros Ordines, consue-
tadini huic obnoxios, pariter prospectu-
ros, & opportunis occurreros edictis ex
sententia suorum Prælatorum, quos pro-
pensos experientur. Quod ad te attinet,
Hagiophila, ne tuam alteri quàm Con-
fessario Confessionē indices, aut osten-
das veto. Si alicui testari velis sincerum,
& confidentem animum tuum, per me
licet,

licet, testare, sed in negotio alio: in hoc, iterum veto, & vt mihi auscultes, rogo. Vtvt sum, si etiam postea quàm mihi confessà es, legendam mihi porrigeres chartam tuam, certò tibi persuasum habeas, me eâ facultate non vsurum; acciperem quidem eam ad comburendum, non verò vt eam inspicerem, etsi omninè per te iam forem conscius. Et quando eam de facultate tua legissem, non obstante illa bona veniâ, istud vitium confiterer: tam à re, & ratione abhorrentem existimo illam alienæ Confessionis inspectionem.

X. *Passata, & tranquilla.* Conditio hæc non seruit nisi animabus scrupulosis; & idcirco, Hagiophila, si scrupulis non angaris, non est, quòd ultra intendas huic dissertationi, quæ iam nunc modum & propositam mensuram excedit. Si verò scrupulosa es, primi moniti loco tibi author sum, vt scrupulos eamque cogitationem, quæ te reddit anxiam, in diem Confessioni destinatum seponas. Faciebat id B. Aloysius Gonzaga. eaque ratio-

ratione animum necessariâ ad reliquas pietatis exercitationes quiete componebat; vbi è contrario si mentem aduertisset ad scrupulum suum, continuâ sollicitudine, forétne peccatum, an plenus adhibitus consensus, an confessione exprimendum, similibûsque curis caput & valetudinem labefactasset Alterum, quod tibi offero, monitum est, vt vtrâque punctis sequentibus, quæ viri æqua sanctitatis, & doctrinæ laude florentes præscribunt. & quæ ego dedita opera ad opem scrupulosis ferendam collegi. Sed priusquam illa pertractem, existimo præmitti debere: quid sit anima scrupulosa, & quandonam censeatur capax eorum, quæ dicturus sum. Animam ergo assero scrupulosam esse, quæ perplexa, dubia. & in assidua anxietate est, vtrum peccauerit an non, consenseritne cogitationi, an non, & sic de cæteris. Quando verò persona aliqua sic est, talisque à Confessario, & alijs idoneis viris iudicatur, & aliunde gerit curam animæ suæ, cum proposito, vt nolit Deum vllâ ratione

tionem mortaliter offendere, habeátque illam experientiam, quòd ab eo tempore, quo proposuit diuino seruitio se mánicipare, nullum vnquam peccatum mortale, aut vix vllū sciens admiserit; quando, inquam, persona eiusmodi est, secure, & sine vllò metu, poterit vti hisce punctis. Primò: Persona scrupulosa, qualem iam descripsi, non obligatur confiteri id, de quo non ausit iurare fuisse mortale peccatum, quando illud perpetravit, aut esse mortale, quod perpetratum est. Atque hæc regula multò verior est circa peccata venialia, de quibus dubitatur, fuerintne dicta in Confessione: si enim non auderes iuramento affirmare, quod nunquam illa dixeris, nulla confitendi obligatio est. Secundò: Si circa præterita dubitat: consenserintne, an non, vtrum aduerterit, an non; vtrum confessã sit, an non; vtrum contra conscientiam dictamen egerit, an non; vtrum illud semouerit, an non; iudicare debet, & credere, se in nullo horum deliquisse, aut peccasse, neque confessione opus est.

H

se,

se, & debere se esse tranquillâ securâque
 conscientia; adeò vt etiamsi reipsa pec-
 catum fuisset, Deus tamen nullam ab
 ipsa rationem exacturus sit, neque quòd
 ita determinauerit, neque quòd illud in
 Confessione reticuerit. Tertio: Si inter
 anxias dubitationes, quæ animæ scrupu-
 losæ occurrunt, accideret aliqua huius-
 modi, an nimirum peccaret, an non,
 istud dicendo, vel faciendo, aut hanc vel
 illam rem omittendo peccatum fieret,
 quamdiu tam manifestè illi non propo-
 nitur, vt iurare possit esse peccatum, hoc
 casu debet affirmare peccatum non esse;
 neque illud patrando se peccaturam,
 Tutius tamen tum foret, probè in rem
 inquirere, eamque omittere, donec per-
 spectâ sit, modò omitti commodè pos-
 sit: nihilominus si fecerit, non erit pec-
 cati rea. Quarto: Fidem habere debet,
 suumque iudicium subijcere dictis &
 consilio Confessarij in ijs omnibus, quæ
 ad conscientia directionem pertinent.
 Si lubet, præter hæc, subinde peruoluere
 poterit Tractatum de scrupulis, qui in-
 ter

ter Opera Rodericij reperitur, & singulari quâdam Religione ferri in cultum S. Iosephi, & S. Ignatij fundatoris nostri, eorum opem quotidie implorans, ut à scrupulorum molestia liberetur: faciet, quod erit è re sua, & commodo; quam quoque gratiam postulare poterit, quoties in Missa populo Sacratissima Hostia demonstratur.

Atque hæc de ordinaria Confessione dicenda occurrerunt, prolixior me fuisse fateor, sed cum coepissem, præterire nihil volui; aliàs ero breuior, neque tam multis te detinebo.

Si hæc Lectio non placet, lege cap. 3. 4. & 5. tract. 2. part. 1. Rodericij, aut cap. 19. & 21. lib. 1. de Imitatione Christi.

Peractâ Lectione renoua deuotionem erga animas in Purgatorijs flammis existentes; illas è tepiditas præcipitauit, Apertissimè hodie, quo damna ignaviæ spiritualis consideras, earum recordaberis; ut deinceps opem, & solatium conferas. Vide igitur, quid hætenus illarum gratia egeris, quid agere imposterû decernas. Consulere potes ea, quæ ad initium Nouembris, in Anno Sancto à me con-

cinnato, proponuntur, aut ipsa modos subsidij ferendi excogita, Divus Dominicus plurimas pro illis pœnas & corporis macerationes subibat, S. Malachias Missarû illis applicabat sacrificia, S. Xaverius merita Indulgentiarum; Alexander Lusacius multas preces, & sæpenu- merò defunctorum Officium ijs liberandis recitabat.

Dispone te iam ad sequentem Meditationem.

II. MEDITATIO.

De damnis, quæ proveniunt ex actionibus tepidè, & ex consuetudine factu.

Oratio præparatoria solita.

I. **P***reludium.* Contemplare Deum in Paradiso creantem, & producentem omnia non defunctoriè, sed perfectè. Perfecta enim sunt opera Dei, & valde bona.

II. *Prelud.* Pete à Deo gratiam, quâ cognoscere possis, in quo consistat imperfectio, omnia sua defunctoriè, & tepidè paragendi, ut ab ea consuetudine descilcas.

I. Pun-

I. Punctum. Actiones suas perfunctorie, & ex usu facere, est primò, facere, quidem substantiam operis, sed sine debitis circumstantijs; oras, sacro interest: at quo modo? sine attentione: quantum? contrahis debitum tempus. Cur? sine recta intentione, vt ab hominibus videaris, ne minùs cæteris facias. Quod in alijs quoque actionibus vsuuenit, vt si idcirco compositè incedas, quod alij te aduertant. Secundò, est ludere in incertum, & aërem verberare, vt Paulus loquitur; cùm nec finem, nec scopum debitum actionibus meis proponam, aut intendam id, quod à voluntate Dei est alienum, etsi in speciem bonum videatur. Ita Saul armentis optimis pepercit prætextu sacrificij, quâ tamen re vehementer Deum offendit.

II. Punctum. Actiones sic factæ tria nobis damna inferunt: Primò, subinde nos ad mortale peccatum disponunt: Diebus feriatis sacrum audiens oro ex usu quodam, & omnis generis distractiones admitto, ijsque immoror; tan-

tundem deinde aut etiam prius facio in
sacro festæ diei, & en peccatum mortale,
si ista mentis euagatio voluntaria est,
& cum morâ notabili. Idem accidit in
Officio Canonico, ei qui iure ad hoc
obligatur. Secundò hac agendi ratione
primo me solatio, & tranquillitate ani-
mi, quam ij possident, qui actiones suas
cum feruore exequuntur. Careo lætitiâ,
& meritis Sanctorum, quæ tamen sum-
ma esse oportet, postquam annum inte-
grum, imò decem, aut viginti, aut etiam
triginta annos Deo feruenter, summâ-
que perfectione impenderunt. Tertiò
faciunt hæ actiones, vt ad perfectionem,
ad quam tamen obligamur, attingere
non possimus. Quidquid creatura pro-
ducit, conforme est fini & perfectioni
ab ea requisitæ. Quid aliud à malo ex-
spectas quàm poma? prodigium foret,
si produceret laxa. Vide ergo, an fru-
ctus feras tuæ perfectionis: cui sanè per-
specta esset Confessio tua generalis, mi-
ra isthic monstra, & portenta depre-
henderet. Admirare, anima mea, Dei
poten-

potentiam, bonitatem & benignitatem:
sufficiunt illæ, vt cor tuo durius emol-
liant, & ad feruorem animum accen-
dant.

III. *Punctum.* Media aduersus hunc
languorem, aut languidam consuetu-
dinem. Primò, Examen particulare plu-
rimùm proderit, si per menses aliquot,
& statis horis serio in istos defectus in-
quiras. Secundò asperitate aliquâ opus
est, vt tibi ipsi pœnam imponas, quo-
ties deliqueris. Ex mente Ludouici Gra-
natenſis, cor nobis esse debet filiale ad-
uersus Deum, maternum erga proxi-
mum, & iudicis erga nos ipsos. Tertiò
candidè, & sincerè commissos defectus
aperi vel Confessario, vel ei, qui ani-
mæ tuæ curam gerit, rogando, vt tibi
pœna publica priuatâque imponatur.
Quartò exercitium præsentia Dei, qui
te operantem obseruat. Quintò tibi
propone IESVM, Sanctissimam Matrem,
aut alium Sanctorum aliquem, & con-
sidera, quâ ratione istud operis perage-
rent.

Colloquium ad Spiritum sanctum, qui totus ignis est & feruor. Et die: volo, ita ratum est, volo, cum feruore meo deinceps exequi, & cum gratia Diuini illius Spiritus fieri, Amen. Veni Creator. Pater. Aue.

Recollectio. Visitatio Venerabilis Sacramenti. Examen. Prandium. Recreatio. Visitatio Venerabilis Sacramenti. Examen particulare. Tempus scripturæ, notæ, quid scribendum sit. Lectio spiritualis, aut dissertationis proximæ, aut eius quod postea notabo.

DISSERTATIO POME- RIDIANA.

*De spiritu feruoris erga actiones etiam
heroicas.*

HAgiophila, Nonne magni fauoris loco numerares, si tibi panderem secretum aliquod summi ad salutem tuam inimenti? candidè; quid scire, aueres in hoc grauissimo negotio? polliceor me tantam tibi daturum satisfactionem, quantam exigere vix auderes. Non petes autem, an è numero sis prædesti-

destinatorum: nam reuera id à me intel-
ligere non potes; & Deus auertat, vt
id perspectum habeas. Si enim istud tibi
manifestaretur, ne tu per dies aliquot
cum S. Francisco, à mente abalienareris!
præ gaudij vehementia contineri non
posses, quin ad instar Mænadis alicuius
per domum, per porticus, per compita
discurreres. Istud nuntium auertat Deus.
Et quis scit, an non de salute tuâ reddita
certior, inciperes negligere studium vir-
tutis, & magnæ gloriæ in cælo conse-
quendæ desiderium? Peius verò foret,
si significaretur, te esse reprobam, tunc
enim subduci omnes funes deberent, ne
aliquo gulam tibi frangeres despera-
bunda; nisi fotassis animus tibi foret
illius Abbatis, quem malus angelus è re-
proborū esse numero asseuerauerat. Re-
proborum? inquit Abbas: non obfisto:
fiat Dei voluntas. Verùm quid agendum
mihi sit, noui: quandoquidem æternum
damnandus sum & priuandus felicitate
Deum semper amandi, reliquum vitæ
meæ impendam in ardentissimum illius

amorem, & quia beatitudo cælestis in amando Deo consistit, si amare illum in altera vita non possum, in hac amabo; & hoc exiguo tempore, quod mihi restat, cælo fruar. Quam aliam curiositatem, scire desiderares? (nam quoad illam credo tibi excidissè appetitum) velles scire, diem, annum, & locum mortis tuæ? at illius rei notitia, adhuc alterâ perniciosior est. Si enim tempus proximè instaret, inconsolabili animi ægritudine opprimereris; sin verò procul abesset, eò feruorem tuum, & bonorum operum exercitationem differres. Quoad locum, fremeres, quoties illius meminisses: quid si adire cogereris? si me audis, elige rem aliam scitu vtiliorem. Voles forsân intelligere, dimissane sint peccata tua? Ad hæc æquè inepta curiositas est. Si enim negetur, iam desperationi proxima es; si asseratur, frueris aliquot dierum solatio, sed postea sollicitudo eadem te affliget: nouis enim sceleribus admissis, nescies, an hæc tibi indulta sint. Optime igitur renuntiabis omnibus

bus ijs curiositatibus, & arcani secretis-
simi loco require à me viam, quæ recta
deducit ad cælum. Sic, sic loquendum
est, ista placet curiositas, cuius audios
esse mortales omnes oporteret: lubens
illi satisfaciam, & respondere paratissi-
mus sum. Sine dubio reperiuntur rectæ
ad cælum viæ, alioquin non diceret Sa-
piens cap. 10. *Quod iustum deduxit Do-
minus per vias rectas, & ostendit illi re-
gnum Dei.* Neque debet à me discepta-
ri, quænam viæ sint rectæ, si verum est
eas esse rectissimas, quæ sunt brevissimæ.
At breviorē non inuenio, neque pro-
inde rectiorem, quàm sit illa feruoris
spiritalis, modò ea, quâ dicturus sum, ra-
tione accipiatur, intelligaturque. Duo
solum genera sunt eorum, qui feruent
in diuino seruitio: sed vtrique in via ad
cælum progrediuntur, incredibili velo-
citate: vnde in eam opinionem venio,
feruorem animi plurimum valere apud
Deum, & mirum in modum accelerare
iter ad egregiam sanctitatem. De primis
loquamur; Præstantissimus feruor est

eorum, qui dant operam actionibus heroicis, generosis, & ita sublimibus, ut radiorum suorum splendore consuetudinem obfuscent vulgarium actionum. Fertur natura in sinu suo gestare reconditas quasdam productiones extraordinarias, & effectus gloriosos qui vulgi iudicio prodigia miraculaque existimantur. In India arbores sunt pomiferae, quae identidem non nisi vnicum fructum producant, sed eius magnitudinis atque ponderis, ut robustissimi hominis vires, non dico, ferendo, sed vix leuando oneri sint pares. Tale pomum, naturae nisus est, qui spectatores in admirationem rapit & stuporem. In terra Promissionis tam grandes, & graues botri colligebantur, ut vnicus duorum fortissimorum virorum humeros fatigaret. Botrus istiusmodi erat naturae miraculum, quod Israelitas ad illius terrae desiderium inflammabat. In Parquaya, Occidentalis Indiae Prouincia, reperitur gemma, quae vna reliquarum omnium gemmarum elegantias comple-

plectitur. In ea Adamantes, Amethy-
sti, Rubini, Carbunculi, Smaragdi ali-
que similes, ita insiti, vt in Granato po-
mo grana: Tam elegans gemma, vt ob
formæ præstantiam gemma admirabi-
lis, & vnio sexaginta elegantiarum no-
minetur. Habet id quoque commodi,
quod è terræ visceribus, tanto impetu
tumultúque gignitur, vt crederes nu-
bem aliquo tonitru dissilire, idque Inco-
lis indicium est, vt hanc tot pretiosissi-
marum gemmarum congeriem colli-
gant. Atque ista magnum profectò na-
turæ prodigium est, quod in pluribus
quoque alijs ostendi posset. Ad eum
modum gratia se habet; habet ipsa pro-
ductiones & nisus suos, actiones nimi-
rum heroicæ, sed quæ duntaxat ad eos
spectant, qui feruent magno animi spi-
ritusque ardore, & calent alio sangui-
ne, quàm vulgus commune mortali-
um. Vt clarius mentem meam assequa-
ris, dico Actiones hæc potius angeli-
cas esse, quàm humanas, & esse adeò
excellentes, vt si Deus inter homines

verlaretur, non aliter eas exerceret.;
actiones omninò altas, sublimes, gene-
rosas, feruentes, Angelicas & diuinas,
quibus, quicumque incubuerit, fructum
refert incredibilem, & tam singulares in
sapientia progressus facit, vt homines,
Angelos, & Deum abripiat in sui admi-
rationem & amorem. Eius generis fuit
sancti Alexij fuga, quâ se è domo pater-
na proripuit, primâ nocte nuptiarum,
sponsam intactam relinquens, paupertatis
propter Iesum experiendæ studio, &
amore Castitatis. Erat isthæc actio he-
roica, feruens & generosa, effectusque
insignis eius, quo æstuabat, feruoris.
Talis fuit etiam despicientia dignitatû
mundanarum in sancto Ludouico Gal-
lici sanguinis Principe, qui deseruit o-
mnia, vt S. Francisci vilem pauperemque
habitum indueret. Similis præterea fuit
in sancto Casimiro Polonici Regis filio,
amor integritatis. Vitæ periculum adi-
bat is, nisi matrimonium iniret. Castita-
te valetudinem labefactante: at maluit
vitam amittere, quàm virginitatem.

Hæc

Hæc sanè actio, & sexcentæ aliæ huic pares, quas, vbi occasio sese obtulit, magni nominis sancti exercuere, omnino actiones sunt heroicæ, gratiæ prodigia, & germina spiritualis illius feruoris. Verum enimverò, quia nihil egisse videbor, nisi hoc iter ad cælum esse rectissimum, breuissimùmque demonstrum: aio id adeò certum esse, vt vnicus subinde actus heroicus sufficiat, non solum ad aucupandam diuinam gratiam, sed etiã ad illum ipsum feruorem deinceps obtinendum conseruandùmque. Sic accipio illud Cantici Canticorum, vbi ipse vnus affirmat se abreptum esse, vnica cogitationum illius: *Vulnerasti cor meum soror mea sponsa in vno crine Colli tui*. Prima B. Virginis cogitatio, quã se sub ipsam Immaculatam Conceptionem suam, integre Deo dedicabat, sic diuinum cor, & affectũ rapuit, vt illicò fauores omnes, & gratias in illam congesserit. Maria eximia est, sine pari est, nimium supra mortalitatis nostræ conditionem eminet: Mariam aliam adæamus, videlicet
Mag.

Magdalenam; ab vnica heroica, & feruenti actione, insolitum illum Christi fauorem beneuolentiamque est consecuta. Videre Puellam nobilem (qua nulla Ierosolymis naturæ dotibus instructior, quæ pompa luxuque cæteras omnes antecibat) humi prostratam ad pedes viri, inter epulas, præsentibus conuiuiis, vt illum, quem Deum supremumque Dominum suum credebat, sibi conciliaret, nonne est hoc, habere præ oculis ipsam feruoris idæam & actionum heroicarum archetypum? *Pia impudentia*, inquit, Augustinus, *quæ suam sanitatem, irruens importuna conuiuio, opportuna beneficio*. Vocat ille piam impudentiam, ego feruorem indigitare malo, & assero hoc vnicum opus heroicum fuisse fontem, ex quo admirandi illi diuini amoris riuui, quibus deinde affluxit, emanarunt, Deus à creaturis suis, vinci humanitatis officio non vult: amat illas, blanditur, & longè alia ratione, quàm soleant terrarum Domini suorum subditorum, agnoscere obsequia, remunerat. Discimus

mus ex historijs Ottomannorum, quendam Mahometē, qui intimus & carissimus Solymanno fuit, nō aliter peruenisse ad tantos honorum & fauorum gradus, quos sub Solymanno, & alijs duobus Turcarum Imperatoribus occupauit, quā actionis vnus feruore animosoque plenæ officio. Epistolam legebat. Solymannus innixus fenestræ, qua in Viridarium erat aspectus, hæc legentis manibus excidit, viridario illapsa est: illicò tota nobilitas aulæ ad gradus currere; volare ad chartam: vt quisque prior referendarum litterarum honorem occuparet. Quid fecit Mahomet, vt anteuerteter cæteros? præcipitem se de fenestra dedit, sublatamque Epistolam primus Principi suo retulit. Actus ille tam acceptus fuit Solymanno, vt statim Mahometem autoritate, dignitateque præ cæteris auxerit, atque per omnem vitam habuerit in delitijs. Tantum potuit hæc affectus & feruoris in Principem deuotissimi testificatio. Ament sanè Solymanni, & orbis moderatores,

tores, tam illustrem, & amore plenam actionem; facilius tamen & admirabilius capitur diuina bonitas: opus vnicum plenum affectu & feruore, & aliqua nota insigne, obitum in ipsius seruitio, eam deuincit, vt tales amantes non solum in hac vita, singularibus fauoribus, verum etiam in altera magno gloriæ incremento prosequatur. Perreximus telam, quam orsi sumus: vnus actus heroicus, & extra ordinem feruens, diuinam maiestatem (si ita loqui liceat) rapit in admirationem, & incredibilia elicit reciproci amoris argumenta. Ob hanc rationem surrexit è throno Iesus, stansque S. Stephanum pro inimicis tanto animi ardore supplicantem spectauit, veluti huius stupore prodigij attonitus. Fecerat aliquando S. Teresa illustre, & feruens, nescio quod, opus: crederes Deum sibi imperare non potuisse, quin diceret: Teresa, si mundum non condidissem, illū iam tui gratia, & ex propensissimo erga te affectu crearem, Vides, Hagiophila, quid sit ferri

ferri in actiones insignis alicuius feruoris. Et nonne gratum est, quod de ijs tecum disseram? addam igitur: equidem mihi persuades, te fieri sanctam velle, & ad sublimem perfectionē aspirare: Imò verò dicam, vnico solo actu heroico, & illustri opus esse, vt ad sanctitatem pertingas: & huc animum mecum aduerte, Sanctorum vitas percurrento: plerumque reperiēs, principium sanctimonie ipsorum ab aliquā generosa, & illustri actione promanare. Vnde coeperit S. Alexius, iam supra retuli, & peculiari animaduersione dignum est, quod in Ecclesia Dei nullus colatur Sanctus aut Sancta, Generosi vel Generosa nomine, nisi ipso die S. Alexij, qui in decimum septimum Iulij incidit: Quasi Deus, permittendo, vt isthoc solum die S. Generosus, & S. Generosa mortem oppeterent, indicare vellet, eos viros, qui pie Generosi esse desiderarent, & mulieres, quæ etiam Generosa esse cuperent, incipere debere ab actionibus heroicis, S. Alexij exemplo. Adeò verū est ab vna generosa]

nerosa feruentique actione dependere sanctitatē. Eximius ille vir Cæsar Buzius euasit in sanctum, talisque esse perrexit, simul atque (vti alio loco narraui) hoc à se obtinuit, vt Augustissimum Sacramentum nudato capite, & facem manu præluens, contempto nobilium familiarium occurſu, à quibus se ridendum, vilipendendumque præuidebat, ad ædes ægroti deduceret. Notum est omnibus, quid Imperatorem Theodosium, ad tantam vitæ sanctimoniam perfectionemque euexerit. Adulabatur sibi Eremita, nonnemo, quòd in aliquem perfectionis gradum euasisset, cum ab Angelo monetur, longè ab eo abesse; & Theodosium quantumuis sæculi curis, & Cæsarea dignitate implicitum, maiora habere sanctitatis, & perfectionis argumenta. Quare statuit is adire ad Imperatorem, & in eius mores vitamque inquirere, quid tandem illum in numero perfectorum collocaret. Obtento aditu: sacratissima, inquit, Maiestas tua dignetur mihi suum viuendi modum, suas deuo-

deuotiones., & reliqua sua pietatis exercitia patefacere. Pater mi, reponit Theodosius, facio quod alij statutis temporibus Deum oro, mane, Vesperis, & in Missa. Timeo diuinam Maiestatem, quam, ne propositis quidem totius Orbis coronis, offenderem. Studeo Castitati, & coniugali continentia. Hæ deuotiones meæ sunt, hæc tota viuendi ratio. Non acquieuit istis Eremita, secum reputans, quod non illa tantum, sed etiam maiora præstaret, utpote matrimonij expers; adeo, ut statuerit vrgere Imperatorem, ne quid clam haberet. Videns igitur Theodosius rursùm se peti ab hoc homine, asseruit se nulla dissimulatione, uti, duntaxat habere se illam præterea consuetudinem, in ludis theatralibus, frændandi oculorum licentiam, & curiositatem: quotiescumque enim occurreret aliquid aspectu iucundum gratumque, & populus magnis lætitiæ vociferationibus spectaculo acclamaret, tum se demittere, aut omninò claudere oculos solere, ne quid eorum cupiditati indul-

dulgeret. Quod cum audisset Pater, istud, inquit erat quod volebam, abunde mihi satisfactum est. Abijt, & tam excellenti virtute attonitus, maiori quã hactenus studio decreuit applicare animum actionibus heroicis, feruentibus & generosis, cum ab ijs homines tantopere attollerentur. Nonne ergo recte dixi, Hagiophila, vnica solum actione tali opus esse, vt sanctitatem consequaris? vnica sufficit, vt in rebus difficillimis, quæque sensui toto maximè aduersantur, non dico, nullam molestiam, verum etiam facilitatem experiaris. Simul atque S. Xauerius os vlceri illius afflicti hominis admouit, vt pus exsugere, nullum deinceps naturæ horrorem sensit in aspiciendis contrectandisque ægris, qualicumque demum morbo laborarent. Vna actio satis est, vt spectatores omnes permoueas, rapiasque animos etiam eorum, ad quos huius notitia permanabit. Socius S. Xauerij, cum in publico foro apud Indos concionaretur, in vultu contumeliosè despuitur à
præ-

prætereunte Idololatra. Quid egit? am-
 insolens facinus iusta iracundia, & indi-
 gnatione persecutus est? siluit, & im-
 moto animo vultuque, faciem sudario-
 lo deterfit, & inchoatam Catechesin.
 peregit. Actus ille heroicæ patientiæ,
 incredibiles peperit animorum motus,
 & conuerfiones. Adeò verum est, vnam
 solam illustrem actionem omnibus in-
 gentia adferre emolumenta, & illis præ-
 fertim, qui eam exercent. Vnde non
 immeritò dixit sapiens, egregios & ier-
 uentes viros suis operibus opes præstan-
 tissimas colligere: *Manus fortium diuiti-
 as parat.* Ah quàm promptum est, bre-
 ui ditescere! quàm est facile consequi
 sanctitatem! nullo enim apparatu opus
 est alio, quàm generositate foruioreque
 horum diuinorum Amantium, & huius
 viæ ingressu, quæ rectà securissimèque
 ad cælum deducit.

Addamus aliquid de secundi generis
 feruentibus, qui quoque rectà ad cælum
 gradiuntur: fortasse priores animum
 tibi euertunt, & difficulter induci po-
 tes,

tes, vt talem de te reportes victoriam :
 insiste igitur vestigijs aliorum, nec me-
 prius desere, quàm accensam te sentias
 horum vel illorum seruire. De hisce
 loquitur sapiens cum ait : *Vidisti virum
 velocem in opere suo? coram Regibus sta-
 bit, nec erit inter ignobiles.* Quasi dice-
 ret : obseruastine aliquando egregios il-
 los Principis assecclas, qui tanta animi
 promptitudine omnibus illius manda-
 tis obsequuntur? siue res imperata sit,
 difficilis, aut facilis; magna aut exigua;
 gloriosa vel abiecta, prompti æque pa-
 ratique sunt, eamque exequuntur in-
 credibili celeritate atque alacritate: eo-
 que pacto ita sibi deuinciunt Principis
 animum, vt eos abesse nolit à latere suo,
 quin ad nobilissima officia euehat, præ-
 cipuasque dignitates. Aduertisne etiam
 personas in Dei obsequijs promptas, &
 ad omnia quæ illis significantur, & præ-
 ciipiuntur, ita paratas, vt neque excipi-
 ant, neque obloquantur, neque disse-
 rant, neque cogitent: cur istud mihi,
 & non alteri? non attendant conditio-

nem

nem personæ imperantis, siue ea par-
siue inferior, siue superior sit? hîc au-
dacter pronuntia, tales esse eos, quos
imitari te oporteat, & nisi in ijs sit fer-
mor spiritus, nescire te vbinam locorum
ille resideat. S. Patriarcha noster Igna-
tius aliquando obuium habuit aliquē ē
suis, qui tepidē segnitēque commissum
sibi negotium peragebat, cuius, inquit,
gratia, mi Frater laboras? cūque is re-
spondisset: Dei; itane verò, ait S. Pater,
Dei opus tam negligenter? nā longē
alio feruore & alacritate, tanto Domi-
no exhibendum obsequium est! quo-
ties in memoriam mihi reuoco, quanta
promptitudine B. Magdalena surrexe-
rit, simul atque intellexit à sorore, sese à
IESV citari (*Magister adest, & vocat te.*
Ille ut audiuit surgit citò, & venit ad eū)
toties mihi persuadeo, eum esse feruen-
tium morem: arbitrantur à IESV se vo-
cari, ad hoc illudue peragendū; & qua-
lecumque sit, eò tendunt, ferunturque
eā lætitia, & feruore, quem meretur is,
cuius gratia, suas actiones suscipiunt, &

prosequuntur. Hagiophila, nonne fas-
 esset æmulari studium illorum, aut sal-
 tem proximè facere, quòd mundi ama-
 tores, & Aulici in suorum Principum
 seruitijs ardentissimè exhibent? an mi-
 nus obsequij promeretur Iesus à te, quæ
 te illius sponsam profiteris? quando di-
 ligis creaturam aliquam (quæ vt plu-
 rima habeat amoris incitamenta, non
 aliud est, quàm terræ vermiculus) tan-
 to affectu ardoreque raperis, curris, vo-
 las, vt illi adsis, illique seruias, aut vt ali-
 quam tui in illam amoris testificatio-
 nem demonstras; quid igitur te facere
 non oportet, imò quantò ardentiori
 amore feruoreque, debes sequi omnes
 nutus tui amabilissimi seruatoris, eius,
 inquam, qui tibi millies teneris affici-
 tur, quàm affici possent omnes totius
 orbis creaturæ, quamuis omni amoris
 lenocinio abundares? ad feruorem, ad
 feruorè, Hagiophila, ego te inuito; istic
 egregius amor est, istic decus, & perfe-
 ctio diuini amoris consistit: & si eius
 amoris habes socias, pia quadam æmu-
 latio.

latione
 gener
 ream
 pera,
 qui to
 action
 pendi
 ra cer
 magn
 Cum
 moru
 semu
 teros
 ties i
 dem
 ctam
 calu

Si

Ad

latione satagant singulæ, vt altera alteri
generosè, heroicèque operando, lau-
ream præripiat. Tu cæteras feruore su-
pera, & præsta te dignam Alexio filiam,
qui totos triginta sex annos continuis
actionibus hereoicis feruentibusque im-
pendit. Iam hinc à temporibus Debo-
ræ certamen fuit, quisnam feruoris &
magnanimitatis laudem reportaret:
*Cum Debora facta est contentio magnani-
morum.* Reuocare ista tempora non pos-
semus, & sancta quadam ambitione cæ-
teros in stadio feruoris præuertere? fa-
cies id, chara Hagiophila, quandoqui-
dem non frustra studiosè inquisieris re-
ctam & breuem viam, quâ feliciter ad
cælum peruenires,

Si lectio ista non sufficit, lege cap. 6. 7. & 8.
Tract. 2. Primæ Partis Rodericij. Aut
cap. 20. & 21. l. 3. Thomæ de Kempis.

Adest iam tempus Examinis circa diligen-
tiam spiritualem, quam habere nos o-
porteret; & ecce materiam, ex quâ facile
agnoscemus, an spiritualis feruor in no-
bis hætenus fuerit,

Tertius dies
EXAMEN.

De diligentia spiritali.

QUINDECIM notas tibi præfigo è quibus aduerteres, num habeas illam diligentiam, quam Dei amantes tantopere ambiunt.

Prima. *Magno ferri desiderio, ut in vita spiritali proficias, teque penitus Deo consecres.*

Secunda. *Generosè superare ea, quæ proprius amor maximè formidat; Contemptus, confusiones, humiliactiones, & omne genus mortificationis, & abnegationis voluntatis propria.*

Tertia. *Sæpe facere bona, firmaque & constantia proposita.*

Quarta. *Operibus præteritis & propter Deum peractis non attendere, sed peragendo studere, & ad anteriora, ut Apostolus ait, se extendere.*

Quinta. *Labores suos, etsi assidui sint, & nota alicuius, tamen modicos existimare. parvique facere.*

Sexta. *Declinare usum earum personarum, siue saculares, siue Religiosæ sint, quæ*

que nos distrahant, & negotijs, aut cogitationibus, ab recollectione interna alienis, implicauit.

Septima. Nullam ab ordinarijs exercitijs exemptionem aut immunitatem, querere, aut admittere, ut liberius arbitrio nostro viuamus.

Octaua. Amare sanctam illam captiuitatem, quã multarum rerum minutarum obseruationi adstringimur.

Nona. Affici studio Orationis, eamque cum gustu, & animi attentione peragere.

Decima. Facile reuocare animum ad interiora, sibi que attendere.

Vndecima. Sedulo examinare conscientiam, cum animaduersione defectuum suorum, & emendationis proposito.

Duodecima. Molestè se rebus exterioribus impendere, nisi sit ad opem proximo ferendam, aut boni alicuius operis exercitationem.

Decima tertia. Amare disciplinam Religiosam, aut antiquas nostras deuotiones, eodem affectu, quo illas initio conuersionis nostra prosequeremur.

Decima quarta. *Libenter sese occupare, & otium fugere.*

Decima quinta. *Impensè in salutem animarum incumbere.*

Peraçto hoc Examine sequitur Oratio vocalis, Officij, vel alia. Deinde hæc Consideratio.

CONSIDERATIO.

I. Sic est profectus noster, vt nullum Silli comparando negligi tempus queat; continuò prosequendus est, magnæque assiduitate, neque in itinere benè cœpto fatigari, aut lentescere nos oportet. In cæteris omnibus sua sint intervalla, & tempora quietis, hîc nulla conceduntur.

II. In arbitrio meo est, magnam consequi sanctitatem: solius defectu feruoris gloriosam illam coronam, quam Deus offert, amitto. Multum perdo per ignauiam meam, vtinam non omnia!

III. Quid feruus meretur, qui loco laboris, quem impendere Domino suo deberet, totos dies consumit risu, nugis, otio, desidiæque? quid ille dicet Dominus,

mus, operæ suæ mercedem exigenti? ah,
ego feruus iude sum!

I V. Præcepit Dei Filius, vt arbor, quæ
non facit fructum bonum, exscindatur,
& in ignem mittatur. Utinam anima
mea sit arbor bona, quæ firmas agat ra-
dices, vt quâcumque occasione exten-
dere, & impendere virtutum exercitio
me possim; vt vndequaque crescam per
intentionem, & feruorem actionum.
mearum; vt non producam fructus vanâ
gloriâ, aut amore proprio, humanoque
quæstu corruptos! -

V. Omnia nos stimulant, vt tandem
pigræ nostræ pertæsi, magnum in vir-
tutibus progressum facere satagamus.
Primò: Crescit corpus, & iustam suam
perfectionem assequitur, quidni & ani-
ma mea quoque suam? Secundò: Laude
dignus mercator est, qui maximum quæ-
stum facit, & labore suo amplificat rem
familiarem: opes ego maiores compa-
rare mihi possum. Tertiò: Suspicitur,
Princeps, qui armorum virtute iusto-
que bello nouas ditioni suæ Prouin-

eias, nouaque regna adiungit: & impedire nihil me potest, quin exiguo labore regna occupem excellentiora. Ignauus sit, qui uolet ego esse deinceps nolo.

VI Potior est dies vnicus in feruore, & actionibus ex Dei amore peractis decursus quàm mille alij, qui sensuum cupiditatibus, & propriæ voluntatis satisfactioni impenduntur: quia ex mente Diui Augustini, quodcumque tempus amando Deo non impenditur, perditur.

Adest iam hora Relaxationis, deinde Officij, aut vocalis Orationis. Tum visitationis Venerabilis Sacramenti. Denique Meditationis præuidendæ.

III. MEDITATIO.

*Motiuum ad feruorem, & perfectionem
prosequendam.*

Oratio præparatoria consueta.

I. **P***reludium.* Ob oculos tibi propone Israëlitas, qui exploratum iuerant terram promissionis, *Num.c. 13. & 14.* eamq; aduerterant omni frugum, & fructuū genere affluentem, manantem lacte & melle, denique studijs omnibus expecten-

tendam : at in ipso aditu, plurimis animi concidère, horrore difficultatum, quas imaginabantur : *Terra ista*, inquebant, *deuorat habitatores*. Vt pulchra, vt fertilis sit, nimio tamen constabit, nimia sunt subeunda pericula, vt eam adipiscamur.

II. *Pralud.* Pete gratiam à Deo, vt eius generis metus, & tanta animi pusillanimitas, te in via salutis non impedian.

I *Punctum.* Mundus, Diabolus, Caro, Amor proprius, & Sensualitas perpetuò nos insectantur, & suggerunt: nimijs difficultatibus, & incommodis septam esse viam perfectionis, illam vel istam virtutem obtineri omninò non posse. Quid faciam? aurem præbere ijs debeo: ita videlicet ijs adnumerarè, qui ex ignauia, semitam salutis deserentes, ière in æternam perniciem. Si essemus ad portas inferni, innumeros audiremus, qui non aliud horribili vociferatione clamarent, quàm : *Ignauia nos, nos pusillanimitas, huc dedit precipites*. Ex Purgatorio idem occinitur; & inter sæculares quot sunt, qui ob eandem pusillanimitatem

non adierunt claustra religiosa, quò tamen Deus eos vocabat, vt tantò securius animarum suarum saluti nauarent operam; atque vtinam isti non perirent? Quin igitur monitus exemplis aliorum audeo, & rem ago maximi momenti, quæque tam peculiariter ad me attinet?

II. *Punctum*. Non est negotium vsque adeò arduum, seruire Deo perfectè: sola initia dum quis assuescat, difficilia videntur, cætera vsu, & internis delicijs facilliora fiunt. Christi vox est: venite ad me; iugum enim meum suauè est, & onus meum leue. Quis ad hanc amoroſam inuitationem animos non assumat? S. Andreas crucem suam appellitabat *bonam, & diu desideratam*; S. Paulus in infirmitatibus, in aduersis, in cruce potissimum gloriatur. Tot Sancti ab ætate ineunte (quamuis condicione præstantes, habitu tamen corporis tenero, & delicato) difficultates omnes ludibrio habuerunt, feceruntque ea omnia, quæ facere ego possum, & debeo, & quæ cum diuina gratia, facturus sum. Reuoca in memoriam

riam eos, quorum nosti virtutes, eorū-
que stimulis te anima.

III. *Punctum.* Propone tibi difficul-
tates omnes, quæ in prosequenda perfe-
ctione subeuntur: continuam corporis
mortificationem, oppugnationem pas-
sionum; indolis rebellionem, respectus
humanos, & eius generis plura: sed quid
hæc, si cum præmio, cōque æterno con-
ferantur? si cum poënis infernalibus,
quas hac tui victoriâ euadis? si cum in-
commoedis, quæ mundi assecclæ subeunt,
vt ad aliquem honoris, aut diuitiarum
cumulum pertingant? quid hæc deni-
que, si compares cum ijs, quæ Iesus tuus
pro te? tanti dolores, tantum sanguinis
effusum pro te, facile promeretur, vt ei
rependas aliquid laboris, si non sangui-
nem, & vitam. Resolutio, Magnanimi-
tas.

Colloquium tecum. Nil magnum,
anima mea, sine labore obtinetur. Hoc
pretio, scientia, Principum fauores, &
diuitiæ constant: nihil mundani omit-
tant, quo ad honores, & propositas sibi

dignitates grassentur. Iesus manum tibi porriget, non deerit diuinum subsidium, ipsi Sancti tibi aderunt & exemplo, & patrocinio. Pater. Aue.

Recollectio Meditationis. Lectio Thomæ de Kempis fortuita. Rosarium. Visitatio Venerabilis Sacramenti, Cœna. Recreatio. Litaniæ Sanctorum. Visitatio Venerabilis Sacramenti. Preparatio crastinæ Meditationis. Examen. Quies. Sed prius statue te cras fore in surgendo diligentem, neque cum ceruicali tuo, vt mos est, disputaturum. Inde totius diei feruor inchoandus est, & exiguum sanè fructum hodie retulisti, si matutinam illam diligentiam non proposueris. Molestiæ quidē nonnihil senties, sed quid refert? Angelum tuum tutelarem ora, vt te excitet, aut Patronum, cui religiosius afficeris, ne actionum tuarum primitiæ sint tepidæ, languentésque. Quam in rem occurrit: aliquando in festo S. Ioannis Euangelistæ, à S. Mechtilde visum Iasvm formâ pueri decennis, sorores è somno singulari quâdam gaudij testificatione excitantem, & S. Ioannem vni alicui assistentem, quæ peculiariter illi erat deuota. Hisce vale, & feliciter quiesce.

Q V A R.

QVARTVS DIES.

*De ijs, qua homini in extremis
accidunt.*

Nihil, Hagiophila, potentius consideratione Mortis, & Iudicij, & Purgatorij, quæ illam consequuntur, vt benè animam tuam disponas, emundes, & optimis propositis munias. Qui enim horum cogitatione non euincitur, nescio, quid commouere illum possit. Occupabimur ergo in his hodie, & quàm poterimus moderatissimè; nullam enim inferni mentionem facio, à quo te scio satis, & meritò alienam. Satis ista, quæ dicturus sum, ferient.

Visita Venerabile Sacramentum, & si absque arbitris es, ter terram deosculare, vt te eâ die humilies, quo agitura es te nihil aliud esse, quàm terram, & lutum. Faciebat id quotidie è lectulo consurgens B. Franciscus Borgia. Inde ad meditandum te dispone.

MEDITATIO I.

De Morte.

Oratio præparatoria solita.

I. P*Raludium.* Imaginare te in extremis constitutum, offerri Christi cruci affixi imaginem, accendi cereum sacrum, atque intonari tibi à Sacerdote: *Proficisci* anima Christiana, plurimis interim circum orantibus, & animæ excellentium præstolantibus.

II. Prælud. Roga Deum, ut mortis horrore te percellat, quo melius ad eam te pares.

I. Punctum. Decretum infallibile, *Moriendum esse*: hac iter est omnibus, & iuuenibus sæpe, & minimè arbitrantibus, & ijs qui robore corporis, & valetudine plurimum pollere videntur; nemini mors parcit, omnes aggreditur, & pleno cursu: singulis enim momentis fit propinquior. Quare eò sæpe aduertamus animum, ne incurios adoriatur; & iam nunc faciamus, quod tum fecisse vellemus. Sibi benè non attendit, qui non semper attendit.

II. Pun-

II. *Punctum.* Ut morte nihil certius est, ita eadem nihil est incertius. Et annus, & dies, & momentum, & locus, & modus, aliâque omnia morti adiuncta, incerta sunt. Percurre singula, & scito ab hac incertitudine seriam nobis sollicitudinem, & vigilem curam indici. Vigilate, monet Dei Filius, quia nescitis diem, neque horam.

III. *Punctum.* Mors corpori animæque terribilis: Corpus doloribus, & debilitate obruitur: quis tum modus orandi, peccata ritè expiandi, & attendendi sibi? si adest suprema lucta, peius est: visus deficit, & auditus, frigent extrema corporis, ipsûmque olere iam terram incipit & foetere. Horrent, qui nobis seruiunt, & quibus delicatiores sunt nares, nos deserunt, cæteri cum molestiâ fastidiôque circumstant. Miserum corpus inutile est, neque aliud mouetur quàm manus, quæ dum cortinas, & linteamina contrahunt, testantur, ægrum iam sarcinas colligere, & ad abitum se parare. Istud tibi subeundum est, ô corpus, quid

quid ergo iuvat me, tot blanditijs mul-
cere te? tum temporis, simul atque ani-
ma mea te deferuerit, fies vitæ expers &
motus, vermibus corruptionique obno-
xius. Lecto & domo te efferent, vt non
minùs memoriam tui, quàm te humo
obruant.

Neque Mors minùs est terribilis ani-
mæ. Quis dolor, deferere corpus tanto-
perè dilectum, tam molliter & blandè
habitum, cuius maiorem curam quàm
sui gesserit? quæ molestia, perpetuū vale
amicis dicere, separari ab ijs omnibus,
quæ habebat in delicijs? relinquere opes
& honores, quibus affectu tuo incum-
bebas? quantæ angustia ex patrum
scelerum recordatione, ex aspectu dæ-
monum extremam pugnam indicientiū,
& vitæ rationes exprobrantiū, ex incer-
titudine mox ferendæ sententiæ, & loci,
cui deputanda sit? meritò hæc terrorem,
& quidem grauissimum incutiunt. O fe-
licem eo momento, qui Deo seruiuerit,
mortificârit carnem suam, & huius vo-
luptates, & delicias contempserit!

Col-

Colloquium ad Sanctos, qui magnâ animi alacritate & solatio mortem obierunt: vtinam morte simili defungar! vtinam nihil me terreat in hoc vitæ excessu! vtinam in hac lucta mihi adsit præsidium SS. Matris, quæ toties alijs opportunè adfuit! vtinam tum tutelaris meus Angelus conuerteret in fugam hostes meos! vtinam frui liceret beneficio Sacramentorum! vtinam moriar amando Deum meum, & extremis suspirijs ingeminando IESVS, MARIA, IOSEPH! Amen. Pater. Ave.

Reuifio Meditationis. Electio Tesseræ hodiernæ: fortasse arridebit hæc: *Moriendum est, & post hoc iudicium.* Vel illa Thomæ Kempensis: *Quid prodest diu vivere? quando tam parum emundamur?* Quin proderit etiam sæpe inspectis manibus suis dicere: hæc aliquando manus à vermibus rodentur.

Sequitur Oratio vocalis, aut Officij, aut alia. Deinde Sacrum. Tum Lectio spiritalis, aut eius dissertationis, quæ sequitur, aut aliorum, quæ postea notabo.

DISSERTATIO
MATUTINA.

*Plurimum referre, perspectas esse
Mortis qualitates.*

Oleum & operam perderem, Hagio-
phila, si tibi demonstrarem, mori-
endum esse: Tribus facibus ea veritas
perpetuò nobis ob oculos ponitur: pri-
mâ sacrarum litterarum, quæ id in o-
mnibus propè paginis decernunt; altera
rationis naturalis, quæ luculentissimè
euincit, cùm è terra, & quatuor elemen-
tis simus compaginati, nos interitui esse
obnoxios; & tertiâ experientiæ: nam,
ab Adamo hucusque, hac omnes inêre,
& nos ibimus, & quotquot nos sequen-
tur, ibunt. Solennis mortis est professio,
ad hanc omnes homines spectant, se-
rius, aut citius. *Eâ conditione intraui, ut
exirem,* ait Senecâ, nullus, quantum-
que sit, ab hac lege eximitur. Et Deus
post aduentum Filij sui, in capite Eccle-
siæ mirum huius rei argumentum nobis
proposuit. Summum enim illud Orbis
caput peculiariter debet huic experien-
tiæ

tiæ suffragari, ne existimemus eos, qui dignitate cæteris præstant, extra mortis ictum quoque consistere. Elegans hæc animaduersio, est Petri Damiani Cardinalis. Rogauerat illum Alexander II. quæ fieret, quod ad Sedem Pontificiam euecti tam citò viuere desinerent, vt nec S. Petri annos assequerentur: respondit ille: Deum toti Mundo velle imprimere Mortis memoriam, illiusque omnes admonere: cum enim Papa vnicus eam conditionem obtineat, sitque veluti Orbis Monarcha, vt Bartholus, & Accursius loquuntur, simul atque mortem obit, certior redditur tota Christianitas: per totum Orbem, cum vbique Christiani sint, fama diuulgatur; itaque omnes mortis meminerunt, facileque sibi persuadent, hac omnibus eundum esse, quæ tantus præcessit. Par ratio Summi Pontificis est in terris, quæ Solis in cælo. Quando hic Ecclipsin patitur, omnes aduertimus: diffusæ per Orbem tenebræ produnt: si stella aliqua lumine suo priuetur, nemo id percipit, nisi fortè aliquis

quis immerſus Aſtrorum ſtudio Mathe-
maticus: Ita ſi moriatur aliquis eorum,
qui minoribus iſtis ſideribus ſimiles
ſunt, quis ſciat præter vnius Urbis, Pro-
uinciæ, aut Regni incolas? ceſſerit verò
ſatis Pontifex, iam Sol oculis noſtris ere-
ptus eſt, nemo id ignorat. Quòd ſi acci-
dat, conſtitutos in eo honoris faſtigio
non diu vitam prorogare, ſeruit hoc
ad renouandam mortis recordationem,
quæ ita frequentius fit, quàm ſi ea digni-
tate ad annos quinquaginta, vel octo-
ginta fruerentur. Satis igitur notum eſt,
Moriendum eſſe; ſed nocet plurimùm,
non eſſe ſatis naturam mortis, & quali-
tates perſpectas: huius enim cognitionis
defectu plurimi inueniunt ſe deprehen-
ſos in hora mortis, hoc eſt, ſeriùs, & eo
tempore, quo prouideri nihil ampliùs
potest. Nolim ego te hoc incommodo
laborare, Hagiophila, & vt te eximam,
quidquid mali animus meus de Morte,
mihi ſuggeret, dicere aggredior: viuus
eam coloribus à planta ad verticem de-
pingam, Ordior à pedibus,

Mors

M
itiner
prop
cunt
ſi ma
ture
cipin
amal
tus ſu
nem
hæc
regna
ſanti
mo:
ſuit,
tibi v
ab ip
tumu
dem
omne
ſus, S
patu
uenit
cedit
Bella

Mors cursor est, semper est in via & itinere, ut uos assequatur; noctu diuque properat incredibili velocitate. Tria dicuntur esse signa velocitatis: Primum, si maturè cursus inchoetur; at tam maturè incipit Mors, ut simul ac viuere incipimus, incipiamus etiam mori. Vnde, amabo te, dicebat Iob: *De utero translationis sum ad tumulum?* Id veri similitudinem non habet, Princeps magne, dum hæc dicis: iam per multos annos vixisti, regnasti, affluxisti delicijs, etiam aduersantis fortunæ impetum excepisti in fimo: nullus adhuc feretrum tibi composuit, & aliquot centenos annos reliquæ tibi vitæ ominamur. Fare, quod lubet; ab ipso vitæ meæ exordio, ad mortē, ad tumulum abripior: dum te alloquor, eodem propero: ipsa verba, ipsæ actiones omnes, sunt continui ad mortem gressus. Secundum, si cursus non interrumpatur morâ, aut quiete; ita prorsus aduenit Mors. Ubique quietis aliquid conceditur, præterquàm in Mortis itinere: Bella suas habent inducias, pausas Musi-

ca, Viatores sua interualla, & hospitia, Rabulæ suas ferias, suas vacationes studiosi, quietem opifices: sed nihil horum Mors habet; siue comedam, siue vigilem, siue quiescam. semper illa pergit, acceditque. Quotidie morimur, quotidie pars aliqua vitæ nostræ demetitur, *& dum crescimus, vita nostra decrescit,* ait Seneca. Tertium, si summa diligentia conatúsque adhibeatur. Neque hoc Morti deest. Olim segnius ire videbatur, & pede quasi plumbeo. Centum, ducentis, quingentis annis, aliquando etiam diutius, vita ducebatur, nunc omnia intra sexaginta & octoginta annos peraguntur. Quid mirum? nunc equo Mors vtitur. Ita illam equitantem vidit S. Ioannes cap. 6. suæ Apocalypseos Scire eis, quàm feratur celeriter? planè instar cursoris: *Dies mei velociores fuerunt cursore.* a Instar navis vento impulsæ: *Pertransierunt quasi naues poma portantes.* Instar aquilæ volantis: *Sicut aquila volans ad escam.* Solis instar, qui minutis singulis nouies mille, & quingentas leu-
a *Job, 6. 9.* cas,

cas, & vnicâ horâ quingenta & septuaginta leucarum millia decurrit : *Dies mei sicut umbra prætereunt.* a Vixerat Mathusalem annis quingentis, sed eam ætatem, quòd tam citò diffluxisset, nihili pendeat ; historia eiusmodi est, fidei Authoris commissæ : Postquàm tot annos vixisset, ferunt ab Angelo monitum, vt ex Dei voluntate domicilium sibi construeret, totidem omninò annis adhuc victurus ; quid, inquit, domicilium ad vitam annorum quingentorum ? ad ætatem tantillam ? si plus non restat, quàm vixi, operæ manum non admoueo. Quidquid hætenus vitæ fuit, tantâ celeritate præterijt, vt nonnisi diem vixisse mihi videar. Non inducor, vt opus illud suscipiam, quin enixè rogo, vt excusatum me apud diuinam Maiestatem velis. b Egregia vox magni Epaminondæ, affirmantis tam esse celerẽ vitæ humanæ cursum, eúmque tam breuem, vt præter tria verba vix dici quidquam viuenti possit. A Natiuitate ad annum

a *Psal.* 143, b *In fasciculo temporum.*

num tricesimum, quid aliud dices, quàm *Aue*, ab anno tricesimo ad quinquagesimum *Ades*: post quinquagesimum verò dicilli *Vale*, ad occasum enim spectat, neque aliam, quàm de discessu suo admittere debet cogitationem. Optimè Thomas de Kempis: *Modicum est, quod cum tempore transiit*. Vtinam, Hagiophila, quâ par est attentione, hunc inevitabilem & celerrimum mortis accessum, expenderemus! Cogita, obtestor te, neque ampliùs anihela, vt menses annique transeant; transeunt enim verò, etiam voto citiùs. Istud velim satagas, vt tam promptè ad Deum festines, quàm promptè Mors ad te accedit. Certatim agite, tu an Mors celeriùs properetis, illa ad te, tu ad Deum. Imitare illam, maturè incipe, proçede sine interruptione, & summâ adhibitâ diligentia, & ita timere illam desine; nocere enim non potest, nisi ijs, qui gradum sistunt, aut vitam ducunt inertem.

Ab hoc incessu ad illius dolos transcamus. Fraudulenta Mors est, fallit, circum-

cum
& v
follie
mort
hoc
ret, f
omn
potu
mini
Mors
num
Decip
ph. ta
nemo
lunen
suoru
tem t
re, ar
vsque
vitam
& vbi
tis an
firmos
peran
buant

cumuenitque mortales & rurī, & domi,
& vbique. Frustrā de hospitio homines
solliciti sunt, velint, nolint, omnes ad
mortem dolosam hospitantur; signum
hoc domibus omnibus præfigi oportet-
ret, seriū enim aut ocys Mors fallit
omnes inquilinos. Errare Veritas non
potuit, dum dixit illam furis instar, cum
minimè putabimus, irrupturam. *Veniat
Mors super illos, & descendant in infer-
num viuentes,* & iuxta aliam versionem:
Decipiat illos Mors, inquit regius Pro-
ph. ta. Et verò tam dolosa Mors est, vt
nemo illius dolos euitare possit. Decipit
Iuvenes, quia licet plurima coæuorum
suorum funera præ oculis habeant, sor-
tem tamen illam ad se nondum specta-
re, arbitrantur. Fallit senes, nemo enim
vsque adeò decrepitu est, quin speret
vitam suam adhuc anno prorogandam,
& vbi id assecutus fuerit, etiam sequen-
tis anni spe se lactabit. Circumuenit in-
firmos. quia adulantur ijs Medici, recu-
perandæque valetudinis opinione im-
buunt. Ipse humani generis hostis po-

tius Medici personam induet, quàm vt
 fallendi artificio Mors destituatur. In
 Franciscanorum monumentis proditum
 est, missum aliquando Massiliam à Diuo
 Francisco Fratrem Christophorum, vi-
 rum sanctitate illustrem: accidit hîc, vt
 ægrum adiens duos Medicos offenderet
 (erant pace tuâ, sic personati, Cacodæ-
 mones) qui ægro persuadebant leuem
 esse ægritudinem, minimèque periculo-
 sam, breui euasurum: Agnouit vir san-
 ctus veteratores illos, eorûmq; versu-
 riam, quin & ægrum in statu esse pecca-
 ti mortalis: quare signo Crucis manu
 formato, languentem commonefacit,
 & scelorum suorum Confessionem ex-
 torquet. Intereâ, euenti illi Medici
 euanuere, & otium moribundo fuit, vt
 feliciter obiret; vide igitur, fidésne ha-
 benda sit talibus Medicis, aut alijs, qui
 mortis periculum dissimulant? sed qui
 maxime decipiunt infirmos, propinqui
 sunt qui discrimen celant, ne fortè illius
 gnari Testamentum, aut Codicillos con-
 ficiant, vel aliquid immutent, legentque
 alijs.

alijs. Infortunati amici, qui Præditorum officio funguntur, quique has miseræ animas decipiunt, quasi absque ijs Mors satis fraudulenta non foret! verum, vos ægri, multò infortunatiores, quibus tam barbari, & ab omni humanitate alieni propinqui sunt, ut pluris faciant centum aureos, quàm animam, quæ vnâ omni auro, cunctisque terræ opibus præstantior est! In ipso etiam supremo articulo, Mors misero patienti imponit, persuadetque satis virium superesse, ut euadat, aut saltem viuat in crastinum. Adeò ut si de Confessione loquaris: Ah, inquit, quietem mihi modò cedite, cras ista. At Cras illud ei non conceditur, nisi Cras æternum, quod illum in supplicia suis sceleribus debita præcipitat. Et postea, opportunè scilicet, dicetur: præceptus est herus, abrepta est Domina, confitendi facultatem non habuit: multum ex lamentationes illorum malis medebuntur Ah quàm præstat, semper paratum esse, & viuere in amore Dei, ne Mors imparatos circumueniat! Felicem

te, Hagiophila, quæ talibus occasi-
bus excessisti; Deo fida es, illum amore
constanti prosequeris, inter eas versaris
personas, quæ tibi adulari nescient, sed
candidè suggerent, adesse horam opta-
tam, quâ abeas in amplexus sponsi tui,
te sistas incomparabili Mariæ, & reliquæ
Beatorum societati adiungas.

Addo præter ea, quæ dixi, Mortem
esse contentiosam, rixisquæ deditam. Eò
tempore miser infirmus plurimis in ani-
ma iurgijs, & exprobrationibus impeti-
tur: *Ab eo qui portat coronam, usque ad
eum, qui operitur limo crudo. tumultus, flu-
tuatio usque in diem sepultura, & timor
mortis, & contentio immutat scientiam.* 3
Deus nos obiurgat, exprobratque gra-
tias & inspirationes, quas nobis per o-
mnem vitâ largissimè concessit: tot bo-
na verba, quæ nobis suggessit, vt in alio-
rum vtilitatem loqueremur, erunt toti-
dem testimonia, quæ nobis opponet.
*Tot cōvincar testibus, quod me proficuis ser-
monibus adiunxisti.* Sed molestissima est

EUM

tum propria conscientia; prior illa in-
nos insurgit, & iurgiorum acerbitate,
potissimum exagitat. Iuuenem noui ge-
nere, quàm moribus, nobiliorem, quem
Mors, intereà dum ocreas inducit ami-
cum aditurus; sic adorta est, vt intra se-
mihoram confecerit: nullum illi otium
aliud fuit, quàm vt Conscientiæ expo-
brationes exciperet. Non adfuit tempo-
ri Confessarius. Eæ solùm voces, testes
Mortis, & conscientiæ reprehenden-
tium, audita: *Misella anima, quo ibis?*
Impetit etiam nos dæmon, & stolidissi-
mis imaginibus mentem nostram diue-
xat, asserit nos in Confessionibus nostris
multa reticuisse, & cùm viuentibus ma-
gnam pacem indulserit, morituros co-
natur perturbare, & amplificare pecca-
ta, quæ prius leuia esse, & exigua per-
suaserat. Ne dubites, Hagiophila, tu-
multus & obiurgationes tum esse gra-
uissimas, paucosq; earum expertes esse:
inuaduntur sæculares; Heu miserum
me! exclamabat sub mortem Secretarius
non nemo, viginti quinque papyri volu-

mina impendi litteris scribendis & obsequijs Domini mei; & mediū folium bonæ Confessioni scribendæ non impendi. Ah quàm forem beatus (aiebat moriens Philippus III. Hispaniarum Rex) si vitam omnem in angulo deserti alicuius traduxissem! impetuntur Religiosi: testis est ille, qui cū aduersus Regulæ præscriptum in mensa micarū collectionem neglexisset, vidit Morti vicinus diabolum horribili specie, qui saccum micis refertum obijciebat oculis, vt eum terreret, turbarētque, & si fieri posset, etiam redigeret in desperationem, à qua parūm aberat, nisi cæterorum Religiosorum vota, precēsque subuenissent. Testis præterea ille in Societate nostra adulescens, qui ab hinc aliquot annis in Gallia Narbonensi fato proximus cum gemitu dicebat: Quid profuit Pindarum tanto studio peruoluisse? quò nunc tot curiosæ Lectiones? itāne prius euocor, quàm legerim eādē contentione, & assiduitate libros ad animæ salutem facientes, quique amore Dei inflammare potuiss-

potuissent. Denique Sancti ipsi diue-
xantur: S. Elzearius hac it; hac S. Hila-
rion, qui vt se tutaretur, aiebat: *Egrede-
re anima mea, quid times? septuaginta an-
nis seruisti Deo, & adhuc mori times?* Bre-
uiter: *Omibus Mors obmurmurat.* Quò
tendunt ea morientium suspiria, hi in-
calum proiecti aspectus, illæ vultûs dis-
tortiones, hæc dubia responsa, hæ voces
intercisæ? quid significant ea manuum
signa, is tremor membrorum? impetus
sunt huius contentiosæ mortis, dispu-
tat, prouocat, contestatur. O molesta
iurgia! ô graues exprobrationes! ô into-
lerandam prouocationē! ah! in supre-
mo mortis agone mihi iam esse videor,
& cum conscientia mea colluctari, vi-
deor hoste me inuadente obmutescere;
deficere verba, quibus me tuear, neque
aliud superesse, quàm vt cum Iobo ludi-
cem meum compellē: *O custos hominum,
quid faciam tibi?* quâ ratione pacabo? ô
benignissime & mansuetissime Seruator,
melius non possum, quàm vt me abij-
ciam ad pedes tuæ tremendæ, sed vnâ

etiam misericordissimæ Maiestatis, totóque cordis affectu exclamem: *Domine vim patior, responde pro me.*

Hagiophila, hæc omnia attentâ consideratione expendenda sunt, idque maturè. Et, si nos sapimus, tu & ego, ne expectemus tempus illud, ut ad benè moriendum nos disponamus; non erit tunc otium eâ de re cogitandi. *Frustrâ parantur remedia, cum mortu imminet pericula;* scilicet, tempus sit tunc arma poliendi, cum ad tympani sonitum hostis inuadendus est? tempus sit excavandi tum terram, puteumque perfossâ rupe quærendi, quando haustus siti pellendæ petitur? tum scilicet Medicus vocetur, quando æger animam exspirat? sera illa sunt, alio tempore disponenda; *Frustrâ parantur remedia, cum mortu imminet pericula.* Miser homo, exclamat Bernardus, quare omni morâ te non disponis? cogita te iam mortuum, quem scis necessitate moriturum. Hæc nobis agenda sunt, & sæpe reuocandum in memoriam, quòd Mors sit Cursor, sit decepatrix, sit contenten-

tentiosa; nihilque satius esse, quàm securum reddere negotium suæ salutis, & perfectionis, quandoquidem de æternitate agatur: *Nulla satis magna securitas, ubi periclitatur æternitas.*

Placet alia aliqua Lectio? lege cap. 19. 20. tract. 8. volum. 2. part. 1. Rodericij. vel cap. 23. primi libri Thomæ de Kempis.

A Lectione renoua deuotionem erga eos Calites, qui sub mortem suis Clientibus adesse consueuerunt. Quò spectat caput vndecimum Fœderis à me conscripti. Maximi momenti est ea deuotio, vide ne negligas.

Sequitur præparatio sequentis Meditationis.

II. MEDITATIO.

De Iudicio particulari.

Oratio præparatoria consueta.

I. *P* *Raludium.* Imaginare Dominum aliquem, qui à seruo rationem exigat decem millium aureorum censûs annui, quorum administratio penes illum fuerit ab annis omninò triginta: rationem verò tam accuratam petit, vt scire etiam cupiat, quem vsum mini-

mus teruncius expensis sit. Eodem pacto cum hominibus aget Deus.

I. *Prelud.* Pete à Deo gratiam, ut ita nunc rationes tuas inceas, ut reprehendi nihil in ijs possit.

I. *Punctum.* In Iudicio particulari, quod tum subitur, quando anima excedit è corpore, exiget Deus rationem totius vitæ nostræ, etsi illa ad centum usque annos producta fuisset, omnium, inquam, actionum nostrarum; ah omniū! omnium verborum etiam otiosorum, ah innumera sunt! omnium cogitationum; ah infinitæ sunt! eæque tam fatuæ, ridiculæ, & ineptæ! atqui vel idcirco subeundum est iudicium. Idcirco ad diuturniorem in Purgatorio poenam damnabimur; denique ratio reddenda est omnium, quæ nobis acciderunt ab eo tempore, quo uti ratione cœpimus, quæ interdum, quæ noctu; quæ coram alijs, quæ clàm; quæ bona, quæ mala, secundum intentiones, quibus ad operandum inducti fuimus; quorum etsi apud nos nulla extet memoria, nihilominus omnia

omnia in arcanis Dei tabulis notata reperi-
entur. Huic rationi, si subinde morta-
les animum aduerterent, tantane viue-
rent libertate, procaciaque? ipsi vide-
rint, ad melius quod attinet, deinceps ad-
uertam, & ita supputabo singula tum,
meis Examinibus seu generalibus, seu
particularibus, tum Confessionibus ac-
curatis, ut & rationes dispungantur, &
errores perfidiaue lacrymis & contri-
tione diluantur.

II. *Punctum.* Iudex erit Christus Ie-
sus, tantæ sapientiæ, ut falli non possit,
qui excusationes de admissis sceleribus
non recipit, qui occultissima cordium
arcana perscrutatur, qui nullius veniam
delicti amplius indulget, qui gratiam
nulli, ne dilectis quidem sponis suis,
præstat, qui à sententia semel prolata
non dimouetur; tantundem tunc tenax
iustitiæ, quantum prius in misericor-
diam inclinabat. Iudex magne quidni
iam promerendis fauoribus tuis ad labo-
ro? quidni te premo, ut adsis causæ meæ,
& causæ tanti momenti? quidni adeo te

sæpius in Venerabili Eucharistia, in O-
ratorio? quidni continuo te sequor, vt
misericordiam animæ meæ statum commen-
dem? & dicam: Domine, non intres in
iudicium, cum seruo tuo, quia non iu-
stificabitur in conspectu tuo omnis vi-
uens?

III. *Punctum*, Præsentes iudicio ad-
sunt, Iesus, vt me iudicet, vel eius loco
S. Michael. inde Diabolus, vt me accu-
set; tum Angelus tutelarior, vt proferat
opera mea bona, & animam meam, vel
in cælum, vel in Purgatorium deducat,
si ea sententia feratur; quemadmodum
Diabolus condemnatas animas abripit
in Infernum. Aderit etiam B. Virgo, &
ceteri sancti Patroni mei, modò pecu-
liaribus obsequijs, & singulari venera-
tione merear hanc gratiam. O horribi-
le iudicium, etsi particulare! ab hoc
enim particulari pendet sententia, quæ
in vniuersali iudicio proferetur; quòque
vel ad dextram, vel ad sinistram collo-
cabitur.

Colloquium ad IESVM, & SS. Ma-
trem,

trem
est; n
mori

Re

Pr

A

xum

sent

exill

ferre

lube

pule

mn

hui

vol

nan

trem, in his enim summa præsidij spes est; ne tamen prætereas eos sanctos, qui morientibus assistunt. Ave maris Stella,

Recollectio Meditationis. Visitatio Venerabilis Sacramenti. Examen Conscientiæ, Prandium, Recreatio. Visitatio Venerabilis Sacramenti, Examen peculiaris. Tempus scriptionis. Lectio spiritualis, quæ sequitur.

DISSERTATIO POME- RIDIANA.

*Prodesse ad bene moriendum, Tempus
utiliter impendere.*

A Vderemne, Hagiophila, primo statim aditu tibi proponere Paradoxum aliquod? id quidem à communi sensu videbitur alienum, quia tamen existimo verissimum, & plurimum conferre ad ea, quæ sum dicturus, volens lubensque tibi patefaciam. Iuvenes opulentissimi sunt, & inter mortales omnes felicissimi. Istud est, quod in ipso huius dissertationis exordio proferre volui, neque fidem mihi deroga; nam tempus possident, quæ res totius

mundi pretiosissima est, idque usu & emolumento maiori, quàm reliqua pars mortalium. Non puto te ignorare pretium Temporis. Familiare dictum erat S. Bernardi: *Nihil pretiosius tempore invenitur.* Et recte quidam Poëta asseruit, minimam eius portionem etiam cuiusque pretio antestare: *Non poterit pretio, vel breue tempus, emi.* Ludouicus XI. Galliarum Rex, singulis diebus vltimæ suæ agritudinis, quingentos aureos Medico suo numerabat, ut ope medicamentorum tempus sibi prorogaret. Optimus ille Princeps auro argentoque tempus licitabatur, sed *non poterat pretio, vel breue tempus, emi.* Præsens aliquando adfui morienti Iesuitæ (cui molestissimum erat, quod in ætatis primo flore decedere cogeretur) cum propius à morte abesset, dixit illi superior: Alexander (id iuveni nomen erat) quid à me petis? cedo, mi frater, quid desideras, quid postulas? Vitam, inquit, Patet mi. Vitam postulans, nihil sanè aliud volebat, quàm tempus, quo vita longius tra-

traduceretur. Sed neque superior, neque alius aliquis, id dare poterat: carius est, quàm vt emi possit: *Non potest precio, vel breue tempus emi.* Chrysaorius ille, de quo Magnus Gregorius, cùm à Dæmonibus citaretur, ad reddendam, flagitiosissimæ suæ vitæ rationem, magnis vociferationibus obtestari cœpit, vt modicum aliquid temporis indulgerent. *Inducias usque mane: Inducias usque mane.* Quid non obtulisset ad exiguū temporis vsuram? non pepercisset opibus, & facultatibus omnibus suis, si tam vili, tanta res venalis fuisset: sed *non potest precio, vel breue tempus emi.* Quod cùm ita sit, quis non videt Iuuenes, qui iuxta naturæ cursum, habent in potestate sua plus temporis, esse, in affluentia rei tam preciosæ, cæteris opulentiores, felicioresque? ego quidem nullus dubito; astringo tamen opinionem hanc; dicoque eos omnium esse opulentissimos, felicissimosque, qui bene tempore vtuntur: abundant enim Iuniores copia temporis, habeantque annos centum, si placet, transigendos; si tamen

tamen tempus malè collocant, patianturque interire rectè faciendi opportunitates, miserrimi sunt, atque egentissimi, quantumcunque viuant, neque finem fortiri possunt, nisi deplorandum. Vt dicto fidem faciam, in medium adduco, duas duntaxat propositiones, quarum hæc prior.

Quem æstimas diem anni serenissimum, optimumque? Non est Paschæ dies, neque is, quo Sol Oriens illustrioribus radijs emergit, nec ille, quo cælum omni nube deterfa vestem cæruleam, terris ostendit: Dies anni pulcherri-
mus, & optimus est ille, qui optimè im-
penditur, & quo tempus congruentissi-
mè collocatur. Dies omnes, quos de-
currimus, nihil aliud sunt, quam portio
quædam, & specimen illius vnice pul-
chri bonique diei, fortunatissimæ æter-
nitatis, Omnes dies quos ducimus, aut
potiùs, qui continuâ serie nos ducunt,
non sunt, nisi vigilæ quædam & Vespere
illius æterni diei: quatenus igitur illi
referuntur ad serenum illum diem æter-
nitatis (qui semper erit in vsu glorioso,

&

& amabilibus æquè ac admirandis occupationibus) catenus dies sereni sunt, & boni. At, quem diem vocas benè impensum, quod tempus rectè collocatū? an quando ab aurora in Vesperum, magna contentione studiòque, operi cui-cumque incumbitur? minimè verò. Sed quando, quidquid agitur, propter Deum agitur, eiusque ex amore. Etsi mancipij instar laborares, diffueresque sudore, etiam sanguineo, nisi ad Deum referas, quidquid id est, vanum est, merissimæque insania. Si verò Dei causâ agis, tunc demum, ipsius Dei opulentiam te ditas. Audi, quid aliquando dixerit Iesus homini comparandis opibus intento, qui-que tempus omne rei suæ familiari amplificandæ impendebat: *Stulte, hac nocte repetent animam tuam à te, que autem paraſti. cuius erunt?* Stulti nomine, compellatur is, qui multum deludauerat, tempusque suum anxijis laboribus insumpserat. Quis vero conferri, cum hoc stulto meretur? illum designat Iesus, dum subiungit: *Hic est, qui in seau-riſat ſibi, & non eſt in Deo dives.* Stul-

tus igitur est, quisquis sibi, non Deo laborat; sed eo labore se ditat, sed honoribus augetur, sed auctoritatem acquirit, sed euadit in virum egregium, prudentem, admirandum, idque sua industria, adhibitoque conatu proprio; non refert, quanquam se redderet inter homines eminentissimum, mundi oraculum, omnium thesaurorum, opumque possessorem, nisi inter opes suas Deum numeret, eiusque gratia laboret, delirus est, & amens; *Hic est, qui thesaurizat sibi, & non est in Deo diues.* Frustra laborat, prodigit tempus, satiusque illi foret otio indulgere, quàm tam inani operâ se fatigare. Et hac ratione, accipiendum est illud dictum S. Augustini, quo asserit omne tempus perdi, quod amando Deo non impenditur. Quasi dicere vellet; Deum amare, non in eo consistere, vt tantum quis actus diuini amoris exerceat: aliàs ad tempus bene collocandum opus esset, continuo profectui hoc exercitium, quod in hac mortalitate fieri non potest; sed vt quis omnes actiones suas ad eum referat, eiusque

que amorì honorique studeat : quisquis
id non facit , nullam temporis sui habet
rationem , sed illud stolidissimè perdit.
Videre cupis , tempus illud amitti , quod
Dei amorì eiusque obsequijs non im-
penditur ? animam aduerte ad Sacros
Regum libros , vbi Saul nonnisi duobus
annis regnasse dicitur , cùm tamen ma-
nifestum sit , eum diademate corona-
tum publicèque regem habitum , per an-
nos omnino quadraginta. Vtrumque
istud sacer textus asserit , quod tamen
conciliari non potest , nisi D. Grego-
rio assentiatur , quòd cùm Saul duo-
bus tantùm annis amauerit Deum , ei-
que fideliter seruiuerit , reliqui regimi-
nis nulla in Dei volumine ratio habeat-
ur ; ita vt anni triginta octo euanue-
rint , nobisq̃ue insigne relictum sit do-
cumentum , plures nos vitæ annos nu-
merare non posse , quàm quot benè vti-
literque impendimus. Ex quo in eam
opinionem inducor , sæpe nonnullos
existimare , quòd diu in Religioso statu
vixerint , qui fortè nonnisi horam. aut
diem vnicū vixere , cùm propter Deum
pau-

pauca, plurima verò propter vsus suos,
 propter amorem proprium, tepidè igna-
 uiterque peregerint. Reperies permul-
 tos, qui de decem, viginti, triginta an-
 nis, in Religione traductis, gloriabun-
 tur, & erunt Tyrones sex mensium, qui
 illos virtute anteuertent: vnde accidit,
 vt Deus hos, triginta, aut multorum an-
 norum æstimet, illos verò, paucorum,
 despecta ea ætate, qua illi ad vanam glo-
 riam, & ostentationem plerumque ab-
 utuntur. Quæ res à Thoma Kempensi
 has voces extorsit: *Miles computant an-
 nos conuersionis: sed superest paucorum, fructus
 emendationis.* Per Deum immortalem!
 cur non ista nunc perpendimus, dum
 adhuc otium, & tempus superest? nu-
 per Dæmonum aliquis ex oblectâ affir-
 mauit, si Deus post extremum Iudicij
 diem, illi spei aliquid & temporis ad cæ-
 lum promerendum commodaret, so-
 lum se pro Deo plura, quàm vniuersos
 homines peracturum. Ante hunc, ma-
 iora dixerat alius; cùm enim rogare-
 tur, quid maximè illum in Inferno af-
 fligeret? heu, respondit, quod tempus
 illud

illud, quod amando Deo, & beatitudini
 merendæ concessum fuerat, tam malè
 collocarim! plus tamen, quàm horæ se-
 missem, Angelos rebelles non habuisse,
 communis fert Theologorum opinio.
 Nos, Hagiophila, qui tantum tempo-
 ris habemus, tot horas, tot dies, tot se-
 ptimanas, quid agere nos non oportet-
 ret, ut ea benè collocaremus? non mo-
 uebunt nos exempla eorum, qui mul-
 tum, sed frustra laborant, ijs similes quos
 D. Augustinus ait. *Bene currere, sed ex-
 traviam?* & pares illi, in quem vetus
 dicterium: *Saltauit benè, sed non in sta-
 dio?* plurimi huius sortis sunt, tum in-
 ter seculares, tum inter Religiosos, qui
 plurium labores vni sustinent, sed nullo
 operæ fructu, quandoquidem sibi, suis
 cupiditatibus, suæ gloriæ, non Deo, la-
 borant. Hæc exempla nullum stimu-
 lum nobis imprimant, ut rem pretiosis-
 simam utiliter, & cum fructu dispen-
 semus? præsertim cum occasio semel ne-
 glecta reuocari amplius non possit? Qui
 olim obtulerat se miles Alexandro Ma-
 gno, promittebatque artem obtinendi
 spatio

spatio sex dierum ea nuntia, quæ aliàs viginti quinque diebus vix deferebantur. Ludibrio excepit Rex hominem, & à se repulit. Duabus horis post, re maturius expensa, hominem inquiri iussit, sed frustra, nusquam enim amplius comparuit. Ah longè alia temporis iactura est, reperiri hic homo potuisset adhibita diligenti inquisitione: at tempus quod præterijt, nulla potest ratione recuperari, recipi cætera possunt, non illud:

*Damna fleo rerum, sed plus fleo damna
dierum,*

*Rex poterit rebus succurrere, nemo
diebus.*

ingeniosè quidam cecinit. Et profecto ita se res habet: amittam enim decem aureorum millia, fortunas omnes, honorem, aliaque eius generis: deslere quidem lacrymis possum iacturam; verum Rex sua munificentia restaurare omnia potest; at ubi dies meos, & tempus perdidisti, nemo est, qui damnum resarciat, perdit igitur renocet. Vnde sequitur ventulum esse tempore, dum in nostram
est

est potestate, & quidem ad animæ salutem utendum; quo nos inuitat Apostolus dicens: *Dum tempus habemus, operemur bonum.* Et hic modus erit comparandi omnia, ad bonam mortem obeundam, necessaria. Vulgaris parcemia est, *qualis vita, talis mors*; si ergo vita bona fuerit, ex optima dierum & temporis usura, non poterit non esse mors bona, gloriosa, talisque, qualem exercitatione earum actionum, quæ vitam nostram illustrarunt, intendimus.

Verum enim vero non solis actionibus tempus rectè impenditur, sed etiam cogitationes multum eò conferunt, & pariter atque illæ ad mortem bonam disponunt. Ut animi sententiam planius explicem, venio ad alteram propositionem, quam tibi promiseram. Ecce illam dignissimam consideratione.

Bonitas & sanctitas nostræ mortis à cogitationum nostrarum bonitate, sanctitateque dependet; ita ut, si viuentes bonis sanctisq; cogitationibus animum occupauerimus, certissima spes esse possit mortis bonæ. Ratio est, quod mors
fit

fit quædam Echo vitæ, Clames alicubi, vbi talis Echo resonat: *Euge*: remitter illa vocem eandem *Euge*, & quidquid illi acclamaueris. Idem mors facit; & cogitationes, quas per vitam tantoperè volutauimus, hoc casu recurrunt; & omnes affectus amoris, vindictæ, auaritiæ, aut ambitionis, quæ mentem nostram, dum viximus, occupatam tenuere, etiam dum moriemur, occupabunt. Vnde vsuuenit, vt blasphemus, Deique eiurator, moriatur blasphemando, eiurandoque? vnde accidit, vt amens aliquis amator, moriens, non nisi de suis loquatur amoribus? & ita de cæteris deliris, & nimio rerum mundanarum, affectu implicitis. Non aliunde ista contingunt, quàm quòd Mors sit Echo vitæ. Vnde est quòd Anglus ille, de quo Venerabilis Beda (cui vox erat familiaris: *Diabolus me auferat*) in voce eadem expirarit? Vnde aurifaber quidam, qui tota vita nullam aliam, quam de auro argentoque cogitationem admiserat, petiit moriturus ab eo, qui auream Christi cruci affixi effigiem, ad pios animi

motus

motu
cia
mort
cùm
sione
frum
foret
quem
ctilis
anim
bus si
supre
Vnde
suum
derat
lies:
ne au
Mors
exem
quæ
ga se
lenne

O

Th

motus excitandos, offerebat, quanti vicia veniret? Vnde ille fœnerator (cuius mortē paucis abhinc annis accepimus) cū in extremis de peccatorum confessione admoneretur, postulavit, viline frumentum venderetur, & an bona spēs foret vindemiæ? Vnde Prælatus ille, quem scio maiorem argenteæ suppellectilis, quàm conscientiæ curam habuisse, animam exhalavit, contrectans manibus sua salina, pelues, lancesque, quas in supremo agone, coram adferri iusserat? Vnde nobilis ille Sabaudus, qui omnem suum amorem Mulieri cuidam impenderat, obiit dicendo, iterandoque milles: Corculum meum, deliciæ meæ, ita ne auellor à te? nimirum Echo vitæ est Mors. Et, ut alterius quoque generis exempla proferamus, vnde est quod quædam S. Ursulæ Religiosa, quæ in longa sex mensium ægritudine, sæpius solenne B. Victoriæ carmen iterauerat:

*O IESV, mi dulcis Amor, nil diligo
pra te,*

*Tu sponsus meus es, Mens mea sponsa
tua est,*

L.

pro-

proximis annis Camberij obierit, hæc verba repetens? vnde est quod tot egregiæ animæ, quæ millies habent in ore: Viuat IESVS, MARIA, IOSEPH, idem in morte etiam suauissimè eloquantur? totum id inde accidit, quod Mors sit Echo vitæ: adeò verum est, cogitationes, & affectus, qui nobis familiares, & in vsu fuerunt, sub id tempus recursuros. Cui igitur bono eæ vanæ, inutiles, & forsitan perniciosæ cogitationes, siue Amoris, siue Vindictæ, quæ tantoperè insident animis nonnullorum? Quorsum, hæc Castella in aëre, hæc fictæ machinæ, illæ votorum Chimæræ, illæ vagæ imaginationes, quæ multis plurimas bonas horas suffurantur? nulli rei ista seruiunt, nisi (præter Dei offensam ratione perditæ temporis), vt mortem quoque, producant infelicem, & obitum in quo minima sit de Deo cogitatio; quia enim mors vitæ est Echo, & finis tragoediæ, quidquid in theatro comparuerit, iterum ic sistet, & eæ cogitationes cupiditatesque postremùm recurrent. Nonne

præ-

præstaret mentem, optimis cogitationibus imbuisse, & hâc etiam parte vtiliter tempus collocasse, vt omni modo mortem meliorem acceptiorēque consequeremur?

Hæc omnia stimulant me, Hagiophila, vt alia, quā fecerim antehac, ratione tempus meum impendam; nec minuste facturam existimo, quin etiam amplius. Quod ad me attinet, totus horrore concutior, quoties mecum reputo tanti iacturam temporis, tot actiones, quas ad Deum non retuli, tot vanas inutilēsq; cogitationes. Heu! omnium istorum rationem exiget à me Deus. Quotidie mihi ferè septem horæ sunt, aut vt loquar, aut vt de diuinis rebus loquentes audiam, aut vt Deum orem, deque illo cogitem: elapso anno, aut elapsis annis decem, quantus horarum numerus est, de quibus exquiret Deus, an, vti par erat, eas expenderit? Heu me! Quid dicam, cūm interrogabor de decem, aut quindecim millibus horarum Orationis, de viginti, vel viginti quinque millibus quadrantium Examinis, & ita

de tempore aliorum meorum spirituum
 luum Exercitiorum, secundum aetatem,
 quâ sum in obsequio diuino ! scio quan-
 to tepore, quantâ negligentia, quantis
 distractionibus, tam bonas horas con-
 sumptierint, ~~ut taceam~~ reliquum tempo-
 ris mihi concessi. Subit hinc cogitatio,
 quod Deus quartam horæ partem Dæ-
 monibus exprobrauit, quâ benè vti non
 sunt, ideoque cruciatibus æternis sunt
 addicti. Et ego, qui centuriatim centu-
 ruias prodegi, quò deueniam, si Deus
 tam insolentem exaggerare iacturâ in-
 cipiat ? reuoco hinc in mentem, pluri-
 mos esse inter damnatos, qui idcirco
 perierint, quòd aliquo semiquadrante,
 & momentis aliquot temporis abusi
 sint : & ego abuti pergo septimanis in-
 tegris, mensibus, annis, imò vitam o-
 mnem inutiliter consumo, nihil propter
 Deum facio, ad me refero omnia ; vbi-
 que & in omnibus me specto, etiam ipsis
 cogitationibus, quas noctu diuque co-
 hibere vix possum. Millenæ & millenæ
 euolant, & pleræque vanæ omnes, o-
 mnes ridiculæ, omnes ineptæ : interim.

- Deo

Deo, vt par foret, non feruitur, neque
tempus mihi indultum, vti oporteret,
benè collocatur. Quandocumque hisce
considerationibus animum aduerto, fa-
teor contremiscere me, & pænè appre-
hensionibus diuinorum iudiciorum ab-
sorberi. Erigor tamen, & solatio per-
fundor, quoties intelligo, posse me præ-
teritam iacturam, resarcire bono vsu
eius temporis, quod mihi superest, quan-
tumuis exiguum & breue sit: tam vtili-
ter collocare istud possum, vt opes in-
gentes ipsaque sanctitas, inde mihi pro-
ueniat. Medius horæ quadrans, momen-
tum vnicum temporis benè vsurpatum,
magnos producere affectus potest. Te-
stis est ille, de quo sacræ paginæ affir-
mant: *Consummatus in breui expleuit
tempora multa.* B. Stanislao Kostkæ Ty-
roni, nouem menses suffecerunt, vt san-
ctitatem assequeretur; Aloysius Gonza-
ga, quatuor, aut quinque annorum spa-
tio Beati titulum conditionemque pro-
meruit. Hæ fortunatissimæ animæ modi-
co tempore laborârunt, sed adeò impen-
sè atque vtiliter, vt magnos apud Deum

fauores, & sublimem inter Caelites locum sint adepti. Quæ profectò animi diuersa me plurimum solantur, vnâque animos addunt, vt rem omnium preciosissimam benè dispensem, neque in aliud crebriori cogitatione, maiori curâ, & affectu incumbam, quam in vtilem quaestuosumque vsum temporis, mihi à Deo adhuc concedendi; credens mihi inculcari illud à D. Bernardo, quod cuidam amicorum suorum aliquando scripsit: *Esto, tibi multa annorū curricula reſtent, quid neceſſe habes amittere tanta tempora, tanta lucra? nihil pretioſius tempore. Tranſeunt dies ſalutis, & nemo recogitat.*

Si hæc non ſufficiant, lege cap. 22. & 23. tract. 8. vol. 2. part. primæ Rodericij, vel cap. 16. 17. & 18. lib. 3. de Imitatione Chriſti.

Sequitur Examen circa virtutem: ea, circa quam hodie te examinabis, erit Humilitas, proſus è re: quandoquidem, Mortis conſideratio, multum ad hanc virtutem accendat. Hinc agnoſce, num humilis ſis.

EXA-

EXAMEN CIRCA HUMILITATEM NOBIS NECES-

SARIAM.

Primò. Existimare se vilem, & abie-
ctum, & ab alijs talem haberi velle, eli-
gendo ex negotijs, & occupationibus ea, quæ
viliora, atque molestiora sunt.

Secundò. Cateros omnes sibi præferre,
attendendo in ijs, dona Dei & gratias; &
obstupefciendo, quòd aliquis reperiatur, qui
nostri digneiur meminisse, aut etiam ali-
quo nos amore prosequi.

Tertiò. Credere se ineptum, & inuti-
lem ad boni aliquid faciendum; plurima
nihilominus præstare, sed inde nullo modo
gloriari.

Quartò. Sape animum advertere ad
suas misérias, relapsus & imperfectiones,
inde sumendo occasionem se demittendi,
parique pendendi; peccatorum suorum
gravitatem, ut merentur, agnoscendo.

Quintò. In omnibus actionibus nostris,
quantiunus bona videantur, reperire quod
carpamus, ut quæ referta sint imperfectio-
nibus, quæ oculos nostros fugiant.

L 4.

Sextò.

Sextò. Eligere semper incommodissimam in corporis commoditatibus, quasi melioribus essemus indigni, & communia onera libenter exactèq; subire, nullam immunitatem, aut exemptionem admittentes.

Septimò. Nunquam se aut sua iactare, neque de vlla re loqui, tanquam auctoritatem habentes, ne de rebus quidem spiritualibus.

Octauò. Fugere omnem curiositatem, quæ ad animæ nostræ bonum, & salutem non spectat.

Nonò. Nihil unquam in alios sibi arrogare, neque fastuose, aut affectata quâdam gravitate incedere.

Decimò. Sese alijs propter Deum subijcere, præsertim superioribus.

Vndecimò. Omnem honorem, & bona, quæ nobis conferuntur, ad Deum referre, indignos nos reputando, & auersando, si forte hinc ab alijs laudemur, aut æstimmur.

Duodecimò. Non existimare sibi aliquam prærogatiuam, aut honorem deberi, sed in congressibus postremum locum occupare.

Deci-

Decimò tertio, *Non turbari aut affligi, quòd aliquid in nobis sit, unde reddamur contemptibiles, aut quòd simus inter eos, qui sunt abiecta conditionis.*

Decimò quarto, *Non excusare admis- sam culpam, sed eam candidè agnoscere.*

Decimò quinto, *Omnia aliorum di- cta factaque approbare.*

Decimò sexto, *Declinare omnem lo- quendi, aut agendi modum, quo videamur honesto loco nati, aut aliquando in seculari dignitate fuisse.*

Decimò septimò, *Sibi ob proprias im- perfectiones irasci, seque seriò reprehende- re, & gaudere, quòd alijs nostra miseria sint perspecta.*

Peraçto hoc Examine recita Officium, aut alias Orationes vocales. Inde aggredie- ris hanc Considerationem.

CONSIDERATIO.

I. **M**irabilia verba non reperio, quàm hæc tria: Semper, Ævum, Æternitas; quò plus ea meditor, eò magis me angunt. Futurus sum semper, & in Ævum futurus sum corpore, & ani- mâ, vel in æternitate tormentorum, vel

L s æter-

æternitate deliciarum, idque pendet ab arbitrio & electione meâ. O mira verba! ô semper! ô ævum! ô æternitas! nunquam animo meo excidite!

II. Insignis amentia est, laborare pro rebus caducis, & quæ pereunt vnâ cum tempore. Optimus is labor est, qui Æternitati impeditur. Quis iam meminit fortium illorum, qui vitam & sanguinem, in bellis, in Regum obsequijs prodegerunt? quis recordatur eorum Diuitum, qui tot sudores periculâque congerendis opibus exantlârunt? quis iam loquitur de formosis illis, quæ omne studium suum colendæ pulchritudini vanitati-que sectandæ impenderunt? hæc omnia sepeliuit obliuio: nōne igitur satius est, ijs actionibus incumbere, quæ vitam promerentur carentem fine, quæque à Deo approbabitur, & notabuntur in annalibus felicissimæ æternitatis?

III. O quantus ille est, cui seruo. & quàm tremendus, quandoquidem etiam cogitationum mearum sibi dari velit rationem? Verùm id ita esse, vehementer

gau-

gaude
quæ i
amore
ciliabu
nem a
Nimis
nolo, n
V.
quæ
Morte
pulchr
remus
lamita
etfi no
di Deu
amoen
Nunq
quanc
tissim
quisq
amem
V.
fuisse
méqu
nio e

gaudeo, Millies millenas concipiam, quæ illi erunt acceptæ, quæque illius amorem beneuolentiâque mihi conciliabunt: nullam vnquam cogitationem admittam, quæ illum à me auerrat. Nimium, heu! antehac tempus perdidit, nolo, nolo perdere æternitatem.

V. O Deus, aliquâne stoliditas est, quæ cum nostra debeat comparari? Mortem timemus, quæ nobis aditum ad pulchram æternitatem patefacit; horremus illam, quæ nos carceris nostri calamitatibus liberat; & illam fugimus, etsi nos eximat occasionibus offendendi Deum nostrâ perversitate. Adest dum amoena, amanda, & desiderabilis Mors. Nunquam mihi præmaturè aderis, Nunc quando te perspectam habeo, de te potissimum cogitabo, te amabo. Viruperet quisquis volet, volo mortem amare, vt amem Deum.

V. Vix adducor, vt credam mihi non fuisse locum iam in inferno designatum, meque alicuius sanctæ animæ patrocínio esse reuocatum in spem cæli conse-

quendi, Digitis duobus abfui ab inferno,
& proximus vt perpetuò priuaret aspe-
ctu IESV, & MARIE. Ah quid me facere
non oporteret, vt gratus forem tanto
beneficio! serò nimis morior, nimis diu
ignoro, cui debeam ita & inestimabi-
lem charitatem. Scio quid loquar, sum
filius lacrymarum, & suspiriorum: sed
cuius? istud est, quod adhuc nescio.

VI. Multùm esset, si euitare possem
Purgatorium, & flammæ illas incredi-
biliter excruciantes; sed quis modus?
quandoquidem me tantoperè reddam
obnoxium peccando, & tam parum sa-
tisfaciam patiando? saltem illic parùm
detinerer! sed audio diuinitus manife-
statum, quod è nostra Societate quidam
quatuor annos illic detentus fuerit, etsi
in magna virtutis opinione vitam tra-
duxisset; & nobilem quandam puellam
rotis quingentis annis, ob aliquam vani-
tatem, quæ iuuenum animos offenderat,
Quod si ita est, iam ad triginta, vel qua-
dra-

a Ex Annal. SS.

b Ex Alano Ord. S. Dominici.

draginta annos, quin forsitan ad finem
vsque Mundi, flammis illis terribilibus
deputatus sum, nisi mortificatione, alijs-
que pœnis vitam meam expiem.

Adest hora quietis, & deinde Orationis
vocalis, vel ~~Offitij~~ ^{Visitationis} vene-
rabilis Sacramenti, & demum disposi-
tionis ad sequentem Meditationem.

III. MEDITATIO.

De Purgatorio.

Oratio præparatoria consueta.

I. Præludium. Imaginare ingentem la-
cum plumbi, vel æris fusi, & pror-
sus igniti, qualis solet esse materia fun-
dendis campanis præparata, & in hac ar-
dentissima lebate, vide plurimas animas
miserum in modum cruciari. O triste
spectaculum!

II. Prælud. Pete lumen, vt agnoscas,
quis sit hic ignis, & quinam in eo tor-
queantur.

I. Punctum. Pœnæ Purgatorij & eo-
rum, qui hoc lacu continentur, sunt ex-
dem, quæ Inferni, præterquam quòd

æternæ non sint, quódque is, qui illas patitur, non sit Dei hostis, neque priuatus donis & gratijs, quas viuens consecutus est: idcirco neque desperat, neque maledictis in Deum & alios insurgit, imò ne minimum quidem impatientis animi signum præbet, sed cum incredibili resignatione cuncta de manu Dei accipit in satisfactionem suorum peccatorum. Ah quidni corrigo mores meos! quidni desero paruum illam & vanam agendi libertatem, quâ diuina bonitas sic irritatur, vt me huic incendio sit ad iudicatura, & quis scit ad quantum temporis interuallum!

II. *Punctum*. Poenæ sensus erunt horribiles. Quantum erit, præ oculis continuo habere inusitatas dæmonum species, adeoque horrenda spectra, vt ea nunc sine animi deliquio spectare non possemus? quid, auribus haurire blasphemias & vociferationes eorundem diabolorum? quid alia sensuum aliorum tormenta? vi & peruri eo igne, cum quo si noster focus comparetur, non

aliu

alius.
se vi
riam
afflig
redire
lia!
num
me
prof
par
bus,
vt n
nis
I
erit
neq
mo
Qu
ditt
mo
ing
circ
ris
po
mi

alius quàm coloribus expressus ignis esse videatur? magnam sibi profectò iniuriam faciunt mortales, dum corpus non affligunt, neque conantur pœnitentijs redimere tormenta vsque adeò terribilia! vnus horæ dōioribus integrum annum Purgatorij commutare possent. At mecum ista: pergàmne ego tam esse profundo stupori immeris, vt mihi parcam, neque obediam tot instinctibus, qui clamant, tandem tempus esse, vt macerationibus corporis alijsque bonis operibus res meas disponam?

III. *Punctum.* Tormentum præterea erit maximum, non videre faciem Dei, neque illam B. Matris, & tot dilectissimorum Sanctorum, qui nos expectant. Quod si verò id diu, & ad plures annos differatur, ô quàm intolerabilis est hæc mora! esse præ foribus cæli, & tamdiu ingredi non posse! mortem optasse idcirco, vt in conspectum Dei admittereris, & excludi nihilominus tanto temporis interuallo! quis non summo commiserationis affectu moueretur qui videret

deret prolem aliquam, quæ solo Parentis videndi desiderio à centum milliari-
bus aduolasset, statim ab aduentu dam-
nari ad panem & aquam, ad humicuba-
tionem, totòque anno excludi Parentis
alloquio, & conspectu? magnò mihi sta-
bitis peccata mea: scilicet, licebit olim
inter flammæ gemere, & ingeminare:
*Miseremini mei, miseremini mei saltem
vos amici mei, quia manus Domini tetigit
me!*

Colloquium ad Angelum Custodem
vt isto tempore me soletur, vtque viuen-
tes præsertim amicos excitet ad oran-
dum pro me, & impetrandum à Deo,
vt B. Virgo temperet dolores meos; tum
vt exaudiantur sacrificia & preces, quæ
pro misera mea anima offerentur.

Recollectio. Lectio fortuita Thomæ de
Kempis. Rosarium. Visitatio Venera-
bilis Sacramenti. Cœna. Recreatio. Li-
taniæ Sanctorum. Visitatio Venerabilis
Eucharistiæ. Præparatio Meditationis
crastinæ. Examen. Somnus, sed prius
Mortis recordare, & quam sis sedem to-
tâ æternitate habitura.

QVIN.

QVINTVS DIES.

*De virtutibus in infantiâ, & vitâ latente
Seruatoris nostri imitandis.*

EXcessimus, Hagiophila, viam Pur-
gatiuam, & Illuminatiuam ingredi-
mur, vt trium sequentium dierum spa-
tio insistamus considerandis ijs virtuti-
bus, quæ plurimum in vita & Passione
IESV Christi, optimi Magistri nostri,
eluxerunt. Hodie eius Infantiâ & vi-
tam latentem inspicemus.

Saluta Venerabile Sacramentum, & ad
meditandum te dispone.

MEDITATIO I.

*Quòd Deus nobis dederit Filium suum, vt
eius virtutes imitemur.*

Oratio præparatoria consueta.

I. Preludium. Imaginare Regem ali-
quem, qui de Moderatore excellen-
ti prospicit Filio suo, vt illum in mori-
bus, & totâ viuendi ratione instruat.
Docet illum igitur moderari gressus,
sermonem ornare elegantijs, vestes aptè
com-

componere, & reliqua, quæ scire Regulum oportet.

II. *Pralud.* Cum Deus sit iste Rex, qui nobis Filium suum proposuit in exemplar actionum nostrarum, pete gratiam, ut etiam proximè imitando assequaris.

I. *Punctum.* Ex pluribus rationibus, propter quas Deus nobis dedit Filium suum, præcipua est, ut illius verbis, & exemplo disceremus, quid credere, quidque agere ad consequendam nostram salutem nos oporteret, fieremusque hac ratione illi quàm simillimi. Non vult nos uti alio Magistro, quàm Filio suo, vnde in monte Thabor hanc vocem detonuit: *Hic est Filius meus dilectus, in quo mihi benè complacui, ipsum audite.* (Matth. 17.) Et ipse Filius de se: *Magister, inquit, vester vnus est Christus.* (Matth. 23.) Et alibi (Ioan. 13.) *Vos vocatis me Magister, & Domine. & benè dicitis, sum etenim.* Nam propterea Exemplum dedi vobis, ut quemadmodum ego feci, ita & vos faciatis. Dederat olim Deus hominibus plurimos eximios Sanctos, Enoch,

Enoch, Moysen, Iosue, Dauidem, & alios in exemplum: sed eum illo-
rum numeris omnibus esset absolutus,
tandem placuit eum proponere, videli-
cet Filium suum, in quo nihil carpi pos-
set, nihil desiderari: Ita vñ hoc totum
nunc desit, vt quemadmodum ipse fe-
cit, ita & nos faciamus. Desiderium,
gratiarum actio.

II. *Punctum.* Æquissimum est, vt Ie-
sVM Christum imitemur. Nam primò
hæc est amoris certissima tessera. *Qui di-
cit se in ipso manere, hoc est, diligere, de-
bet. sicut ille ambulavit, & ipse ambulare.*
Ita Filius Parentem imitatur, Discipulus
Magistrum, Ducem Miles. Secundò in
eo sita est perfectio nostra: cum enim
Deus perfectissimus sit, imò ipsa perfe-
ctio, fieri non potest, vt ei fiamus simi-
les quin vna eademque opera reddamur
perfecti, expressione videlicet virtutum
eius, quantum eas exprimere fragilitas
humana potest. Tertiò desiderat istud
à Filijs suis Mater Ecclesia, desiderat
Communitas, in quâ viuimus, deside-
rant

rant Superiores nostri, vt omnes fiamus
Christuli, iuxta illud, quod Galatensibus
vouebat Apostolus: *Donec formetur in
vobis Christus.*

III. *Panēlum.* Lucifer hinc allicit ho-
mītes, vt illum sequantur, promittit vo-
luptates, honores, & diuitias; omnem
agendi libertatem permittit; interim te-
git ea, quæ post hanc vitam illis euentu-
ra sūnt, intolerabilia per totā æternita-
tem tormenta. Nihilominus innumeri,
qui præsentia tantū habent præ ocu-
lis, illum sequuntur, & pereunt. Inde,
IESVS etiam homines inuitat, vt per
contemptum rerum caducarum, per
sui ipsius abnegationem, per semitam
virtutum, quam ipse tenuit, illum con-
sequantur, & cælum æternamque omni-
um bonorum possessionem; mercedis
loco, promittit. Anima mea, quid sequi
lubet, an voluptatem temporaneam, &
pœnam æternam? contemptum an ho-
norem? paupertatem an diuitias? vitium
an virtutem? Luciferum an IESVM?

Colloquium ad Seruatorem, quem
tibi

tibi Magistrum. elegisti, & ad SS. Matrem, vt te Filio suo. commendare dignetur. Pater. Aue.

Recollectio. Electio Tesserę. nescio an hæc tibi arridebit: *Vivat IESVS, viuant quotquot illum diligunt. An forsitan ista; Gloria magna sequi Dominum. Num seuerius illud dictum D. Pauli? Qui non amat Dominum IESVM, anathema sit.*

Sequitur Oratio vocalis, aut Officij, aut alia. Sacrum. Lectio spiritualis de Amicitij, particularibus, quę magno detrimento sunt illi amorı, quem Christo debemus.

DISSERTATIO MATUTINA.

De particularibus Amicitij.

SI istud dicerem, Hagiophila, non insecundas esse particulares Amicitias, fortasse in vultum mihi inuolares, & ægrę arcere possem violentiam tuam, adeo suauiter illi vitę humanę commercio addicta es. Ne indignare, loquimur ex voto tuo; & quia ratione ducaris, polliceor me nihil in medium allaturum, quod non sit maximę consentaneum rationi, & scio istud à te desiderari.

ri. Enimuerò contrahendæ amicitia sunt: quis enim dubitat? naturâ ad amandum ferimur, negari non potest, ad hoc habemus cor: Amicitia clementum est, in quo viuimus; Amor est Sol, qui lucem, qui vitam impertit: soli barbari, & ab omni humanitate alieni, illum intueri non possunt. Ipsi & sensus expertes creaturæ hoc sidus adorant, & amare satagunt:

*Ipsa suas etiam patiuntur sidera flammæ,
Ipsum etiam credo, nouit amare mare.*

Plurimum me cepit ingenium illius, qui ut hanc veritatem illustrius ob oculos poneret, subtili admirandoque Emblemate duos Amores, Geniorum habitu, ludentes pila expressit: pila hæc Mundi formam figuramque præferbat; ut hoc præclaro inuento doceret, Mundum, & quidquid eo continetur, solius Amoris tactu impulsuque promoueri, resque omnes, quantum cuiusque vires patiuntur, huic esse affectui subiectas. Profectò si id creaturis omnibus accidit, quomodo eximemur nos, quibus cor est, ubi

Amor.

Amor residet, & quod vnum ineundis,
 admittendis, conseruandisque Amicitijs:
 est aptum? quidquid erit, miseri erimus,
 si absque Amore, si Amicitijs destituti.
Va soli, ait Sapiens, *quia cum ceciderit,*
non habet subleuantem se. Quis est ille so-
lus, exclamat D. Augustinus in hunc lo-
 cum, *quis est ille miser? ille*. inquit, *so-*
lus est, qui sine Amico est. Tanti est, fi-
 delem habere Amicum, vt vel solus il-
 lius aspectus temperandis propulsandis-
 que animi ægritudinibus & molestijs
 sufficiat, quòd olim Euripides quoque
 cecinit:

Adferre amico maximum solatium:

Præsens amicus, rebus afflictis solet.

Bonus Amicus incomparabilis thesau-
 rus est; vnde Alexander Magnus cum
 interrogaretur, vbi thesauros haberet
 reconditos, demonstrans eos qui pecu-
 liari Amicitiae vinculo illi erant obstri-
 cti, hi, inquit thesauri mei sunt. Verus
 Amicus, est summa huius vitæ felicitas,
 eiusque iactura satis depleri non potest.
 Hinc Prometheus, qui olim Ægyptijs
 leges,

Reges tulit, docebat nihil æquè deplora-
 ri debere, atque Amici iacturam: cætera
 omnia esse inflabilia, & arcæ, aut domûs
 angustijs contineri, Amicum verò ani-
 mum atque cor occupare. Sed quid plu-
 ribus est opus? omnia verbo astruit Sa-
 piens: *Amico fideli nulla est comparatio,*
& non est ponderatio digna auri, & ar-
genti contra bonitatem fidei illius. Amicus
fideli, medicamentum vite, & immorta-
litaris. Quare non miror, plurimos etiam
 Sanctorum fidis Amicitijs adhæsisse.
 S. Cyprianus Episcopus Carthaginensis
 complexus est Cæcilium suum; Basilium
 Gregorius Nazianzenus, & (ne diutiùs
 immorer rei manifestæ) Petrus Paulum,
 de quibus prope quotidie canit Ecclesia:
Gloriosi Principes terra, quomodo in vita
sua dilexerunt se, ita & in morte non sunt
separati.

Hiscè positis, quâ fronte particulari-
 bus Amicitijs bellum indicerem, quo
 iudicio eas condemnarem? non facio.
 Omnino amandum est, fidelis Amicus
 habendus est. Abnuere nemo potest, nisi
 for-

forte T
 thropi
 ita v
 Ficus
 & in
 Itaque
 vterq
 consp
 rus su
 bimn
 Ve
 etiam
 cum h
 ritur
 quem
 trahit

Malu
 at bo
 nitur
 quod
 qui

fortè Timon ille Atheniensis, ille Misanthropus, hominum osor, ille de quo merita vox: *Nec amat, nec amatur ab ullo.* Fidus & sincerus Amicus quærendus est, & in hoc particularis amicus consistit. Itaque factum tibi satis, Hagiophila, uterque nostrum opinione & sententiâ conspirat. Sed audi reliqua, quæ dicturus sum, fortasse minùs consentire videbimur.

Verum est, concessas esse Amicitias etiam particulares, cum fidelem Amicum habere permissum sit: sed in eo vertitur cardo difficultatis, ut talem aliquem nanciscamur, cum quo iniri contrahique sincera possit Amicitia.

Melopepones Amici

Nunc temporis videntur,

Sunt plurimi probandi,

Et unus approbetur.

Malum Amicum reperire, proclive est, at bonus, ne in Centuria quidem, inuenitur; & inde electio difficillima est, quòd intentiones & proposita eorum, qui se nobis Amicos simulant, ignore-

Mus.

mus. Nonnulli Amicitias ineunt ex quadam naturæ inclinatione, quod exterior tua species, tua forma, tua indoles & comitas, tuus conuictus & sermo illis arri-
dent; læto iucundoque ingenio es, facit-
ijs, iocis, epulis, temporéque hilariter
ducendo delectaris, hinc te complectun-
tur. At ista veri Amici nota non est,
Amor iste est concupiscentiæ, non bo-
na sinceræque amicitia; simul atque for-
ma defluxerit, perierit decor, copia, &
valetudo; diffluet, peribitque Amicus.
Illi verò Amici non sunt, qui tam facile
Amicitijs renuntiant, inò secundum
Aristotelem: *Non est Amicus, quisquis
amare desijt.*

Alij amant ideò, quia amantur. Ma-
ledicta lex, aiebat S. Teresa, ideo reda-
mare velle, quod amer! & reipsa, satis
non est, vt eum deligam Amicum, qui
me amat: quid enim scio, an habeat
conditiones veræ amicitiae stabiliendæ
requisitas? an non peruerso aliquo ad
me amandum affectu compellatur? an
non Amorem externâ specie tantum.

simu-

simulet
comed
mum, ci
tia dece

Alij
pronos
qui scele
rinorum
vnâ nec
est alijs
conuen
Regular
dam mo
tionem
pabulum

canium
citia est
alio nix
& flagiti
quam si
tio, inte
tiam q
Non per
homini
mich,

simulet? prius salis modium cum illo comedere, ut illum explores & tunc de-
mum, citra periculum, aliquid de amicitia decerne.

Alij alios diligunt, quos reperiunt, pronos in omnem viuendi libertatem, qui sceleratus Amor est hominum libertinorum. qui Deum non timent, qui vnâ nequitij se dedunt, quorum vltus est alijs obtrectare, murmurare, coire in conuenticula, à communibus officijs, & Regularū obseruatione secedere, quandam morum insolentiam & immoderationem induere; verbo: qui sunt inferni pabulum: *Stipa collecta, synagoga peccantium.* Perniciosissima isthæc Amicitia est. qualem Latrones ineunt, nullo alio nixam fundamento, quàm malitiæ, & flagitiorum, in quæ conspirant. Nunquam subeat ista animum tuum cogitatio, inter eas personas veram esse amicitiam quæ Dei timore non tanguntur. *Non potest*, inquit D. Ambrosius, *homini esse Amicus, qui Deo fuerit inimicus.* Aliqui amant, ut Amicorum co-

piâ & authoritate stabiliant res suas, itaque se, & emolumentum suum sibi propositum habent, vel ut satisfaciant genio, & pruritui suo: non tam amare ipsa, quam amari ab alijs volunt, similes Canni villosi, qui obuijs omnibus blanditur, adulatúrque; vel denique ob alia motiua à trámite bonæ sinceræque amicitie aberrantia. Quis nunc modus è tanta permissione variarum intentionum, quibus duci homines possunt, inter tot fraudes & inconstantias, verum sincerúmque discernere & deligere Amicum? vis modum illum tibi patefaciam? ut benè deligas, nullus deligendus est. O, Hagiophila, scires. quantis damnis & periculis septæ sint Amicitie particulares, nunquam crederes te illis, sed veneni instar, & pestis deuirtutes. Tribue hoc mihi, ne te ijs committas, nisi velis libertatis tuæ iacturam facere, & cor tuum redigere in seruitutem. An non est esse mancipium vincitúmque, semper mentem habere vni creaturæ obnoxiam? ad illam noctu diúque anhelare? ijs desiderijs.

rijs indormire? sæpe noctem insomnem
ducere? si præsens adsit, iam deferi non
potest, defigi in illam obtutus debent,
tangere opus est, manum apprehendere,
testificari, quòd illam amemus, expro-
brare illi frigus affectûs sui, permittere,
ut viuat arbitrio suo liberè, neque car-
pere audemus vitia illius, ne offensa ali-
quid de suo erga nos amore remittat. Si
euigilamus, prima animo occurrit, si
dormimus, eius imago somniantibus
obiicitur. An non ista insolens quædam
seruitus est? Ex hisce malis ruitur in pe-
iora, ex seruitute in ingens tormentum
delaberis. Quod tormentum grauius es-
se potest, quàm quando diuelli oportet?
quando accedit æmulatio? quando cre-
dis te non amari? quando langues expe-
ctatione eius, quem diligis? quando lon-
gius abest id, quod amas, & metus est, ne
non redeat, aut non nisi post diuturnum
temporis interuallum? quando cogeris
ad conferenda munera, & noua affectûs
tui argumenta? quando diuinam absen-
tiam ferre non potes, & nimia sollici-

itudine nuntium de illo expetis, vix rei alterius memor? nonne hoc insigne tormentum est? sed ista tanti non forent, nisi conscientia quoque læderetur: quando vnà sunt, liberè animus effunditur; maledicatur, obrectatur, murmuratur, iudicia & suspiciones de hisce aut illis referuntur, conspiratur, violatur silentij lex, regulæ & ordinationes Communitatis; tempus teritur, de rebus suis multus sermo, mutua adulatio, excusatio reciproca suorum vitiorum, de rebus diuinis altum silentium, aut si ab his factum initium est, tandem deflectitur ad colloquia inepta, nugatoria, vana, testantia mutuum affectum, & cuius satis amplâ significationem dare non possunt. Ipsa etiam sæpe Castitas periculo exponitur, præsertim inter iuniores: isti blandi aspectus & diu defixi, hæc suspiria, hæc voces truncatæ, quæ primo aditu omnem personarum affectum prodere non audent, illi gestus alij, qui etiam sine voce loquuntur, vim inferunt, flammæ excitant, & inordinatis cogitationibus animum,

num, & corpus prauis motionibus affligunt. Quòd si hæc amicitia vigeat inter personas diuersi sexûs, vâ! longè certius discrimen est. Et qui non esset, quandoquidem inter eos, qui eiusdem sunt sexus, nimis quàm sit manifestum? constat aliquos eousque exorbitasse, vt actiones admiserint igne publico expiandas.

Et vt ista non essent, profectus animæ, propria perfectio, & virtutum exercitium negligitur. Rarò videbis eas personas, quæ hisce affectibus adhærescunt, ad aliquem virtutis gradum promoueri. Et fieri non potest, quandoquidem Dei Amor apud illos exiguo loco pretioque sit. Hæ animæ non amant Deum ex toto corde, quantumuis id externâ specie præferant, verbòque multùm protestentur, non inducent me, vt credam. Diuisum cor illarum est, partem Deus, partem Amicus, vel Amica occupant: quod creaturæ superest, Deus obtinet, nam diuturniores, & impensiores cogitationes illam spectant, reliquum Dei est; cùm certissimum sit, tantundem.

Amoris demi Creatori, quantum impendimus creaturæ. Optimè S. Augustinus Amorem manui comparat: *Putate, inquit, Amorem hominis, quasi manum anime; si quid tenet, tenere aliud non potest: idè qui amat aliud, Deum amare nō potest, occupatam habet animam.* Manu teneas aureos quinquaginta, si eadem apprehendere manum meam velis, illamque stringere, necessariò aurei illi dimittendi sunt; ita prorsus se habet, quamdiu manus amoris aliqua creatura, quam diligis, occupatur, fieri non potest, vt amabilissimus Deus debitum ibidem locum obtineat. Quare iterum te obtestor, Hagiophila, vt hisce particularibus Amicitijs te expedias. Insana es (præsertim si adhuc ætate flores) nisi missas facis ineptas hasce animi tui occupationes. Id aio, quòd sciam hoc proprium esse iuuentuti, vt similibus studijs affectibùsque dent operam. Exime, exime te his omnibus, asserere libertatem tuam: ne vltro te tormentis, & horum indiscretorum perturbationi subijce,

gere

gere curam conscientiae, & perfectionis
tuæ, neque puritatem tuam discrimini
exponas: fac ut Amor Dei in te domi-
netur, & in corde tuo veluti throno suo
resideat; si aliqua prætereà amanda per-
sona est, ametur moderatè, non effli-
ctim, non anxie, sed eo pacto, ut Com-
munitas, in qua degis, carpere nil meritò
possit, neque offendi, cum illo Dei timo-
re, ut nullum, ne veniale quidem, pecca-
tum admittatur, nunquam vlla Regula
violetur; eà compositione morumque
modestiâ, quæ Angelis sit admirationi;
eà cautione, ut nihil propales eorum,
quæ ad Conscientiam tuam attinent,
quæque soli Confessario, aut illi, qui ani-
mam tuam regit, debent esse perspecta.
Hæc enim si Amico, vel Amicæ reuela-
res, tentari forsitan posset, atque ea di-
scere, quæ hæcenus benè ignorauit. Di-
uersa Arcanorum ratio est, Arcana ani-
mi & cordis intima, nulli patefacienda
sunt, quàm Deo, eiusque Vicarijs, qui
nos illius nomine gubernant. Voléne
post illa omnia talibus impofterum.

Amicitijis, de quibus nobis hæcenus sermo fuit, indulgere? At fortè obijcies, me nunc longè alium à me videri: priùs me dedisse bona verba, eaque visum approbare, quæ nunc tantopere rejicio, & dāmno; te magno quidem, sed breui, gaudio perfusam, cum plurimum absis ab eo, quod putāras. Nihil aliud est, quod opponas? iterum dico, & repeto: Nihil meliùs, nihil feliciùs est, quàm fidelem habere Amicum. I E S V S suum, habuit Ioannem, suum Paulum Petrus: in eo momentum est, vt benè deligatur, Benè delige, & ad stipulatorem me habebis. Nōne oportet, vt tibi singula, suis nominibus indigitem, & quod bonum est bonum vocem, & malum, quod malum est? ne terreant te dicta mea, si Cor reperis postulatis conditionibus instructum, illud ama: sed secura sis, quòd Deum præ omnibus timeat, quòd in amore constabit, quòd te non amet, sui commodi gratia, sed purè propter Deum, & in Deo; quòdque tu etiam non alijs stimulis ad amorem impellaris,

ris, non subijciendo te ijs seruitutibus,
tormentis & periculis, quæ malas ami-
citas consequuntur. Si occurrit sic dis-
positus animus, & tu etiam eodem pa-
cto præparata sis, audacter & sine scrupulo
contrahe amicitiam, non repugno. Si
reperire posses, qui te non aliò quam
ad Deum stimulet, maximè id foret.
è re tua. Talis fuit Tereſia quædam
Bernardina, quæ hoc foedere amicam
ſuam obſtrinxerat, vt quoties vna alte-
rius meminifſet, toties animas ſuas diui-
næ prouidentię regendas penitus com-
mitterent. Talis ille, qui monuerat ami-
cum, vt quandocumque, & vbicumque
obuius fieret, continuo ſuggereret iſtud:
Illicne es? vt diuinæ præſentię ſemper
recordaretur. Tales magno tibi forent
emolumento. Plura iam dicenda non
occurrunt. Vellèſne, vt tibi designarem
perſonas, quas eligere deberes? facerem
id non inuitus, ſi cognitam haberem.
Communitatem tuam, & dicerem; ne
huic perſonæ te credas; tota in iocos &
garrulitatem effuſa eſt, eſt inſtans.

deceptrix, dicax, cui summa & vnica
virtus sit, aliqua vrbalitas; tenere se-
cretum nequit, inuida est, superba, sui
amans, tibi ista non seruit. Atque hæc ti-
bi suggererem: si autem aptam aliquam
reperirem, quod quidem mihi prodigij
instar esset (cùm rectè olim nonnemo
dixerit centum annos minimum requi-
ri, vt duo, perfectà numerisque omni-
bus absolutà amicitia, colligentur) li-
berè, pro eo, quo in commodum tuum
feror, affectu, & vt me tuæ ad amandum
pronitati accommodarem, essem tibi
author, vt illi animum, & cor tuum af-
figeres. Sed cùm personas illas, cum qui-
bus versaris, non norim, hac in re sa-
tisfacere tibi non possum. Nihilominus
quia vrgere pergis, vt nominem tibi per-
sonam aliquam, quam del gas, & qua-
cum sanctam Amicitiam incas, non mo-
ror, cedo voluntati tuæ: Delige & in-
charum amicum assume IESVM, Mariæ
Filium, huic vni animum & Amorem
tuum dedica; summè amabilis est, &
vnicum veræ sinceræque amicitia ob-
iectum,

iectum. Quid amare hic potes, quod à
proditionibus, fraudibus, inconstan-
tijs, fastidijs, inuidijs & spinis sit immu-
ne? nihil horum habet IESVS: Nulla
voluptas est amare Creaturam, vix vni-
untur cum diuidi oportet: non pro vō-
to satis frequens congressus est, ne mu-
tui quidem aspectus omninò liberi sunt,
arbitros habent alios, & tandem mors
ipsa perpetuum diuortium indicit, & vt
aliqua esset voluptas, mille molestijs &
doloribus animus labefactatur. Amici-
tia cum IESV, & amabili Maria, volu-
ptatem adfert puram & defæcatam: si
lubet, semper illi adsumus: adimus &
alloquimur, quando & quantum lubet.
Ipsa mors amoribus nostris patrocina-
tur: velum enim subducens, vt perpe-
tuo eius aspectu fruamur, efficit. Tam
ergo delirabis, Hagiophila, vt alteri,
quàm IESV, cor tuum largiaris? non-
ne anima mea sponsa illius est? cui igitur
potius consecrabis Amorem tuum,
quàm sponso tuo? I & IESVM MARIE
filiam Amicum habe, illum præ omni-

bus ama, & omnia in illo, & propter illum. Et tali lata sponso iam nunc concine, & deinceps quoad viues, millies & millies cum B. Victoria.

O IESV, mi dulcis Amor, nil diligo
quàm te.

Tu sponsus meus es, mens mea sponsa
tua est!

Hagiophila, si lectio hæc non sufficit, lege,
vt magis exciteris ad eligendum IESVM
in Amicum, cap. 7. & 8. lib. 2. de Imita-
tione Christi, cap. 3. lib. 1. aut Rodericij
cap. 18. 19. & 20. Tract. 4. part. 1.

Peracta Lectione renoua deuotiones tuas
erga Filium Dei, ad quod seruire poterit,
Caput 3. & 5. mei sancti fauoris, si
fortè ad manum est.

Sequitur preparatio sequentis Meditationis.



SECVN-

SECUNDA MEDL
TATIO.

De Paupertate Filij Dei Infantis.

Oratio præparatoria solita.

P*Pralud.* I. Propone tibi ob oculos Iesum recens natum, iacentem in præsepio non in cunis; in stabulo, non in domo; inter inopem Matrem & S. Iosephum, qui ne quidē impetrare potuerint, ut illi domicilium in Bethleem concederetur.

II. *Pralud.* Pete gratiam bene intelligendi illam filij Dei paupertatem, ut eam imiteris saltem cor non affigendo diuitijs, aut commodis huius vitæ.

I. *Punctum.* Extrema fuit paupertas filij Dei, in eius natiuitate: nam, etsi foret rerum omnium, & vniuersi Dominus, tamen in mundum ingrediens, ad deserti stabuli vilem angulum reijcitur; Matrem habet pauperem; paupertinis panniculis inuoluitur; Lectus est foeni paxillum & straminis, qualis animalibus substerni solet. Omne subsidium illi est ab inope fabro, quem præsens omnium

mnium rerum penuria grauius afficiebat; deinde à sancta Virgine Matre, cui neque famulus, neque ancilla parturienti assiltebant. Admiratio super his, ac deinde Inuestigatio, quorsum hæc tanta Filij Dei paupertas. Primò, vt admiratione complerentur Angeli, dum vident eum, cui Cælum thronus est, qui- que decore suo induit omnes creaturas, iacere in præsepi iumentorum, & malè sartis pànniculis inuolui. Secundò, vt damnarentur immoderatae cupiditates filiorum Adam, & diuitiarum vanitas detegeretur. Tertiò, vt eius virtutis pretium innotesceret hominibus, eaque illius exemplo persuaderetur, maximè Religiosis, qui meritò patienter ferent, modica corporis incommoda, atque aliquam in victu, vestitu, & habitatione egestatem, si viderint Seruatorem suum maximis incommodis, rerumque omnium inopia laborasse.

¶ *Punctum.* Non fuit hæc paupertas Filij Dei fortuita, aut à S. Iosepho, vel B. Matre procurata, sed designata à Deo

Deo ab æterno, & tandem in tempore,
mandata executioni. Utque hæc me-
lius ex decreto diuini consilij, succede-
ret; fuere Parentes, etsi familiâ nobilissi-
mi, re tamen familiari egentes: eundem
ijs fuit in Bethleem, vbi nec diuersorio
reciperentur. Neque ignorabant An-
geli, hæc omnia sic esse diuinitus desti-
nata: nam cum Natiuitatem huius In-
fantis Pastoribus annuntiarunt, memi-
nerunt pannaorum, quibus inuolueba-
tur, & præsepj, in quo iacebat. Gaudete
ô voluntate affectuque pauperes, Du-
cem habetis IESVM! consolamini præ-
sæ afflictæque animæ, nihil fortuito, aut
casu vota vestra, & desideria intercipit:
omnia nutu, & decreto Dei accidunt.

III. *Punctum.* Hæc voluntaria Chri-
sti paupertas fuit prima virtutum, quas
in Exordio vitæ suæ manifestauit, can-
demque tota vita sua constanter exer-
cuit. Fuit egens in Natiuitate, fuit &
paulò post: nam tres Reges veluti pau-
peri in summa egestate constituto, sti-
pem erogarunt. Egens fuit in Præsen-
ratio-

Colloquium ad sanctos Paupertatis
amatores, S. Franciscum, S. Alexium &
similes: quidni vos imitor, ô sancti ele-
cti? quidni tibi similis sum, ô Iesv Ma-
gister mi! Pater. Ave.

Recollectio. Visitatio Venerabilis Sacra-
menti. Examen Conscientie. Prandium:
sed memineris priusquam cubiculo pe-
dem efferas, osculari plagas tui Cruci-
fixi, saltem pedum, rogando per Ago-
niam suam, vt tibi in hora mortis tue
benignus, & misericors esse dignetur.
Vel deosculare aliquam B. Virginis ima-
giuë, postulata illius benedictione. Vel
etiam vtrumque præsta. Quid enim?
exire audes hoc officio IESV & MARIAE
non exhibito? vide ne negligas, & iam
nunc, hanc ini consuetudinem, & à Deo
magnis aliquando solatijs idè perfun-
deris. Recreatio. Visitatio Venerabilis
Sacramenti. Examen particulare. Tem-
pus scribendi proposita tua, præcipuè
istud: nunquam te egressuram cubicu-
lo, aut regressuram, quin flexis genibus
adores IESVM & Mariam, eorumque
opem & fauorem implores, aut alia, quæ
tibi occurrent, annotanda. Sequitur Le-
ctio spiritualis,

DISSERTATIO POME-
RIDIANA.*De commodis, & emolumentis vita
occulta.*

NE existimes, Hagiophila, dum te ad vitam occultam invito, me tibi persuasum velle, ut aliquò te conferas, ubi sis incognita, exemplumque Alexij, Rochi, Ioannis Calybitæ, Euphrosinæ, Eusebiæ, & similium imiteris; vel ut alicubi te sic abdas, lateasque occulta, ut à nemine, quàm à Deo, & Angelis videre, ad imitationem Pauli Eremitæ, Mariæ Ægyptiacæ, Rosaliæ, pluriumque aliorum. Non est illa vita occulta, quam hodie tibi deprædico: sic latendi iam usus exoleuit. Nichilò magis arbitrere, quòd hoc loco tibi suadeam, ut ita tuis oculis subducas optimas sanctissimasque tuas actiones, ut illas Deus, & alij obseruent, tu verò minimè, non attendendo ad bona, quæ agis, sed ad mala, quæ à te committuntur. Iob tam eximia & illustria sanctitatis opera peragebat,

bat, vt suo splendore Solem prouocarent, & Lunam; nihilominus ijs ipse non aduertebat animū: *a Si vidi Solem cum fulgeret. & Lunam incedentem clarē.* Ita probi faciunt, teste D. Gregorio; *b Soli electi bona sua non vident, quæ in se videnda omnibus ad exemplum præbent.* Nimirum hac in re Pauonem imitantur, vt ait Petrus Damianus; *videt in pedibus rusticum aliquid, quod despiciat; ignorat in canda, quid eum mirabilem reddat; te quoq, quod in te virtutis est, lateat, sed quid vero vitiosum, ab aspectus tui iudicio, non recedat.* Sed neque ista est vita occulta, quam tibi propono; actus potius humilitatis est. Latius patet vita occulta, neque vnius virtutis finibus coarctatur. Id præterea ab opinione tua remoue, quod velim te ita incumbere bonis actionibus, vt nemo earum conscius sit; repugnaret istud Euangelio, & obligationi, quæ ad proximum ælificandum adstringimur, quod sine publico virtutum splendore fieri nequit: *Sic*

luceat

a. Job. 3. b. 1. 21. Act. 1. 2. Epist.

tuceat lux vestra coram hominibus, ut videant opera vestra bona, & glorificent Patrem vestrum, qui in calis est. Esset ea quidem vita occulta, sed nimium latens, & digna vituperio.

Vita occulta, de qua mihi sermo est, in eo consistit, ut non solum probas actiones iuxta instituti nostri rationem, in aliorum oculis producamus, verum etiam exerceamus quasdam secretas, nullique cognitae, nisi Deo, & ijs quibus intima nostrarum animarum arcana debent esse perspecta: ita ut si boni aestimemur, simus tamen adhuc, quam eorum ferat opinio, meliores: qui modus admirabilis est mundum sanctè fallendi. Iesus hanc occultae vitae rationem tenuit totis annis octodecim: publicè bonus, deuotus, obediens, & omni genere virtutum praeclitus videbatur; at priuatim & clam, in cubiculi sui secreto, noctu diuque dabat operam actionibus sanctitatis, orationis, oblationis sui Deo Patri, Resignationis, Patientiae, & plurimarum aliarum virtutum, quae si

cogni.

cognitæ fuissent, eam vocem extorsissent ab omnibus: longè illum esse sanctiorem, quàm crederetur. Quoties noctes orando consumpsit? quoties peccatis hominum illacrymatus est? quoties erupit in suspiria, humi prostratus orauit, humi decubuit, mille sustinere cruciatus, eosque intolerandos pro vnoquoque mortalium voluit? & ita de cæteris actionibus, quæ nunquam innotuerunt. In illis sita erat vita illius occulta, qualem deinde suis ipse verbis commendauit: *a Tu autem cum oraueris, intra in cubiculum tuum, & clauso ostio, ora Patrem tuum in abscondito, & Pater tuus, qui videt in abscondito, reddet tibi.* Hoc instituto vivere viuuntque, plerique Sanctorum, Magistri sui vestigijs insistent, vitam degunt latentem; quàm vulgus opinetur, sunt meliores, eaque operantur, siue in poenitentijs, siue in virtutum internarum exercitatione, quæ si cognoscerentur, mortales omnes insigni admiratione stuporeque.

reque defigerent. S. Clara adhuc inter
mundi delicias constituta, secreto car-
nem suam cilicio affligebat, dum inter
æquales, & inter illecebras amantium
versaretur: nonne, Hagiophila, istud
insolens est? B. Franciscus Borgia, ado-
lescens, quoties nobilium sceminarum
consortio interesse cogeatur, simili
veste corpus suum obarmabat: quid vi-
detur? S. Hedwigis, Poloniae Princeps,
lectum insignem, & superbo apparatu
instructum habebat in cubiculo, eum-
que ad se adveniens monstrabat, di-
cens thorum esse Principis Poloniae; ni-
hilominus in eo cubabat nunquam; sed
in altero vili, duroque, quem Hedwigis
lectum indigitabat. Idem in usu fuit
Cardinali Baronio, lectum suum, le-
ctum Caesaris appellanti, & alterum,
qui in speciem erat expositus, lectum
Cardinalis Baronij; erat iste pauperri-
mus, & abditus, hic opere & pretio ma-
gnificentissimus; in illo noctu quiesce-
bat, in hoc nunquam. O prodigium!
Gabriella Gadagnia in Gallia Comitiss-

sa, cùm filium vnicum, spem familiæ, & vnicè dilectum amisisset, sæpe in secretissimis orationibus suis Deo gratias referebat de filij morte, tam erat in Dei voluntatem resignata. Soror Angela de Trinitate, Carmelitana, filia Marechalli de Brissac, cùm, ob formam aliâque naturæ dona, à magnis Proceribus in Matrimonium expeteretur, faciem aqua imbutam soli exposuit, vt decus formæ deperiret, & procorum oculis minùs arrideret, in conuictu etiam nobilium, fatuam se bardamque simulauit, proposito suo nulli, quam sibi, perspecto. Soror Maria Bouillondia, Visitationis sanctæ Marię Religiosa, vt illuderet vanitati, quæ cæteræ annillas induunt, clàm alijs, brachia vrticis, rubis & similibus circumcinxit. P. Elzearius quidam Societatis nostræ, qui paucis ante annis, Aquis in Pronincia gloriosè mortem in seruitio peste infectorum obiit, semper vestitus indormiebat, neque vnquam se dabat quieti, quin acri flagello se diuerberasset, neque vllus huius rei erat conscius.

sciens, præter superiores, neque putabatur eò virtutis & austeritatis processisse, maximè cum esset amplæ conditionis, & magnus natu, suisque capiendis commodis assuetus, ad nos accessisset. Plurimi alij talem vitam degunt, dissimulantque poenitentias suas, & recondita animi sui, & virtutum internarum ornamenta. Sunt qui non omittent statim diebus gestare cilicium, aut zonam asperam, corpus flagello cædere, quotidie per horam aut semissem vacare Orationi mentali, Virgini Deiparæ cultus peculiare genuflexionum, & adorationum exhibere, quorum Deus & Angeli tutelares soli sunt arbitri. Reperiuntur, qui ex virtutis affectu, & perfectionis proposito, nunquam de vilo malè loquentur nunquam vili obgannient; sese ex vero sensu humilitatis creaturarum omnium vilissimas abiectissimasque existimabunt; ex amore pudicitiae in nullius faciem obtutum desigent; silebunt de rebus suis, ijsque omnibus, unde aliquam aucupari existimationem, & gloriam

riam possent; nulli vel minimam molestiam facient, nulli postulatum officium, & charitatem negabunt; mente semper adhærescent Deo, in cuius præsencia continuò ambulant; nullo in rem ullam affectu ferentur; incredibili resignatione sese diuinæ dispositioni committent, etiam parati Infernum subire, modò possent Deum semper Amore, prosequi. Et nullus tantas tamque illustres virtutum exercitationes aduertit. Hagiophila, si omnia ista opera, si præstantes illæ actiones, quæ conferunt ad vitam sanctè reconditam, de quibus nunc memini, non rapiant cor Dei & Angelorum, quin & hominum, ubi illis innotuerint, nescio; quibus possint alijs actionibus permoveri. Saltem ex his clarè perspexeris, quid sit vita occulta, de qua tecum differo; quanti verò illam faciam, adhuc mihi dicendum est; aliàs tibi tantoperè actiones heroicas commendavi, dixique non nisi vnica opus esse, vt salutem consequamur, euadamusque in eximiam sanctitatem; etiam-

num in ea opinione persisto; andeo ta-
men pronunciare, secretas hasce actio-
nes, nullo modo, esse alijs inferiores: illæ
proræ sunt, vt in aliquam vanitatem, &
animi elationem nos attollant, cum sint
oculis omnium expositæ, indèque lau-
demur: hæ verò carent periculo, cum ab
omnibus ignorentur. *Vtile est abscondere*
magis, quam ostentare, si quid habemus
boni, ait B. Bernardus. a Publicis bonis
Latrones & Vanitas insidiantur. Sponsa
quamdiu latuit, nullo laborauit incom-
modo, nisi quod Amore languerit, sed
simul ac prodijt in publicum, & plateas,
& vicos oberrando, quæsiuit sponsum,
verbera & plagas retulit; *Quæsiui, & non*
inueni illum: inuenerunt me custodes, qui
circumeunt civitatem, percusserunt me, &
vulnerauerunt me, tulerunt pallium meum
mibi custodes muros. b. Et hæc ratio
est, cur Sancti, qui versari inter homines
coguntur, & publica illustriâque mune-
ra obire, prius se in actionibus vitæ oc-
cultæ exerceant, exemplo Christi Ser-
uato-

a Serm. 4. de Adm. b Cant. 5.

uatoris, qui antequàm tribus annis con-
tionaretur, & patraret miracula, abdi-
dit se per annos omninò octodecim. In-
signis ad rem propositam est animad-
uersio S. Hieronymi in facto Niniuita-
rum, qui cùm Saccis & ieiunio pœniten-
tiam agere statuissent, initium fecere
à ieiunio, quod priuatum occultumque
opus erat: *Ante, ieiunium, & sic Saccus;*
ante, quod occultum, & postea, quod palā;
& si è duobus necessarijs unum detrahen-
dum est, magis ieiunium absque Sacco,
quàm Saccum eligam absque ieiunio Pre-
clarius in commendationem actionum
occultarum proferri nihil potest, quàm
si dicamus, cum eo Ecclesiæ Doctore:
eas semper alijs esse anteponendas. Sed
si alià quoque ratione easdem conside-
remus, adhuc magis amandæ, ambien-
dæque videbuntur, nimirum quia ab il-
lis totus decor, & vigor animarum no-
strarum promanat. *a Omnis gloria filia*
Regis ab intus, ab eo quod intus latet, &
hominum oculis semotus est, b Pulchra

N 3

II

a Cant. 4. b Proverb. 31.

es amica mea, inquit Sponsus, *absque eo quod intrinsecus latet*, quasi diceret: Pulchra es ab elegantia actionum tuarum externarum, verum alia, quæ latent, quæq; nulli, quàm mihi perspectæ sunt, te efficiunt sine comparatione pulchriorum. Vigor & robur, aduersus tentationes ab illis quoque procedit: *fortitudo & decor indumentum eius*. Hæc vita occulta nobis est loco indumenti, quo tegere corpus solemus, tempestatum arcemus iniurias, illudque roboramus nativo calore conseruato, quin & robur illud etiam in morte se prodit. *Et ridebit in die nouissimo*. Reipsa fuere, qui in hoc terribilissimo agone, morti insultarunt, eamque exceperunt tantâ animi constantiâ & fortitudine, vt nec dæmon, neque extrema lucta, neque quidquam eorum, quæ tantoperè alios percellunt, fuerit ijs terrori. At hæc magnanimitas, felicissimûsque successus alteri causæ adscribi non potest, quàm vitæ tam secretò traductæ, aut extraordinario alicui actui & habitui virtutum occultarum, à qui-

à quibus illorum animæ coram Deo triumphabant. Accipe ex his vnum. Narrat Anastasius Abbas Montis Sinai, quendam è suis Monachis, qui vitam, quoad ieiunia, disciplinas, ceterasque Carnis macerationes, satis tepidam duxisse videbatur, cum propius à morte abesset, lætari, ridere, maximaque animi voluptate perfundi cœpisse: Id aduertens Abbas, monuit, vt lætitiæ modum poneret, vitam tepidè actam hac gaudij significatione malè concludi: sed respondit Religiosus: pacem illam animi atque alacritatem ex eo prouenire, quod toto vitæ tempore, temerario de alijs formando iudicio semper abstinuisset; toleraui, inquit, afflictiones omnes & molestias mihi ab alijs illatas, ijsque ex animo condonaui, non iudicando, minùs, illos damnando; imò quantum fieri potuit, excusaui, atque hæc mea cura singularis fuit, & interna secretaque occupatio, propter quam Deus mihi nunc istos fauores exhibet; & per Angelum me de salute

mea reddidit certiozem, cum stare velit
promissio suo: *Nolite indicare, & non in-
dicabimini.*

Ab hac æstimatione vitæ occultæ
non oblectaberis, Hagiophila, si te,
priusquam finem facio, inuitem, vt illi
te applices, conerisq; melior esse, quàm
videri. Delige quasdam actiones, quas
Deus tibi suggeret, & illis incumbere con-
stanter tota vita tua, tibi que sufficiat,
harum testem & arbitrum habere so-
lum Deum. Et quandoquidem in eo
consistat mysterium deuotionis perfe-
ctionisque, ita insiste, vt dici aliquando
de: possit, quod de defuncto fratre suo
Cæsario dixit Gregorius Nazianzenus: *a*
Fuebat Cæsarius solis Deo cognitus, quod
maioris est pietatis. Negari non potest,
quin restent nobis debita aliqua diuinæ
Maieſtati, quam quotidie offendimus,
perſoluenda: at hic optimus pacandi
modus est: *b* *Munus absconditum extin-*
guat iras. Si alicuius ſeruicali ſubijcio
centum aureos, eo ignorante, vt illius
neceſſitatibus occurram, vbi reſciuerit,

a Orat. 7. *b* Proverb. 21.

ma-

magno me affectu complectetur, et si prius alieno à me animo fuisset. Si ita se gerit homo terræ vermiculus, quid non faciet Deus summæ bonitatis, qui sciet millenas & millenas actiones secretas, quas ad illius honorem, in testimonium affectus erga illum mei, & in scelerum meorum expiationem peregi? *Pater tuus, qui videt in abscondito, reddet tibi. Munus absconditum extinguit iras.* a Dubitari prætereà non debet, quin magno desiderio afficiaris, chara Hagiophila, multùm promerendi, ut sublimem in cælesti beatitudine gloriam obtineas. Ad medium huic rei opportunissimum est illud, quod tibi offero. Ah! quàm ordo in cælis erit, alius ab eo, quem homines in terris occupât! is qui hic omnibus anteit, illic erit in postremis; ille, nunc vilissimus & despectus, ineffabili tunc honore perfruetur; & qui nunc honoratissimus est, vix vltimi subsellij locum obtinebit. Illustre est ad rem propositam, quod legitur in Annalibus Collegij Neapolitani nostræ Societatis
a *Proverb. 21.* Co-

Coadiutorum aliquis obijt, &, non multis post diebus, visendum se præbuit Medico, qui nostris agris suam, commodabat operam, & defuncti, nostrique Ordinis erat amantissimus. Attonitus hoc fauore Medicus rogat illum, salutisne sit? Roligioso annuente; liceat mihi, subiungit iterum Medicus, vnum alterumne ex te quærere: an Philippus secundus Rex noster inter Cælites est, & vter vestrum gloriam maiorem possidet? respondit Coadiutor, Philippum quidem cælo ascriptum, quòd verò ad gloriam attineret, tanto illum interuallo à suâ gloriâ abesse, quantò ipse viuens absuerat ab eius summa Maiestate, quantum scilicet pauper & abiectus Religiosus distat à præcipuo Orbis Monarcha. At quæso te, quid tantopere euexit hunc Coadiutorem, & supra tantum Principem, qui aliàs optimo fine, & morte benè præparatâ vitam clauserat, collocauit? nihil aliud, meo iudicio, quàm vita occulta, & bonæ actiones secretò factæ. O quot tales

orunt

erunt in celo, qui alij tunc apparebunt, quàm nunc esse videantur! Hic Ianitor, hic Coquus, hic nullius nominis administrator, excedet gloriæ magnitudine suum Superiorem, suum Rectorem, & suum Prouincialem: Abiecta illa soror, illa sacristana, illa nouitia, Reuerendam Matrem gloria superabit, quia magnum inter actiones discrimen intercessit; quicumque vitam occultam sanctiùs traduxerit, præmium excellentius & maiorem beatitudinem reportabit. Quòd si nolis tam procul ad vitam alteram remitti, audi sublimem hanc fauorem cui-dam personæ concessum, quæ vitam degebat occultam, & hinc discere, quàm hæc agendi ratio Diuinæ Maiestati sit accepta. Sed maturè illum expende. Decima septima Nouembris, Græci duarum illustrium personarum memoriam recolunt, Ioannis & Zachariæ. Ioannes ex opulentissimo pauperem se fecerat, distributis in egenos omnibus facultatibus suis, ita vt stipem, aliorum more, emendicare cogeretur. Solebat is Con-

a. Ex Radero in Virid.

stan-

stantinopoli, ubi sedem fixerat, vigilijs
& orationibus vacare ad ædem S. So-
phix. Quodam Vespere, dum huius Ec-
clesiæ foribus assidet, intentus precibus,
prospicit venientem eminens quendam
venerandâ canitie spectabilem, mirâ lu-
ce circumfusus; qui simul atque ad fo-
res accessit, demisit se in genua, breuicu-
lam orationem fudit, & demum signo
Crucis expresso fores aperuit. Ingressus
in templum prolixè precibus indulgit,
quibus peractis dum egreditur, observa-
tur porta, & iterum lux adfuit virum,
sanctum domum deductura. Ioannes,
qui hæc omnia prodigia clàm observa-
rat, prosequitur senem, aduertitque il-
lum ingredi in vilem casulam, pulsato
leniter ostio, & coniuge, vt aperiret,
modestè monitâ. Placuit præterea ad-
motis auribus explorare, quomodo re-
liquum noctis domi traduceret, & in-
tellexit illum insomnem suendis calceis
dare operam (erat opificio sutor) neque
his contentus, pulsat fores, sibique ape-
rire rogat, denique prouolatus ad viri
san.

sancti genua, nomen inquit, & genus vitæ, & virtutum. Senex ipse quoque se in genua demisit, asseruit se Zachariam vocari, de reliquo sutorem se esse miserumque peccatorem. Planius amabo te, inquit Ioannes, tam enim miranda vidi hoc vespere, quando ad S. Sophia te contulisti, vt obstupescam, decernamq; pedem hinc non efferre prius, petitioni meæ quàm satisfeceris. Ah, reposuit Zacharias, fuerit phantasma aliquod, in mei gratiam Deus miracula non patrabit. De istis aliàs, ait Ioannes, nunc cedo mihi vitæ tuæ modum. Pauca à me discas, respondet Zacharias; quod propter Deum ago, est: seruo cum vxore, quam vides, virginitatem illibatam, & vt ea occultior sit, dico cæteris, vxorem sterilem videri. Reliquum laboris mei, quod à victu necessario superest, diuido in pauperes, & cum metu diem Iudicij exspecto. Hæc tota vita mea est, non magni sanè facienda. His auditis Ioannes, cum voto suo factum fuisset satis, abit, & domum notat. Re-

dire eòdem voluit post pauculos dies, sed iam hospites illi aliò se receperant, declinantes omnem vanitatis occasionem, cùm dubitare non possent, quin ille, cui se patefecerant, eòdem esset reuerfurus. Restaret illud, Hagiophila, vt tibi gloriæ magnitudinem, quam in cælo consecuti sunt Ioannes & Zacharias huius vitæ occultæ merito, enarrarem, sed cùm id facere non possim, tibi perpendendum committo.

Adde his, si orium est, Lectionem cap. 13. part. 1. tract. 1. Rodericij, agit de bono exemplo, nihil enim vita occulta derogare debet ædificationi, quæ proximo impendenda est. Lege præterea cap. 5. & 6. lib. 3. de Imitatione Christi, Sequitur Examen.

EXAMEN CIRCA SIMPLICI- TATEM ET CANDOREM ANIMI.

Simplicitas, alio nomine sinceritas & candor, est virtus parum hominibus cognita, & paucioribus in vsu admirabilis tamen, & Deo acceptissima, cuius

cuius est proprium inclinare, & efficaciter permouere hominem, ut suis verbis & operibus nullam duplicitatem, simulationem, dolum, aut malitiam admisceat, verum sit purus, sincerus, verus, & exteriora omnia interioribus consentiant. Vnde patet multum virtutem hanc discrepare ab ea simplicitate, quæ vulgò est ignorantia quædam, & stoliditas nonnullis à natura insita. Hæc, de qua nunc agimus, virtus ex præcipuis non postrema est. Si scire desideras, Hagiophila, huiusne virtutis aliquid, an nihil habeas, notas hæc inspicere.

Prima. Nihil aliud sibi in actionibus suis habere propositum, quam ut Deo placeamus; alia enim motiua qua possent concurrere, facerent, ut actio non simplex sed duplex foret.

Secunda. Rectè in Deum tendere, non reflectendo ad respectus humanos, & quid alij dicturi, aut cogitari sint.

Tertia. Non vii restrictione mentali, ut aliter discas, aliter cogites.

Quar-

Quarta. *Abominari quidquid mendacium redolet.*

Quinta. *Exteriora interioribus conformare, præterquam in commotionibus passionum, cum non sit contra simplicitatem, eas ita premere, ut non emicent.*

Sexta. *Sibi & Deo attendere, non immiscendo nos ijs, quæ ad alios spectant.*

Septima. *Non malè suspicari, aut iudicare de alijs, nisi indicia sint manifesta; benè de omnibus opinando.*

Octaua. *In conuersatione, directè loqui & respondere, non uti verbis ambigui sensus, aut alium ab aliorum consortio abstrahere, aut sermonem mutare ad accessum alterius.*

Post Examen lege Officium, aut alias præces vocales. Deinde vaca huic Considerationi.



CONSIDERATIO.

I. **A**UT IESVM falli necesse est, aut Mundum. Quærit hic honores, diuitias, voluptates, & obsequi propriæ voluntati: IESVS complectitur, & suadet contraria, contemptum, paupertatem, sensuum mortificationem, & abnegationem suiipsius, decerne anima mea; vter sapientior sit, & in eius sententiam concede. Et memineris non esse aurum, quidquid splendet.

¶ I. Insignis dementiæ est inire vias deuias, regium & tritum iter tenendum est, quale est iter virtutis. Dei Filius & Sancti omnes hac iære. Desipiat, qui vult, volo ego tenere istud iter, quod sapientissimi triuerunt.

¶ II. Amare IESVM, ars est certissima benè beatèque viuendi, nihil in hoc Amore perditur. Hic Diuinus Amans minima etiam & occultissima suspiria compensat. O insanas creaturas, quæ ad alium quàm ad IESVM suspiratis! quæ & vnde merces tot suspiriorum!

¶ IV. Nihil beare te potest in hac mortali-

talitate, nisi Amor Verbi Incarnatī. Tempus quod abripit omnia, quodque tam celeri cursu præterlabitur, non permittit, ut occurrat aliquod obiectum amabile, cui affectus nostros applicemus. Vix applicuissemus, & iam de recessu cogitare oporteret. Solus Amor IESV solidam habet atque integram felicitatem, nam ab hac vita pergit ad alteram, ut ibi æternum continuetur.

V. Bona huius vitæ non delectant nos, nisi dum ea prosequimur; imaginabamur incredibilem fore nobis voluptatem, si eorum compotes fieremus, at consecuti, ijsdem quibus antea cupiditatibus perturbamur, & alia sequi obiecta incipimus; quod si ijs studijs lædatur quoque conscientia, iam magis decepti sumus, qui spinas repererimus, ubi rosæ quærebantur. Solus Amor IESV & in prosecutione, & consecutione amabilis est. Solus ille sine spinis est, totus ille coronatus est rosis.

VI. Quo tandem deueniunt omnes illi Amatores creaturarum, virorum, mulier.

mulierum, amicorum, parentum, honorum, opum, ædificiorum? quid profuit omnem ijs amorem affixisse? iacturam temporis fecerunt, accumularunt tædia & tormenta, quæ illicito Amori deesse non possunt, & ex his gradum fecerunt ad alterius vitæ tormenta, quæ modum & finem non habent. O qui sciret IESUM serio complecti Amore! absque hoc Amore, tristis & horribilis infernus est: cum illo dulcis & desiderabilis Paradisus!

Hora quietis & relaxationis animi. Deinde Officij, Vel Orationis vocalis, Visitationis Venerabilis Sacramenti, Demum præparationis ad sequentem Meditationem.

III. MEDITATIO.

De vita occulta Filij Dei, & eius Obedientia per annos duodecim.

Oratio præparatoria consueta.

I. P*æludium.* Imaginare exiguam domunculam, & officinam S. Iosephi, Fabri Lignarij; vilem lectulum, & cellulam

lam IESV, totam denique familiam tribus IESV, MARIA, IOSEPHO, comprehensam intueri.

II. *Pralud.* Pete à IESV optimo Duce tuo, & Seruatore, vt virtutes illas, quas domi per octodecim continuos annos exercuit, maximèque illius Obedientiam, imitatione assequaris.

I. *Punctum.* IESVS ab anno ætatis duodecimo vsque ad tricesimum vitam duxit occultam, nullique nisi Deo Patri, sanctæ Matri, & B. Iosepho cognitam. Et profectò dolendum est, ignorari à nobis, quid toto eo tempore fecerit, dixerit, aut cogitauerit. Quidquid enim fecit, fuere miracula; quidquid dixit, oracula: quidquid cogitauit, sanctissima consilia, & eminentes actus perfectionis. Inuestiga proximè, quid fecisse, quid dixisse, quid cogitasse potuerit, & ad eam formam te reforma. Attende nihilominus, cur vixerit vitam hanc occultam. Primò, vt suggereret materiam insignem meditandi de ipsius occupationibus; de colloquijs cum Matre, & S. Iosepho;

pho; de Orationibus pro genere humano, & nominatim pro me suis; de admirabili silentio, de flexanima conuersatione, quando Parentes inuisebantur; & de fernore, quo actiones omnes suas exequabatur. Secundò, vt nos doceret optimam vitæ partem Dei oculis subijcere, & subtrahere oculis hominum, qui saepe eò nos abripiunt, vt opera nostra ex vanitate, & ob respectus humanos faciamus. Tertiò, vt disceremus nos subducere ex vsu hominum, & priuatis exercitationibus vacare, priusquam arduum aliquod opus aggrediamur: tribus tantum annis concionandum illi erat, & totos octodecim voluit, vt eò se disponeret. Quartò vt intelligeremus eum sub obedientia, & alterius arbitrio viuentem, plus egisse, nihil agendo (teste S. Bonauentura) quàm si quidquid fieri poterat, fecisset. Deus bone, quot documenta pro me in hac vita occulta!

II. Punctum. Considera, cur inter reliqua opificia potissimum Artem fabricalem

lem elegerit. Imprimis, certum est, illum alijs quoque domesticis obsequijs fuisse occupatum; ipse mensam instruebat, ipse ianitorem agebat, ipse ollas & scutellas eluebat coquebat, alijsque similibus se impendebat, nihil enim declinabat; inò cum esset admirabili feruore præditus, cuncta ad se trahebat munia, vt dilectissimam Matrem, & Iosephum subleuaret: plurimus tamen erat in officina, vt fabri officio fungeretur. Hoc enim erat illi gratissimum. Primò, quòd esset laboriosum & molestum. Secundò, quòd ita cogeretur exercere actiones abiectas, humiles, & plenas mortificatione; vt ierant: deferre ad forum scabellum, aut sedile, venalia; & extruendis reparandisque domibus operam commodare. Tertiò, quòd inter laborandum frequens occurreret memoria Crucis pro nobis aliquando tolerandæ, cum quoduis lignum illi trabem Crucis præsignaret. Ah cur ita mihi parco! cur detrecto pluribus officijs, quibus parcessem, me impendere?

III. Punctum. Obedientia IESV istis octodecim annis fuit admirabilis. Fuit prompta, & alacris, quis enim non illicò obtemperaret Mariæ, & Iosepho, opem, & subsidium postulantibus? fuit cæca, non inquirendo, cur hoc, vel illud imperatur? cur impendor sedili fabricando, qui nutu possem mundos fabricare? fuit perseverans, ad octodecim planè annos, etsi sub finem virili esset ætate & annorum triginta. O quantum interest inter meam & obedientiã IESV! Petitio veniæ, Emendatio, Imitatio.

Colloquium ad Filium Dei: Gratias agendo, quòd tale tibi exemplum dederit; quòd animos etiam tibi subijciat ad imitandas eius virtutes, & obedientiam; denique. quòd isto tempore, tam clementer tui meminisse dignatus sit in sacrosanctis suis precibus. *Pat. Aue.*

Recollectio. Fortuita Lectio Thomæ de Kempis. Rosarium. Visitatio Venerabilis Sacramenti. Tandem semel pro me ora, quòd fortassè hætenus à te factum non est, cum tamen simili subsidio egeam,

vt qui maximè. Tanti tibi non erit vnũ cum AVE MARIA; seruiet tamen, vt memineris, subinde eos habere in precibus tuis commendatos, qui bono tuo, præsertim tuæ animæ, student. Cæna, Recreatio, quam si cum aliquo peragis, omne colloquium tuum sit de amore, Iesv, quàmque immeritò ab hominibus non summè diligatur. Litanie Sanctorum, Visitatio Venerabilis Sacramenti. Præparatio Meditationis crastinæ. Examen, Quies cum hac cogitatione, te fore felicissimam, si illo, quo nunc es, pacto disposita, à Deo euocareris. Tanti refert dies benè sanctèque, & in amore diuino traduxisse.



SEXTVS DIES.

De virtutibus imitandis in vita Apostolica Christi IESV.

Non fuit otium, Hagiophila, considerandi virtutes omnes, quæ in Christi infantia, pueritiâque emicuerunt. Duas solum proposui, & tamen Humilitas, Modestia, Mansuetudo, & quæ non aliæ, fuerunt admirabiles. Iisdem angustiis constringor hodie, & ex plurimis virtutibus, quæ vitam illius Apostolicam commendant, tres dumtaxat deligam, quæ cum animæ tuæ perquam necessariae sint, sunt etiam ad imitandum faciliores. Iam decretum tibi est amare Paupertatem, & Obedientiam; tantundem de Humilitate, Mansuetudine & animarum Zelo decerno.

Salutatio Venerabilis Sacramenti, & præparatio ad Meditationem.

✠(o)✠

O

I.M.E.

I. MEDITATIO.

De Humilitate Filij Dei.

Oratio præparatoria consueta.

I. Præludium. Propone tibi IESVM dicentem Apostolis suis, & tibi : *Discite à me, quia sum humilis corde.*

II. Prælud. Pete à Deo Patre, vt tibi manifestet excellentiam humilitatis Filij sui, ac deinde eius virtutis gratiam faciat.

I. Punctum. IESVS fuit humilis in verbis. Primò, optimus erat, & tamen bonus dici non vult. Quid me vocas bonum, reponit illi, qui hisce illum interpellauerat : *Magister bone, quid faciàs, vt habeam vitam æternam ?* Secundò, dignissimus erat, cui omne obsequium præstaretur, & tamen dicit non se venisse ministrari, sed ministrare. Tertiò, erat sapientissimus, ait nihilominus : *Doctrina mea non est mea, sed eius, qui misit me.* Vide vt vbique capter omnem se humiliandi occasionem. Quartò, erat Dei Filius, & tamen plerumque se Filium hominis indigitat. Quintò, post Transfigurationem.

gura.

grationem, an non meritò ab omnibus
coli adorarique debebat? at prohibet
Apostolis, ne vllam apud alios huius vi-
sionis faciant mentionem. Sic amabat
supra vulgus non eminere. O quantum
hec verba dissentiunt à meis! totus sum;
vt me laudem, iactitem, commendem,
vt de me factisque meis loquar. At iste
modus non est honorem Deo deferendi,
DEVS ab humilibus honoratur. (Eccl. 37.)
neque gratias obtinendi: *Humilitas sola
meretur gratiam*, teste Bernardo.

II. *Punctum*. Nullius pretij sunt ver-
ba, si facta desint: fuit IESVS humilis im-
actionibus suis. Primò; volunt illum
Regem creare, fugit. Secundò, solen-
nem ingressum habet in Hierusalem; at
Asino insidet. Tertiò, Deus Pater, ex
Ruperti sententia, optionem filio fecit,
vt Mundum redimeret, aut subsidio ho-
norum, & Maiestatis, aut per oppro-
bria, & humiliationes; at quid ipse ele-
git? an non *proposito sibi gaudio sustinuit
crucem confusione contempta*? id egit per
omnem vitam, multòque amplius tum,
cùm se abiecit ad pedes Iudæ proditoris

fui, & mori voluit inter duos latrones nudus in cruce. O gravem & intolerabilem meam superbiam! Ecce Deus totius Maiestatis se humiliat, & quodammodò annihilat in omnibus, & abiectissimus terræ vermiculus, hoc est, ego, audeo de me præsumere, me extollere? neque quidquam graviùs timere, quàm humiliari, & ab alijs contemni? certissimum indicium est, nullam me habere virtutem, quandoquidem *tantum quisque habet Virtutis quantum Humilitatis*, ut ait Cassianus.

III. *Punctum*. Exteriores actiones fallere possunt, si cor à manu dissentiat. Iesus etiam animo & corde fuit humillimus. Primò, *ego vir videns paupertatem meam*, videns me nihil esse, sed quidquid possideo, esse à benignitate Dei. Secundò, benè illi erat, si contemneretur; si pro Filio Iosephi haberetur; si diceretur fabri Filius; si crederetur simplex, imperitus & vilis, iuxta conuictum in Nazareth familiare: Hic puer idiota est; uti Iosephi Filius. qui duo verba profari nò potest, neque ad quidquam est idoneus.

(S. Bo-

(S. Bonaventura.) Tertiò, pacato latò-
que animo excipiebat omnes in se con-
tortas iniurias, vt haberet occasionem
se demittendi. Tanta Seruatoris tui hu-
militas, ô anima mea, non id poterit, vt
eum, & illam ames? *Quo visior eo mihi
charior*, aiebat Tertullianus.

Colloquium ad Filium Dei, quòd se-
riò imitaberis eius humilitatem in ver-
bis, factis, & cogitationibus, eoque indi-
cio testari velis amorem tuum: Paruus
Dominus, & amabilis valdè, ob tantam
nimirum humilitatem nostri causa su-
sceptam. Pater, Ave.

Recollectio. Tesseræ diurnæ electio. Ser-
uire poterit hæc sancti Petri vox:
Dominus ad quem ibimus, verba vitæ æternæ habet.
Aut iste veritus omni auxilio pretiosior:
Sola salus seruare Deo, sunt cætera fraudes.

Sequitur Oratio vocalis Officij, aut alia.
Sacrum, Lectio spiritualis.

DISSERTATIO

MATUTINA.

De Mansuetudine.

Fatendum est sine suauitate confide-
rari non posse suauissimam illam.

mansuetudinem, quæ emicabat in con-
 uersatione dilecti nostri Seruatoris,
 quando hic in terris inter homines ver-
 sabatur; O quàm iucundum erat oculis
 spectaculum, videre illum loquentem,
 incedentem, conuersantem, incumben-
 tem operi, docentem, respondentem,
 interrogantem in templo, in hospitij
 amicorum, in domo Matris, in itineri-
 bus, in campis, in plateis vrbs Hieroso-
 lymitanæ, vbique! hæc omnia erant
 aspectu gratissima, quia decore admira-
 bili temperata, vti prædixisse videbatur
 Dauid Rex, & Propheta: *Dominus deco-
 rem induit* est. Sed, quod decorem hunc
 reddebat admirabiliorem, erat incredi-
 bilis quædam suauitas, & mansuetudo,
 quâ non solum audientium, sed etiam
 spectantium animos rapiebat. Et tanta
 fuit tamque flexanima, vt Hebræi illum,
 teste Galatino, Suauitatem appellârint;
 & IESVM adituri dixerint, ad eam ad
 Suauitatem. Fertur D. Petrus propè con-
 tinuò lacrymis maduisse, & putatur ex
 dolore, quòd optimum Magistrum ab-
 negasset; S. Antoninus fatetur quidem
 illam

illam ex rationibus vnā fuisse, addit,
nihilominus, præcipuam tantarum la-
crymarum causam prouenisse à recor-
datione dulcedinis, & mansuetudinis
Filij Dei conuersantis, quā se priuatū
videbat. Nonne diceres Bernardum
Christo conuixisse, dum illum audis ita
loquentem: *Dulcis est Iesus in voce, dul-*
cis in facie, dulcis in nomine, & dulcis in
opere? Sed quo tendit suauis hæc, de dul-
ci conuersatione Iesu, consideratio? ni-
mirum, vt aliquid sublime de affectu
mansuetudinis, de quo nunc disserere
statui, concipiamus. Vivat suauitas, &
mansuetudo, Regina enim animorum
est & præcipua earum virtutum, quæ
cordibus Dei, Angelorum & hominum
potenti cum imperio dominantur. Non
statuo tibi ob oculos ponere omnem
eius pulchritudinem, & perfectionem,
quæ amplissimè se extendit, nimis pa-
rum temporis habeo, vt hanc telam ad-
oriar; Sufficit vt dicam, quod ad animæ
tuæ salutem, & spiritalem profectum est
vtilissimum, & vt tibi magnam impri-
mam huius mansuetudinis existimatio-

nem, præsertim in sermone, quæ est præcipua portio dulcis gratæque conuersationis. Quod ad me attinet, tanti illam facio, vt arbitrer, ab hoc ordiri debere illum, qui conuersationi suæ debitum modum ponere vult, seque ad virtutum & sanctitatis acquisitionem preparare. Torum Salomonis templum erat ligno Cedrino, & laminis auri purissimi vestitum, exornatumque: portæ tamen, per quas aditus erat *ad Sancta Sanctorum*, non alio, quàm oliuarum, ligno constabant. Voluit Deus hoc facto nos docere, quandoquidem oliua dulcedinis & mansuetudinis sit symbolum, quòd qui ingredi ad sanctitatem cupit, & virtutum possessionem adire, transire debeat per mansuetudinem, & ab illa virtute præcipuè acquirenda, inchoare. Ob hanc eandem rationem Dei Filius vult à se primum disci mansuetudinem, deinde humilitatem: *Discite à me, quia mitis sum, & humilis corde*. At maximè necessaria humilitas est; nil refert, porta illius est mansuetudo, & per hanc illa aditur. Atque hinc aduerto, primam

tin.

tincturam virtutum omnium, illi qui ri-
 tē proficere desiderat, esse mansuetudi-
 nem; vt opus aliquod architectonicum
 benè inauretur, pluribus tincturis est
 opus: vt animæ nostræ inaurentur per-
 fectissimè, vna sufficit, quam nunc com-
 mendauì, mansuetudo. Sed ne te diu-
 tius suspensam teneam dico suauitatem
 sermonis esse omnium aptissimam, vt
 formet numerisque omnibus animam,
 perficiat, aut eam saltem disponat ad
 magnas opes spiritales faciliùs compa-
 randas. Viuat Apicularum Regulus, qui
 nulla arma, ne spiculum quidem, gerit,
 sed benè mel in ore. Dicamus aliquid
 ampliùs: Regnet Dei seruus, qui nullis
 alijs armis, nullo alio regiarum virtu-
 tum apparatu vtitur, quàm melle in ore,
 & verborum suauitate. Hac dulcedine
 integram illæsamque conseruat charita-
 tem. componit animi sui motiones, cor-
 da aliorum sibi subiicit, votorum deni-
 que suorum fit compos. *Lingua placabi-*
lis, lignum vite. a inquit Sapiens, reipsa
 virtutibus animam addit, & tum au-

O s

dien-

a *Prov.* 15.

clienti, tum proferenti solatium, & ala-
 critatem. Magnus ille Dei seruus Moy-
 ses, qui Spiritus sancti testimonio, *Dile-*
ctus Deo, & hominibus, cuius memoria in
benedictione est, a quibus potissimum
 gradibus ad tantam vitæ sanctimoniam
 ascendit? à qua virtute initium fecit?
 profectò non alia, quàm mansuetudine:
In fide & bonitate ipsius sanctum fecit il-
lum; & vt sciremus id à sermonis sua-
 uitate potissimum processisse, addit Sa-
 piens: *& in verbis suis monstra placavit,*
 verbis melle & mansuetudine manan-
 tibus passiones omnes suas, quæ vera
 monstra sunt animarum, superauit; quin
 & flexit duras ceruices, & illa portenta
 crudelitatis & barbarici, quæ inerant
 duobus millionibus personarum, qui-
 bus imperabat: sermonis sui dulcedine
 totam illam gentem sibi subiecit, vt ab
 omnibus mirum in modum amaretur.
 Quàm suauitas in verbis est efficax! flu-
 ctuem aliquo iræ, vindictæ, inuidiæ, tri-
 stitiæ affectu: si loquor, si respondeo
 suauiter, iam componi tota ista tempe-
 stas potest: *& in verbis meis monstra pla-*
a Eccl. 45.

cabo.

oabo. Insurgat in me offensus aliquis, diraque comminetur, si mansuetè alloquor, leniam, eiusque auersionem & iracundiam in mei amorem commutabo : *& in verbis meis monstra placabo.* Mulier quædam videns egregium illum in Scotia Martyrem, P. Ioannem Ogilbæum, cœpit in illum maledictis & contumelijs inuehi, expulso etiam oculorum errore, qui obliquum intuebantur: cui Dei seruus blando & amœno vultu; Domina, inquit, Deus elegantem tuam formam tueatur, diuque conseruet incolumem. Adeo emolliuit ea vox ferocientem mulieris animum, vt publicè fateretur, iniuriâ se in virum illum insurrexisse, & facti poenitere: contestâdo præterea se impostèrùm de illo, non nisi honorificè, & debita cum reuerentia locuturam. Adeo verum est, sufficere blandius verbum ad inflectenda corda maximè exacerbata. Quare, Hagiophila, author tibi sum, vt abstineas ab omni genere verborum, quæ mansuetudini aduersantur, idèoque nunquam vtaris verbis mordacibus.

contumeliosis, fastuosis, & austeris; nunquam responsionibus acerbis, impatientibus & siccis; nunquam dictis, quæ audaciam, insolentiam, impudentiam, & animi rancorem redoleant; caue tonos illos imperiosos, illos accentum authoritatis, eos sermones, qui gestibus, propriâ tui fiducia, aliorum contemptu despicientiâque corrumpantur. Hæc omnia digna vituperio sunt, & à spiritu dulcedinis mansuetudinisque aliena; cum sociabiles simus, vitæque communione delectemur, conuersationem nostram perpetua quadam suauitate & gratia condire debemus, ut nulli molestiam, nulli tedium adferamus, ne minimum quidem charitas violetur, non contristetur proximus, sed ea loquendi respondendique forma utamur, quam ab alijs exigimus. Imò etiam tum adhibenda suauitas est verborum, quando de vitijs, & defectibus alienis sermo instituitur, etsi vitia forent manifesta. Nunquam de alio dici debet, superbus est, ineptus, fatuus. At talem esse, nemo ignorat; Nil refert, eiusmodi verba

ba tolerari possint in ore aliorum, non tuo, quæ virtutem profiteris, quæque Christi mansuetudinem desideras imitari. Verum si me læsit, si in me inuasit iniurijs, despectu, contumeliâ, non erit mihi licitum de illo queri, & facti insolentiam exprobrare, aut meritis coloribus apud alios depingere? ergò mel illi propinare debebo, qui tam copioso felle me proluit? vrges me profectò. At audi: ne tum quidem alijs, quàm suauibus verbis, vtendum est. Dic: te minùs blandè ab illo acceptam, adhiberi modum alium, & gratiorem ab illo potuisse, sed caue ne de illo malè loquaris, ne vocem acerbam & aculeatam vsurpes. Læsus erat Iacob, & perfidè à socero suo deceptus, nullam tamen in illum iniuriam intorquet. Compellare poterat impostorem, fraudulentum, callidum: abstinuit; pauculis verbis dolorem suum testatus est: *quid est quod facere voluisti, quare impulsisti mihi?* S. Michael Archangelorum Princeps, cum Satana contendens de Moyse corpore poterat illum maledictis obruere, vo-

care damnatum, Inferni titiōem. reum
læsæ diuinæ Maieſtatis, infamem, & sex-
centis eiufmodi nominibus, quæ is com-
merebatur. *a* At noluit, & non est ausus
iudicium inferre blaſphemia, ſed dixit:
imperet tibi Dominus, nullo aſperiore
verbo uſus eſt, & rationem adfert S.
Hieronymus: *Merebatur Diabolus ma-*
ledictum, ſed per Angelos blaſphemia
exire non debuit. *b* Idem tibi inculco:
eſſi optimo iure videreris poſſe alium,
linguæ flagello proſcindere, ſiſte tamen
impetum. Iſta linguæ licentia, & ſer-
monis libertas te non decet. Angelos
tibi in exemplum vitæ tuæ propoſuiſti,
eorum igitur verba imitare; & quamvis
aliqua perſona tanto digna odio, quan-
tum Diabolus aliquis incarnatus com-
mereretur, te iniurijs aſſeciſſet, diſſimu-
la, neque aliter de illa loquere (ſi mo-
dò loquendum eſt) quàm blandè, atque
manſuerè.

Adijcere hic monitum oportet,
quandoquidem te tantoperè ad ſermo-
nis ſuauitatem inuito; eſtque illud, ut
atten-

a Ep. Iuda, *b* Ep. ad Tit. cap. 3.

attendas ne hæc suauitas (siue in con-
uersatione, siue in colloquijs) abeat in
quandam affectationem, nimiùmque
verborum delectum, aut adulationem,
& studium alijs placendi: Ille enim mo-
dus aulam redoleret, non Religionem.
Conuersatio nostra, & sermo degene-
rare non debet in illum placendi affe-
ctum, vt specie affabilitatis, & vrbani-
tatis fiamus Religiosis Regulam, consue-
tudinem, aut communem ordinatio-
nem euercentes. Ad silentium violan-
dum inuitor, ad ingressum cubiculi a-
lieni, ad hoc vel illud faciendum, quod
voto, quod regulæ repugnat; &, præ-
textu vrbانيتatis affectatæ, inducor ad
voti, ad regulæ transgressionem. Non
est ista vrbalitas, non in eo spiritus
mansuetudinis, & sanctæ beneuolen-
tiæ consistit, præstat Deo placere, quàm
homini, & conscientiæ suæ satisfacere,
quàm acquiescere huius creaturæ vo-
luntati. S. Magdalena rogata ab Ange-
lis lacrymarum causam; *Mulier quid
ploras?* respondit: *Quia tulerunt Domi-
num meum.* Et hæc cum dixisset, conuer-
sa est.

sa est retrorsum, dorsum illis obuertit.
Quæ ista morum ciuilitas est, à puella
huius conditionis, benéque institutâ?
saltem erga Angelos vrbaniorem exhi-
bere se debebat, quid verebatur? eius-
loco respondet Origenes: *Nolo Ange-
los videre, nolo cum Angelis manere, si
cœperint mihi multa narrare, & voluero
illis ad omnia respondere, timeo ne amo-
rem meum magis impediunt, quàm expe-
diant.* Si hæc Dei amatrix, ita Ange-
los deserit, quid non facere nos oportet,
vt expediamus nos ab eo placendi
studio, quo regulæ violantur, & amor
Deo debitus imminuitur, talibus per-
sonis occurrentibus, quæ nec Angeli
sunt, nec propius ad illorum mores ac-
cedunt? omninò generosis Magdalenæ
vestigijs insistere debemus, & posito
metu lædendæ mansuetudinis, aut ita
nos contineamus, aut etiam recedamus,
vt intelligant, nos malle integrum Di-
uini Numinis amorem conseruare, il-
læsis regulis, quàm illorum gratiam,
cum aliquo nostræ perfectionis detri-
mento, aucupari. Vt autem Religioni

nomen non dederis, æquè tamen obligaris ad deuitandos hos placendi affectus, qui in oculis sæcularium videri quidem possent actiones vrbanitatis, & mansuetudinis, cùm tamen reuerà assentationes sint, quæ culpa non vacent. Nunquam eò comitas tua progredietur, vt sapiat adulationem, vt falsum proferat. Prudenter exprimenda veritas est, verbis honore, suauitate & reuerentia plenissimis. Proponi illa aliquo sermonis lenocinio potest, nihil interest, modò ab illo, quem alloqueris, capiatur. Et quamuis foret aliquis ex primis terræ moderatoribus, si ex officio tuo monere illum debes, aut opinionem tuam illi declarare. cùm conscientia tuæ leges transgredi non possis, fac istud generosè cum debito respectu, neque putes te aliquid à spiritu suauitatis alienum admittere. Propone tibi Danielis exemplum, incumbibat illi, vt ingratham aliquam Veritatem Regi Nabuchodonosor aperiret, fecit profectò cum honore, reuerentia & dulcedine, nihil tamen eorum quæ dicenda erant.

præ-

prætermisit. *Hæc est interpretatio altissimi, quæ peruenit super Dominum meum Regem. Quid suauius? suum illum Regem & Dominum compellat. Sed subiicit: Eijcient te ab hominibus, cum bestiis, ferisque erit habitatio tua, & fœnum, ut bos comedes.*

Proposueram quidem adferre regulas nonnullas, quæ ad hanc mansuetudinem in occasionibus maximè periculosis conseruandam videbantur, opportuna, sed quis modus illas explanandi, cum ad dissertationis metam peruenerim? hæc vna tamen erit instar omnium, quæ erat B. Francisco Salesio familiaris: *Nihil contra Deum.* Tantum comitatis, tantum hilaritatis, tantum vrbauitatis dulcedinisque, quantum voles, modò sit *Nihil contra Deum*, nihil, quo lædi offendique possit.

Post hæc nihil superest, Hagiophila, nisi vt te orem, cuiuscumque status, aut conditionis existas, vt in spiritu mansuetudinis des operam saluti, & perfectioni tuæ, quod vt facilius, & efficacius à te obtineam, vtar verbis S. Pauli:

H: *a* Obsecro vos, ut digne ambuletis vocatione, qua vocati estis, cum omni mansuetudine. Ita Apostolus loquitur, quòd virtus hæc, postquam cæteris virtutibus patefecerit aditum, easque in animam nostram introduxerit, easdem illic conseruet ac tueatur, earumque veluti iure hæreditario acquiratarum possessionem asserat: *b* *Beati mites, quoniam ipsi possidebunt terram.* Virtutes apud mansuetos tanquam in solo patrio commorantur; Melancholicis, inuidis, superbis & quibus similes affectiones dominantur, suæ subinde virtutes sunt; minimum tamen est, quod illos de earum possessione deiicit, facillimè ipsæ elabuntur; soli mites & spiritu mansuetudinis præditi, perstant, ipsa animæ pax & tranquillitas illos in perpetuo victoriarum & felicitatis usu constituit. *c* *Mansueti autem hereduabunt terram, & delectabuntur in multitudine pacis.* Qui hunc suauitatis affectum non habent, occupant virtutes (si modò aliquas occupant) non quasi proprias, sed velut aliunde
sibi

a Eph. 4. *b* Matth. 5. *c* Ps. 39.

sibi elocatas; quid mirum si facili negotio eripiuntur? si verbum asperius, si contemptus aliquis, si modica vanitas illas auferat? alia penitus mansuetorum ratio est, mortificati sunt, victorijs æque ac virtutibus abundantes, hereditaria illis virtutum exercitatio est. Et ad hoc potissimum seruit suauitas verborum, effectus gignit mirabiles, tum in ijs, qui ea vtuntur, tum in alijs, ad quos dirigitur: & sicuti sufficit verbum vnicum, acre & aculeatum ad exasperandum & imbuendum perenni rancore alicuius animum: ita vnica vox blanda & suavis satis est, ad animos exasperatos, & maximè à nobis auersorum conciliandos. Quidam Orientalium Rex fertur hostiles ciuitates in potestatem suam redigisse, non alio stratagemate, quàm affuso ad portas oleo; sed affirmare ego possum maiorem adhuc vim inesse verborum suauitati, illa actionibus nostris dominatur, & Cælitum iuxta ac mortaliū corda suæ subijcit ditioni.

Si lubet præterea alteri lectioni vacare,
lege cap. 18. 19. 20. & 22. Tract. 3. Vol. 1.
2. Part.

2. Part. Rodericij, ubi de humilitate loquitur; aut Imit. Christi cap. 2. 7. & 22. lib. 1.

Peracta lectione renoua deuotionem erga Patronos tuos SS. Iosephum, Alexium, Ignatium, Benedictum, Franciscum, Virgulam, Tereſiam, aut alios qui tibi erunt peculiare. Si nullum haſtenus delegiſti, hodie incipe, minimum ſaltem renoua deuotionis affectum erga Angelum tuum Tutelarem. Super hac re videri poſſunt ea, quę in Anno ſancto dixi ad feſtum S. Michaelis. Denique para te ad ſequentem Meditationem.

SECUNDA MEDITATIO,

*De Comitatu & Manſuetudine
Filij Dei.*

Oratio præparatoria conſueta.

I. P*Reludium.* Propone animo S. Ioannem Baptiſtam, qui dum loquitur de Filio Dei, eumque digito com-monſtrat, ei nomen Agni attribuit: *Ecce Agnus DEI, qui tollit peccata Mundi.* Non temere ſed dedita opera, ſic com-pellans ob ſuauiſſimam Comitatem, & inno.

innocentem Mansuetudinem, qualis in Agno esse consuevit.

II. *Pralud.* Petegratiam à Deo Patre, vt benè addiscas hanc Lectionem, quam Iesus te docet.

I. *Punctum.* In verbis habebat Iesus admirabilem suauitatem. Primò. Vnico alloquio animum audientis sibi deuinciebat, tamerat influens sermo, melle dulcior, & gratior cælesti nectare. *Ad quem ibimus? verba vite aterne habes.* Secundò. Cæcus aliquis importunis magnisque vociferationibus efflagitat ab illo oculorum curam: quiuis indignaretur alius, extra Iesum, qui suauissimè interrogat: *Quid vis, vt faciam tibi?* Tertiò. Simon; qui Iesum conuiuio exceperat, & alij, aduersabantur. Magdalena; at tam bonus est Iesus, vt eam aduersus omnes tueatur, eam soletur, & repleat melle, & suauitate verborum suorum. *Vade in pace, fides tua te saluam fecit.* O probrum, quod in verbis adeo sim asper & morosus! Rubo similis, attingi non possum, quin pungam aliquè, & aliquo indicio prodam passionem:

nem meam. O Rex mansuetissime, rege
& moderare sic verba mea, vt à tua lo-
quendi mansuetudine non discedam!

II. *Punctum.* Mansuetudo Iesu emi-
nebat ex vultu, & toto habitu corporis.
Primò. Refertur, afflicto & Melan-
cholicos eius temporis, vt aliquod solati-
um ex facie benignissimi Seruatoris
colligerent, ita inuitare se solitos: Vi-
sum eamus filium Mariæ. Secundò, In-
gens illa multitudo, quæ eum in deser-
tum, in montem, & vbique sequebatur,
satis aspicere, amare, & admirari tantam
eius suauitatem non poterat; & cum
non continuò concionaretur, solo illius
aspectu sic pascebatur, vt ne cibi qui-
dem, aut victus necessarij meminisset:
*Ecce iam triduo sustinent me, nec habent
quòd manducent.* Tertiò, Comitas deni-
que ac benignitas Seruatoris maximè
tum in vultu emicuit, quando in morte
Lazari fudit lacrymas. Benè dixeras, ô
benignissime Iesu, adeundum te esse, vt
discatur vera mansuetudo & benignitas.

III. *Punctum.* Mansuetudinem etiam
factis.

factis ipsis IESVS demonstrauit. Primò, ab hac processit insignis illa erga afflictos commiseratio. Hinc panes miraculo multiplicati: *Misereor super turbam*; hinc, in nuptijs Canæ Galileæ, aquam in vinum commutare non recusauit; hinc tandem voto mulieris Cananæ factum est satis. Secundò, Cogit illum Benignitas, vt magnis promissis compenset exigua officia; vitrum aquæ postulat, & in vicem totum cælum, & vitam æternam promittit. Tertiò, Quin & ad peccatores se extendit: Mulier in adulterio prehensa, in eius clementia asylum inuenit: *Mulier ubi sunt, qui te accusabant, nemo te condemnauit?* respondente illa: Non Domine neque ego, inquit, te condemnabo. O clementiam ineffabilem! ô suauitatem! quis mihi det de melle, & oleo humanitatis tuæ, vt omnes actiones meæ simili suauitate condiantur!

Colloquium ad IESVM, Magistrum mansuetudinis Reum te age apud illum de asperitatibus & morositatibus tuis, alijsque aduersus hanc virtutem vitijs.

Pro-

Propositum emendationis. Desiderium
huius amabilis admirabilisque virtutis.

Pater. Ave.

Recollectio. Visitatio Venerabilis Sacra-
menti. Examen Conscientiæ. Prandium.
Recreatio. Visitatio Venerabilis Sacra-
menti. Tempus scriptoris. Lectio.

DISSERTATIO POME-

RIDIANA.

De respectibus humanis.

Nihil nobilius, nihil excellentius po-
test excogitari, quàm placere Deo;
oblectare supremam illam maiestatem,
quæ nullo alio, quàm seipsa perfecte ob-
lectatur, nonne actio est, omnium ima-
ginabilium actionum præstantissima?
hanc veritatem, Hagiophila, sic appre-
hendo, ut pluris facerem vnicuique opus,
quo constaret me Deo placuisse, quàm
mille miliones eorum operum, quibus
toti humano generi, omnibusque simul
Angelicis spiritibus placuissem, etsi etiã
defixissem eos mei admiratione, & me-
ruissem ab ijs per plura sæcula com-
mendati. Tam mihi cordi est pondus.

P

&

& felicitas, vel vnius actionis, quæ grata Deo dici mereatur, vt, si scirem me posse talem aliquam exercere, quæ illi arrideret, i la peractâ mori illicò non detrectarem; & verò morine possem gloriosius, quàm placendo, quàm oblectando DEI viuentis adorandam Maiestatem? ex hac opinione mea videor meritò posse dicere, plurimùm aberrare eos, qui humanis ducti respectibus, malunt placere creaturis, quàm Creatori. Videas nonnullos, qui non audebunt virtutum actiones exercere, frequentare Sacramenta, hospitalia inuisere, serere sermones de rebus diuinis, & spiritualibus, silentij legem, aliàsque Regulas, si Religiosi sunt, obseruare, ne vellicentur, ne dicantur hypocritæ, aut qui deuotulorum, aut Reformatorum Ordini accenseri velint. Maledictum illud, quod dicitur? obstaculo ijs est, boni quid agant, & ne alicui irreligioso, aut garrulo displiceant, paruipendunt Deo displicere. Alios reperias, qui è contrario incumbunt sedulò bonis operibus, obedientiæ, humilitati,

grati, charitati, candori & regularum
observationi, sed quam ob causam, &
quamdiu? donec nimirum ille Reueren-
dus Pater, eorum erit Director, & Super-
rior, quamdiu præerit ea Venerabilis.
Mater. Accidat enim mutatio aliqua, &
alter, qui non sit ad gustum, aut adtem-
peratus illorum genio & affectui, præ-
ficiatur; si aliò optimus ille Superior
amandetur, vale obedientia, valec vir-
tutes, actum est. fuistis An non hæc no-
ta est infallibilis, nihil factitatum esse
purè propter Creatorem, sed propter
creaturam, propter hanc Reuerendam
Matrem, propter hunc egregium Pa-
trem spiritualem, qui maiore quàm
Deus apud illos pollebat authoritate?
Istiusmodi homines pleni sunt respecti-
bus humanis: non symbolum aliud, ne-
que aliam cogitationem habent sibi
propositam quàm pessimum illud: *quid
dicitur?* & verbo, omnes illi ex Ordine
sunt (liceat mihi in re absurdissima. vti
inepto vocabulo) Placentinorum. Qua-
re decreui placentinis illis, in aurea rena

verba admurmurare, quæ probè intelligent; nullam iniuriam faciam, solùm veritatem ingenuè, & sine fūco eloquar; quod dicam, grauissimum erit, eos esse, socordes, & animalia, inter bipedes, ignauissima; nulla ratione mereri nomen seruorum DEI, quantumuis id esse se simulent; & pro conclusione, esse temerarios, & penitus ineptos.

Quod ad illorum socordiam, & ignauiam attinet, prorsus incredibilis ea est, nihil talibus amicis fingi debilius potest. Conceperint admiranda proposita post Confessionem annuam, post bonam Communionem, post Meditationem ardentem peractam, in Exercitijs spiritualibus, in alijs occasionibus eiusdem generis; si illos audias, aut legas eorum decreta, iurares fore rupes immobiles, constantiæ prodigia, nullius Creaturæ impetu vnquam percellenda: & mox verbum vnicum, vnicum scōmma, vnicum, *quid dicetur?* subito efficit, vt tonum mutent, tentationi succumbant, & omnium propositorum suo-

rum obliuiscantur. Tales mihi non videntur abludere à Pica Tonforis cuiusdam, qui illam humanas voces imitari perfectè docuerat; pronuntiabat hæc articulatè symbolum Apostolorum. *Credo in Deum*; mille iocos viciniæ & transeuntibus faciebat cantando Litanias Virginis Lauretanas, aliâque lepidæ garrulitatis argumenta proferendo; Dixisses, illi in omnem vitam abundè de scientiæ prouisum esse. At quid accidit? die quodam, non procul ab ædibus Tonforis, excitatur tumultus, & solennis quædam proclamatio ad tubæ sonitum, qui cùm insolitus esset, sic miseram picam perturbauit, confuditque, vt omnis latinitas totâque garriendi peritia illi excideret, ipsâque natiuæ stupiditati restitueretur, iam cæteris syluestribus par. Pica hæc plurimas habet focias. Omnes illi loquaculi, de quibus mihi tecum sermocinatio est, similibus casibus obnoxij sunt. Exprimunt optimè linguam Sanctorum, & Apostolorum idioma, dum feruore spiritûs ca-

lent. Nunquam, inquit, verbo lædam
 famam vllius, nunquam superioribus
 obmurmurabo, nunquam de victûs ra-
 tione conquerar, nunquam talem Re-
 gulam violabo, nunquam me istorum
 hominum consortio, & familiaritati im-
 mittam. O sermonem elegantem! ô ver-
 ba non alio quàm Sanctorum ore pro-
 ferenda! sed quid? occurrat persona,
 cui displicere hic non auit, quia illa
 murmurat, obtrectat, regulam violat,
 tantundem ille faciet. Dicatur verbu-
 lum aduersus deuotionem, aduersus eos,
 qui maiori quâdam obseruatione res
 suas peragunt. subito itur in antiquam
 sylvam, in pristinum & laxum viuendi
 morem, ne à cæteris dissentiat: vnicus
 sonus, non tubæ, sed joci efficit, vt obli-
 uiscantur omnia axiomata eius sapien-
 tiæ, ad quam aspirare videbantur. Mife-
 ri mortales, qui (omnibus benè perpen-
 sis) nihil habent, quàm verba, quæ ven-
 tus discutit! Funestæ picæ, quæ ad tem-
 pus garrire didicerunt, neque opere ex-
 plent, quod conscientia, quod ratio,
 quod

quod Deus docuerat ! An non æquissimo jure tales, debiles in supremo gradu, atque ignauissimos pronuntio ? quid enim ? debiliusque aliquid esse potest, quàm semper trepidare, ibique timere, ubi nulla timendi materia est ? hoc eos indicio notauit. Propheta Regius a. dicens : *Illic trepidauerunt timore, ubi non erat timor.* Animos illorum sine causa Timor occupat, sed timor abominandus quandoquidem tum timeant, huic vel illi displicere, quando virtus exercenda, & diuinis inspirationibus obtemperandum est. Cogor aliquid addere de damnis, quæ illos sequuntur, & tibi ob oculos proponere Ducem horum, vecordium, & ignauorum, quibus ad benè faciendum, idcirco animus deest, quòd vermis humanorum respectum, omne illis robor arrodant. Fortasse perspecta huius hominis miseria, & infirmitate, detestaberis hanc Placentinorum progeniem, neque eorum ritu viuere voles. Dux igitur illorum & Princeps, & qui, vt placens viueret, lepræ per-

petuæ periculo se exposuit, est Naaman Syriæ Regi charus & supremus militiæ præses, laborabat ille lepra tam atroci, vt caro propè diffunderet: vt curaretur, mandauerat illi Elisæus, ad quem opis gratia accesserat, vt septies in Iordane se lauaret. Verùm Princeps, qui alium valetudini recuperandæ apparatus expectauerat, hoc præscripto sic attonitus fuit, vt obedire detrectaret: humani respectus tantâ vi animum illius inuasferant, vt propè mallet, per omnem vitam, lepra cooperiri, quàm in hoc fluuio se diluere. Quid? aiebat, aquæ nostræ, & Syriæ flumina, salubritate inferiora sint, & cedant aquis Israël, & fluuio Iordanis? quid dicet Rex meus, ubi audierit me tantum iter confecisse, vt septies me lauem in hac aqua; quæ nullâ virtute nostram antecedit? quid dicet Domina Coniunx, quæ profectiorem illam impedire conabatur, maluisseque me vti domestico balneo, quàm hîc, in tertâ peregrina, omnium oculis exponi? quid dicent Duces mei, quid Milites?

Milites
telliger
tantum
septies
fluctua
propol
quouis
rere de
ob fun
profus
triam
quis eu
fer, ad
lucis d
vium
los, ec
ad ex
ficilis
solida
ferint
Ne
uiam
tione
tentia
bm pl

Milites? ridebunt me profectò, cùm intelligant; supremum suum Præfectum, tantum viarum dispendium fecisse, vt septies se lauet. Hisce cogitationibus fluctuabat Naaman, adeò infirmus in proposito curandæ valetudinis, (quam quouis pretio modisque omnibus quærere debuisset) vt parum abfuerit, quin ob funestum illud (*quid diceretur?*) leprosus, idémque qui abierat, in patriam reuerteretur; & nisi Minister aliquis eum ad experiundas aquas animasset, actum erat, perierat, omni spe salutis deposita. Adeoque Naaman ad viuum mihi exprimit placentinos illos, eorúmque debilitatem & ignauiam ad executionem boni etiam non difficilis neque ardui, quantumcumque solida, atque sancta proposita præcesserint.

Ne igitur mireris, si post tantam ignauiam ausim affirmare, eosdem nullâ ratione seruos esse Dei. Non ab eo à sententia Apostoli asseuerantis: *Si hominibus placerem, Christi seruus non essem.* At

In domo Religiosa diuinis obsequijs me
mancipauī, eadem ego, quæ alij, præter-
quam, quòd ex isto placendi affectu, qui
mihi quasi à natura insitus est, omnia
faciam ad oculum; & vt placeam alijs
præcipuè familiaribus, & amicis meis,
ideòne minùs existimer seruus Dei? dic,
quidquid voles, Dei seruus non es: pro-
nuntiauit Apostolus, oraculum est.
At optimis voluntatibus, & desiderijs
plenus sum, si perspectum me haberes,
non tam faciliè expungeres me ex nu-
mero seruorum DEI; si me intuereris,
nihil reperires dignum vituperatione;
in serie meliorum me collocares, nullo
alio vitio laboro, quàm ista placendi
omnibùsque satisfaciendi cupiditate,
quà subinde delinquo: hæc vna noxa
mea est, neque de alia à multo tempore
me in Confessionibus meis accuso. Ni-
hil refert, sancti Pau'i decretoria senten-
tia est: seruus Dei non es. Aliquid for-
san tibi præ D. Paulo arrogas? subire
hoc debes, velis, nolis. Et tu quoque
Hagiophila patiere, vt tibi denunciem,

& forte
non ell
gumen
tione
que ob
quio a
præ ilo
notant
res, qu
serunt
tum fa
sui sint
mè deg
mes vi
oppon
oculor
legitim
cera so
perime
tur, si
non v
creatu
ta est;
gnitat
tempe

si fortè hâc imperfectione laboras, te Dei non esse ancillam. Verum boni serui argumentum est, quando omni contentione satagit placere Domino suo, eiusque obsequium, & beneplacitum obsequio anteposit aliorum, quos omnes præ illo parvipendit. Ad rem facit, quod notant Physicarum rerum inuestigatores, quando de Aquilarum natura differunt. Aiunt Aquilas, vt experimentum faciant, explorèntque, quinam pulli sui sint legitimi, & à patria virtute minime degeneres, solere illos adhuc implumes vnguibus attollere in altum, & soli opponere, quem si fixa, immotâque oculorum acie intuentur. habentur pro legitimis, & in nidum reuecti. velut sincera soboles. educantur. Hoc eodem experimento filij & serui Dei agnoscuntur, si rectâ in Deum oculos deligunt, non verò detorqueant in terram, & creaturas, illa optima seruorum Dei nota est; si contra accidat, falsò tanti dignitatem nominis arrogabunt. Si obtemperetur Domino, si Superiori, nō ob

præclaras illas dotes, neque ex naturali erga illos propensione, aut affectu, sed quia in ijs Deus, cuius personam gerunt, agnoscitur, non attenta illorum gratia, vel ut nobis propterea blandiantur, nos laudent, colantque; signum perspicuum est, diuinum numen spectari, neque aliud intendi, quàm ut illi soli placeatur. Talem se exhibuit Religiosus ille, qui per annos duodecim, obsequium suum seni morosissimo, à quo præter dura & aspera verba, (forte & verbera) nihil referebat, constanter impendit. *a* Ea sanè constantia satis prodebat illum nihil aliud spectasse, quàm ut placeret supremo Domino, cuius personam in hoc sene intuebatur: & verò quando felicem animam efflauit, coactus fuit molestus hic Superior præsentibus profiteri, & dicere: Fratres mei, non homo hic, sed Angelus est, quandoquidem totis annis duodecim, quibus mihi seruiuit, & ægrotanti adfuit, etsi asperrimè tractaretur à me, nihilominus omne obsequium, & obedientiam mihi præstitit,

a. In prat. spirit.

cum

tum s
alacrit
non au
human
num r
propte
Fini
& det
uerà t
ratem
non po
dum a
nullum
tura e
tisfac
tes, n
qui fa
bit. A
le, dai
re, vt
hi & i
genia
prehe
his vi
nes e

cum singulari diligentia, incredibilique alacritate. Ille erat verus DEI seruus, non autem placentini illi, qui malè ob humanos respectus agunt, aut qui bonum non purè ob Dei amorem, sed propter creaturas operantur.

Finiamus: Non hoc solùm damnum & detrimentum est: inepti sunt, & reuerà temerarij, cùm supra vires & facultatem aliquid moliantur, & quod fieri non potest, facere tamen ipsi velint. Modum accipe: nunquid certissimum est, nullum adhuc hominum in rerum natura extitisse, qui omnibus omninò satisfacere potuerit? fac optimo, quo potes, modo, semper aliquis reperietur, qui factum carpit cui aliquid displicebit. Agas benè, fatui vituperabunt; male, damnabunt sapientes; cesses ab opere, vt nec malum agas, nec bonum, jam hi & illi tibi illudent. Imò nonnulla ingenia sic à natura corrupta sunt, vt reprehendant omnia seu bona, seu mala, his vide vt placeas, vt facias satis. Actiones etiam sanctissimæ vellicationibus

obnoxia sunt. Abbas Poponius magnā
& munificā charitate pauperes peregrin-
os excipiebat. Plurimus hac de re inter
Monachos sermo, multi aiebant prodig-
um esse, bonāque monasterij dilapida-
re, alij contra affirmabant bene illum fa-
cere, & eius charitatis intuitu Deum for-
tunare rem familiarem. Quid esse me-
lius potuit, quàm quod clamabat cæcus
Euangelicus: *IESU fili David, miserere
mei.* Acceptus erat hic Christi clamor,
non item alijs, qui hinc indignabantur,
& qui præbant: *inrepabant eum, ut tace-
ret.* Ipsi Angelici spiritus satisfacere om-
nibus hominibus non possunt: Quando
Angelus, solaris cæli motor, solem stitit,
ut voci Iosue obediret, ipsi Iosue placuit,
eiusque exercitui, at alij, qui cladem pa-
triebantur, agrè ferebant hanc statio-
nem, & solem motoremque diris deuo-
nebant. Christus IESVS ut Filius Dei fo-
ret, id consecutus non est: tota illius vi-
ta quasi scopus fuit contradictionis: ver-
ba ad homines facit, dicunt aliqui, nun-
quam sic locutum esse hominem, alij
obtre.

obtrestant, esse seditiosum, aptumque
ad plebem in dominos animandam. Sed
quo pacto Angeli, vel Sancti, vel Iesus
omnibus placuissent, cum ne Deus qui-
dem eâ potestate, quâ est, id faciat? te-
statur Alphonsus decimus, Rex Hispa-
narum, dictus Astrologus, cui censura
hæc aliquando excidit: si Deus Mun-
dum conditurus se in consilium adhi-
buisset, se multa ostenturum fuisse, quæ
ordine meliori disponi potuissent. Te-
statur præterea alius ille, qui hominem,
aiebat, præclarum esse Dei artificium,
deesse tamen in pectore fenestellam, quâ
cordis arcana penitus inspicere posse-
mus. Res certa est, fieri nihil potest,
quod ad gustum sit omnium & tamen
eò connituntur nostri placentini, Deo
placere volunt, & creaturæ, quod possi-
bile non est. Ne eos imitare, Hagiophi-
la, temerarij sunt; Deum specta, huic fac
satis, & conscientiæ tuæ, & cætera omnia
floccipende. Illi qui respectibus ducun-
tur humanis nullos à Deo fauores con-
sequuntur, imò *DEVS dissipavit ossa eo-*

rum, qui hominibus placent; Cūm è contrario in eos munificentissimus sit, quibus animus est, vt illi placeant, parum curantes, quid dicturi aut cogitaturi sint mortales. Præclarum huius rei testimonium est in B. Margaretha Iprensi Religiosa sancti Dominici: adhuc puella obuium habuit adolescentem satis à naturæ dotibus instructum, eiusque amore, per oculos admissò capta est; & aliquamdiu Amicitiam illam fouit intra terminos omnis decentiæ & honestatis, non quòd vllò coniugij cum illo contrahendi desiderio teneretur, sed vt affectui suo, naturaliter in illum propenso, satisfaceret. At Deus, qui solus amari ab illa cupiebat, tam validè perculit illius animum, vt decreuerit se penitus amore illo exuere, & adolescentis consuetudinem deuigare. Peracto hoc proposito, accidit post pauculos dies, vt eidem illa in plateis occurreret, jamque in eo erat, vt consueto more alloqueretur; verum propositi memor, & semoto omni respectu humano, tergum illi, satis inurbanè,

nè, obuertit, incurritque in proximam Ecclesiam, vt ad pedes Christi cruci affixi prouoluta meritas de hac victoria gratias referret. Tantoperè id Deo Filio placuit, vt visendum se præbens, illam insigni coronâ condecoraret. Sufficeret forsân vna talis actio, & similis humanorum respectuum contemptus, ad conciliandos nobis diuinos fauores, & sanctitatem comparandam. Cur solliciti erimus, vt placeamus creaturis, quæ nos non iudicabunt, neque debitam nostris actionibus mercedem redhibebunt? nonne præstat placere Creatori, eoque vti symbolo: Dum licita faciam; quod lubet, alij dicant.

Nisi hæc Lectio sufficit, prosequere ea apud Rodericum, quæ manè de humilitate incepimus, aut cap. 2. 3. & 5. lib. 2. de Imitatione Christi. Deinde sequitur Examen.

EXAMEN CIRCA MANSVE-
TVDINEM.

Primò, *Submissè loqui. & humiliter, & sine strepitu.* Secundò, *Non uti verbis austeris, peruscacibus, imperiosis, aut quæ contemptum aliorum redoleant.* Tertiò, *Non contradicere alijs, neque cum ullo contestari.* Quartò, *Nullum contristare sine verbo, sine gestu, sine ope recusatâ, quantum vilis & abiectus videatur.* Quintò, *De nullo queri, etsi iniuria nos affecisset; quæ si est, fiat id verbis blandioribus, quæ excusent, & eleuent refutanda illam.* Sextò, *Si quispiam nos laesit, non expectemus, donec ille culpam agnoscat, eiusq; veniam à nobis postulet, sed ipsi illum praeueniamus, & deprecemur, quòd indignandi occasionem dederimus.* Septimò, *Non reprehendere aut increpare alios sine graui causa.* Octauò, *Aliorum defectus, & infirmitates benignè tolerare, neque admodum curare, quòd nostri defectus alijs sint noti.* Nonò, *Nullò indioio demonstrare antipathias quasdam, seu auersiones à nonnullis, siue illa à natura indita sint; siue usu*
com-

comparata. Decimò, Nunquam exhibere se fastidiosum, seu vultu. seu gestu. seu aliâ quadam ratione. Undecimò. Facile concedere in sententiam, & opinionem aliorum, reiecto proprio iudicio. Duodecimò, Nunquam in peiorem partem verba aliorum interpretari. Decimò, tertio, Quodam commiserationis affectu ferri in afflictos, eorumque misérias & calamitates sentire. Decimò quarto, In copia negotiorum & occupationum, tranquillitatem & hilaritatem animi præferre, vultu sereno, & composito.

Hagiophila, hæ præcipuæ mansuetudinis notæ sunt, da operam, vt illas obtineas, & fructum reportabis incredibilem.

Tempus est jam Officij, aut precum aliarum vocalium, deinde huius Considerationis.

CONSIDERATIO.

I. **C**Vi bono cætera, nisi per exercitium, & acquisitionem virtutum fiamus veri Dei ministri? præcipuum hoc est, cui attendi debet, reliqua tantum

tum accessoria sunt. Dositheus in suo Monasterio patrabat admiranda, in conuersatione sua erat amabilis, in eorum obsequio obstupescendus: at hinc aliqua gloriæ & vanitatis titillatio illum inuasit, quam aduertens S. Dorotheus, hoc dicto, quod pluribus conuenire potest, illum perstrinxit: Dosithee, insignem aliorum famulum te præstas, & egregium complacentem, sed nondum Dei seruus effectus es.

II. In tua situm est potestate, ut maximas præstantissimæque virtutes consequaris, gratia Diuina nobis non deest, sed nos desumus gratiæ. Vult Deus nos ad sublimem perfectionis gradum euehere, nos non aliam, quam mediocrem, virtutem volumus. Quis Aulicus dignitates & fauores sibi à Rege oblatos recusat? at molestia in virtutis acquisitione reperitur: quis ignorat? sed neque hoc ignoratur: rosam esse spinis septam, & in concha, unionem. Hac molestia calum emitur, an pretio nimio, & poenitendo?

III.

III. Non aduertunt homines, & nihilominus verum est, acquisitionem vnius virtutis, at exercitium vnius actûs virtuosi, maioris pretij esse, plurisque æstimandum, quàm si celebrem aliquam de hostibus victoriam reportasses, aut acquisiuissem centum millia aureorum annui censûs, aut Regni alicuius sceptrum, & diadema obtinuisses. Virtus Christiana bonum Dei est, cuius intuitu, quantumuis exigua sit, omnibus tamen totius naturæ donis antestat, vt omittamus mercedem, quæ erit sempiterna.

IV. Quàm næc olim pœnitebit. quando videbo me propterea non esse affectum eum gradum virtutum & meritum, quem Deus mihi destinauerat: quòd nimium rei alicui creatæ ah hæserim, aut quòd repudiauerim Diuinam gratiam, eique non omni modo fuerim obsecutus. Ah! quàm charo mihi stabunt eæ commoditates & deliciæ, quibus nunc, cùm grauissimæ virtutum negotiationi studere oporteret, indulgeo!
vtinam

utinam solo Purgatorij pretio & gloriæ
imminutione luam!

V. O virtus! quisquis perspectum
Haberet valorem & meritum tuum, illi
res omnes terrenæ viles, & suo affectu
indignæ viderentur: & vt nullo alio, ad
illam amandam, stimulo compellerer,
quàm quòd IESVS & MARIA eandem
tanto amore profecuti; complexique
sint, volo amare, & credere, nihil esse
amabilius eo obiecto, quod ambo illi sa-
pientissimi rebus omnibus prætulerunt.
Tantis ducibus aberrare non possum.

VI. Vah rerum terrenarum amores!
dùm gustantur, desipiunt. Viuat virtus,
illa, illa est aqua Samaritanæ proposita;
quam qui biberit, sitiet iterum, quæ ipso
sui vsu appetitionem accendit. *Aqua est
saluens in vitam æternam*, O Domine, da
mibi hanc aquam.

Sequitur hora quietis, deinde Officij, &
aliarum Orationum, tum Visitationis
Venerabilis Sacramenti & præparatio-
nis ad sequentem Meditationem.

III. MEDITATIO.

De Zelo Filij DEI erga salutem animarum.

Oratio præparatoria consueta;

I. *Preludium.* Imaginare pastorem, qui quærat aliquam à grege auulsam & aberrantem ouiculam; peruagatur omnia, sursum, deorsum, per valles, per montes, per planitiem, nullum denique locum non studiosè perlustrat. Iesus talis pastor est, qui venit idcirco in Mundum, ut hominem ad verum ouile reducat.

II. *Prelud.* Pete gratiam, ut ex hac diuini Pastoris charitate proficias, eandem sic agnoscas, ut in amorem illius vehementius accendaris, & pro ratione statûs tui, te pereuntibus animabus impendas.

I. *Punctum.* Filius DEI zelo incredibile fertur in salutem animarum. Primò, ille est Pater filij Prodigii: quidquid enim Parens perduto suo filio exhibuit, eum recepit in gratiam, id omne Iesus præ-

præstitit hominibus. Secundo, IESVS est magnus ille Medicus, qui descendit de cælo. vt curaretur magnus agrotus, qui jacebat in terra, vt ait Augustinus, qui ideò corporibus medicinam faciebat, vt animæ sanarentur: propter illas, erant insignes illæ curationes; & morbi corporis, quibus medebatur, animæ morbos, febrem, surditatem, cæcitatem, paralytim, similésque affectiones repræsentabant. Attentiùs perpende singula, & sollicitum studium huius amantissimi Medici; *Non egent qui sani sunt, Medico.* Tertiò, ille est, qui se meritò comparat Gallinæ pullis suis addictissimæ: *Quoties volui congregare filios tuos, sicut Gallina congregat pullos suos sub alis, & nolui?* O Pater amantissime, ego sum. Filius ille prodigus! O Medice diligentissime, ex afflictissimis illis agrotis unus sum! ô Pater, qui materno homines affectu complecteris, pullus sum aberrans, qui de sinu tuo me abstraxi, vt cæterorum more ruerem in perniciem! per zelum illum, quo totam Galilæam,
&

& finitimas regiones peragrabas, miserere operis tui, & obiecti primorum, & veterum amorum tuorum. Gratiarum actio pro te, & toto genere humano: Propositum.

II. *Punctum.* Filius Dei subibat labores ineffabiles, vt Euangelium, & amoris legem prædicaret. Oppidatim ibat pedes, eleemosynis piorum hominum, se sustentans, contemptur, iniurijs & contumelijs appetitus, continuando molestias, & fatigationes illas, tribus integris annis, posteaquam quadraginta dierum ieiunio ad hoc se preparasset. Expende anima mea huius diuini Pastoris sollicitudinem erga populum illum, quin & erga nos illius successores: dicit pascit illos verbo, & exemplo, nocte vigilat, vt eosdem precibus suis tueatur.

III. *Punctum.* Semper patuit zelus illius, sed præcipue in conuersione mulieris Samaritanæ: fatigabat ex itinere, & inedia: loco tamen cedere prius non vult, quàm prædam caperit, *fatigatus ex itinere sedebat sic supra fontem.* De cibis

inijcitur sermo: *Alium*, inquit, *cibum habeo manducare, quem vos nescitis*: Hic cibus meus est, hæc quies, conuertere istam animam. Tot conuerfiones aliæ; tot ardentissimæ prædicationes; vt de ijs diceretur: *Nunquam sic locutus est homo*: quarum vni cessit Magdalena; hæc minæ inferni, iudicij, eorúmque, quæ ad alteram vitam spectant; istæ Parabolæ, seu Historiæ de vinea, de diuite Epulone, & alijs, manifestissimè zelum illius testantur.

Colloquium ad Iesum, vt dignetur nobis largiri zelum suum, tum ad nostram, tum aliorum salutem procurandam. Pater, Ave.

Recollectio. Lectio Thomæ de Kempis: *fortnita. Rosarium. Visitatio Venerabilis Sacramenti. Cane. Recreatio. Litaniam Sanctorum. Visitatio Venerabilis Sacramenti. Preparatio Meditationis. in crastinum. Examen conscientiæ. Quies*, ad quam te componens cordi tuo imprime Mariæ nomen, vt eius illa Custos sit.

SEPTIMVS DIES.

*De virtutibus in Passione & Morte Christi
inimandis.*

Adest, Hagiophila, dies molestissimus Seruatoris nostri: Viginti quatuor postremæ horæ continent Epitomen eorum omnium, quæ per annos triginta tres gessit Sæculis opus foret, ut perpenderentur singula, quæ paucis hinc horis acciderunt. In prius, virtutes omnes, quàm aliàs, illustriores apparere, Verùm duas potissimum attendo: Resignationem illius, & Patientiam; si aliæ etiam se insinuant, tuum erit illas æquè atque alias, quas tibi propono, imitari.

Visitatio Venerabilis Sacramenti, & præparatio ad meditandum.

I. MEDITATIO.

*De Resignatione Filij Dei tempore
Passionis.*

Oratio preparatoria consueta.

I. Preludium. Propone animo Seruatorem in Horto orantem, humi-

Q. 2.

pro-

prostratum, & dicentem : *Pater, si possibile est, transeat à me calix iste, verumtamen non mea voluntas, sed tua fiat.*

II. *Prelud.* Pete gratiam à Deo vt benè intelligas, quanti momenti sit hæc Resignatio Seruatoris nostri, vt eam oblati occasionibus imitère.

I. *Punctum.* Maxima fuit hæc Filiij Dei in Patrem Resignatio : velle quidquid ille quoad Passiōē volebat. Primò quod patiendum illi erat, fuit tam atrox & insolens, vt S. Hieronymus asserat, nemini hætenus innotuisse omnia, quæ ille tolerauit; dolores illius fuisse ineffabiles, neque magnitudinem illorum, ab vllò homine in hac vita, concipi posse. Omnia prauidebat, & capiebat Seruator, & nihilominus se resignat. Secundò, obtulèrat se Deo Patri, vt pro nobis etiam summo iustitiæ rigore faceret satis; ah! si ob vnicum peccatum mortale, tantæ tormenta homo sustinet in inferno, & ob veniale in purgatorio : quid apprehendisse Iesum censes, qui extremum jus luere debebat tot millenorum & mille-

millenorum millium peccatorum? juxta naturæ appetitum eximi quidem voluisset, accommodat se tamen Patris voluntati: *Pater, si possibile est, transeat à me calix iste, veruntamen non sicut ego volo, sed sicut tu.* Tertiò, vltterius processit; plus passurus erat, quàm mererentur scelera mortalium; & passurus dolores adeò intolerabiles, vt nisi vita miraculo prorogata fuisset, moriendum illi fuerit solo malorum imminentium metu. Vnde meritò aiebat: *Tristis est anima mea vsque ad mortem.* Et reipsa, nisi diuina vis animam retinuisset, in isto sudore sanguineo, obrutus tristitia & tormentorum apprehensione, in ista flagellatione, & in ista spinea coronatione, viuere desisisset. Enimuerò formidabat tot, tamque enormia supplicia; sed animi resignatio in Dei Patris voluntatē, facit, vt ad omnia promptum se exhibeat. Vnico suspirio, vnica sanguinis guttulā satisfecisset omnibus, at paratissimus est ad extrema, si Patri placuerit. Quartò, videbat omnem ho-

minum perfidiam, omnia illorū scelera; inutiliter sanguinem suum profundi, tot dolores tantāq; tormenta subiri, sine vltimo fructu; hæc incredibili mœrore animum percellebant: nihilominus vult, si Pater velit. O amabilissime Redemptor! ecquando tandem me diuinis tuis voluntatibus accommodabo? quantumuis magnæ occurrant difficultates, & plurimum appetitus meus naturæque reluctetur?

II. Punctum. Resignatio Filij Dei fuit admirabilis in ijs omnibus, quæ Carnifices voluere, ad torquendum sacrosanctum illius corpus. Huius dicti veritatem collige ex eo, quod *Pilatus tradidit eum voluntati eorum*; hinc, permisit caput sibi septuaginta crudelissimarum, spinarum aculeis configi, hinc suis humeris assumpsit pondus Crucis intolerabilis; vellent plura peioraque Carnifices, vellet etiam Iesus. O amabilis Redemptor! modò agnoscant homines se diligere à te, & maximè tibi cordi esse, salutem illorum æternam! paratus es ad
omnia

omnia, quæ volent hostes tui, ah! cur non simili affectu excipio contradictiones hominum, easque, propter amorem tuum, gratas habeo?

III. *Punctum.* Resignatio Filij Dei cō vsque processit, vt paratus fuerit etiam omnia, quæ à dæmonibus inferrentur, sustinere. Ab his, teste Chrysostomo, possessi fuere barbari illi milites, qui eum flagellârunt. Perpende hanc laniationem; ista sex, & amplius millia, ictuum; illam flagellorum mutationem; iterationem Carnificum cū pulsando fatigarentur; nihil aliud ista sunt, quàm furia militum obsessorum, & dæmonum, qui hos satellites ad tantam crudelitatem stimulabant. Et optimus Iesus ad hæc erat promptissimus, quin & ad peiora, si inferre voluissent. Quid accidere mihi, post hoc exemplum, potest, ad quod non debeam esse Resignatus?

Colloquium ad Salvatorem, cū protestatione: nihil aliud imposterum volendi, quàm quod ipse vult & permit-

ait, vndecumque id eueniat; cum plena
detestatione & abnegatione nostrę pro-
pria voluntatis, cum illa laxet habenas
cupiditatibus omnibus, & præcipua mi-
seriarum nostrarum sit origo. Pater.
Aue.

Recollectio: Elige diurnam tesseram, Pla-
cebit hæc, cum sit magni illius Episcopi
Genetensis: *Vivat Iesus qui per mortem, mon-
strat amorem nobis fortem, Velea S. Ieremia:
aut pati, aut mori.*

Sequitur Officium, aut alia Precatio voca-
lis. Tum Sacrum. Deinde Lectio.

DISSERTATIO MATUTINA.

De Mortificatione.

DVrum vocabulum est, Hagiophila,
quod vestibulo huius dissertationis
præfigo. Aut nullo, aut admodum in-
exiguo amore est Mortificatio. Plures
eam nolunt experiri, & magni beneficij
loco acciperent, si nullus vnquam de ea
sermo apud illos institueretur. Aegri
sunt, qui cuperent sanitatem, sed reme-
dia sine quibus ea recuperari non po-
test,

rest, oderunt. Lauderur Deus, quòd non sis ex eorum numero. Tuum illud sanctimoniz, & perfectionis desiderium satis testatur, te Mortificationem diligere, tibi que placere, vt quid de hac sentiam, liberè profitear. Operam verò lauderem, si tibi eam proponerem, veluti omnibus mortalibus, cuiuscunque sint conditionis, necessariā; jam pridem est, quòd scias hominem peccato esse deprauatum: debilitatūque, cui cupiditates & caro continuum bellum moueant, rebellētque aduersus ipiritum, ac proinde necessarium illi esse, vt se mortificet, & mortificationis fræno subigat rebelles illos appetitus, rationis que imperio substernat, vt idcirco dixerit Iob, vitam hominis super terram, esse militiam, quā seponi arma non possunt. sed semper ad manum esse debent. Nihilò magis ignoras, quòd ij, qui peculiare perfectionis studium profitentur, vti tu, debeant se huic exercitio impendere, cum ad insignem aliquem virtutis gradum peruenire non possint, nisi singu-

lari curâ, eâq; assidua oppugnent appetitus naturales, sêque abnegent; vim perpetuam inferentes naturæ suæ, & continuo in sensum custodiam excubantes; unde meritò sancti Patres statum Religiosum, verum Martyrium appellitarunt. Scis omnia, & plura, quàm ego suggerere tibi possem, de Mortificationis necessitate comprehendis, si intelligis dictum istud Seruatoris: *Regnum caelorum vim patitur, & violenti rapiunt illud.* Plus hic vno verbo insinuat, quàm contineant libri omnes, qui de mortificatione loquuntur. Et cùm iam dudum ista didiceris puto maiorem me gratiam apud te initutum, & vnâ lucrum temporis facturum, si potius tibi declarem conditiones, veræ & vtilis mortificationis, quàm si ijs immorer, quæ iam antè cognita perspectaque sunt.

Incipiamus ab ea, quæ, meo iudicio, est omnium pulcherrima: pulcherrimam autem censeo, quæ vniuersalis est, & vbique reperitur; S. Ignatius eam continuam vocat: *Continuam in rebus omnibus*

bus mortificationem. Oportet igitur, vt sit in corpore. resecando amorem illum, quo in id, eiusque commoditates ferimur, & cuius defectu, Hosius Cordubensis Episcopus, ex mente S. Hilarij, se perdidit: *Quod sepulchri sui nimium amans fuerit*, id est, nimis corpus suum coluerit: totque, cum illo, alij æternum periēre, quòd carnem suam luxu eduliorum & vestium, alijsque sensuum, delitijs & voluptatibus nimium indulgenter habuerint, cū obsequi D. Paulo debuissent, dicenti: *α Semper mortificationem Iesu in corpore nostro circumferentes, vt & vita Iesu manifestetur in corporibus nostris.* Quod ideo non adfero, vt ingentes quasdam austeritates & insolitas pœnitentias suscipias, vt imiteris B. Eleonoram de Vanegas Religiosam Tertij Ordinis S. Dominici. cuius victus ordinarius, pane & aqua constabat, & lauticiarum loco, coctis herbis; quæ nudis, hyeme, pedibus ambulabat, quæ humi cubabat, aut in aslere, saxo

Q 6

cer-

a 2. Cor. 4.

cervicalis vicem subeunte; cui cilicium
diu noctuque humeris affixum (scalprū
illuderat ex ferro, quod ita carnem pe-
netrabat, vt à morte auelli non potue-
rit, quin simul corporis partes abstra-
herentur) quæ modico somno uteba-
tur, vt largius orationi vacaret; cui fre-
quens per septimanam flagellatio, &
plerumque cruenta, vt omittam eas,
quas in honorem Patronorum. & alio-
rum Sanctorum celebrium, adhibebat.
Non ago, vt tali ratione tractes corpus
tuum, auertat Deus: ne quidem vt facias,
quod B. Maria de S. Spiritu eiusdem Or-
dinis, quæ corpus suum triginta qua-
tuor diuersis locis candelula adurebat,
vt Christum patientem imitaretur, &
solatium aliquod purgantibus animabus
adferret; neque vt vürpes cilicium in-
solitæ asperitatis, aut supponas crinibus
inlignem spinarum numerum, vti fecit
B. Maria de Purificatione, itidem eius-
Ordinis, inuento ad maximos crucia-
tus idoneo. Non conor talia tibi tor-
menta persuadere, quando te ad corpo-
ris

ris mortificationem inuito. Ad Spiritum Sanctum spectat ea suggerere: sufficit mihi, vt dicam, macerandum & mortificandum esse corpus, cum prudentia & moderatione; non concedendo illi, quidquid postulat, & tantum poenae, & doloris illi infligendo, quantum ratio nobis dictabit, & ij, qui nos regunt, permittent: Frustra enim existimamus obtineri cælum posse, nihil patiundo, & carni indulgendo quidquid appetit: *a Mortificate membra vestra, quæ sunt super terram.* Vt credamus nos delicijs deditos, nolentesque vt vel minimum corpori desit, quo eius cupiditatibus satisfiat, peruenturos ad culmen virtutis & perfectionis, nimia & insana fiducia est, fieri hoc nequit: *Sapientia non inuenitur, in terra suauiter viuendum.*

Mortificatio hæc, non tantum corpus, sed etiam spiritum afficere debet, vt rationi subijciatur: frænanda igitur voluntas est, deponendum iudicium proprium,

Q7

a Coloss. 2. 5.

prium, frangenda pertinacia, non standum suis sententijs, & opinionibus: omnes affectus iræ, odij, vindictæ, doloris, amoris, gaudij, inuidiæ, auaritiæ, ambitionis compescendi. Vbique esse, & dominari debet mortificatio, vbique sibi vim adhibere oportet, ne hostis humani generis aliquod de nobis lucrum referat, & vt generosis nostris certaminibus eam recuperemus innocentiam, quam vitio primi Parentis amisimus: Tali vñ mortificationem præstabimus vniuersalem, & maximè gloriosam. Sed vt clarius me explicem, vide quo fieri modo possit vniuersalis. A summo mane, à prima cogitatione. quæ euigilanti occurrit, vsque ad vltimam, cum somnus initur, mortificatio sit continua. Neque vlla prætereat actio aut opus, vbi affirmare non possim, me mortificationem quæsiuisse, saltem in aliqua circumstantia. Excitaris mane vt surgas nullo consilio cum cervicali inito, proripe te statim & te mortifica. Prima diei mortificatio est, has Deo primitias offer.

offer. At non edormiui, non satis quieui, adhuc pauxillum, & sufficiet. Heus! surge, & admitte hanc mortificationem. quid? omniane corpori indulgebis? sed non succedet Oratio, noui me, & frequenti experientia didici, toties me fructum nullum ex Meditationibus retulisse, quoties plenè non edormiueram. Heus! proripe te, & magno animo te mortifica, plus meriti hæc mortificatio adferet, quàm vnius horæ Oratio. Surgam equidem, sed commodè, seu vt frigus declinem, seu vt conuenientius me lauem, seu vt inter vestiendum aliquas preces persoluam. Heus! promptè fac & diligenter, etiam in hoc te mortifica, & festina ad salutandum Venerabile Sacramentum, si in tuis ædibus est, vt ceteros eo salutationis officio anteuertas. Quid dicet aliàs angelus tuus tutelar, qui studiosè attendit an Deus dei primitias a te sit obtenturus? quid dicet, vbi viderit corpus tuum praualescere, & hostem de tua defidia, & immortificatione latari? Ain' for-

fortasse, tantilla ab Angelo non curari? imò verò, maiore eum solatio afficere non posses: ab hac prima mortificatione de totius diei euentu bene ominatur. Nimis quàm certum est, hanc viam & sanctam surgendi promptitudinem, illi esse acceptissimam. Plenæ sunt sanctorum historiæ, & fidem faciunt, ipsos etiam Angelos Tutelares, non rarò Excitatorum officio functos, idque tamdiu gessisse, donec sancti illi minùs se in surgendo promptos exhibuerunt, tunc verò, quasi talem desidiam detestarentur, postridie non excitasse, aut quamdiu culpam illam clientes non expiasent: quod euident argumentum est, illos non parùm simili negligentia offendi. Instar omnium erit quod nostro æuo accidit: Deuota Anna Santonica è Sodalitate Vrsulinarum, eam gratiam à DEO obtinuerat, vt ab Angelo suo semper his verbis: *Anna, surge excita-* retur. Vix Angeli vocem audiebat, quin statim, & admirabili diligentia se proriperet è lectulo. Verùm euenit ali-

quan-

quando, ut paululum tergiuersaretur,
& sensim iterum indormiret, cum re-
dijt quidem Angelus, sed voce solito a-
cerbiore. *Domina*, inquit, *non placet sur-
gere?* suffecit ea monitio, ut illicò ob-
temperaret, culpamque agnoscens &
pœnitens statueret, in posterum non
tergiuersari.

Hagiophila, hanc mortificationem
tibi potissimum ad exemplum produxi,
quod ignorem, quas alias huius exer-
cendæ occasiones habeas, & certus sim,
hanc tibi non defuturam. De cætero
per diem continuò mortificationi in-
tenta sis, neque tibi parcas. Dum egre-
deris in publicum, oculorum cohibe
curiositatem, ne aspice, quod desidera-
re non licet, visum depressum & mode-
stum gere: Magdalenâ Redonia tertij
Ordinis Dominici Professa, quæ pau-
cis ab hinc annis sanctimonia Tolosæ
claruit, per urbem incedens nihil præter
filices & lutum intuebatur, & qua mo-
lestius iter erat, gradiebatur. Dum ver-
saris inter homines, in eorum faciem ne
obtu-

obtutum defigas, seu reuerentiæ, seu modestiæ gratiâ. Vidit aliquando S. Mechthildis, dum festo S. Ioannis Evangelistæ sacris interest, B. Virginem, & hunc S. Apostolū, illustrem radio splendoris admirabili, qui ex oculis emicans in faciem Deiparæ dirigebatur, dumque hæret isto prodigio attonita, audit à Ioanne: illum, dum inter mortales viveret, ea fuisse erga Virginem Matrem reuerentia, vt defigere in illam oculos nunquam fuerit ausus. Saltem eorum vultum, qui sexu differunt, ne aspice, & ea sit aliquando tuæ mortificationis materia. B. Aloysius Gonzaga in vultum fæminarum nunquam intuebatur, ne Imperatricis quidem, etsi aulicis officijs ei deseruiret. S. Clara de Montefalco, hac etiam in re studebat mortificationi, & oculos à viri facie abstinabat. Offert se aliqua curiositatis occasio? adhibe mortificationem. S. Carolus Borromæus nunquam per vllam fenestram prospiciebat. Pia Magdalena Redonia cuius etiâ antè memini, quando ad

do ad illam filij litteræ deferebantur, ad
tres quatuorue dies tenebat obsignatas,
tum vt curiositatem suam frangeret, tum
vt teneritudinem affectus materni com-
pesceret. Id subinde imitari, cum à cha-
ris epistolas accipimus, foret mortifi-
catio Deo acceptissima. Tempestas fri-
gida est? ampla mortificationi seges of-
fertur, si toties ad ignem non accedi-
mus, quoties cupiditas eò nos rapit. B.
Ioanna de S. Catharina, Religiosa Or-
dinis S. Dominici penè igni per hye-
mem irascebatur, quòd carnis suæ de-
litijs, tam esset accommodus; vnde in
asperrimis frigoribus, tot præceptis adi-
gi ad focum debebat, quot adhibenda
sunt, vt delicatulus quilibet, & otio-
sus inde auellatur. Aliquis te verbo, re-
pulsâ, contemptu, aut alia ratione of-
fendit: Optimè, iam præclara adest te
mortificandi occasio si taces, si non que-
reris, si pro eo deprecaris qui iniuriâ te
affecit. Soror Maria de Ascensione, Re-
ligiosa Hispali, in Monasterio B. Virgi-
nis de Gratia, si molesto aut aculeato
aliquo

aliquo dicto perstringeretur, illicò se-
 proripiebat ad SS. Eucharistiam, gra-
 tias actura, & tum candidè, simplicita-
 teque admiranda dicebat: En, Domine
 mi, munus, quod ad te defero, vt acce-
 ptum sit precor, & ignosce sorori meæ,
 cui non cogitanti talia exciderunt. Ver-
 saris in periculo violandi silentij, aut
 Regulæ alicuius, aut præstandæ inuti-
 lis & otiosæ vrbauitatis? generoso re-
 cessu, & mortificatione declina. Me-
 moriæ proditum est, de Ioanna Celsia
 Atrebat Religiola, quod rarò ad lo-
 cum congressus, & colloquij adiret, ne-
 que vnquam, nisi de rebus omninò ne-
 cessarijs, loqueretur. Vnde ab alijs qui-
 busdam sororibus, maiori licentiæ de-
 ditis, soror syluestris appellata est, sed
 illa tali conuitio immobilis à sua con-
 suetudine non recessit, semper seria &
 accurata in omnibus, quæ illi mortifi-
 catio suggererat. Cibus fumis? etiam
 hic, in quo frangas appetitum tuum, re-
 peries, siue à qualitate ciborum, siue à
 quantitate. Nunquam sine aliqua vi-
 ctoria

storia recedendum est. Nolim tamen
 vt sollicitudinem Magdalena Redoniæ
 imiteris, quæ eo tempore, sic in omnes
 mortificationis occasiones intendebat,
 vt rogata aliquando à Confessario, quot
 victorias in vnus oui comestione, de-
 se reportasset; minimum octo recen-
 fuerit. Omitto cætera in quibus exer-
 ceri hæc virtus potest, ex his quæ at-
 tuli, faciliè de reliquis iudicabis. Gra-
 dum faciamus ab vniuersali mortifica-
 tione ad particularem, quæ est omnium
 maximè necessaria, intelligo illam, quæ
 est vitiorum nostrorum & affectionum.
 Quisque ab vna præcipuè passione di-
 uexatur: *Nemo sine defectu, nemo sine*
onere, inquit Thomas de Kempis. Et
 in ea mortificanda, & debellanda potis-
 simum studium collocari debet, isque
 dies perijssè existimandus est, quo nihil
 aduersus hunc gestum, nulla victoria
 relata est. Vnde vtilissimum est, non so-
 lum manè, statuere quoties oppugnare
 illam velis, verùm etiam præuidere hu-
 ius pugnæ occasiones, vt animus ma-
 iori

iōri generositate præparetur. Nimis
 prolixus forem si vellem pluribus mor-
 tificationis huius momentum tibi com-
 mendare, sufficiet, si vniuersè de hac, &
 quauis alia affirmem tantum te habi-
 turam virtutis, quantum mortificatio-
 nis, nec hilo amplius: & deinde in calo-
 tantum te gloriæ adepturam, quantum
 retuleris de appetitibus, de affectibus
 tuis victoriarum.

Si non sufficiant hæc, lege prima quinque
 capita Tract. 7. quæ de Passione Christi
 sunt, in secunda parte Rodericij. Aut
 cap. 12. l. 2. de Imitatione. Post lectio-
 nem renoua deuotiones tuas, erga pas-
 sionem seruatoris, Plures in *sancto fauore*,
 à me conscripto, reperientur. Lectio 45.
 Deuotionis seruire poterit, pro præpa-
 ratione Meditationis sequentis.

II. MEDITATIO.

*De Amore Filij Dei erga proximum
 tempore Passionis.*

Oratio præparatoria solita.

IP *Reiudum.* Propone tibi seruatorem:
 Discipulis iuis dicentem: *Baptismo
 habeo*

habeo baptizari, & quomodo coarctor, donec perficiam! Baptismus hic sanguinis est, quem in Passione sua pro nobis effundere desiderabat.

II. *Pralud.* Pete gratiam pernoscendi istum Amoris excessum, quem Dei Filius, postremis vitæ suæ horis, erga homines testatus est, quasi per triginta tres annos non satis eum declarasset.

I. *Punctum.* Nullo certius indicio proditur Amor, quàm si Amans pati desideret, pro Amato. Votum hoc fuit maximum seruatoris nostri, vnde nulla loca declinabat, quibus præuidebat, se aliquid passurum. Ita adiit Hortum Oliuarum, vbi capiendus erat; ita rogare noluit Patrem, vt ad tutelam suam mitteret Legiones Angelorum; ita facultatem se inuadendi dedit militibus, quos verbo in terram prostrauerat; ita nullum apud Herodem miraculum pertrahit, ne liberaretur. Denique ex vi huius desiderij, (ruci affixus se sitire, dixit: *Sitio.* Verè quidem istud de Siti corporali, multò tamen magis significabat

cabat sitim spirituales animarum: nostrarum, & salutis hominum. Et verosimile est, post singula tormenta dixisse illum: Sitio pati hæc & ampliùs, tum ex amore, quo erga Patrem feror, tum ex vehementi desiderio saluandi generis humanum. O quis mihi det tale desiderium, tantam sitim patiendi pro IESU in signum affectus mei, & satisfactionem meorum delictorum! ah quid est quod desidero, si non desidero pro IESU, quod IESVS tantopere desiderauit pro me!!

II. *Punctum.* Eò illum abripit Amor, erga homines ardentissimus, vt desiderauerit pati omne genus tolerandorum, omni loco, & omni tempore; etiam vsque ad mundi finem, si ita DEO Patri visum fuisset. Atque huc referri possunt verba illa: DEVS, DEVS meus, quare me dereliquisti? Tibi placet, vt Clemens Ancyranus longum pluriū annorum Martyrium subeat, vt in craticula torreatur Laurentius; vt Bartholomæo cutis detrahatur; lapidibus obruatur

ruatur Stephanus; totque alij crudelissimis diuturnisque cruciatibus torqueantur, imò vsque ad finem mundi, erit continuus ordo patientium; cur mihi istam gratiam non facis, ô Pater, vt eorum loco solus omnia singulorum tormenta sustineam, ad diem illum extremum? abnuis hoc, Pater, & sic me derelinquis: me vnicum & dilectum Filium tuum? Mundi rerumque terrenarum amatores, cedite mihi amorem, tam insatiabilem, vt nunquam saturari possit patiendo pro eo, qui tanta pro me pati voluit, & vobis cedam delicias omnes, omnes quas, vel voto, offerre mihi possitis.

III. *Punctum.* Tantus fuit illius in proximum Amor, vt affixus Cruci orauerit, pro inimicis suis: *Pater ignosce illis, non enim sciunt, quid faciunt.* Quò progredi vlteriùs Amor potest, quàm vt oretur pro ijs, qui maleficio nos impetunt, qui nobis iniuria summa, ignominiaque, crudelitatibus inauditis, & diabolicis vitam eripiunt, & deinde, o-

R . . . prima

ptima qua fieri potest ratione, excusentur? fecit id Dei filius. Expende quàm foret actus ille generosus, si condonaremus culpam. non vni, aut alteri, qui in nos deliquisset, sed pluribus, maxime, si foret in potestate nostra, eos punire, aut vindicare; si conditione dignitateque excelleremus? Seruator eximius fuit in his omnibus, & in testificatione amoris sui incomparabilis. Quando tam beneuolè exceptit Iudam proditorem suum; appellando Amicum: *Amice ad quid venisti?* quando ignouit Latroni peccata & iniurias, quibus illum petierat, Paradisum promittendo, & alijs quibusdam occasionibus satis declarauit benignam animi sui in hostes propensionem. O Deus bonitatis infinitæ! concede mihi gratiam. vt ignoscam hostibus meis, eos beneuolo animo excipiam; illos amem. Quod si à me hætenus neglectum est, ignosce. O Deus misericordiarum, neque enim sciui, quid facerem.

Colloquium ad Patrem æternum, vt
me

me habeat in numero eorum, pro quibus Filius ipsius orauit, deinde ad Filium gratias agendo, quod pro me Patrem orare dignatus sit. Pater, & Aue.

Recollectio. Visitatio Venerabilis Sacramenti. Examen Conscientiæ. Prandium. Recreatio. Tempus scriptiōis, quod si alia desit materia, impendēs notandis eorum nominibus, qui singulari aliqua iniuria te nonnunquam affecerunt, aut quos à te scis auersos & alienos, ut subinde, maximè diebus Veneris, pro eis ores nominatim, eaque ratione ostendas te ijs ignoscere propter illum, qui Crucifixoribus suis ignouit.

Sequitur hora lectionis.

DISSERTATIO POME-

R I D I A N A.

De Lingua.

Admirabilis Prudentij Poëtæ genius est, dum verba faciens de generosa Machabæorum Matre, metuente ne timor cruciatuum ignauam aliquam e filijs vocem exprimeret, simul atque priori lingua est exacta, introducitur

eam præclare exclamantem : *satis : iam
 parta nobis gloria est.* Post amissam lin-
 guam optimum successum, & gloriam
 licet ominari.

*Linguam Tyrannus amputari iusserat
 Vni ex Ephebis ; Mater aiebat : satis ,
 iam parta nobis gloria est.*

Videbat illum exemptum periculo fidei
 abnegandæ, neque posse quidquam lin-
 guâ profiteri, quod illi aduersaretur ;
 vnde magnis incedebat lætitijs, & ma-
 lebat elinguem filium habere, quàm
 eius periculosi membri damnis vitijs-
 que expositum. Vnicum verbum im-
 pertinens, vnicus liugux lapsus corrup-
 pere potest omnia. Lingua gladius est,
 sed furiosissimus, sed periculosissimus,
 sed quouis ense acutior. *Multi cecide-
 runt in ore gladij, sed non sic, quasi, qui in-
 terierunt per linguam suam.* Plures vna
 occidit, quàm omnes totius orbis aci-
 naces. Quid à me expectas, Hagiophi-
 la, post hanc amputatæ linguæ felicita-
 tem ? fortè vt dicam ad evitanda innu-
 mera mala, & ad gloriosè viuendum,

moriendumque, carere linguā oportere? Deus auertat illam à me mentem, & intentionem. An potius vt te moneam, si viuere sanctè, religiōse, & in securā perfectionis semitā cupias, necessarium omninò esse, vt saepe te geras quasi elinguem, & cui lingua exsecta sit? qui id profectò faceret, euidenter haberet suæ salutis argumentum, & cum illustri illa Matre dicere posset: *Satis, iam parata nobis gloria est.* Facile aduerteris, me illa hæctenus attulisse in dissertationibus meis, quæ ad spiritalem tuam profectum, maximè videbantur opportuna, verum tibi persuadeas, velim, tanti esse momenti illud, quod modò de lingua dicturus sum, vt de commodo, & vtilitate nulli alteri materia concedat.

Plurima de lingua proferri in medium possent, sed quis modus tantillo otio, quod mihi tecum conceditur, cuncta pertexendi? quare sufficiet, si tibi commendem, vt malè de nullo loquaris, acque per modum querelæ, aut mur-

murationis, neque per calumniam, aut iniuriam. Atque hac in re potissima cura adhibenda est, vt sine lingua esse videamur. Vt verò mentem meam melius assequaris, duo notanda præmitto, quæ circa huius rei defectum in Communitatibus animaduerti. Multorum annorum vsus & experientia, magnus & sciens Magister est, qui sæpe plura nos docet, quàm scire desideraremus. Animaduerti igitur nonnullos ad fucorum, & Apum naturam proximè accedere, dum mordent, & linguæ spiculo eos configunt, qui volunt auferre mel, illumque dulcem liquorem sugere virtutis, tantoperè Deo, & Angelis acceptæ. Ita nimirum aliqui tam malè à natura compositi sunt, vt nihil illis sit familiarius, quàm pungere, vexare, & conuitijs prosequi eos, qui virtutum exercitio, & regularum obseruationi studiosè se dedunt, quique nihil aliud quærunt, quàm mel deuotionis, & sanctitatis. Illi homines tantis aculeis bonos illos Patres & Fratres, bonas illas

Ma-

Matres & Sorores impetunt, vt res sit commiseratione dignissima. Si quis in rebus suis peragendis exactus accuratusque sit, dicent esse scrupulosum; si paupertatis sit amans, de animi abiectione & tenacitate criminabuntur; si promptum & obedientem se præstet, aient esse simplicem atque seruilem; sibi ingenium esse liberalius, non ad seruitutem natum; & quisquis Ouem se fecerit, eundem facile à Lupo deuorari. Adeo quidquid agant ij, qui virtutum studio incumbunt (quia tacite per bonam vitæ suæ rationem, mores aliorum tepidos, & liberiores reprehendunt) alij continuo obtrectant, improbant & in peiorem partem interpretantur, donec veluti in rabiem acti pessima quæque, seu clam, seu palam, indicto bello. mouentur, & inuoluant vesparum instar. venatarum, aut tanquam spinæ igni iniectæ perstrepunt, insolentibus & detractorijs verbis; quemadmodum olim à nonnullis aduersus probum Dauidem factitatum est: *Circumdederunt me sicut*

Apes, & exarserunt sicut ignis in spinis.

Alterum quod notavi est, plures reperiiri Absolonis imitatores, qui malè volunt Dauidi & ijs omnibus, qui cum illo consentiunt, illique adhærent; aut qui saltem continuò ijs obtrectant. Fumesti & ingrati Absolones! qui amare nequeunt, neque benè loqui de suis superioribus; quique molestè ferunt, aliorum cum illis consensionem; vnde in Patrem & filios, sexcenta pessimæ linguæ spicula intorquent; invidia & æmulatione rumpuntur, & consumuntur, ita vt nullum leuamen, nisi à maledictis, in insontes vibratis haurire possè videantur. Reperies inter rebelles illos & occultos parricidas, qui planè dicere audebunt: Ne tali fidas, benè illi cum superiore conuenit; ô si æque tibi atque mihi perspectus foret! non est, quod esse videtur, probè caue-ro, ne me illi adiungam. Infortunati Absolones quousque alieno sanguine, & dispendio famæ alienæ pascetis maledi-

leediam sitim vestram? ecquando tandem vestro sanguini, in persona Patris & fratrum vestrorum parcetis? aliquidne optari in domo Religiosa melius & sanctius potest, quàm amor & vnio membrorum cum capite, & filiorum cum Parente?

Ab his notis transitum faciamus ad iniurias, quas tales sibiipsis inferunt, & ad commendationem, quam facere tibi institui, ne vnquam de vllò, ne minimum quidem, malè loquaris. Iniuria, quam sibi faciunt, in eo consistit, quòd ista linguæ lubricitate se præcipitent in grauissimas animi angustias; incredibiles poenæ & cruciatus intolerandi ab illa maledicendi licentia promanant, maxime cum transit in consuetudinem, aut in grauius verba erumpit, quemadmodum procliue est in vsu familiari, & quotidiano. Vnde Sapientis præclara sententia est: *a Qui custodit linguam suam, custodit ab angustijs animam suam;* à prefura, à torturis, alij legunt. Prætereamus

R 5

cas

a Proverb. 2,

eas anxietates & angustias, quas subeunt hac occasione sæculares, siue in vita, siue in hora mortis; vti mihi illi accidit, qui maledicendi vitio deditus, cum parum à morte abesset, linguam protrusit palam intumescentem, sæpe iterans voce lamentabili: *a ista pessima lingua me dānavit*, quæ vltima fuerunt verba exspirantis. Tantum loquamur de angustijs, quæ accidere possunt hominibus Religiosis, si fortassis hac in re delinquant. Et inprimis, video angustiam esse maximam, versari in periculo Deum lethaleriter offendendi, & sollicitum esse, num id, quod diximus, lethale sit peccatum. Id maledicis vsuuenit; potestne animæ, quæ Deum amare debet, & cupit aliqua crux fingi acerbior, aut horribilior? posse autem facilius in hac materia committi peccatum mortale, quàm existimetur, certissimum est, neque puto id à te ignorari. Si verò dubitas, lege, quæ proponit Rodericius secundà parte, capite nono Tractatùs secundi, vix enim

ea

2 Ex Hist. Angl.

ea legeris, quin illicò erumpes in Sapientis verba, paulò ante tibi commendata: *Qui custodit linguam suam, custodit ab angustiis animam suam*: Quòd si post serium examen eius, quod de altero dixisti, iudices aut saltem putes esse mortale peccatum, ò quantæ tum animi angustiae, quanti cruciatus, præsertim si aliquo perfectionis studio teneris? nam consultum tunc est, vt non priùs lecto te credas, quàm confessione culpam expiaueris, petierisque veniam ab offenso, si fortè læsa grauiter charitas est, vti in industrijs suis monet P. Claudius Aquauia. At istis omnibus obnoxium se reddere, fieri putas sine tormento? quin aio, tormentum esse grauissimum, maxime quibusdam ingenijs gloriosis, quæ naturæ quâdam propensione à talibus humiliationibus eximi percuperent. Putas ergo non esse aureum Sapientis pronuntiatum: *Qui custodit linguam suam custodit ab angustiis animam suam*? quando verò instituenda erit confessio extraordinaria, quando exercitijs, renouationi,

& reddendæ conscientiæ rationi vacan-
 dum (quo tempore lumina sunt maio-
 ra, & velum, quod affectiones nostræ
 oculis prætexebant, deponitur) arbitra-
 re an poenæ futuræ sint leues, præsertim
 si notabiliter & sæpe peccatum est? age-
 tur de reparando honore læsorum, for-
 tasse plures existent, reparatio erit diffi-
 cilis, ignominiosa; in ipsa etiam confes-
 sione difficillimum erit se ritè explicare,
 distinguere, & benè manifestare; & vti-
 nam in hora mortis ob negligentiam,
 hac in parte admissam, nobis conscien-
 tia nostra & dæmon non exprobet eam
 loquendi libertatem, quòdque tam faci-
 le nostras de alijs opiniones protuleri-
 mus, & eo modo, quo loqui de nobis
 alios nollemus: reuerà quò diutius ani-
 mum aduerto, eò magis conspiro cum
 Sapiente: *Qui custodit linguam suam, cu-
 stodit ab angustijs animam suam*; ita vt fir-
 mum ratumq; mihi sit, (erit verò etiam
 omni sapere volenti) nunquam malè lo-
 qui de villo, nunquam, neque vllâ ratio-
 ne, Nec mihi dicas, Hagiophila, subinde
 tibi

tibi excidere parua quædam maledicentia verba, sed de quibus loqui operæ pretium non sit. Itane verò? audi Sapientem de similibus pronuntiantem: *a Verba susarronis quasi simplicia. & ipsa perveniunt ad intima ventris*, legit Caietanus, *& ipsa vulnera, & percussiones*. Modica illa verba, vt simplicia videantur, vulnera sunt. Si læsus inaudierit, abalienabitur, ij quibuscum communicas, minoris te facient; & tu, nisi cor habeas obdurtum, rancorem animi senties, perdēsque tranquillitatem, & gaudium internum ob violatam proximi charitatem. *Verba quasi simplicia, & ipsa vulnera, & ipsa perveniunt ad intima ventris*. Et vt illa deessent, exigit à te poenam Deus, aut per desolationes, aut comunium gratiarum subtractionem, aut permittendo, vt in aliorum quoque ore verferis, & de te vera falsæque disseminentur, aut alia aliqua ratione. Animæ etiam sanctissimæ, & cum Deo coniunctissimæ, si hoc vitio linguæ delinquant, poenam non

R 7

effu-

a *Prou. 26.*

effugiunt, iuxta peccatī qualitātē. Nar-
rant Annales Cisterciensium, quendam
Religiosum eo favore fuisse cælitus affe-
ctum, ob præclara virtutū & sanctimo-
niæ merita, vt quoties sacra synaxi refi-
ciebatur, toties illo, & tribus proximis
diebus ingentem quasi mellis dulcedi-
nem in lingua experiretur: Accidit por-
rò, vt verbū paulò aculeatiùs in aliquem
intorqueret, & ecce subito cessauit ille
solitus fauor, tantumq; abfuit, vt in pri-
ma sumptione sentiret pristinā dulcedi-
nem, vt etiam expertus sit magnā ama-
riciem in lingua, & in conscientia per-
turbationem, luctam rebellionemque,
quam dicti illius memoria excitabat.
Adeò consultum est, nunquam malè de
altero loqui, & existimare, quòd leuissi-
ma detractionis verba, graue nobis ad-
ferant detrimentum, disponantque, vt
adiuina manu vapulemus. *Verba simpli-*
cia. & ipsa vulnera & percussiones. Nun-
quam aliàs melius affecutus sum acu-
leos D. Bernardi in rem præsentem: a

Lenis

a *Serm. de tripl. custodiâ manui, cordis
& lingua.*

*Leuis sermo, quia leuiter volat, sed graui-
ter vulnerat; leuiter penetrat animam, sed
non leuiter exit; facile volat, atque ideo
facile violat charitatem; vilis res est mu-
sca moriens, sed exterminat oleum suau-
tatis. Aliquidne verius & ad persuaden-
dum efficacius dici potest? discamus igi-
tur continere linguam nostram, & de
alijs non loqui, nisi optimè. Imò neque
illa dicamus, quorum certam habemus
notitiam, si alterius honori derogare
possit. Audisti verbum aduersus proxi-
mum tuum, commemoratur in te, fidens, quo-
niam non te disrumpet, ait Sapiens. Sed
vulgata iam res est, & nota omnibus:
nihil refert, loquantur alij, non tu, vt
etiam in rebus magis periculosissimis silere
consuefcas. S. Ignatius, Patriarcha no-
ster, multa similia sciebat, non propa-
gabatur tamen ad alios, neque vllam de ijs
mentionem faciebat, tam erat illi cordi
nullius famam lædere. & de omnibus
honorificè loqui, ita vt quisque crede-
ret se optimam esse apud illum opinionem.
At illa, quæ de proximo dissero, iam an-
tiqua*

niqua sunt, & pridem acta, quid accidere inde incommodi potest, si illa in sermonibus ingeram? iam præterire omnia, longaque obliuione sepulta sunt: idcirco & tu sepulta non effodias, neque iterum proferas in lucem, & sermonem. Nobiscum satis negotij habebimus, si recolamus propria peccata, ut illa defleamus, & non aliorum, quæ ad nos non spectant, uti olim optimè dixit sanctus Hugo Gratianopolitanus. Et S. Iohannes Alexandrinus Patriarcha affirmavit: *Iniquum esse ab homine petulanter exponi, quod à Domino clementer condonatum est.* Breuiter, nullo vnquam modo alterius fama vellicari debet, ne illorum quidem, qui nobis ignoti sunt, etsi vulgato rumore traducantur. Neapolitanus Nobilis, honorificè de P. Rudolpho Aquaiua, cum Christi causa mortem oppetijisset, loqui non poterat, neque patiebatur, ut glorioso Martyris nomine compellaretur, Barbarorum crudelitas, aiebat, illi vitam eripuit eodem perfidiæ affectu, quo plures alios ob-

trun-

truncant, non in odium fidei nostræ: hic
honos illi debitus non est, habeant il-
lum Martyrem, qui volent, non ego.
Aduertendum autem est, huic homini
nunquam cognitum fuisse illum infi-
gnem Dei famulum; vnde accidit, vt
proximâ nocte, postquam sacros Marty-
rij honores summâ pertinaciâ illi dene-
gauerat, sese in somnis Pater visendum
præberet, rogarétque, vtrum se de facie
& reliquo corporis habitu nosset? eo ne-
gante: Cur ergo, inquit, de me loqueris?
ego sum Rudolphus ille, cui, iudicio tuo,
Martyri esse non licet, quid commisi ad-
uersùm te, vt potissimum gloriæ meæ
ornamentum mihi detrahas? postridie,
summo manè, Nobilis ad Patres nostros
accurrit, proditisque omnibus, quæ nô-
ctu acciderant, veniam honoris tanto
Christi Athletæ denegati, postulauit.

Scire cupis, quandônâ licitum sit
de malis proximi cognitis loqui? tum
scilicet cùm remedij gratia, & ex chari-
tate eadem illis manifestamus, ad quos
eorum cura pertinet, qui que corrigere
deh.

delictum possunt. Extra hunc casum, si
me audis, geres te velut elinguem erga
qualescumque proximi tui imperfectio-
nes, & ea sollicitè obseruabis, quæ modò
tibi commendavi, vt sis expers illarum,
quas maledici sibi accersunt, angustia-
rum. Et quod generatim à me prolatum
est, intelligi maximè debet de Superiori-
bus, illisque personis, quæ non guber-
nant, vt aduersus eas nullæ querelæ, nul-
læ obmurmurationes instituantur, car-
pendo gubernationem, aut agendi mo-
dum, *Custodite vos à murmuratione, &
à detractione parcite lingue.* Simul ac Iu-
dæi contra Moysem, Ducem & Guber-
natorem suum; murmurabant, illicò
Deus ab ijs poenam sumebat, alia scelera
negligere videbatur, sed hoc sine præ-
senti castigatione non præteribat, neque
id leuiter, sed ad plurima millia, sine villo
personarum respectu, ne earum qui-
dem, quæ sanguine erant cum dilecto
suo Moyse coniunctissimæ. Testis est
Maria illius soror, quam mox leprâ per-
cussit, cum fratris actionibus obtrectas-
set;

fet. & adhuc clementer cum illa actū est,
 quandoquidem plures alij idem vitium
 morte luerint. Nunquam Deus ijs par-
 cit, qui in Superiores & Præpositos in-
 surgunt, adeo vt contumeliam illam
 veluti sibi, non ijs, illatam vindicet. Ar-
 gumento est historia, quam S. Bernardus
 de maledica muliere posteris reliquit.
 Pessima hæc assueta quibusvis obtrecta-
 re, ausa est aliquando in publicā plurium
 coronā calumniari S. Malachiā, & præ-
 sentem iniurijs petere, caluum, hypo-
 critam, alijsque probrosis nominibus
 compellans. *At ille nihil respondit*, inquit
 S. Bernardus, *quia mitis erat, & verecun-*
dus. sed Dominus respondit pro eo, seruique
 sui causam ita complexus est, vt statim
 impudens mulier in amentiam incide-
 rit, pauloque post infami morte sit de-
 functa. *Dominus autem respondit pro eo*.
 Ausit subditus aliquis linguæ spiculo
 Superiorem suum configere: *Dominus*
respondet pro eo seriùs, aut ociùs poenā
 exposcet; eam libertatem vindicabit;
 culpa est, quam non relinquet impuni-
 tam.

tam. Et hinc discite, Hagiophila, quid ijs, qui tibi præsunt, debeas: sed siue Superior sit, siue alius, memineris nunquam malè de illo loqui, nunquam, etsi perpetuò esles victura. Atque istud Sapientis consilium est, quod bellarij loco tibi relinquo. *Vnusquisque proximum suum non angustiat in aeternum.*

Si hæc Lectio non sufficit, aut displicet, perge ea legere in Rodericio, quæ manè incœpisti, aut lege cap. 19. & 52. lib. 3. de Imitatione Christi.

Sequitur Examen virtutis Patientiæ, omninò hodie ad rem, quando de maxima Christi Patientia agitur.

EXAMEN CIRCA PATIENTIAM.

EN signa veræ & sublimis Patientiæ. Primò, *Silentio præterire, neque respondere, aut par pari referre, quando iniurijs afficimur, aut accusamur.* Secundò, *Omne indicium iracundiæ, & indignationis compefcere, ne erumpat.* Tertiò, *Molestias illas secum dirigere, neque queri, nisi amanter apud Deum, orationis tempore; neque*

neque ullo signo externo laesionem prodere.
 Quartò, Eadem animi vultusque constan-
 tia irrationes, despectus, calumnias, dolores,
 egritudines, omniàque malorum genera,
 quin & mortem ipsam tolerare. Quintò,
 Existimare se dignum & promeritū qua-
 vis mala, ob scelera vite antea acta, ideo-
 que omni solatio & quiete indignum, imò
 grauiora acerbioraque mereri, quàm pa-
 tiamur. Sextò, Pacem & latitiam inter-
 nam non dimittere, quidquid aduersi acci-
 dat. Septimò, In afflictionibus Deum lau-
 dare verbis S. Iob: Sit nomen Domini
 benedictum. Octauò, Vires ad toleran-
 dum à Deo postulare, cum ea fiducia, quod
 omnia possimus in eo, qui nos confortat:
 Domine, vim patior, responde pro me.
 Nonò, Maiores à Deo afflictiones petere,
 si sit ad illius gloriam, & salutem nostram,
 sed unà, ut robur & patientiam necessa-
 riam subministret, exemplo Pij V. Domi-
 ne, auge dolorem, sed auge patientiam,
 Decimò, Suaniter & sereno vultu ijs re-
 spondere, qui te ladunt, si modò necessaria,
 aut utilis sit responsio. Undecimò, Amare

&

*Officia charitatis exhibere offendenti-
bus, reddendo bonū pro malo. Duodecimō,
Orare peculiariter pro illis, qui nos affli-
gunt, aut animo sunt à nobis alieniore.*

Adett tempus Officij, aut alicuius Preca-
tionis vocalis. Deinde huius Consider-
ationis.

CONSIDERATIO.

L Vale ijs probrum, qui Christo
Crucem portanti ferre opem re-
culant. Hoc Crucis extremum non ad-
modum grauat, solæ occasiones sunt,
quas tibi offert, vt pro illo patiaris. Si id
exigeret à te, vt manibus pedibûsque af-
figereris, vt sexies mille ictus flagello-
rum exciperes, aliquid foret atq̃uenti,
quo te difficilem præberes; tantoperè
verò tergiuersari, ob extremum Crucis,
& propter tantilla, quæ nobis in compa-
rationem eorum, quæ ille sustinuit, to-
leranda occurrunt, nescio sanè quid ex-
cusationis prætexere aliquando poterim-
us, vbi eam ille ignauiam meritò no-
bis exprobrauerit.

II. Ex mente D. Bernardi, multa bo-
na.

na agere, & multa mala pati. Christianum est. Vnde igitur ego, qui peculiari quâdam ratione virtutem, & nomen istud profiteor, mihi magnopere blandiar? ubi bona, quæ egi? ubi mala, quæ passus sum? ingens abusus est, credere multum præstari, cum nihil, aut quasi nihil, præstatur.

III. Miles ad patiendum se resolvit, id enim militiæ ratio postulat; Cuius, ut loci more vivat, oportet enim aptare se consuetudinibus patriæ, in qua degitur. Militia huius vitæ, sine tolerantia non est, & consuetudo civium Mundi est bona malâque sustinere. In cælo nil nisi bonum est; in inferno nil nisi malum: Tertia, quæ his interiacet, utriusque extremi particeps est. Injuriæne ergo à te exigitur, ut statuas vivere more aliorum? præsertim cum id lubenti animo faciens, & pro expiatione peccatorum tuorum, cælum quoque promerearis?

I.V. Nihil absque Dei voluntate contingit, quod modo displicet, placebit aliquando. Militiæ, quò plus molestiarum.

rum & vulnere subitur, eò plus gloria accedit; manus Chirurgi dum secat, ingrata est, at ubi vulnus curauit, eandem deosculamur; sartor corrumpere materiam videtur, dum in partes illam discindit, dum serico infligit vulnera, & tot incisiones, diceres rem perdi, sed paulisper expecta, & videbis vestem inde pulcherrimam prodire. Præstolare tu quoque tempus à Deo destinatum, & magnam ab omnibus afflictionibus tuis gloriam reportabis.

V. Quâ fronte quærimus huius vitæ voluptates, & delicias, postquam scimus, & seriò comprehendimus Iesum mortuum esse, & nostri causâ mortuum? S. Elisabetha Hungarica, auditâ mariti morte, quâ nihil funestius illi accidere potuisset, manus in cælum sustulit, erupitque in has voces; quandoquidem mihi frater, & dilectissimus amicus defunctus est, iam mihi mundus esse desijt nulle voluptates miseræ Elisabethæ reliquæ sunt! dicamus & nos: si Iesus mihi opamina est, & Pater, & Amicus, & Sponsus,

Sponsus, & vnicae deliciae cordis mei, &
 si ille pro me mortuus est, quid aliud
 possum, quàm seriò constantèrque
 mundo, & omnibus illius voluptatibus
 valedicere? vale igitur Munde, vale-
 te voluptates, valete creaturæ omnes
 quandoquidem Iesus meus mortuus est,
 & quidem amore mei mortuus est!

VI. Quisque cor suum vbi voluerit,
 defigat, ego meum ad pedes Crucifixi
 affigere volo, neque patiar inde anelli
 animum, & cogitationes meas. Er an-
 non iure meritissimo? cùm antequam
 essem, & quàm mereri possem, Iesus
 in monte Caluarie mei meminisse vo-
 luerit, tantæque attentione & amore di-
 uinissimam suam mentem mihi appli-
 cuit, quasi præter me nullus in rerum
 natura extitisset; pro quo pati, & san-
 guinis sui meritum accommodare de-
 buisset.

Hora quietis tum Officij seu Orationis
 vocalis Visitationis Venerab. Sacra-
 menti, & præparationis ad seq. Medi-
 tationem.

S III.

III. MEDITATIO.

De Patientia Filij Dei, tempore Passionis.

Oratio prapparatoria solita.

I. Præstudium. Propone animo Iobum in fimo suo sedentem, miraculum istud Patientiæ in ferendis contumelijs iniurijs, & doloribus atrocissimis.

II. Prælud. Pete à Deo, vt tibi clarè manifestet Patientiam Filij sui, cuius solum figura Iobus fuit.

I. Punctum. Considera Patientiam Iesu in sufferendis contumelijs. Prima, abnegari à Petro, 2. à Iuda prodi, 3. Vendi triginta argenteis, 4. à cæteris Apostolis deferri, 5. Cædi alapâ: 6. Postponi homicidæ & latroni Barrabæ 7. Sine causa damnari ad mortem, & mortem Crucis, nudum, & inter duos latrones medium. O Pater æterne, respice in faciem patientis Filij tui, & quandoquidē hasce contumelias tolerat propter peccatores, & me, qui illorū præcipuus sum, ignosce illis, & mihi in gratiam eorum, quæ pro nobis Filius tuus sustinuit.

II.

II. Punctum. Considera patientiam
 Filij Dei in tolerandis iniurijs, & calu-
 mnijs, quibus impetebatur. 1. Caiphas
 Pontifex illum publicè blasphemum no-
 minat, quòd se esse Filium Dei dixisset.
 2. Milites totâ eâ nocte, quâ apud Cai-
 phâ fuit, non omiserunt antiquas illi in-
 iurias recantare, vocando Samaritanū,
 Dæmoniacū, Voracem, Potatorem, Pu-
 blicanorum amicum, Seditiosum, Ma-
 gum, & his similia. 3. Quando fuit Cruci
 affixus, tota illa innumera & presentium
 hominum turba irridebat illum, & mille
 iniurijs proscindebat. Tibi gratias, ô dul-
 cissime Iesu, quòd patientiâ admirabili
 toleraueris abominandas hasce iniurias,
 & per eandē rogo te supplex, vt similem
 mihi, dñi occasio exiget, largiri digneris,
 quin etiam ignoscas sceleribus meis, quæ
 causa fuerunt omnium istarum iniuriarū.

III. Punctum. Considera Patientiam
 Filij Dei in suis doloribus, & tormentis.
 Primò, quando spuebatur in faciem il-
 lius. 2. Quando atrociter velabantur
 oculi. 3. Quando genæ alapis cæde-

bantur 4. Quando barba & capilli enel-
lebantur. 5. Quando pugnis calcibus-
que impetebatur. 6. Quando flagella-
batur sexies mille verberibus. 7. Quan-
do coronabatur spinis. 8. Quando Cru-
cem suam gestabat. 9. Quando Cruci
affixus fuit. 10. Quando illic tribus ho-
ris viuis pependit. Admiratio. Detesta-
tio impatientiæ nostræ, & Confusio,
quòd in ferendis exiguis doloribus tam
sim delicatus, & tener.

Colloquium ad Angelos huius tantæ
Patientiæ spectatores, vt aliquem dolo-
ris sui & commiserationis sensum no-
biscum communicent. Deinde ad ani-
mam nostram, vt se resoluat ad tria illa
malorum genera generoso animo cum
Iesv toleranda.

Recollectio. Lectio Thomæ de Kempis:
Rosarium. Visitatio Venerab. Sacra-
menti. Cœna. Recreatio. Litanie San-
ctorum. Visitatio Venerab. Sacramenti.
Præparatio crastinæ Meditationis. Exa-
men conscientie. Quies, ad quam te
componens digito exprime in fronte
nomen Iesu. Iuuat subinde facere, quod
Dei seruis est in vsu.

OCTA-

OCTAVVS DIES.

De Amore, quem Deo debemus.

Q Vandoquidem, Hagiophila, iam, anima tua, vti oportuit, à morbis suis spiritualibus purgata sit, ac deinde diuinis luminibus, quæ ex vita virtutibusque Saluatoris emicant, illustrata, d vnicum dceſt, vt te Deo vnias, quòd hoc duobusque ſequentibus diebus, modò in dies decem ſolitudinem tuam pro-
rahas, cum eiufdem gratia factura es. Vt verò facias feliciffimè, nihil, meo iudicio, aptius eſt Amore diuino. Con-
formatione ſuæ voluntatis cum Dei beneplacito, & deuotione erga Auguſtiſſimum Sacramentum. Per iſta te deducam ad vitam vnitiuam, initio ab Amore factò.

Viſitatio Venerabilis Sacramenti, & præ-
paratio ad meditandum.

✠(o)✠

S 3

I.ME.

I. MEDITATIO.

De Motiuis ad amandum Deum.

Oratio præparatoria consueta.

I. Præludium. Imaginare Parentem, aliquem, qui omnia media adhibet, vt affectum Filij sui sibi deuinciat; rogat illum, blanditur, beneficijs obligat, hæreditatem adpromittit, nihil denique negligit, vt ametur. An non naturam omnem exuisset Filius, si tam benignum Patrem non amaret?

II. Prælud. Pete à Deo gratiam, vt benè agnoscas excessum Amoris illius, quo erga te vsus est, vt iste erga filium suum Parens.

I. Punctum. Deus excepto, quòd violentiam nullam adhibuerit libero arbitrio, fecit, quidquid potuit, vt ab homine amaretur; omnia, vt hoc assequeretur, tentauit. Primò, creatum è nihilo conseruat, & momentis omnibus prorogat illi vitam, quod perinde est, atque si noua continuò creatione illum restauraret, sine quâ in nihilum suum re-

for-

forberetur. Et quò hæc, nisi vt oñem sit illum amandi : neque tantum conseruat, sed conseruat cum sollicitudine & amore, veluti pupillam oculi sui, velut oculos suos : Qui vos tangit, tangit pupillam oculi mei : imò huic officio impendit Angelos, Aulæ suæ Principis, nostrum vilissimus habet aliquem ex ijs Principibus continuò sibi assistentem, & aduigilantem noctu diuque, per triginta, per sexaginta annos, quamdiu vita prorogatur. Secundò, homini præcipit, vt amet, præceptumque illud minis mortis, & mortis æternæ stabilit, adeò vt omnis generis mala indicat, si non amet. Tertiò, illum rogat, & cor illius postulat, nimirum ad amorem : *Fili, præbe mihi cor tuum* ; & asseuerat isthuc esse delicias suas : *Delicia mea esse cum filiis hominum*. Quartò, innumeris illum beneficijs sollicitat ad Amorem suum ; istis tot recreationibus, tot pulcherri- mis obiectis, istâ corporis valetudine, istâ Amicorum turbâ, & post hæc, præparatione gloriæ interminabilis ; modò

tantum ametur. Anima mea, non ista
fatis potentia sunt incitamenta, vt te
dones tam amanti Deo, vtque deferas
omnem amorem earum creaturarum,
quæ te abstrahere possent ab hoc vnice
amabili? si non sum rupes durissima,
quin te deinceps amem, ô omnium ama-
bilitum amabilissime! Protestatio. Fer-
uor. Confusio quod tam serò.

II. *Punctum.* Magna mihi Deus pe-
culiariter contulit, vt me ad amorem
suum pelliceret. *Fecit mihi magna, qui
potens est.* Primò, voluit me esse familiæ
honestæ, & piæ. Ah, quid si ortum du-
xissem in Turcia, aut ex Parentibus im-
pijs, qui nullam educationis bonæ cu-
ram habuissent! Secundò, dedit mihi
corpus integerrimum, in quo anima
se idoneam experitur ad illum cogno-
scendum, & amandum; cùm tot alij na-
turæ infortunio priuentur eâ felicitate.
Tertiò, non sum extinctus in utero, aut
prius, ratione quàm vterer. Vitam mihi
& tempus quo illum amare possem, im-
pertijt; vbi tot alij prius interierunt,
quàm

quàm fungi possent istis officijs. Deus
omni amore dignissime, vellem te ama-
re mille millibus cordium, si tot habe-
rem ! quæ igitur foret impudentia, si
istud vnicum & miserum, quod habeo,
non totum integrumque impenderem,
& consecrarem amorì tuo ?

III. *Punctum.* Deus mihi demonstra-
uit singularia quædam Amoris & Bene-
uolentiæ argumenta, quæ non alijs; aut
in modo, aut in circumstantijs, aut in-
tuitu meorum meritorum. Quisque no-
uit, in quo peculiariter sit Deo obstri-
ctus. Tu tua nunc expende, anima mea;
ingentem numerum habes particula-
rium beneficiorum, vocationis, discrimi-
num superatorum, misericordiarum
post tam grauias & toties repetita deli-
cta, & aliorum innumerorum. O Deus
amoris ! non fallo me, si me fateor inter
omnes creaturas esse obligatissimum ad
amandum te. Dignus sum tot infernis,
quot stellæ in cælo micant, si non per-
mitto, vt totum cor meum tibi dedica-
tum sit, & vt nullius alterius rei amore
tangatur, quàm tui, aut propter te.

Colloquium ad tres Personas Augustissimæ Trinitatis, agendo singulatim gratias de beneficijs & fauoribus, quibus animam meam affecerunt, vt eam ad amandum inuitarent. Pater. Ave.

Recollectio. Diurnæ tertiæ electio, fortassis hæc prolixior videbitur:

*Felix diuinus est Amor, felix Amoris vulnus est,
Sed multum est felicius, qui semper illo lassus est.*

*Illa breuior ex Augustino desumpta:
Sed te amavi, pulchritudo tam antiqua, tam noua, sed te amavi. Aut alia eiusdem: Cælum
& terra clamat, Domine, vt amem te.*

Sequitur aliqua pars Officij, aut Oratio vocalis. Deinde Sacrum. Tum Lectio vel hæc, vel alia,

DISSERTATIO MATHTINA.

De cura rerum minimarum.

AMor diuinus, Hagiophila, quem exercere tantoperè desideras, non tantum magna molitur, sed etiam ad res minimas sese demittit. Quare in harum commendationem hodie mihi tecum, differendum est. Et imprimis affirmo, eas maiori æstimatione dignas esse, quam

passim putetur, siue illas intueamur, vt à Deo, à natura, & ab arte industriaque hominum procedunt; siue vt in se sunt, considerare. Quid minus est capillo? & tamen nullus omnino est, quem Deus in numero non habeat, & cuius non gerat curam peculiarem. Quid vilius Corui pullo, qui ouo exclusus deferitur à parentibus, & ingrata crocitate victus subsidium implorat? & nihilominus se Deus illi impendit, cibumque preparat: *qui dat escam pullis coruorum, inuocantibus eum.* Nunquam Deus de- dignatus est manum rebus etiam minimis applicare, imo in templo Salomonico, vsque ad ipsa emunctoria, prouidere voluit. Natura sui auctoris æmula, minùs non facit; & vt magnis præclarisque operibus producendis studio- sè incumbat, minima tamen in manibus nostris lineamenta ductusque non negligit. Ipse Plinius asserit illam magis in minutis istis reculis, & in muscis, cæterisque paruis animantibus formandis, quàm maioribus occupari: *Rerum*

~~natura~~ nunquam magis quàm in minimis
 nota est. Homines verò, qui naturam in-
 dustriâ suâ æmulantur, semper videmus
 maiorem operam minoribus, quàm
 magnis opificijs applicare. Horologio-
 pœus impensiore studio conabitur ho-
 rologium gemmæ annulari includere,
 quàm vasto aliquo adornare domum
 Ciuicam; & Pictor tanti facit modicum
 vimbæ ductum, quanti reliquam per-
 spicuum colorum inductionem. Mos
 iste omnium vsu sæculorum confirma-
 tus est, vt apud peritos arbitros res par-
 uæ magnarum pretia & æstimationem,
 aut vicerint, aut æquarint. Exigua res est
 bombyx, apis modica, & tamen meritò
 magni fiunt, cùm ille ad aularum ma-
 gnificentiam plurimùm conferat, &
 hæc conuiujs præbeat suauitatem, ce-
 ràque Dei viuientis aras illustret. Al-
 tius hæc perpendamus, & dicamus, res
 minutas, quæ in diuino obsequio & stu-
 dio perfectionis occurrunt, parui pen-
 dendas non esse, sed rerum maximarum,
 grauissimarumque loco habendas. exa-

cliam

etiam diligentiam, curamque industria-
rem ijs adhibendo, quasi ab illis tota
nostra felicitas dependeret. Via regia,
& moris diuini, & naturæ, & humanæ
industriæ in suis operibus, satis nos do-
cent, quâ ratione, ad eorum exemplum,
in virtutum exercitio, & profectu ani-
marum nostrarum, procedere nos oportet,
& in magno pretio habere res mi-
nimas, quandoquidē, quæ magnæ sunt,
ab his potissimum magnitudinem suam,
& præstantiam fortiantur. Nescio v-
trum satis me explicem, & an rectè as-
sequaris, quid velim nomine rerum mi-
nutarum, quas hoc loco tibi commen-
dare proposui, quarum aliquæ generosè
fugiendæ, aliæ ardentè complectendæ
sunt? Ad prius genus referuntur. Pri-
mò, Paruæ & veluti nascentes tentatio-
nes, quæ procedunt ab aliquo vanita-
tis obiecto, ab aspectu formæ alicuius, à
curiositate lectionis minùs pudicæ, &
alijs similibus, quæ paulatim appetitum
ad vltiora proritant. Secundo, Leuia
pericula & occasiones Deum offendendi,

di, eîusmodi sunt : alloqui sine necessitate personam sexûs differentis ; ingredi, si in Religioso statu es, in cubiculum alterius sine facultate, vnde verba inutilia & silentij violatio consequuntur ; Otio indulgere, ex quo periculum cogitationum immundarum, & sic de cæteris. Tertiò, Modicæ affectiones aut amoris (statim amando, quidquid gratum videtur, & sensibus nostris arridet) aut iracundiæ aduersùs aëris anniquetèpestates, aduersùs homines ; aut impatientiæ, contra calamum malè aptatum, contra scalpellum hebetius ; aut inuidiæ, aut affectus alterius. Quartò, Exigua peccata venialia, in paruis mendacijs, in verbis otiosis, in vanis cogitationibus, atque alijs similibus defectibus. Quintò, Parui contemptus & leues transgressiones regularum, quibus nos subiecimus. Sextò, Minimæ imperfectiones, cuiuscumque conditionis eæ sint, vt, altiùs vocem attollere inter loquendum, propiùs admouere faciem, & os illi, quem alloquimur, agrè obuio salu-

salutare, decentem vestium nitorem negligere, dentibus inter comedendum, stridere, inter bibendum circumferre, oculos, saluâ audientes conspergere, & sexcenta eius generis vitia, quæ omnia amolienda sunt, quantumuis exigua videantur.

Alterum genus rerum minutularum, quas negligere non oportet, imò, quæ magno animo prosequendæ sunt, est primò, paruæ sensuum mortificationes, quas S. Valerianus modicas victorias, & paruos triumphos appellat. Secundò, modicæ abnegationes nostræ voluntatis & proprii iudicii. Tertiò, paruæ excogitatæ industriæ ad frangendos appetitus nostros, benèque operandum. Quartò, faciles & leues poenitentia, quæ exordia quædam sunt, ad satisfaciendum peccatis nostris, & debita purgatorii dissoluenda. Quintò, observatio regularum etiam minimarum. Sextò, Exercitatio & praxis actuum cuiuscunque virtutis, quantumuis exigui sint. Atque hoc est, quod intelligo per res minu-

animas, quibus toto conatu incumbendum sit, siue ad illas declinandas, siue prosequendas, prout earum feret conditio. si quis plenè se Deo tradere cupiat, & magnos in virtute facere progressus. Et, vt mentem meam tibi declararem, existimo maiorem consistere sapientiam in cura rerum minimarum (quales mox proposui) quàm vulgò putetur. *a Quatuor sunt minima terra, & ipsa sunt sapientiora sapientibus*, inquit Sapiens. Nimirum formica, lepusculus, locusta & stellio etsi mole minima, sapientià tamen maximis antestant. An non licebit mihi tantundem affirmare de præclaris illis animabus, quæ in oculis suis exiguæ, dum paruarum rerum adminiculo ad perfectionem & profectum spiritalem nituntur, esse reipsa sapientiores ijs mundi sapientibus, qui parua dedignantur, neque manum admovent, nisi rebus magnis & speciosis? Quæ potest esse maior, aut sublimior sapientia, quàm diuinam sibi beneuolentiam

a Prouerb. 30.

lentiam conciliare? *a In minimis fidelem esse, magnum est,* ait Augustinus. Et dubitari non debet, quin Deus parvis illis victorijs magna in cælo præmia largiatur: *Quia in modico fuisti fidelis, supra multa te constituam.* Imò, nec omit-
 tit etiam in hac vita aliquam eorum, prælibationem concedere, impertiendo illos ijs fauores, qui magno animo & curâ rebus modicis intendunt. Testis est S. Odo Abbas, qui loco micarum, quas studiosè iuxta Ordinis sui institutum collegerat, reperit manum vnionibus gemmisque pretiosis refertam. Id quod accidit Abbati Hellen (memorante Palladio) æquè admirandum est: *b* aliquo mellis comedendi appetitu tenebatur, aderatque opportunitas oblato mellis alueolo; sed potiùs, quàm vt illud gustaret, frænum mortificationis arripuit, iussitque facessere improbam cupiditatem, & ne contactu quidem mel libauit. Aliàs, posteaquàm tres se-
 ptima-

a l. 4. de doctr. Christ. cap. 18.

b Hist. Laus. cap. 59.

puerianas cibo pœne omni abstinuisset,
 reperit fructus à vento decussos, & vt
 sine lauiticia duo triaue poma comedere
 potuisset, reliquit tamen intacta; tan-
 ti faciebat aliquam, in rebus etiam mini-
 mis mortificationem. Verùm istud ita
 Deo placuit, vt paulò post, quàm has
 de appetitu suo victorias reportârat, An-
 gelum illi submiserit, qui fontem indi-
 cavit, vbi tali cibo, potuque refectus
 est, vt fateretur se lautiores delicias
 nunquam degustasse. Fauores illi, quos
 Deus, similibus occasionibus, famulis
 suis elargitur, in mentem mihi reuo-
 cant id, quod de sorore Ioanna de Lino,
 Bononiæ Religiosâ in Monasterio S.
 Mathiæ, memoriæ proditum est: Hæc
 adhuc ætate iunior statuit sæculum de-
 ferere, inque istud Monasterium ingre-
 di, quod in somnis videre sibi visa fuis-
 set B. Virginem (cuius imago immine-
 bat gradibus, per quos ad Cubile soror-
 um ascendebatur) tot rosas sinu suo ex-
 cipere, quot reuerentiæ & inclinationes
 corporis, à sororibus ascendentibus,
 aut

aut descendentes, exhibebantur. Di-
uinum illud somnium effecit, vt & pro-
posito suo quamprimum satisfaceret, &
magis suis actionibus, multas minutas
admisceret, quas videbat à Deo tam be-
nignè liberaliterque compensari. Quan-
do animum aduerto ad diuinam boni-
tatem, quæ tantoperè minutulis illis
actionibus, mortificationibusque suo-
rum fidelium amantium delectatur, vi-
dere mihi videor Parentem benignissi-
mum, qui lubenter à manu filioli sui
pomum pyrumue accipit, ac deinde ve-
luti magno aliquo munere deuinctus,
illius manui inserit aureum nummum,
aut clauem arcæ, vt pro libitu suo sac-
carum, reliquaque eius generis condi-
menta, excipiat. Tam beneuolus Deus
est, vt pari ratione nobiscum agat, & vt
parùm illi offeramus, centuplo com-
pensat, aut per gratias actuales, aut per
sensibilia solatia, aut per nouas vires,
aut aliter. Gaudium, quo afficitur, dum
videt nos sibi intendere, & minimis istis
actionibus præbere spem maiorum, pro
sua

ua gratia & amore, subeundorum (*qui fidelis est in minimo, & in maiori fidelis est*) efficit, vt minimas illas habeat gratissimas acceptissimasque.

Hanc exactam diligentiam magnum opus esse sapientiæ, mediumque excel- lens, ad insinuandum se penitiùs in Dei amicitiam, necesse est; quandoquidem animaduerto hostem humani generis quadam affici voluptate, & diligenter annotare, si ea negligatur S. Gertrudis inter nendum, quodam die, lanæ flocculos in terram abijciebat, cæterà magnâ puritate intentionis Deo consecrabat. laborem suum: crederes, visum ab illa Dæmonem colligentem eos flocculos, veluti totidē argumenta neglectæ paupertatis? & quale istud est quod cuidam, in Monasterio Gignacensi, Religioso accidit? permiserat ille inter cibi sumptionem micæ delabi in terram, easque perire contra Ordinis Regulam: adfuit morituro Diabolus visibili specie, saccūque micis refertum illi ostendit, vt redderet anxium, & spem salutis eriperet,

ret, neque terrere destitit, donec feruentibus aliorum Religiosorum precibus, abactus est. Adhuc hoc loco (in gratiam eorum, qui, sine facultate de rebus paruis liberè disponunt) memorandus est insignis ille pavor, quo afflicta fuit quædam Religiosa cuius meminit S. Odo Cluniacensis: enim morte colluctanti exprobrauit Dæmon, quòd sine superiorum licentia acum abstulisset, eam illa subito adferri voluit, iussitque loco suo restitui; sed cum nihilominus Dæmon persisteret (quòd illam vehementius terrebat) occurrit, esse etiam sine facultate paucillum serici in capsula; quod ubi redditum est superiori, tandem hostis disparuit. Ex hisce discimus non tantum Dæmonem delectari hac nostra in rebus minimis negligentia, verum etiam, quàm accuratam Deus à nobis exacturus sit, Oeconomiae spiritualis rationem. Dixi. Oeconomiae spiritualis, quia ingentis sapientiae est, per res modicas, quarum negotiatio, quàm credi possit, vttilior est, magnum lucrum

uerum quæstumque facere. Interroga-
 tus aliquando Lampis sapiens & opu-
 lentus Mercator, quo pacto tantas di-
 nitias accumulasset? respondit: parua
 lucra magnificiendo, & magna non
 parvipendendo. Assuerare possum, idē
 in amplificatione opum spiritualium
 vsuenerit: facile enim ea augentur,
 quando nulla, ne minima quidem occa-
 sio quæstus faciendi præteritur: *quem-*
admodum opes corporis accumulantiur,
cum amatores illarum, ne minimum qui-
dem lucellum negligunt, sic spirituales di-
nitie. ait more suo, eleganter Chryso-
 stomus. Aduertimus præterea, bonos
 vitæ spiritualis curatores similes esse ma-
 gnis fluminibus, quæ alueum suum non
 implent, neque exonerant se in cam-
 pos adiacentes, nisi per accumulatio-
 nem minimarum, sed prope innumera-
 rum guttarum ex alto depluentium: aut
 imitari aurifabros, qui Aurum liman-
 tes maximo studio, solertiâque limatu-
 ram omnem tenuissimosque auri pul-
 uisculos colligunt, cum certi sint, etiam
 minu-

minutiarum illarum pretium nonne
contemnendum. Diceres Sernatorem,
hanc nobis curam inculcare voluisse,
quando nos in persona Apostolorum
monuit: *Colligite fragmenta ne pereant.*
Ita prorsus faciunt egregij, & feruen-
tes Dei ministri: nihil paruipendunt,
quantumuis paruum videatur; & in-
credibili affluunt voluptate, quoties e-
molumentum inde prouenientis, & gloriæ
aliquando capiendæ meminerunt. *a*
Iucundum est audire reflexiones, quas
in rem præsentem circa ceremonias, in
officio diuino exhiberi solitas, facie-
bat beata Ioanna de sancta Catharina:
quid foret, si cæterarum quoque rerum
minutarum, quibus nunquam deerat,
animaduersiones adnotasset? Ad hunc
modum loquitur: aliquando animi
gratia, & ut me stimulare ad quæ-
stum ex omnibus, præsertim ex tem-
pore, quo nihil pretiosius est, colligen-
dum, numeravi nos, per annum in offi-
cio

*a Ex vita eius apud Ioan: à sancta
Maria.*

ho animo, facere quinquaginta millia
ducentas profundiores corporis incli-
nationes, nouendecim millia, quadrin-
gentas, octoginta minores, quæ vnâ se-
xaginta nouem millia, sexcentos & o-
ctoginta actus Religionis, virtutis scili-
cet post Theologicas præstantissimæ,
conficiunt. Præterea, nos iterare duo-
decies millies quadringenties, sanctis-
simam potentissimamque Orationem,
Dominicam *Pater noster*, millies quin-
genties *Salve Regina*, & plus quadra-
gies millies *Gloria Patri*: obsecro te, cui
rei mentem applicabat religiosa illa
anima, & lucro spirituali intenta? e-
nimuerò deberemus nos similibus re-
flexionibus animum occupare, vt vel
inde agnosceremus, quanti lucri, spa-
tio anni vnus, & spatio decem anno-
rum, iacturam faciamus; propterea
quod minutas virtutum actiones, &
exiguas mortificationes nostrorum ap-
petituum negligamus. Tu cogita Ha-
giophila, & tandem constanti animi
proposito decerne, exactam adhibere

curam

curam rebus minimis, quas Deo gratas,
 vocationi tuæ consentaneas, & spiri-
 tuali tuæ necessitati proficuas esse co-
 gnoscis. *Minimum pro magno placeat*
tibi: a Dictum hoc ore sapientis pro-
 latum tibi offero, ut cum affectu, & ani-
 mi voluptate, minimis exercitandis in-
 cumbas, Nihil tibi facilius est, sed neque
 gloriosius: adeo ut eximius ille vir Lu-
 douicus Blosius asseueret, magis Deo
 placere, ut vim aliquam inferamus no-
 stris propensionibus, nostræ sensualita-
 ti, & appetitibus, quàm si plures ad vi-
 tam mortuos reuocarem. *Minimum*
pro magno placeat tibi. Nihil ages, quod
 prius sancti non fecerint: in vita S. Igha-
 tij legitur, cum tanta contentione ani-
 mi, rebus etiam minimis incubuisse, ut
 in ipsa fronte oculisque ardor emicaret,
 B. Aloysius Gonzaga tam exactus in si-
 lentio fuit, ut illud nunquam ruperit,
 tam sollicitus, ne quid sine superiorum
 licentia faceret, ut ne folium quidem
 chartæ, Condiscipulo dare voluerit, quia

T prius

a Eccles. 29. 30. b Inst. Spirit. c. 2.

primæ facultatem obtinuiffet. P. Balthazar Alvarez, quo nullus teſte B. Tereſia, eo tempore ſanctius perfectiusque vivebat, extra tempus menſæ nunquam bibebat, nunquam ſchedulam ſine venia aut legebat, aut ſcriptitabat. P. Thomas Sanchez incomparabilis in cura, obſervationeque rerum minimarum, nunquam aut florem, aut fructum, aut folium in horto decerpiſit, & parem in cæteris omnibus mortificationem uſurpavit, & verò propoſitum illi erat, ex rebus omnibus inſtar mercatoris induſtij, quæſtum facere. Verba illius ſunt in paruo Codice manuſcripto reperta: *Vita mea quotidiana, atque vniuerſa, ſimilis eſſe debet negotiationi ſpiritali, nec non mercatori cupido, & ad omne lucrum intentio. Ad eum modum, Hagiophila, loquere, vive, & age. Ille eſt ad perfectionem via.*

Si non ſufficit hæc lectio. Lege cap. 8. 9. & 11. Traſt. 3. Part. 1. Rodericij. Aut c. 31. & 32. lib. 3. de Imitatione.

Poſt lectionem renouatuum, erga ſanctos tuos.

tuos Patronos, deuotionem, & vide quid
facere deinceps in eorum honorem ve-
lis, vt propitios experiare. In Conso-
ratione mea dixi capite septimo, quid
quid exhiberi ijs debet.

Sequitur præparatio Meditationis.

II. MEDITATIO.

De Conditionibus veri Amoris Dei.

Oratio præparatoria consueta.

P*Relud.* I. Propone tibi illud, quod di-
cit sacer textus de Reginâ Esther: il-
lam fuisse principio paruulum fontem,
qui deinde creuit in fluium maximum,
ex quo fluuio ignis, & ex igne sol ortus
fit, denique ex sole inundatio aquarum:
in terras depluentium.

II. *Pralud.* Pete à Deo gratiam co-
gnoscenti prodigia omnia, quæ sunt in
anima Deum amante; & vt ista quinque
memorata sint in te:

I. *Punctum.* Pauxillum Amoris diu-
ni, modicum huius riuuli & fontis, de
quo dictum est: *font aquæ salientis in uita-
tam æternam*, maioris pretij est, quàm
omnes totius terræ thesauri, quàm om-

in s huius vitæ voluptates ; quàm vni-
uersi mundi honores, Pauper, & miser-
rimè pauper, est ille, qui non saltem pau-
xillum habet huius amoris diuini, sed
amoris veri sincerique. Modicum & bo-
num sufficit ad cælum obtinendum, &
salutem consequendam. Anima mea,
aliquidne tibi est huius modici & boni?
multum vereor; at ex sequentibus con-
ditionibus statum tuum collige.

II *functum*. Verus Dei Amor sem-
per it promouendo, crescendo & se di-
latando ad modum fluuij. Vide an non
hæc fuerit semita sanctorum. Ipse Ie-
sus eam rationem tenuit, vt eius Amor
semper augeri videretur. Factus est ho-
mo, infans, mendicans obediens, labo-
rans, prædicans patiens, se in cibum
porrigens, moriens: quò longius viu-
endo it, hoc maiora sui in nos Amoris de-
clarat argumenta. Hoc proprium est
vero Amori & diuino. Amor Creatu-
rarum (cùm sincerus non sit) alia ra-
tione procedit; nam quò res amata me-
lius agnoscitur, quò vius illius est fre-
quen-

quentior, eò magis Amor minuitur. :
non satisfit animo, prima specie quis de-
ceptum se videt, Vah Creaturas! vah
me! non illudor amplius.

III. *Punctum.* Amor debet esse Ar-
dens, feruens omninóque igneus, hoc
est igni simillimus : expendas effectus
ignis : consumit omnia, lignum, paleas,
plumbum, metalla & quidquid deni-
que inijcitur. Eodem pacto vrit diuinus
Amor, absumit & annihilat omnes no-
stras imperfectiones. Ex numero im-
perfectionum tuarum arbitrari potes:
quantus sit Amor tuus. Cor illud puris-
simum est, & à vitijs omnibus purga-
tissimum, quod ardet diuino Amore, &
feruet in exercitio actionum suarum.
Quod si ita est; quantillum erit in me,
diuini Amoris, qui omnia perago sine
feruore, cum ignauia & tepiditate? tue-
rit id hætenus, imposterum ardebunt
feruebuntque omnia, Amen.

IV. *Punctum.* Verus Amor est illu-
strans, radians & coruscans solis instar,
Qui solem aspicit, illius lumine illustra-
tur,

tur, & incalescit, inuitaturque ad laudem Conditoris: qui videt verum Dei amatorem, ex omnibus illius actionibus fructum capit, accenditurque ad imitationem, & ad laudes Deo reddendas, quòd talem Creaturam, istaque optimorum exemplorum lumina, mundo indulgeat. Denique nihil mundus habet sole pulchrius, nihil speciosius Dei Amore. Hoc amore, hoc sole da operam, vt anima tua *amicitiatur*.

V. *Punctum*. Verus Dei Amor adfert nobis maximam affluentiam, & quasi inundationem caelestium benedictionum, cuiusmodi sunt virtutes, desiderium tuæ perfectionis, & gloriæ diuinæ amplificandæ. Vide an ista habeas. *Desiderium. Propositum*.

Colloquium ad animam suam. Proponendo illi incitamenta, quæ habet ad amandum Deum, & emolumenta quæ inde ei accident. Anima mea! cum negari ista non possint: faciamus, quod fieri necesse est, & faciamus, quàm primam, quàm optimè, quàm libentissimè.

me. Aut amandum est, aut pereundum,
 nihil hîc medium intercedit. Magne
 Deus! omnino rapitur anima mea in
 amorem tuum; hic fructus est solitudi-
 nis meæ, vt tota tua sit, non amplius
 mea, vt dicere semper possim tam corde,
 quàm lingua: viuat Iesus, & eius Amor.
 Pater, Aue.

Recollectio. Visitatio Venerabilis Sacra-
 menti. Examen conscientiæ. Prandium.
 Recreatio. Tempus scribendi: si aliud
 non occurrat, enumera beneficia parti-
 cularia tibi à Deo collata, vt de ijs quo-
 tidie in Examine illi gratias referas.
 Deinde aggredere lectionem spiritualem.

DISSERTATIO POME-

R I D I A N A.

De felicitate vocationis Religiosæ.

A Nimus mihi dictat, Hagiophila, te
 Dei domesticam esse, & in secessu
 sanctæ Religionis alicuius commorari:
 vnde rapit me desiderium differendi te-
 cum de ea, qua frueris, felicitate, vt il-
 lam seriò agnoscens, validius inciteris,
 ad eum toto affectu complectendum,

qui huc te aduocare dignatus est, téque voluit suo peculiariter obsequio mancipari. Et rectè quidem dixi, illam esse felicitatē: verùm, vt assequaris, quid de illa animo concipiam, eius mihi adiuncta enucleanda sunt. Atque vtinam exprimere verbis possem sensa mea, & affirmationem illam, quæ iam pridem mihi insedit! non propterea tamen, quòd id arduum videam, à proposito meo discedo, cum ex modico illo, quod dicturus sum, iudicari facile possit, quousque excurrere queat calamus instructior, & maius acumē ingenij otio abundantis.

Primum Eacommium, quod felicitati Religiosæ vocationis attribuo, est, quòd sit felicitas & beatitudo huius vitæ maxima, sit incomparabilis, sit gloriosissima, sit maximè eximia. Alibi, quàm in domo Religiosa, melior habitatio, & fors fortunatior esse non potest: pluri mi Principes & Reges, multi Orbis moderatores, sexûs & huius & illius, dignitates suas & delitias contempsêre, vt aliquius Ordinis habitu induerentur, Bea-

ta loa-

Solitudinis.

222

ta Ioanna Princeps Lusitaniæ ita f. x. 222
Superos precum suarum assiduitate, &
Regem fratrem lacrymis mouit, vt tan-
dem velum monasticum obtinuerit, pro
Corona Galliæ, vel Angliæ, quæ perma-
trimonium, cum Monarchis illis con-
trahendum, præsentabatur. B. Zedmira
filia Regis Æthiopiæ, cum à parente ad
nuptias vrgeretur, noctu sola se prorip-
uit, & superato ingenti flumine (quod
aquis vtrunque suspensis discesserat, vt
siccum fugienti præberet iter, arceret-
que, qui illam persequiebantur) felicissi-
mè inijt Parthenonem Ordinis S. Domi-
nici, vt frueretur bono tam optato,
quódq; illa omnibus mundanis honori-
bus anteponebat. a Magnus ille Dei ser-
uus Franciscus Cordubensis, ex Magna-
te Hispaniæ oriundus, tam altè verita-
tem hanc animo suo impresserat, vt cum
aliquando in familiari sermone mentio
vocationis incidisset, asseruerit, in con-
ditione sua, se Regibus ipsis esse felicio-
rem, & paratum iuramento contestari,

T 5

quòd

a Ex Ioanne à S. Maria in Vn. ss. Ord.

quod nollet vestem suam Iesuiticam, neque cum purpura Cardinalium, neque cum Pontificis tiara commutare. Omnium rectè sentientium fuit hæc communis & constans opinio. Quàm volupè erat audire celebrem illum Ordinis nostri Scriptorem, P. Petrum Ribadineiram, quoties in laudem suæ vocationis excurrebat! Quantoperè, aiebat, diuinæ bonitati obstrictus sum, quod me à Mundi abstractum periculis, in sanctam domum suam admiserit, idq, mature, anno ætatis decimo quarto, priusquam innocentia terminos excessissem: post Deum, potissimā obligationis partem debeo S. Ignatio, qui mihi adfuit, & veluti manu in gloriosum hunc secessum duxit; & tanti facio huius magnitudinem beneficii, vt nunquam futurus sim ingratus; optarem ex animo, mihi occasionem offerri, vt in testificationem amoris in illum mei, membratim in frustra disseccarer: non detrectarem. Ad cumulū meæ felicitatis hoc vnicum requirebatur, vt ab ipso statim vitæ exordio

ordio in hunc ordinem ingrederer :
quod si accidisset, feliciorem me crede-
rem omnibus totius vniuersi creaturis.
Alius è Societate nostra vir eximius, mi-
norem, hac in re gratiam non habebat :
fuit is P. Ioannes Baptista Mauiado Lusit-
tanus, qui in Iaponia Martyrio affectus
est ; quando ille nuntium mortis pro
Christo subeundæ accepit : Laudetur
Deus, inquit, lubens morior, tres in vita
mea dies bonos habui, quos mille Mun-
dis præfero : primus est ille, quo Religio-
nem inij ; secundus, quo in carcerem.
Christi causa coniectus sum ; tertius hic
est, quando pro illius amore vitam &
sanguinem profundere debeo : hi tres
dies mei boni sunt, hæc tria nuntia feli-
cia : ipsi Angeli cum suis Legationibus
faustiora nuntiare non possent, & si vel-
lent inter mortales viuere, nullus dubi-
to, quin vellent Religiosi, Captiui, &
Christi Martyres esse. Verum arbitrare-
ris, Hagiophila, hanc tantum esse opi-
nionem eorum, qui Religioso statui ad-
scripti, illum cæteris omnibus ante-

ponunt. Ignosce, communis sensus est etiam mundanorum: fatentur omnes, quando agnoscunt, quid sit cælum, & finis, propter quem conditi sumus, nullos esse quàm Religiosos, beatiores; & quamuis subire ipsi detrectent, illorum tamen felicitatem pro merito deprædicare non omittunt. Præclara fuit responsio nobilis Matronæ, quæ abhinc viginti quinque annis præsens adfuerat primitijs filij sui; gratulabantur illi id solatium. quòd acceperat ab huius sacri auditione; & animi voluptatem, quòd eundem filium suum apud nos Religiosum videret: profectò, inquit, meritò mihi gratulamini: tam enim iudico me fortunatam ex eo, quòd hic sit illius sancti Ordinis Religiosus vnà cum fratre altero; vt longè gratius mihi accidat, eos ambos esse Iesuistas, quàm si alter foret Gallix Cancellarius, alter supremus armorum Præfectus. Sanè, si loqui mihi fas est, post Christianam illam Amazonem, dicam liberè, nullam mihi videri gratiam à Deo maiorem conferri hominibus

nibus posse, hoc præsertim sæculo tam
peruerso, corruptoque, quàm si eosdem
vocet ad obsequium suum in bonam ali-
quam Religionem, eòque Mundo edu-
cat, Mundo, tantis animæ corporisque
periculis, infami. Qualiscumque condi-
tio illic sit & fortuna, Religiosorum ta-
men est melior, & sine comparatione,
excellenter. Non quòd omnia iucun-
da in Religione sint, nullæque cruces
reperiantur (sine his enim non ducitur
vita mortalis) sed quòd cruces hæ dul-
ciores sint, faciliusque portentur, quàm
mundanorum; Religiosorum cruces
gratæ sunt, & spontaneæ, plerumque ob
Deum susceptæ; sæcularium verò mole-
stæ & sæpe intolerabiles ob conscien-
tiæ, quâ torquentur, remorsum; deinde
vt ait S. Bernardus, illi si crucibus abun-
dant, affluunt etiam consolationibus.
Sed ea mali origo est, quòd sæculares
ignari horum solationum, credant Reli-
giosorum cruces, grauitate & molestiâ
suis non cedere. Aduertunt aliquam Dei
ancillam Monastarij claustro contineri,

sed non cogitant eandem ex hoc Amoris carcere euagari, quoties lubet, per considerationem celestium gaudiorum, quæ expectat, uti de sua testatur Bleſilla Hieronymus: *Bleſilla unus inclusa cellula angustijs, tota cæli latitudine fruebatur.* Notabunt vitam Religiosam quotidianum esse Martyrium, ut loquitur Hilarius Arelatensis, aut Purgatorium continuum ab assiduis mortificationibus, quas suis inculcat, sed non reputant, Mundum, vitamque mundanam infernum esse, si Religio purgatorium est. Quam aduersionem Nepoti suo in Societatem nostram ingressuro suggestit Venerabilis P. Cæsar de Buz: Chare Nepos, inquit, quoties in cælum, stellas & solem, oculos intendes; memineris sedis beatorum, cuius imaginem præferunt; quoties Mundum intueberis, recordare damnatorum: horum enim Idæa est; & quoties statum Religiosum considerabis, propone tibi Purgatorium: Cruces enim illic reperies, sed quæ leues sint, & cum certa cæli obtinendi fiducia, quâ
Mun-

Mundus caret. Experire quidem par-
uum aliquem dæmunculum, qui te di-
turbabit, hoc est, passionem aliquam im-
portunam. sed longè mitiùs tecum age-
tur, quàm in Mundo, vbi dæmones im-
moderatarum & violentarum affectio-
num cupiditatùmque, per omnem vi-
tam miserum sæcularem exercent, ita vt
penes se continuò infernum circumfer-
re videatur. Sed prætereamus hanc ma-
gni viri considerationem, vt ista frua-
mur, quam B. Ægidius S. Francisci Co-
mes nobis prodidit, quæque opportu-
nissima est, ad vitæ Religiosæ beatitudinem
oculis subiiciendam. Ponamus igitur
Mundum tàm malignum non esse, at-
que illum descripsi, neque esse infer-
num, imò procul inde abesse: nihilomi-
nùs certissimum est, præstare aliquam
in Religione gratiam habere, quàm mul-
tam in sæculo, ex opinione sancti illius
viri; & ratio illius est, quòd hîc pericu-
la sint magna, & subsidia spiritalia non
sint tam frequentia, nec æquè valida at-
que in Religione. Inter mundanos vi-
uenti,

uenti, dici potest illud Sapientis: *Agnosce, quod in medio laqueorum transis*: illi verò, qui inter Religiosos degit, vt felicitatem suam agnoscat, sufficit præclaram D. Bernardi sententiam in mentem reuocare: *Nonne hæc est Regio sancta. & immaculata, in qua homo viuit purius, cadit rariùs, surgit velociùs, incedit cautiùs, irroratur frequentius, quiescit securius, moritur confidentius, purgatur citius, promissatur copiosius*? Deus bone! quid locupletius, quid præstantius homini Religioso dici potuisset? an non deceret, quemque illorum, ante oculos, perpetuò habere magnis characteribus expressum, hoc verum æquè atque admirandum Religiosæ vitæ encomium? vt sit, certissimum est, pericula salutem amittendi, animamque inficiendi peccatis lethalibus, non esse in benè constitutis Religionibus, quemadmodum sunt in vita sæcularium. Quando contigebat, vt aliqua sororum in risum prorumperet, B. Mariâ Magdalenâ Vrsinâ a

existen-

a Ex vit. SS. Ordinis.

existente Nouitijs Præfectâ, illa eandem
& reliquas ad profusorem risum inui-
tabat, dicens, magnâ animi hilaritâte,
quòd in domo Dei sub Regula D. Domi-
nici viueret: Ridete, filia, ridete, quan-
doquidem eam felicitatem estis conse-
cutæ, vt Mundum deserueritis, ab illius
periculis immunes, & in Coenobio de-
gatis, vbi certatim omnes ad virtutem
conducuntur, *Non fecit taliter omni Na-
tioni.* Iure meritissimo sic illa loqueba-
tur, cum animæ Deum & salutem aman-
ti non possit offerri materia solidorum
sacerorumque gaudiorum copiosior,
quàm dum se occasionibus Deum offen-
dendi liberam aduertit. An non ineffa-
bilis ista lætitia est, vixisse decem, vigin-
ti, triginta annos in domo Religiosa,
nullo admisso peccato mortali, cum mi-
seri seculares omni adhibito studio dili-
gentiâque ab illis eximere vix se possint?
Etsi nullum aliud foret in Religione
commodum, quàm vel vnicum morta-
le crimen euitare (posito, quòd non nisi
vnicum in sæculo relicto admissemus)

arbi-

arbitror tamen optimè tempus colloca-
ri, quamquam esset annorum plurium,
& multis crucibus, poënis & afflictioni-
bus asperum. Qui nouit, quid sit Deum
offendere, & quanta vel vnus mortalis
peccati miseria sit, satis mentem meam
comprehendit, & semper fatebitur, nul-
lam existerè in hac vita felicitatem, quæ
cum gratia Religiosæ vocationis con-
ferri possit.

Adhuc vnico laudis argumento hanc
felicitatem afficiam, priusquam te dese-
ro. Proposueram quidem demonstra-
re omnibus, bonum Religionis esse in-
æstimabile, & idcirco dictum olim à S.
Scholastica: si intelligerent homines,
delitias & solatia, quæ Deus ijs elargi-
tur, qui hoc pacto illi seruiunt, Mun-
dum non suffectorum ambitu suo, vt
omnes in Religione viuere volentes ca-
piat, totumque vniuersum, vnicum fore
Cœnobium; aut vt B. Magdalena de
Pazzis ominabatur, vndique muri Mo-
nasteriorum admotis scalis superaren-
tur, ad locum in ijs sumendum. a Hoc

a Ex Mich. Hier.

eodem

eodem instituto volebam tibi exhibere
quandam Neapoli Principem, quæ Re-
ligiosarum habitum assumpsit: dum sa-
cra vestis illi iniicitur, subiit mentem,
cogitatio, magnam se gratiam apud Deū
promereri, quod tantos honores, regna
& diuitias, cum vili veste commutasset;
dum voluit animo istam cogitationem,
aperuit illi Deus mentis oculos, apertis-
simēq; ostendit omnem aularum pom-
pam, omnes Principum delicias, & quid-
quid in terra speciosum est, nihil esse, si
cum minimis bonis & gratijs Religio-
nis componantur; & tam clare perspi-
cuēque hoc ipsa agnouit, vt erubescens,
quod talem in animum cogitationem
admisisset, affluere lacrymis coeperit,
statueritque diuinæ bonitati imposte-
rū maiores, pro incomparabili voca-
tionis beneficio, grates referre. Vole-
bam te per otium huic ceremoniæ præ-
sentem assillere, sed quis modus tantillo
tempore, quod mihi superest? sufficit
igitur (reieclā in aliam commoditatem
huius inestimabilis pretij probatione.)

ut nunc dicam beneficium Religioſæ
 vocationis, eſſe beneficium ſolis Dei in-
 timis, & apud illum gratioſis conceſ-
 ſum, quod non leue, in gratiam Religio-
 ſorum, ſed maximum laudis argumen-
 tum eſt, cùm ne optari quidem ab ho-
 mine aliquid excellentius apud Deum
 poſſit, quàm vt intima ſit illi familiari-
 tate coniunctus, eiſque fauoribus per-
 fruatur. Hinc aduerto in vocationibus
 magna fauoris indicia. Deipara viſen-
 dam ſe præbuit B. Stanislao Koſtkæ iu-
 ueni, eiſque vt Filii ſui Societatem ingre-
 deretur, præcepit. B. Catharina de Ra-
 conis publicè profeſſionem Regulæ ſan-
 cti Dominici faciente, cælica vox audita
 eſt, apparuitque illi Ieſus cum Matre, &
 reliquâ cæleſti curiâ, qui præſentes vo-
 uenti adeſſe, actumque cohoneſtare vo-
 luerunt. Vir quidam eximiæ ſanctitatis
 audiuit aliquando, dum ſacer Virgini
 habitus indueretur, muſicam Angelo-
 rum concinentium : *Gloria in excelsis*
Deo, & in terra pax, Sponſæ Virgini. Di-
 ces, & quidem meritò, illas eſſe ſingula-
 rium,

rium, atque extraordinariorum fauorum testimoniationes: accipe igitur aliquid commune omnibus, quod tamen gratiæ titulum meretur; videlicet Religiosos ea frui prærogatiuâ, quod in domo Dei sint, illiusque domestici. Non solet Princeps cuius è famulatio, sui Palatii habitationem concedere, fauor is ad solos Nobiles & Aulicos pertinet: ad eum modum Deus facit, teste Hieronymo, *a* & quibus eam gratiam beneficiūque præstat, Religiosi sunt. A quo non dissentit Bernardus illos alloquens: *b* *Altissima est professio vestra, calos transire, par Angelis est: aliorum est seruire Deo, vestrum adharere.* Sed amplius aliquid; illam habent gratiam, vt Christo cohabitent. Rogata aliquando Venerabilis Mater Maria à Iesu Fundatrix, & prima Coenobij S. Catharinæ Tolosæ professa, cur tanti vocationem suam faceret, duas causas attulit. Prima, quòd in Religione degens, omninò Dei esset per votum Obedientiæ, & conignationem propriæ volun-

a Vers. 1. in Psalm. 133.

b Ep. ad frat. de Mon. Dei.

voluntatis. Altera, quòd in Religione habitaretur eadem domus, quam Iesus sub speciebus Eucharisticis incolit, vbi cum illo libeat noctu diùque conuersari, necessitates suas aperire, amantia vota prodere, tractare negotium salutis suæ, gratias agere, quòd à mille iam & sexcentis annis, veluti Amoris captiuus, includatur nostris altaribus ad solatium subsidiumque nostrum. Sufficiunt hæc, Hagiophila, vt agnoscas excellentiam vocationis tuæ, & tibi promanantem ex ea felicitatem. In gratitudinis testimonium saepe vestem tuam deosculare exemplo B. Mariæ de Incarnatione, quandoquidem securissimam ad salutem viam ingressa es;

Si hæc Lectio non sufficiat, aut aliena sit, eò quòd Religioni nomen non dederis, prosequere ea in Rodericio, quæ manè tibi designaui: opportunissima sunt ad inflammandum animum diuino Amore, cum eius indicium sit pura Intentio. Lege præcipuè caput vltimum. Si otium est, addi poterit Lectio cap. 33. & 44. libri 3. de Imitatione Christi.

Sequitur Examen virtutis, & quia magnū.

Amo-

Amoris, quo aliquis in Deum fertur, argumentum est, ingredi in Religionem, & sequi tribus votis obligare; idcirco hodie proposui, & Dissertationem de Vocatione, & Examen de Votis, præterquàm quodd suspicer plerosque, qui hac solitudine Hagiophilæ vtentur, fore Religiosos, & idèd putavi rationi consentaneum, illis hac occasione satisfacere, eaq. proferre, quæ propiùs ad illos spectarent; præterea etiam vtile erit, vt ij, quibus octo dierum Exercitationes sufficient, se hoc postremo die penitiùs inspiciant, quoad peculiare obligationes, quibus diuinæ bonitati, ob cuius Amorem blandis hisce vinculis sese strinxerunt, sunt deuincti.

EXAMEN CIRCA TRIA VOTA
Paupertatis, Castitatis & Obedientiae.

PRÆter illa, quæ ad finem Examinis pro Confessione annuâ produxi, vbi attuli defectus, qui contra tria vota committuntur, poterit hic meliùs agnosci perfectio, ad illorum obseruationem requisita:

Circa Paupertatem: Primò, *Lato patienti q. animo ferre defectum rei alicuius.*
qua.

qua nobis aliquo modo necessaria videretur. Secundò, Sese etiam rebus necessarijs indignum reputare. Tertio, Curam nimiam & superfluum rerum necessariarum rejicere in divinam providentiam, Deo, Patri pauperum, confidendo. Quarto, Res superfluas, si nobis offerantur, repudiare. Quintò, Erga res nostris usibus concessus non vehementer affici, neque anxie timere, ne nobis auferantur. Sextò, Non habere seposita curiosa, aut delicata, qualia essent fructus, dulciaria, & cetera eius generis, aliquo pretextu, qui nobis blandiatur. Septimò, Oblivisci commoditatum, quas habuimus. Octavò, Nullam in vestibus singularitatem desiderare. Nonò, Non curare res pulchras, elegantes, affubrefactas & exquisitas, siue in imaginibus, Libellis, Resarijs, Numismatis, alijsq; supellectile. Decimò, Non auersari res viles siue quod trita sint, siue materia humilioris, imò cogitare, tales nobis deberi, & tum demum nos rectè agnoscere, quando sic pro merito tractamur. Undecimò, Amare pauperes, ijsque libenter stipem & charitatem erogare iuxta facultatem nobis à Superioribus.

periore concessam. Duodecimò, Singulis mensibus excutere semel cubiculum suum, ut videatur, num aliquid sit superflui, & contrarium Pauperiati.

Circa Castitatem. Primò, Non conuersari cum personis sexûs differentis ex inclinatione naturæ, quæ ubiq; se quarit, et si sub specie boni, aut obsequij spiritualis. Secundò, Non contrahere amicitiam cum quibuscûq; propterea quòd iuuenes, blandi, benè vestiti, & incundi sint conuersatûs. Tertio, Abstrahere se à colloquijs & aspectibus, qui motus causant inordinatos, & restantur cor esse amore captum. Quarto, Deuitare occasiones occurrendi, videndi, aut tangendi obiecta, quæ ineptas cogitationes suggerere possent. Quintò, Abstinerè verbis amorem restantibus, etiam inter personas paris sexûs, cum nullum ista usum habeant, nisi ut accendant flammam, quæ tam facile, quàm vellemus, extingui non poterit. Sextò, Nunquam proferre verbum puritati contrarium, siue occulti, siue duplici sensûs, seu tale, quod speciem minus honestam posset animo imprimere. Septimò, Non loqui de forma, de venustate,

de alijs corporis dotibus, de blanda affabilitate alicuius, hac enim cor castum emolliunt. Octauò, Priuatim eam seruare decentiam, quasi in oculus virorum grauius essemus.

Quoad Obedientiam. Primò, Promptè exequi quod praecepitur, sine oblocutione, sed generosè & humiliter. Secundò, Obtemperare etiam naturâ repugnantem. Tertiò, In eo qui aliquid mandat, Deum agnoscere, eiq; tamquam Christo, obsequi. Quartò, Paratum esse ad obediendum in omnibus, in quibus manifestè peccatum nō apparet. Quintò, Obedire etiam Superioribus, qui essent vitæ flagitiosa. Sextò, Dispositionem voluntatis nostræ, rerumque aliarum ad nos spectantium integrè committere Superioribus, & accipere velut à manu Dei, quidquid de nobis constituerit. Septimò, Ad minimum Superioris nutum obedire. Octauò, Et in ijs libentius, quæ difficiliora abiectionaq; videbuntur. Nonò, Obedire cecè nullâ mandati ratione inquisitâ subiectoq; iudicio proprio, iudicio Superioris. Decimò, Apud animum suum

& contra quoscumque tueri, quidquid fuerit de alijs, aut nobis ordinatum.

Tempus Officij, vel Precum vocalium.
Deinde huius Considerationis.

CONSIDERATIO.

I. IN negotijs Mundi cura est diuturnior, labor operosior, fructus minor, & consecutio eius, quod intenditur, difficilior. In Dei seruitio, & prosecutione Amoris eius, prorsus contrarium observatur: adeò verum est, quòd *omnia sint vanitas, prater amare Deum.*

II. Diuersi amantium, Deoque seruientium Ordines sunt: In primo numerantur, qui illum amant, neque ullius rei pretio inducerentur, vt eum lethali peccato offenderent, verùm hinc consistunt & peccatis venialibus, vbicumque sese offert occasio, liberè & sine cura indulgent. In secundo sunt, qui etiã peccata venialia non admittunt, nisi per subreptionem, adeò illa abominantur, sed de passionum & appetituum mortificatione parum sunt solliciti. In tertio, qui frangunt quidem & domant omnes

passiones suas, nulla neglecta, verum ad
 sublimium solidarumque virtutum ac-
 quisitionem non connituntur. In quarto
 denique sunt ij, fideles, egregij, & per-
 fecti amantes, qui nihil omittunt eo-
 rum, quæ ad virtutis consummationem
 amplificationemque diuinæ gloriæ faci-
 unt, quantacumque contentione & di-
 spendio opus sit, nunquam dicentes *suf-
 ficit*, sed ad vltiora semper se promo-
 uentes In quo ordine tu consistis? quid?
 etiam nū in primo? Vah! istud est, quod
 Angelus tuus, & B. Virgo obstupefcit.

¶ I I. Quod rebus omnibus bonita-
 tem & elegantiam conciliat, Amor Dei
 est ita nihil deformius animā hoc amo-
 re destitutā, neque quidquam amabilius
 corde veri sincerique amantis. Atque
 hoc adeo verum est, vt Deus pluris fa-
 ciat vnā animā illius amore flagran-
 tem, illique soli placere cupientē, quā
 reliquā totius vniuersitatem naturæ.

I V. Erras, anima mea, non in magnis
 solum actionibus, quæque speciose sunt,
 Amoris diuini magnitudo reperitur; ;
 etiam in paruis, humilibus, & secretis

existit. Amor inaurat & amplificat omnia; & Iesus laudibus extollit viduam illam, quæ duo æris minuta contulit, & silentio præterit Salomonem, qui, subductis rationibus, plusquam bis mille milliones auri ad templi structuram contribuerat.

V. Semper audij, cogorque credere, scire neminem posse, virû in Amore Dei eiusq; gratia viuat; & illud est, quod me sollicitum tenet atque anxium. Optimè, quod thesaurus absconditus est Amor: talis illû possidet, qui possidere se nescit. Tantû existimemus, nos nihil hactenus dignû Deo fecisse, & vehementi desiderio optemus illû amare, & de virtute progredi in virtutem; sentiant alij, quod libuerit, ego aio, il ic sedem esse Amoris.

VI. Nullius rei maiori cupiditate reor, quàm vt æstimem me aliquo ferri in Deum amore. Nullam cupio ex vlla creatura voluptatē, sed tantû ex Creatore. Omnis mea delectatio est, vt delectetur Deus. Vtinam mil'ies millena milia talium cordium haberem, quale fuit cor sanctissimæ Virginis, & omnes o-

mnium Beatorum virtutes vnus posside-
rem ! vt amarem & seruirem Deo meo
omnibus illis cordibus , & exercitatione
omnium illarum virtutum ! istud de-
mum esset illum amare , & certissimum
indiciū Amoris, sub hac flamma , la-
sentis.

Hora quietis & relaxationis animi , deinde
Officij , vel alterius Orationis vocalis.
Visitationis Vener. Sacramenti, denique
præparationis ad Meditationem seq.

III. MEDITATIO.

De exemplis Sanctorum in amando Deo.

Oratio præparatoria consueta.

I. **P**reludium. Propone tibi sanctos Pa-
radisi Incolas, eos præcipuè, qui tibi
in veneratione sunt , & singulatim illos
interroga , quâ ratione sint istam glo-
riam consecuti. Respondebunt verbo
Dauidis : *Dilexi*. Idem pete à S. Maria
Magdalena ; dicet : *Dilexi multum*.

II. *Prelud.* Pete gratiam , vt Sancto-
rum, Deum amantium , exemplo profici-
as, amésque quemadmodum illi ama-
uère.

I. Pun-

1. Punctum. Considera primò Amorem, quem Deo testatus est Patriarcha Abraham, quando tantà animi magnitudine decreuit obtruncare Filium suum *unigenitum, quem diligebat*: insigne perfectò Amoris argumentum; vnde Deus videns gladium iam strictum & imminentem collo Filij, clamavit: Siste Abraham, iam nunc cognoui, quòd ames me, cum non peperceris Filio tuo unigenito propter me. Velle obtruncare id, quod charissimum est, vt Deo obtemperetur, & in testificationem sui erga eum Amoris, hoc denum verè amare est. Secundò, Amor S. Pauli, desiderantis anathema esse, hoc est, vt nonnulli explicant, non tantum societate fidelium excludi, sed etiam addici inferno, sine iactura tamen gratiæ diuinæ, pro salute proximi obtinenda, idq; ex amore Magistri sui Iesu, verè ingens & solidus fuit; vt etiam is, quando asserere ausus est: *Certus sum, quia neque mors, neque Vita, neque Angeli, neque Principatus, neque instantia, neque futura, neque fortitudo, neque altitudo, neque profundum,*

neque creatura alia poterit nos separare à
charitate Dei. Tertiò, Nec minùs ama-
 nit Anselmus, quando dicebat se tanto
 Amore ferri in Deum, vt mallet eo præ-
 ditus demergi in barathrum inferni,
 quàm cum aliquo peccato euehi in cæ-
 lum. O Deus amorum meorum! cur
 non immolo tibi meum Isaacum, meas
 voluptates, mea vota & desideria, quid-
 quid denique mihi charissimum est? cur
 non firmissimo animi decreto statuo, te
 nunquam offendere qualicumque obla-
 tâ occasione: imò statuo, & damnari
 malo, quàm deferere Amorem tuum.

II. *Punctum.* Expende primò Amo-
 rem Catharinæ Senensis offerentis se, vt
 in inferni aditu collocetur, quo sui ob-
 iectu corporis impediatur, ne vllus impo-
 sterum eò præcipitetur, vtque Deus
 ametur ab omnibus. quamuis necesse
 foret, ita illam beatissimo Dei aspectu
 priuari. Secundò, illum S. Terefiæ di-
 centis; se pati sine inuidia posse, vt alijs
 cedat in gloria caelesti, vt tamen cui-
 piam concedat in amando Deo, tolerare

non velle. Tertiò, illum amorem S. Alexij, qui patrem, matrem, sponsam, opes, honores & voluptates deseruit, vt peregrinum totis septendecim annis ageret, & totidem deinde annis ignotus sub scalis domus paternæ transigeret vitam: idque ex solius Dei Amore. Mortales, & tu, anima mea, cuius rei inuidia tangimini, si non horum amantium, vt paribus amoribus ardeatis?

III. *Punctum.* Meditare primò amorem S. Francisci, verè Seraphici in amore. Nulli creaturæ adhærescebat: cor eius plenum erat Deo, & omnibus creatis rebus vacuum; ex hoc Lemmate colliges: *Deum meum & omnia!* Secundò, illum S. Augustini, qui in omnibus scriptis suis non aliter de Deo, & pro Deo loquitur, quàm amator vix sui potens. Illum laudat, illi benedicit, illum glorificat, desiderat vt ab omnibus ametur, in amorem illius toto affectu, toto corde, & conatu rapitur. Inde cor igneum illi appinxere artifices & à nonnullis aliquando Cor sanctum dictum

est, vt ostenderent amorem Dei, si perderetur, in corde S. Augustini posse reperiri. Denique illum S. Magdalenæ, quæ per tricenos annos in speluncam se abdidit, vt prosequeretur cum amorem, quo cum iam *multum diligere* coeperat. O Dei amatores! aliquid de amore vestro mihi concedite: cui enim bono cor meum, & amor meus & quidquid in me est, si non pariter, atque vos, amo!

Colloquium ad hos & alios sanctos Dei amantes, Admirare illos, Gratulare, eodem anhela. Pater, Ave.

Recollectio, Lectio Thomæ de Kempis fortuita. Rosarium. Visitatio Venerabilis Sacramenti. Cœna, Recreatio. Litanie Sanctorum. Visitatio Venerabilis Sacramenti. Præparatio Meditationis crastinæ. Examen Conscientiæ. Quies, sed prius Terram ter deosculare in honorem SS. Trinitatis. Faciunt id nonnulli manè, dum surgunt, & Vesperì, dum cubitum concedunt, vt coram Deo se humilient, & vt mortis, & pulueris, in quem reuersuri sunt, meminerint.

NONVS DIES.

*De conformitate nostra voluntatis
cum diuinâ.*

Hagiophila, si otium & animus tibi
est, vt duos adhuc dies solitudini
tuæ impendas, en materiam. Parum est
amare Deum, nisi idem velis, quod ipse
vult; & in eo cardo rei vertitur, vt scias
qua id ratione fieri oporteat. Dabimus
hodie operam huic studio.

Visita Venerabile, & ad Meditandum te
para.

I. MEDITATIO.

*De incitamentis, ad conformandam
nostram voluntatem cum
diuina.*

Oratio præparatoria consueta.

P*ralud.* I. Propone animo tuo Dei fi-
lium dicentem, nihil aliud sibi place-
re, nisi quod sit ex beneplacito, & volun-
tate Dei Patris, *Quæ placita sunt ei, facio
semper.*

II. *Pralud.* Vtinam possem semper.

V e

velle

velle quod Deus vult, & me confirmare cum sanctissima illius voluntate?

I. *Punctum.* Nihil Dei voluntate, & Conformatione cum illâ, est amabilius. Ah quis illam non amet! Ah quis hanc non amplectatur! quandoquidem vivere cum hac consensione, sit primò, habere cor, secundùm cor Dei, quod de Davide sacræ paginæ testantur, *vir erat secundùm cor Dei.* Secundò, est velle, quod Deus vult, & nolle, quod Deus non vult. Aliquâne certior securiorque regula excogitari potest? Tertiò est acceptare omnia de manu Dei, & promptum paratumque esse, ad quidvis, quod paterna illius providentia disposuerit, seu prosperum, seu aduersum, seu ad modicum, siue ad longum temporis intervallum; siue opera amicorum, siue hostium; siue merearis, siue præter meritum tuum sit; siue naturæ genio eò rapiare, siue inde abhorreas; utut sit, semper amabile est, quidquid amantissima Dei manus porrigit & disponit. Ratum statutumque apud me est, ô Pa-
ter

ter amantissime, sequi nutum adorandæ voluntatis tuæ. Homo committat Medico valetudinem suam, lites aduocato, & vitam suam (si oculis captus est) Puer, & Cani subinde, vt deducatur; & ego dubitem me tibi concedere, qui es bonitas ipsa, & qui maiore cura sapientiaque nos gubernas, quàm desiderare ipsi possemus?

II. *Punctum.* Omnia me sollicitant, vt me conformem diuinæ voluntati. Primò, peccato excepto, nihil euenit sine expressa Dei voluntate. Morbi, valetudo, honores, opprobria cuncta, ab illo accidunt. Vnde Iob facta omnium fortunarum suarum iactura dicebat; *Dominus dedit, Dominus abstulit, sit nomen Domini benedictum.* Secundò, creaturam iure meritissimo conuenit subiectam esse suo Creatori, & seruum Domino: *Nonne Deo subiecta erit anima mea?* Tertiò, omnes Creaturæ, etiam vitæ & sensus expertes, Dei voluntatem exequuntur. Quartò, sancti omnes, & quicumque aliqua perfectionis laude

floruerunt, hanc vitam regiam tenuere.
Scilicet decebit, ô anima mea, vt hinc
deflectas, aliamque ab illis semitam in-
grediaris?

III. *Punctum.* Quod maximè ad hanc
Conformitatem allicit, est singulare a-
nimi solatium promanans ex eo, quòd
quis possit obsequi tanto Domino, velle,
quod ille vult, omnia accipere veluti
ipsius benignissima manu porrecta, nul-
lius rei affectu duci, aut cupiditate; vt-
cumque cadat, acquiescere, & consen-
tire. Quanta felicitas, dicere posse di-
uinæ Maiestati viuendo moriendoque:
sic placitum est, sic fuit, ante te: Fiat vo-
luntas tua. Non me oppono: nollem ali-
ter. Melius loqui non posset Angelus
incarnatus, neque maiori lætitia animi-
que voluptate deliniri, si inter nos ver-
saretur.

Colloquium: magne Deus largire mi-
hi hanc cum amabili tua voluntate con-
sensionem: tam frequenter dico me
amare te, ast vbi est amor meus, si non
idem volo, quod tu vis? quicumque
amant,

amant, idem velle habent & nolle ad omnia, in quibus virtus non offenditur; & ubicumque parùm amoris est, modica quoque reperitur hæc voluntatum consensus, ubi multùm, magna est: cur, ergo non penitus consensio diuinæ voluntati tuæ, vt vel isto indicio colligam magnum esse aduersus te amorem meum? Pater, Ave.

Recollectio Meditationis. Delectus testera, dictum D. Pauli est: *Domine quid me vis facere?* Istud usurpare poteris, vel illud ore seruatoris probatum & omnibus familiarè: *Fiat voluntas tua sicut in calo, & in terra.*

Sequitur pars aliqua Officij, aut alia Vocalis Oratio. Deinde sacrum. Tum Lectio spiritualis, vel hæc, vel alia.

DISSERTATIO MARTINA.

De damnis voluntatis propriae.

SI in mundanos homines conijcias oculos, soli sapere, totâque frui prudentia videbuntur. Quando de suscepi operis confectioe agitur, tangunt illi

illi præ cæteris nodum difficultatis, & quæ parte arripi negotium debeat, no-
uerunt. Præsertim milites valde gnari
sunt, in votorum suorum prosecutione,
vt ab hostibus victorias reportent:
Ita iunius militiæ præfectus, vt res suas
asserat, nitetur viribus omnibus redige-
re in potestatem suam Regni Metropo-
lim, si cæterarum urbium occupatio-
nem meditetur; aut verò partis aduersæ
Ducem opprimere, si prælio decertare
constituat. cum non ignoret, Duce su-
perato facile subijci reliquos milites; &
capta Metropoli, secururam cæterarum
urbium deditiorem. Quam ob rem Go-
thi rectà Romam petiuere? nisi quòd à
prudencia militari didicissent, tum se
Imperij Occidentalis fore Dominos,
cum vrbe, orbis domina, potirentur?
Cur Artesiæ Comes author erat fratri
suo, S. Ludouico Regi, quando mare
traiecerunt, vt Babylonem tentaret? nisi
vt Regia vrbe occupatà, totam facile
Ægyptum suæ ditioni subijceret? vnde
rebelles Hugonottæ toties ciuitati Pari-
sensi

sensi sunt infidiati? nisi quod illa do-
 mita, crederent cæteras sine labore,
 spontè cessuras? quidquid hac ratione
 suscipitur, felici successu non caret:
 contere serpentis caput, & actum de
 vita illius est; fontem exsicca & fluere
 riuus cessabit; Conchæ vnionum geni-
 trices Regem habere dicuntur, illum re-
 tribus tuis include, & cæteras cepisti; e-
 uerte fundamenta, & domus concidet;
 Arcis portam occupa, & arcem vicisti;
 Cor serua & vitam asseruisti. In omni-
 bus negotijs sæcularibus, ad eum omni-
 nõ modum, proceditur; rei principalis
 curam habe, & accessoria consequetur;
 hæc summa sapientiæ prudentiæque hu-
 manæ est, & mundanorum:

Sed bona illorum pace, reperiuntur.
 Dei serui, filij lucis, qui in prudentia filiis
 tenebrarum non concedunt: præsertim
 quando de amore diuino, solidis que vir-
 tutibus comparandis, agitur: solum in-
 rem præcipuam intendunt, securi, quod
 cætera nullo negotio sequentur. Et quia
 grauiores hostes nõ experiuntur, quàm
 pas-

passiones & cupiditates proprias, illarum præcipuam adoriuntur, ut illâ deuitâ, cæteris quoque imperitent; Metropolim petunt, & Babylonem, tum demum se victores, dominosque omnium reputantes, vbi hanc oppræsserint.

Patere, Hagiophila, me nunc saltem augurem esse, & hodie vaticinari, quænam sit tuarum passionum Metropolis, quis Dux tuorum vitiorum, quæ scaturigo, vnde spirituales tuæ miseriæ emanent, ut secundum optima tua proficendi desideria, Babylonem hanc, hunc hostem capitalem aggrediaris, ut eorum iugum excutias, illoque prudentiæ in vita spirituali tam necessariæ officio ritè fungi possis. Optarem te esse de filiis lucis, qui quâ oportet, gradiuntur, & de egregijs illis militibus, qui ut decet, hostem inuadunt.

Aut grauius erro; aut verum est, te plenam esse amore proprio, inclusamque in arce tuæ propriæ voluntatis detineri, vbi tui amans, & commoditatum tuarum, appetituum, sensualitatumque

reti-

tinens, &
Deo inexpl
ratâ illu
ernarum p
unt. Neco
neam, ut
voluntate
quidem ta
in te dom
ficio non
tam esse n
& puto, su
fius & ang
est, inquit
beat omni
lex est, ne
ctionibus,
mis bonar
extinguit.
parcere, r
temperare
Vnicus ad
paulò gra
omnes an

retinens, velut in firmis aggeribus te-
Deo inexpugnabilem exhibes: effectus
gratiæ illius & robur inspirationum in-
ternarum parum, aut nihil apud te euin-
cunt. Necesse igitur est, id à te obti-
neam, vt maledictam illam propriam
voluntatem procul amandes, quando-
quidem tacitè fatearis, eam plus nimio
in te dominari. Alio persuasionis arti-
ficio non vtar, quàm demonstrando il-
lam esse malorum omnium pessimam;
& puto, sufficiet, vt discas eam cane pe-
iùs & angue abominari. Tam improba
est, inquit S. Bernardus, vt ludibrio ha-
beat omnia: illi. si frænum laxes, neque
lex est, neque Deus; cuncta implet fa-
ctionibus, seditionibusque, omne ratio-
nis bonarumque affectionum lumen
extinguit. *a Illa natura docet nos non
parcere, rationi non acquiescere, non ob-
temperare saniorum consilio vel exemplo.*
Vnicus actus propriæ voluntatis in re,
paulò grauiore sufficit, ad conuellendas
omnes animi vires, ad perturbandam
con-

conscientiam, eamque in periculum ruinae adducendam. Conferens aliquando cum viro graui de quodam Religioso, qui à vocatione sua resiliat, quantumuis excellere virtutibus videretur, aiebam mirari me vehementer hanc luenis ruinam: quid, inquit, tantoperè mirandum est? vnica indignatio sufficit, vt animum immutet, atque de malo in peius vsque ad ipsũ præcipitium deducat. Et quid aliud indignatio est, quam actus propriæ voluntatis, & amoris erga se inordinati, qui præ rebus alijs omnibus infert animæ (cæco quodam impetu in perniciem ruenti, neque præuidenti secuturos euentus funestos) incredibilem vastitatem? Ea saltem D. Bernardi opinio est: *a Nihil sic extinguit spiritum discretionis, quomodo propria voluntas subuertens corda hominum, & rationis oculos claudens.* Sanctus ille vir satis habebat experimenti, vt istis coloribus pessimam creaturarum exprimeret, & velut perniciosissimam diffama-

a Serm. 19. in Cant.

famaret. Fortassis ab Apostolo didicerat, eam tali æstimatione prosequi: nam D. Paulus nullam ex omnibus creaturis, nisi hanc timebat, & quando cæteras omnes, quæ constantiam suam infringere, Deique amorem labefactare potuissent, in apertum quasi duellum provocavit, hanc aggredi nominatim, ausus non est. *Certus sum*, inquit, *quod neque mors. neque vita, neque Angeli, neque Principatus, neque virtutes, neque fœces, neque nuditas, neque persecutio, neque gladius, neque periculum, neque angustia, neque fortitudo, neque creatura alia poterit nos separare à Charitate Dei.* a En inuitum Apostoli animum, qui nihilominus propriam voluntatem metuat, neque audeat illam vti cæteras provocare; adco sciebat illam, præ reliquis omnibus, nequam esse, atque formidandam. Quod si illam citet, facit id dumtaxat sub generali creaturæ vocabulo: *neque creatura alia poterit nos separare.* Neque puta hanc meam esse animadversionem

in

in verba Apostoli, ipse D. Bernardus id egregie annotauit: *a* Cum tot & tanta dixisset Paulus, unam scilicet propriam voluntatem reticuit, que saluationis, & damnationis est causa. Illam ergo Apostolus non nominauit, etsi nequitiam illius & periculum haberet perspectissima. Sed adeamus aliquem maiori præditum fiducia, qui nobis naturam huius propriæ voluntatis exponat, dicatque, qualis bellua sit hæc detestabilis creatura. Facile illum reperiemus, neque aliò iri necesse est, quàm ad eundem S. Bernardum, qui iam mentem suam vtrumque patefecit. Adeundus ille potius est, quàm alius, cum viuam eius imaginem proponat, cum horrendum illi bellum indicat, cum detegat illius malitiam, & cumulum damnorum ex ea prouenientium, sensu, quàm alius, acutiore. Ex tanta malorum congerie, quæ de illa diuersis locis operum suorum enumerat, non attingam, nisi duotriaue, vt ex ijs arbitreris, num iniuriã dixe-

a Lib. de Conscient. in proœmio.

dixerim, illam esse pessimam pernicio-
fissimamque.

In declamationibus suis potissimum
aduersus illam perorat, infamatque san-
guisugæ nomine: *fuge hanc sanguisugam
propriam voluntatem, & omnia reliquisti;
hec enim omnia trahit ad se: depone illam:
& iugum tam importabile, quam multi-
plex, abiecasti.* Soli sanguisugæ vocabulo
inhæreamus, plurimos enim sensus com-
prehendit: sanguisuga trahit & ex fugit
omnem sanguinem, etiam valentem, si
eius auiditati indulges, & vires vsque
ad animi deliquium debilitat: ita pro-
fus voluntas propria: nihil tam valens,
tamq; sanum apud te est, quod illa non
sorbeat, cuique pestiferum suum os non
applicet. Particeps esse vult actionum
etiam sanctissimarum, & ex genere suo
optimarum, sed eas sibi arrogando la-
befactat, corrumpitque. *a* In Maia non-
nullis res stupore digna videbatur, quod
Deus eorum ieiunijs, & submissionis
actibus non afficeretur, adeoque que-
ruli dicebant: *Quare ieiunauimus, &*

non affexisti; humiliavimus animas nostras, & nescisti? paucis Deus respondit: *Ecce in die ieiunij vestri invenitur voluntas vestra.* Mirari desinite, quòd quidquid agitis mihi displiceat, vestram voluntatem, non meam, facitis; hæc unica ratio est, alia inquiri non debet. En Hagiophila, materiam, quæ terrorem incutiat Narcissulis illis, suarum tantum rerum amatoribus, quique vivere nolunt, nisi suo arbitratu, & iuxta beneplacitum suarum voluntatum, etiam in rebus, quæ speciem boni præferunt. Dicer hic: volo concionari, volo tali fungi officio, quod ad genium meum est, & quidem hoc loco, non alibi; ille animum obfirmabit aduersus adornationes, & usum communitatis, ut vivat more suo: dedet se deuotionibus omnino peculiariibus, assumet poenitentias & mortificationes à recepta consuetudine alienas; quia ita vult, & voluntati suæ arbitrioque obsequi placet. Horrendum! nihil horum Deo acceptum est, vana sunt omnia, sine merito, neque vlllo gloriæ præ-

animam premio remuneranda, hirudo ista de-
responde libauit, placere Deo non possunt. Hi-
tur vol rudo execranda! quæ nonnunquam vs-
quod qu que ad extremam stillulam, totum san-
estram y guinem exsorbet: ita maledicta propria
hæc vn voluntas, subinde ipsam quoque ex fugit
t. En gratiã vocationis: imò verò, vidi quos-
orem in dam quòd addicti essent propriæ volun-
antum tati suæ, nihilq; agere vellent, nisi quod
re no'u libebat, turpissimè defecisse, malentes
neplac sæculum repetere, quàm se submittere.
ebus, q Dei & superiorum voluntati; imò verò,
Dicit h noui, qui laqueum circumferunt, qui-
gi offic que excussa vera libertate filiorum Dei,
& quidæ quæ in benigna submissione consistit,
um obf vt collum falsæ deceptorixque libertati
, & vsu subijcerent; ignorant, quò tandem de-
tuo: uenturi sint, inter tot tamque periculo-
eculias sas huius mundi procellas, quibus con-
ortific tinuò agitantur; eò quòd neglexerint
aliena tollere sanguisugam illam, & contere-
arbitrio perniciosam hanc propriam volunta-
m! nil tem, quæ illos calamitatibus inuoluit,
a sunt quarum possent aeternū poenitere. Imò
lo glori verò; scio esse in domibus Religiosis, ill-

præ-

X

lōs

Ios & illas, quibus ad emergendum con-
 tendendumque ad perfectionem vires
 desint: funesta illa hirudo aufert omnē
 generosum sanguinem, & propria vo-
 luntas, quæ libita tantum exequitur,
 sic illos debilitat, ut vitam ducant lan-
 guentem, ignauam, imperfectionibus
 vitijisque refertam, quæque intuentibus
 stomachum & nausæam moueat; omis-
 sis molestijs incredibilibus, quibus supe-
 riores affligunt, & pessimis exemplis,
 quibus alios integramque familiam cor-
 rumpunt. Et quænam horum malorum
 causa est, & origo? nisi propria volun-
 tas, nisi peruersissima illa creatura, quam
 nominare Paulus non audet, nisi dete-
 standâ illa hirudo, cui S. Bernardus, tam
 malè imprecatur? Liceret mihi, per o-
 tium, reliquos ipsius titulos recensere,
 non dubito, quin eam magis, quàm
 mortem reformidares, & velut Infer-
 num execrereris: posteaquam dixit eam
 esse sanguisugam, addit: *Non est Domi-
 nus crudelia ad illam, non est Tyrannus,
 eam impius & inhumanus, sic urgens ser-
 uulum;*

*uulunt; inquierum malum, nullum omnes
 importabilius, nulla grauior est sarcina.*
 Propone tibi ob oculos omnem crude-
 litatem barbariemque alicuius Tyran-
 ni; & vastitates omnes, quas animæ in-
 fert propria voluntas, vidisti. Adferam-
 ne præterea, quod idem S. Doctor ali-
 bi de illa pronuntiat? cum vipera com-
 ponit: *Cauemus, inquit, à propria vo-*
luntate tanquã vipera pessima. & nequis-
sima, quæ sola deinceps damnare possit ani-
mas nostras. a Istud profectò est, quod
 terrorem ijs queat incutere, qui volun-
 tati suæ contra diuinam & superiorum
 voluntatem obsequuntur. Auertat à
 nobis Deus hanc crudelem viperam,
 quæ suam Matrem, hoc est, animam,
 euiscerat atque interimit. Cuius for-
 midanda est, quisquis enim suis opi-
 nionibus vehementius adhærescit, &
 propriam voluntatem, velut idolum
 adorat, duobus solum digitis ab infer-
 no abest; & prodigij instar erit, si eua-
 dat. Testis est deplorandus ille Monarchus

X 2

chus

a Serm. de relinq. propr. volunt.

chus Heron, qui quadraginta annis benè sanctèque peractis, morsus ab hac diabolica vipera, corporis animæque iacturam fecit: *a Vipera pessima, quæ sola damnare possit animas nostras.* Ex omnibus hisce discamus, quanta sit eorum miseria, qui solam peruersæ suæ voluntatis directionem sequuntur. Nonnullos reperias, quibus nihil placet, nisi quod est ad palatum sensumque suum; diceres eos regi à Spiritu sancto, ad eò nihil rectè factum est, nisi quod illi volunt, quodque approbant. Miserae victimæ sunt, quibus sanguisugæ optimum sanguinem exhauriunt, sunt mancipia furori & violentiæ crudelissimi Tyranni subiecta; sunt creaturæ traditæ viperis, quæ eas dilaniant, & vitâ priuant. Clariùs, quàm vnquam aliàs, video animæ Religiosæ abstinendū penitus à vocabulo illo: *Volo.* Esse debet sine voluntate, aut ita se gerere quasi illius foret expers, nullum illi exercitium permittendo, sed velut mortuam sepul-

a Ex Cassiano, & Röder. Tract. de Obed.

sepultamque tumulo obedientiæ habendo, quod egregiè innuit S. Ioannes Climacus, dum ait: *Obedientia est sepulchrum propria voluntatis.* *a* Quisquis ita fecerit, voluntatem suam, cum voluntate Dei, aut Superioris, eius Vicarij commutabit; eamque velut agendorum, omittendorumque; regulam certissimam sibi proponet. Quisquis relicta vita seculari se Deo commisit, prudentiùs incedere non potest, quàm si dictum huius diuinæ & amabilis voluntatis sequatur. Plerumque nescimus, quid appetamus; nobis ipsis blandimur; excēcant nos passionēs nostræ: quid igitur æquiùs facere possumus, quàm amplecti lumina huius voluntatis, quæ nouit optimè quid sit in rem vtilitatēque nostram! An angelos sapientiā superamus? at ex ijs fuere, qui obsequendo suæ voluntati, perierint: *b* *In calum conscendam, sedebo in monte testamenti, in lateribus Aquilonis,* aiebat eorum Princeps, plurāque addebat alia, quæ esse, aut facere volebat. Ad

X 3. quæ

a Grad. 4. *b* Isa. 14.

quæ respondet Bernardus: *a Tu tibi miser sedem collocas in Aquilone, plaga frigida & nebulosa.* Et quid agis miser? volebat te Deus collocare *in splendoribus Sanctorum*, & tu deligere vis Aquilonē, quo nulla Mundi plaga frigidior est, aut maioribus nebulis obfuscatur? quidni negotium Deo committebas? perijisti: quia tuæ voluntati obsecutus. O quot adhuc Luciferos tellus ista fert, qui occupationes sibi procurant, qui dimoueri se locis, quæ arrident, non patiuntur, qui ambiunt officia, & dignitates, unde riant! *quid miseri, sedem collocaris in Aquilone, plaga frigida & nebulosa?* Filij Zebedæi estis: *Nescitis, quid petatis.* Petebant hi quādam honoris cupiditate obcæcati, adhibitā Matris intercessione, ut vni liceret ad dexteram Filij Dei, alteri ad sinistram confidere. At fatuam fuisse postulationem ostendit S. Chrysostomus, Christi loco respondens: *Nescitis, quid petatis; ego vos vocavi ad parē dextram de sinistra, & vos vestro consilio curritis ad sinistram.* Ad eundem modum
a Serm. 17. in Cant.

sa pe

Tu tibi saepe nos insani facimus. Si Deo & Superi-
 oribus totam nostri curam relinque-
 remus, cederent melius omnia, melius-
 que collocaremur, quam si voto nostro
 propensionique fuisset satisfactum; unde
 amitteremus bona presentia diuina-
 rum gratiarum, & futuræ gloriæ incre-
 menta: iuxta D. Bernardi sententiam:
*Grande malum propria voluntas, qua fit,
 ut tua bona, tibi bona non sint.* Si huic ma-
 lo subiecta es, Hagiophila, provide; si
 præcipua hæc tua passio est, viribus o-
 mnibus, & quouis impendio ab eadem
 te expedias: & ut vitam ducas hilarem
 tranquillamque, scias medium nullum
 esse efficacius, quam ut voluntatē tuam
 nunquā facias, verū eidem renunties,
 ut voluntatem supremi Domini exequa-
 ris; si aliqua huius vitæ felicitas est, illuc
 consistit, *quoniā vita in voluntate eius.*

Addi poterit Lectio quatuor priorum ca-
 pitum tract. 8. part. 1. Rodericq. vbi de
 conformitate voluntati humanæ, cum
 diuina sermo est. Aut lege cap. 23. & 24.
 lib. 3. de Imitatione Christi.

X 4

Abso:

2 Psal. 49.

Absolutâ Lectione, renoua deuotionem tuam, erga Sanctos, quos quotidie in opem, & tutelam, ex Martyrologio, vel aliunde, eligis. Credo equidem affici te erga Sanctum illum, quem totius anni Patronum instituisti, & illum etiam, qui tibi sorte singulis mensibus accedit, verum de quotidiano Patrono dubitare posse mihi videor, cum tamen ea insignis & vtilissima deuotio sit. Quare auctor tibi sum, vt hodie illam innoues. Et adiumento esse tibi poterit, caput tertium & vltimum, *federis mei cum calistibus contrahendi, si ad manum est.*

II. MEDITATIO.

De Excellentijs & Prærogatiuis Conformitatis cum diuina voluntate.

Oratio præparatoria consueta.

I. P*Rælud.* Propone tibi S. Paulum, qui in tam præclarum Apostolum, nobilémque Dei ministrum ideò euasit, quòd primo statim Conuersionis suæ exordio se diuinæ voluntati penitus comisisset, dicens: *Domine, quid me vis facere?* paratus ad omnia sum. Hoc verbum origo fuit, & princeps causa illius
exi-

eximiæ sanctitatis, quam deinde consecutus est.

II. *Pralud.* Pete à Deo, vt tibi clarè manifestentur emolumenta perfectæ conformitatis, vt huius exercitatione, particeps eorum fieri merearis.

I. *Punctum.* Interna sui Resignatio & conformatio cum diuina voluntate, est nota eorum, qui sincero amore, fidelique obsequio Deum prosequuntur. *Fideles in dilectione acquiescent illi.* Æquissimum illud est, seruire enim oportet Domino ex illius sententia & voluntate, neque benè seruiet, qui sibi hoc axioma non proposuerit. O amantium fidelissime! volo inter tuos fideles esse, imò si possim, cæteris exactior, vt exequar omnes voluntates tuas, etsi minimo eæ nutu significantur! volo, ô Dominorum optime, vt hoc indicio omnes agnoscant me esse de numero seruorum tuorum!

II. *Punctum.* Sancta & perfecta ista, conformitas nobilissimum est munus, quod offerre possumus diuinæ Maiestati: per hanc enim præsentamus id, quod

propriè nostrum est, & reliquis omnibus præstantius. Aurum, argentum, opes, corporis afflictiones, & quidquid aliud, nihil est, si cum corde, voluntatèque comparetur; qui cor donat & voluntatem, donat omnia, nihil seponit. Deo etiam sic placet, vt munus nullum ei acceptius sit, quandoquidè eà ratione sibi subiectas habet nobilissimas suas creaturas. O Deus vnicè Supremo dignè imperio, & voluntatum omnium tam Angelicarum, quàm humanarum Dominator. meam integrè penitèsq; tibi configno, & me gloriæ, quæ in voluntatum tuarum adimpletione consistit, posse aliquid adijcere, vehementer lætor.

III. *Punctum.* Hæc conformitas maior est tranquillitatis animi, & gaudij interioris. Illud canebant Angeli in Salvatoris Natiuitate: *Gloria in excelsis Deo, & in terra pax hominibus bonæ voluntatis.* Quinam verò sunt bonæ voluntatis, si non ij, qui suam cum diuina conformant? Illud Iob dicebat: *Acquiesce Deo, & habeto pacem, erig. omnipotens contra hostes*

hostes tuos; tunc super Omnipotentem de-
licijs afflues. Hinc è contrario accidit,
 vt qui diuinæ voluntati aduersantur, vt
 satisfaciant suæ, nullâ pace, nullâ quiete
 perfruantur, sed magnis exagitentur tu-
 multibus, inquietudinibûsque; *Quis re-*
sistit ei, & pacem habuit? qui verò con-
 sentiunt, ei que se accommodant, Regu-
 lorum instar, vitam degunt solatijs ple-
 nam. Ita mendicus ille tam rerum inops,
 quàm virtutum diues respondit Taule-
 ro, quis esset interroganti: Rex sum, &
 Regnum meum est anima mea, vbi o-
 mnia ex placito & voluntate Dei con-
 tingunt. O talium Regum Amator.
 Deus, fiat beneficio tuo anima mea Re-
 gnum Pacis; malo enim mortem oppe-
 tere, quàm vel minimæ tuæ voluntati
 aduersari.

Colloquium. Dic cum Dauide: *Pa-*
ratum cor meum, Deus, paratum cor
meum; vis vt aëris & anni tempestates
 mihi graues sint, & frugibus inimicæ?
Paratum cor meum Vis me diuitem, an
 pauperem; honoribus elatum, an de-

pressum infamia; solatijs abundare, an
 mœroribus? quod vis, volo. *Paratum cor
 meum.* Vis me formam habere, an turpi-
 tudinem? valetudinem, aut morbos? in-
 genium, aut stupiditatem? vitam, aut
 mortem? *Paratum cor meum, DEVS.* Vo-
 luntas enim mea, tua est. Optas, & de-
 cernis, vt parùm, aut multùm in virtuti-
 bus proficiam? parùm, aut multùm in-
 gratia, & amore tuo? magnam gloriam,
 aut exiguâ in cælo consequar? id ipsum
 optat cor meum. Ita enim promptum
 est ad omnes voluntates tuas, vt nihil
 aliud desideret, quàm illas accuratè ad-
 implere. *Paratum cor meum, Deus, para-
 tum cor meum, Pater, Aue.*

Recollectio. Visitatio Venerab. Sacramen-
 ti. Examen Conscientiæ. Prandium.
 Recreatio. Tempus scribendi, aut pro-
 posita proximè concepta, aut rem a-
 liam, ad aliquod animi leuamen.
 Sequitur Lectio spiritualis.

—(o)—

DISSERTATIO POME.

MERIDIANA.

*De felicitate eorum, qui Deo se totos
tradunt.*

NUnquam memini eius responsio-
nis, quam fecit (referente Theodo-
reto) Monachus Macedonius Principi
cuidam, quin maximum aliquid animo
concupiam de eorum felicitate, qui se
penitus Deo tradunt. Venationi incum-
bens hic Princeps, alius in Eremum pe-
netrauerat, ubi sanctum illum virum of-
fendit: stupere primum, eo loci homi-
nem reperiri, deinde adire etiam & allo-
qui, quid in tam semotis nemoribus, &
horrendâ solitudine actitaret. At rogo
humillimè, inquit Monachus, Celsitudo
tua id beneficij mihi præstet, dicâtque
prior, cuius rei gratia huc accesserit,
hinc enim aliquod responsioni meæ mo-
mentum accedet. Placet, subiungit
Princeps: *Ego veni, ut venarer apros &
ceruos. Ego autem veni, reponit Mace-*
donius, ut venarer Deum meum & ab hac
tam pulchrâ venatione nunquam cessabo.

Quibus dictis, submisso capite, humili-
que facta reuerentia se recepit.

Quid videtur, Hagiophila, de hoc ho-
mine, in quo dubites, virtutémne, an re-
spondendi acumen magis admireris? quod ad me attinet, videre mihi videor
hominem, qui totum se Deo mancipa-
rat, per ingentem creaturarum omnium
abdicationem; & apud quem maiore lo-
co & æstimatione non erant omnes to-
tius Orbis Monarchæ, quàm quæuis an-
nosa arbor eius solitudinis, quam sum-
mâ animi voluptate incolebat. Et facile
apparet talem illum fuisse, qualem illum
mihi propono, tum ex sancta gloriosâ-
que responsione, tum ex secessu, quem
illicò repetijt sine metu displicendi Prin-
cipi, cum quo colloquebatur. Quantum
istud est, semel se Deo integrè tradidisse?
summa huius vitæ felicitas est, tum ho-
minibus sæcularibus, tum ijs, qui in Re-
ligione degunt; status est (liceat mihi
vti eâdem sancti viri consideratione) vbi
Deo impenduntur eadem curæ, ijdem
labores, sed & eadem voluptates, quas
ille

ille capit, qui venatione delectatur, hâc
solum differentiâ, quod curâ illius, qui
se Deo plenè consignat, sint quæstuosio-
res, & labores gratiores, & voluptates
millies, & sine comparatione sint magis
deliciosæ, quàm illæ, quibus fruitur, qui
tempus omne totâmq; vitam venan-
do consumit.

Aduertis, Hagiophila, me paulatim
insinuare velle, quid sit integrè se Deo
tradere; & verò facere id proposui,
priusquam excellentiam boni inde pro-
uenientis declarem. Et vt solidius hunc
primum gradum figam, dico: Tradere se
Deo integrè, est: posito firmo animi de-
creto illum non offendendi culpa aliqua
sue mortali, sue veniali, saltem delibe-
ratè, ferri maximo illi placendi studio,
idq; contentè constanterque est: pro-
culcare pedibus omnes considerationes
humanas commodi, æstimationis, satisf-
factionis propriæ, valetudinis, vitæ de-
nique ipsius, vt simus id, quod à nobis
Deus requirit; est: spiritualibus oculis
cuncta intueri, non regi alio lumine
quàm

quàm diuino, accuratissimè obtempe-
rando omnibus illius inspirationibus;
est: cor habere ab omni creatura va-
uum, nullâ aliâ intentione, aut propo-
sito, quàm vt illud Deo repleatur, rectâ
in illum tendat, illique vni laboret, &
viuat; est: ita nos Deo vnire, vt nihil tam
forte validumque sit in tota rerum na-
tura, quod nos queat ab illo separare, ni-
hil boni, aut solatij querentes nisi in illo,
& propter illum; est: se omnino conij-
cere in sinum diuinæ illius prouidentie,
committendo curam & administratio-
nem rerum omnium ad nos spectantiũ,
in bonis fortunæ, in valetudine corporis
& animi, in studijs & propositis, in vita,
in morte, in æternitate, vt pro arbitrio
cuncta disponat; est denique, se in rebus
omnibus diuinæ illius voluntati con-
formare, nihilque aliud velle & deside-
rare, quàm quod ille vult, & desiderat;
totum hoc est, Deo se penitus integrè-
que tradere.

Diem hunc mihi, Hagiophila, quin
& tibi, felicissimum luxisse iudicarem, si
pos-

possem hanc sanctam abdicationem ob-
tinere à te. & persuadere, vt te omnino,
re nullà exclusâ, Deo Parenti optimo
consignares. Quidquid præ te feras,
nondum illius es; paruulis plicis inuolu-
tum est cor tuum, quibus obtegis vanos
illos tuos in aliquam creaturâ affectus;
Amor ille tui ipsius, quo cupis eminere,
amari, blandèque haberi ab alijs, opti-
mam cordis tui portionem occupat, vix
angulus Deo relictus est. Vbique te qua-
ris; quidquid cupis, appetis vehementer,
& cedere Deum, illòsque qui te guber-
nant, necessum est. Non acquiescis co-
rum voluntatibus, nisi aliquod tuum
commodum intercedat; tot inepta pro-
posita, tot insana desideria, tot vanæ ani-
mi occupationes, tot respectus humani
obsident miserum cor tuum, & circum-
uagantur, aut inuadunt, vt illud ditioni
suae subijciant, excludantque illum, cui
istud vni tradidisse videbaris. Itane, Ha-
giophila, semper insanies, nunquam eris
circumspecta, & toties à creaturis illusa
nondum sapiens, adhuc decipi te sines?
post

post tot acceptas ab ijs iniurias & afflictiones, nondum dolos & perfidiam illarum detestaberis? tantane deliberatione opus est, vt eas deferas, & vt tandem aliquando te dones tuo Creatori? quid per tot recidivas, tantamque inconstantiam tuam obtines? omnis vita tua, & flos annorum cadendo, surgendoque, & iterum recidendo resurgendoque peragitur: quæ, malum, ista infidelitas? post tot gratias & tanta lumina tibi à Deo concessa, potestne turpior perfidia excogitari? **Iesus** & illius Amor nunquam erunt Domini cordis tui? semper misella anima tua erit tuarum præda passionum, & cuiusvis arbitrio libidiniq; exponetur? ô vagam te & mutabilem! aperi tandem mentis oculos, & ingratitudini, perfidiæ & inconstantia tuæ modum pone, & iam nunc te consigna Amatori animæ tuæ, trade te Deo penitus, ea quâ fieri par est, ratione ac serîo protestare nihil deinceps fore tam validum, quod labefactare constantiam tuam poterit, aut minimùm dei iustis

iustis il
cerpere
aliò se
Deo te
tende
sanctiss
tunc de
cissima
tem co
trariu
illicò
tuæ, qu
Prim
penitè
emptio
rum, c
aut oc
licet ve
Sola

Neque
pis, du
ru, &
Deum

iustis illis & solemnibus propositis decerpere. Quisquis volet, Hagiophila, aliò se conferat, tu caue, ne alteri quàm Deo te dones, sis tota illius, ad illū contende, neque aliud quære quàm ipsum, sanctissimamque ipsius voluntatem; & tunc demum, te reputa mortalium felicissimam: & si quando subierint mentem cogitationes, quæ auocare & contrarium suadere niterentur, memineris illicò trium prærogatiuarum felicitatis tuæ, quas tibi in solatium relinquo.

Prima prærogatiua eius, qui se Deo penitus tradit, est illa immunitas & exemptio à seruitute & fallacijs creaturarum, quæ subiectum miserum cor seriùs aut ocys opprimunt, atq; affligunt, scilicet verissimū est, quod quidam cecinit:

Sola saluo seruire Deo, sunt cetera fraudes.

Neque magis aberrat Thomas de Kempis, dum ait: *Miser es, ubicunque fueris, & quocumque te verteris, nisi ad Deum te conuertras.* a Res manifesta est,
&

a De Imit. lib. 1. cap. 22.

& experiētiā nimium probata, nullam dari creaturam, cui fidi securè possit neque ullam esse idoneam, quæ plenè animis nostris satisfaciat. Quis ambigit, quin omnes Orbis diuitiæ cunctæque voluptates, mera sint somnia & deliria? fuit hæc Regij Vatis opinio, qui diuitibus loquens ait: *Viri diuitiarum dormierunt somnum suum, & nihil inueniunt in manibus suis.* Et quotquot rectè iudicant, in eandem sententiam concedunt. Iobi amicus, gaudium peccatoris ad instar puncti esse allerit, & Tertullianus voluptates omnes vocat momenta voluptatum; & sicut aggregata mille puncta, si Philosophis credimus, punctum vnicum non excedunt, ita omnes mundanorum voluptates, omnes dignitates, omnes pompæ, omnes honores, omnia denique illorum bona, cum puncta sint, etsi coaceruentur, non sunt nisi punctum. In Annalibus S. Dominici memoria proditum est, Rolandum, eximium illum Cremonæ Doctorem, postquam diem cum amicis in omni latitia-

rum ge
mum v
dolore
dio dif
tus aieb
cepi? v
tam ch
abiere
est, nisi
& cont
colloca
contrax
profuit
suum à
tegrè D
Ordin
Quis p
in hom
sunt qu
cari del
mini, q
putrido
thorita
est inni
ad rem

rum genere consumpsisset, noctu domum reuertisse, tanto pressum animi dolore & fastidio, quanto per diem gaudio diffluxerat: quò nunc (secum tacitus aiebat) eæ voluptates, quas hodie cepi? ubi epulæ, ubi ioci, ubi choreæ, ubi tam chara amicorum societas, quò ista abiere? ex omnibus mihi nihil reliquum est, nisi nausea de celeri illorum transitu, & conscientiae vulnus de tempore male collocato, alijsque sceleribus, quæ ibi contraxi. Hæc aduersio plurimum illi profuit, nam statim decreuit; animum suum à vanis illis solatijs abstractum, integre Deo consignare, cuius rei gratia. Ordinem Diui Dominici ingressus est. Quis prætereà ignorat, non plus fiduciæ in hominibus (vti magni potentésque sũt) quàm in caducis illis delicijs collocari debere? non magis fidendum homini, qualiscumque ille sit, quàm asseri putrido cariosoque; inniti subsidio, auctoritati, amicitiaeque personæ alicuius; est inniti ligno putrido, inquit Origenes, ad rem ingeniosè connectens duas propositioni.

positiones Moyſis & Ieremiæ: *Maledictus qui pendet in ligno: & Maledictus homo, qui fidit in homine; a* quaſi vnum idemque eſſet lignum carioſum, aut arbor mortis, cui ſcilicet malefici affigebantur; & homo qui natura ſua, & ab animi mobilitate mutari poteſt, & fallere. I nunc, & fide creaturis, huic homini, huic Principi, huic amico, huic familiari, modò memineris, aſſerem eſſe carioſum, & lignum, in quo funeſtum exitum conſequaris, & fortasſe mortem ipſam aut corporis, aut animæ. Nunquam Domino ſeruiam, qui mori poſſit, aiebat. B. Franciſcus Borgia: tu fac ampliùs aliquid, & dic: Nunquam amabo creaturam, vt in ea affectum & fiduciam collocem, quæ deſtituere aut fallere me queat. Re minimâ opus eſt, vt cor humanum, immutetur, ſufficit vna ſuſpicio, minima offenſiuncula, aliqua æmulatio, apprehenſio levis deſpicientiæ; ipſa demum temporis diuturnitas frigus ali- quod afflat cordibus amore mutuo ma-

ximè

a. Deut. 21. Ierem. 17.

ximè incensis: & post hæc à tali incon-
stantia solidum aliquod fulcrum exspe-
cta. Carolus VII. neminem in toto Re-
gno agnoscebat, cui magis fidere posse
videbatur, quàm cuidam militiæ Duci.
Dederat is talia fidelitatis suæ argumen-
ta, vt Rex immobilem existimaret: ni-
hilominus cepit eum aliquando curiosi-
tas, vt inquireret, forétne aliquid, quo
posset ad defectionem, aliúmque quæren-
dum Dominum sollicitari? Serenissime
Rex. respondit, despicientia. Despicien-
tia, inquit Rex, facere id posset? imò ve-
rò, opposuit, despicientia meæ personæ
id faceret, & Maiestatem tuam rogo, ne
lubeat experiri. Si me audis, Hagiophi-
la, nulli personæ te dedes, citius, aut se-
rius mutabitur, & si te non faller, tamen
te destituet aliquando, nisi fortè sit im-
mortalis. Si verò tantum te tenet desi-
derium innitendi alteri, amandi, cor &
affectum tuum largiendi, innitere Deo,
vnice illū ama, & te integrè illi largire:
in eo solo vera quies solidúmque gau-
dium reperitur, quæ est altera illius præ-

rogatiua, qui se Deo plenè tradit. *Valde auarus est, cui Deus non sufficit; a* Ille summum bonum est, & omnium bonorum gaudiorumq; excogitabilem fons, & origo, nullique subiectus mutationi, quid te illi donare reformidas? aut quies, & pax, & solatium non datur, aut ab hoc amico datur: *Dura sunt omnia & tu. Domine, solus requies*, aiebat S. Augustinus: *b* cetera affligunt, ij autem qui te fruuntur, tuque sunt, nouam semper in te reperiunt suauitatem. Nostorum Regum aliquis olim monile pretiosum dedit mulieri, hoc inscriptum lemmate; *Qui me habet, non habet: quod ultra desideret*. Dictum audax & temerariu, cum solus Deus ita loqui possit, plenèque uotis, & desiderijs satisfacere. Qui in Mundo sunt fortunatissimi, quamquam dissimulent, in spinis sunt, & maximis perturbationibus agitantur; si illos Deus destituerit, neque amicitia suæ compotes fecerit; uti è contrario qui Dei est, illique omninò deditus, parem cum Angelis conditionem obtinet, nec minori, quam illi,

a *Fernand.* *b* *Lib. 6. Confess. cap. 16.*

illi, animi pace perfruitur, hanc etiam deuotionem suam, minimaque solatia, quæ Deus famulis suis impertit, omnibus terræ delitijs, & mille Mundorum imperijs anteponit. O quàm volupe est audire egregias illas animas, quæ omnem affectum suum in Deo collocarunt, neque alibi, quàm in eo quietem reperiunt! Narrat P. Balthasar Aluarez, sibi Superiori, quendam nostræ Societatis Concionatorem, dum conscientiarum rationem redderet, dixisse, quòd si Deus gratum iucundumque in hac rerum natura condidit, accumularetur, fieretque æternum, tanti istud facturus non esset, quanti solatia, quæ ex Dei communicatione per horæ quadrantem hauriebat. Doctissimus Suarez ex nostro Ordine fuit eiusdem opinionis, dum asseruit, malle se suam omnem scientiam amittere, quàm negligere vnā horam Meditationis, & occasionem cum Deo conferendi. Quædam alia persona id frequenter in ore habebat, nolle se permutare illa solatia, quæ ex vnica Com-

munione colligebat, cum omnibus ijs voluptatibus, quas homines simul omnes ex creaturis capiunt. O Deus quies unica eorum, qui te quærunt, immitte nobis tantum creaturarum fastidium, ut blandè compellamur ire ad te! ô amor unice amande, imple corda nostra amaritudinibus, & satura fallacijs, quas inferunt omnes ij, quos amandos iudicamus! fortasse hinc discemus sapere, & tandem quamuis serò, rapiemur ad te, ut plene sumus tui, utque viuamus in ampla illa quiete, quâ fideles tui amantes perficiuntur.

Addamus aliquid de tertia prærogativa, quæ complet felicitatem eius donationis sui ipsius, quæ Deo fit: Est aliquid, exemptum esse seruitute & fallacijs creaturarum: plus est, esse in quiete admiranda, & stabili; sed gaudium inde proveniens, quòd quis Deo adhæreat, & intimè gratiam benevolentiamque illius acquisierit, nullo studio ad eam occupandam omisso, incredibile est, præstatque gaudijs omnibus, quæ possent

sent hîc in terris obtineri. Tale gaudium
fuit B. Angelæ de Fulginio, quo sic affi-
ciebatur, vt diceret se non permutatu-
ram cum omnibus vel licitis, vel illicitis
voluptatibus omnium creaturarum; ad-
debátque, etsi anima illius capax foret
tristitiæ (vti in hac mortali vita fieri
necesse est) se nihilominus illic con-
claue gaudiorum habere, dum se Dei fi-
liam ancillámque reputaret. Magna
discrimen est inter gaudia Mundano-
rum, & gaudia filiorum Dei: illorum
gaudia ficta sunt, & speciem tantum
habent gaudiorum, internos animi do-
lores, & vulnera dissimulantium; at fi-
liorum Dei solida sunt. interna, & con-
tinua, & ita illis propria, vt solis conue-
niant, nullâ eorum spe alijs relicta; &
quamquam subiecta sint quibusdam tri-
stitiæ motibus, illa tamen sic ab affluen-
tia gaudij temperatur, vt vix tristitia dici
debeat, quod S. Paulus his verbis diuinè
innuit: *Quasi tristes, semper autem gau-
dentes*, in quæ sic D. Augustinus: *Tri-
stia nostra habet quasi, gaudium nostrum*

non habet quasi, quia in te spes certa est; & non dicit Apostolus, quasi gaudentes: a id est, Serui Dei capaces non sunt veræ tristitiæ, sunt autem solidi gaudij, cum ab ijs gaudij fons, qui est à Deo, & in Deo solo, auferri non possit.

An non sentis, Hagiophila, aliquem huius gaudij appetitum? vis illud obtinere? affige te Deo: *Vis habere gaudium sempiternum*, inquit Augustinus, *adhære illi, qui sempiternus est.* Mundum mundanis relinque, pars tua sit Deus, cui te melius quàm antehac consigna, si istud nunc obtinere abs te possis, reperiens in illo quietem tuam, tuam salutem, tua gaudia, & quandam omnium bonorum complexionem: hoc pretio hunc amicum repudiabis?

Si Lectio hæc non sufficit, aut non aridet, prosequere ea de Conformitate in Rodericio, quæ manè designavi, saltem quatuor aut quinque capita, ad quæ perveneras. Aut lege cap. 37. & 59. lib. 3. de Imitatione Christi.

Sequitur Examen.

EXA-

a In Psal. 48.

EXAMEN CIRCA TEMPERANTIAM, & Sobrietatem.

Hinc cognosces, an habeas in Sobrietate perfectionem.

Primò, *Duas duntaxat in die refecti-
ones sumere, nisi necessitas aliud exigeret: quam in rem dicere solitus erat S. Petrus
Luxemburgensis, non comedere, esse Ange-
licum; semel in die comedere, esse Sancto-
rum; duplicem refectiorem sumere, esse
hominum, & sepius id si fiat Brutorum esse.*
Secundò, *Inordinarijs refectiombus, ne-
cessitatis modum non excedere.* Tertiò,
*Nunquam comedere ad saturitatem, aut
tantum, ut ad studia, ad lectionem, ad ora-
tionem aliàque exercitia reddaris ineptus.*
Quartò, *Aliquantulum se mortificare,
tum quoad ciborum qualitatem, tum quo-
ad quantitatem.* Quintò, *Non ita cibus im-
mergi, ut non attendamus aut lectioni, quæ
ad mensam fit, aut sermonibus aliorum, aut
pijs considerationibus, quas habere nos o-
portet, dum soli sumus, vel ab alijs siletur.*
Sextò, *Non vorare, neque tantâ aviditate
comedere, ut cibus non rectè masticeretur.*

Y 3

Septi-

Septimò, *Non appetere delicatiora, neque in victu, neque in potu.* Octauò, *Vinum moderatè diluere.* Nonò, *Non bibere ultra necessitatem.* Decimò, *Sine eadem, extra consuetum refectiois tempus non manducare, nisi permissum sit, ne sensuati, aut inepte aliorum consuetudini obsequaris.* Vndecimò, *Non indulgere gula comedendo fructus, dulciaria aliásque cupedias siue priuatim & furtim, siue publicè, & cum alijs.* Duodecimò, *Diebus ieiunij nō excedere in sumenda collatione.* Decimò tertio, *Non plus idcirò sumere, quòd sequenti die ieiunandum sit.* Decimò quarto, *Diebus esurialibus, non ita se in prandio ingurgitare, ut cana, etiam quouis alio die, valetudinis causa omitti posset.* Decimò quinto, *Parcè cenare.* Decimò sexto, *De victu nunquam queri.* Decimò septimò, *Non loqui de bonitate vini, ciborum, aliarumque lautitiarum.* Decimò octauò, *Interdum de cibis non cogitare.* Decimò nonò, *Conuiuia declinare, & abstinerè ab escis calidioribus, quæ aliquod castitati detrimentum adferre possent.*

Sequi-

Sequitur tempus ad aliquam partem Officii diuini, aut alterius Orationis vocalis, quam excipit Consideratio.

CONSIDERATIO.

I. **Q**uanta felicitas, exemptum esse tyrannide insatiabilium desideriorum, quæ sola nos reddunt infelices. desideria desiderijs crescunt, & vno expleto, quatuor, vel plura alia subito enascuntur. Vnicum est desiderium rebus omnibus pretiosius præstantiusque, scilicet, nihil aliud velle, neque desiderare, quàm facere Dei voluntatem.

II. Placeat hominibus, quisquis volet, ego nolo alteri placere quàm Deo; cum certus sim, me eius famulitio indignum, si cupiam placere creaturis. Maiorem mihi arrogare gratiam non possum, quàm Paulus qui dicebat: *Si hominibus placerem, Christi seruus non essem.* Quid præstat, an Christo placere, an homini? quisque pro se iudicet, ego, quid mihi agendum sit, noui.

III. Tota vita mundanorum nihil aliud est, quàm quædam compositio

vultus affectata: nunquam risum & latitiam magis simulant, quàm quando cor lacrymis diffluit. Forment effigantque, quantum voluerint, nunquam peruenient ad latitiam eius animæ, quæ nihil præter Deum quærit, quæ rectà in illum tendit, quæque aliud non vult, quàm obsequi eius diuinis voluntatibus.

I V. Nescio, quo spectet eorum gloriosorum ambitio, qui cuperent esse eximij, & à nemine dependere; facessat hæc insânia: si mihi optio daretur, vt vel à me vno dependerem, vel in omnibus, & per omnia à Deo, facile deligerem: gloriosum mihi foret ab eo dependere, & infelicissimum, si meæ voluntatis dominus & arbiter esse permitterer: cessit mihi istud semper pessimè. Volo, & placet, vt Deus sit vnicus mei rerumque mearum moderator.

V. Accidat quidquid euenire potest, pestilentia, bellum, fames, infamia, vituperium, calumnia, iactura bonorum, valetudinis, vitæ: plus oculis meis ista diligam, quòd illic reperiam diuinam voluntatem.

voluntatem
diceret, a
hnes Cru
ere dign
tra diu
um natu
bluctetu
nen lato
omplec
VI.
Christus
eps quã
ha excel
ni calor
nine ma
quàm ol
e omni
unt. Dix
ac semp
uum, om
Quæ isth
facere v
quo cun
cisci! ni
imitari.

voluntatem; inopiam oscularer, si me adiret, amplecterer ambabus vlnis omnes Cruces vniuersi, si eas Deus imponere dignaretur; postquam didici, nihil citra diuinam voluntatem, in tota rerum natura, accidere, quamquam caro obluetur, molestéque ferat, animo tamen læto alacrique excipio omnia, & complector.

VI. Sumne maior Dominus quàm Christus IESVS? sumne dignior Princeps quàm Seraphini? sumne Monarcha excelsior, quàm omnes ij Reges Regni cælorum? at hi omnes non alio nomine magni, digni, excelsique sunt, quàm ob magnam submissionem, qua se omnibus Dei voluntatibus subiecerunt. Dixere: Tua voluntas fiat, ô Deus! hac semper vsi, in hac omne studium suum, omnemque gloriam collocarunt. Quæ isthæc foret impudentia, vt aliter facere velit terræ vermiculus, & ex æquo cum diuina, suaque voluntate pacisci! nihil sapientiùs, quàm sapientes imitari.

*Supra relaxandi animum, deinde Officij di-
mini, aut aliarum Precum vocalium, Vi-
sitationis Venerabilis Sacramenti, tum
præparationis ad sequentem Medita-
tionem.*

III. MEDITATIO.

*De exemplis Sanctorum in hac Con-
formitate.*

Oratio præparatoria solita.

P*relud.* I. Propone tibi animas non-
nullas ad tantam gloriam euectas, vt
inter Seraphinos confideant, easque in-
terroga, qua ratione illum gloriæ gra-
dum sint consecutæ. Respondebunt:
conformando voluntatem nostram cū
diuina: quemadmodum aliqua respon-
derunt aliquando B. Stephanæ de Son-
cino, in quadam illi facta reuelatione.

II. Prelud. Pete gratiam, vt sancto-
rum exemplo stimuleris ad nihil volen-
dum, nisi quod vult Deus.

I. Punctum. Considera primò, opti-
mi Isaaci Resignationem, qui etsi præ-
uide-

videret paterni animi decretum, posset-
 que fugâ sese eripere, vti iam perfecta
 ætate & viginti quinque annorum vir,
 acquieuit tamen omnibus modis, &
 flexis genibus Parentis gladio caput
 subiecit. Secundò Davidis, dicentis Deo:
Ut iumentum factus sum apud te, quæ est
 aptissima similitudo ad veram Indiffe-
 rentiam significandam. Iumentum enim
 obsequio promptum est, nulla habita-
 temporis, aut loci, aut vectoris, aut ene-
 ris ratione. Tertiò IESV Christi, cui ni-
 hil intererat, seu in Nazareth fabri offi-
 cio & colligendis lignorum sarmentis
 exerceretur, seu Concionibus per lu-
 dam habendis, patrandisque miracu-
 lis insudaret. O insignem superbiam
 meam! qui semper id volo, quod hono-
 rificum est, quasi aliquid dignius nobi-
 liusque sit eo, quod est secundum Dei
 voluntatem!

II. *Punctum*. Attende primò ad Re-
 signationem alicuius Angeli, cui cura
 miserrimi homuncionis commissa est: sit
 improbus, sit deformis, sit monstrum.

hominis: cum curat Angelus per totos quadraginta, quinquaginta & plures annos, eâ promptitudine & voluptate, atque si foret sanctus quispiam, aut aliquis ex terræ moderatoribus. Secundò ad illam excellentis istius serui Dei, qui dicebat; malle se ex Dei voluntate, vt vermiculum, repere per terram, quàm ex sua, inter Seraphinos considerare. Ad illam S. Gertrudis, de qua Dei filius aliquando Mechtildi reuelauit, illam adeò promptè solitam consentire omni nutui diuinæ voluntatis, vt magis membra cum corde non conspirarent. Quid ad hæc cor meum! nonne istæ lectiones sunt, quibus omne meritò studium operamque impendas?

III. *Punctum.* Expende primò Conformitatem, quam habuit cum diuinæ voluntate Catharina Genuensis, exclaimare solita: volo quidquid Deus vult, & serio animi decreto optarem, vt pars illa mei, quæ Deo vel in minimis contradiceret, in puluerem redacta ventis traderetur, aut annihilaretur potius. Se-

eundò illam huius Religiosi, de quo meminuit Cæsarius, dicentis, quòd si Deus condemnare illum vellet, nihil se refragaturum, imò ne impediturum quidem, etsi id posset vnica Oratione Dominica recitata: Id dumtaxat postulaturum, vt nullam tota æternitate cogitationem, contrariam diuinis dispositionibus admitteret. Tertiò. Et hanc viri illius Deo deuoti, qui, teste Salmerone, loco precationum decursis Alphabeti litteris, Deum rogabat, vt cùm sciret omnem illarum litterarum collectionem combinationemque; id ex ijs colligeret, quod foret ad ipsius arbitrium & voluntatem; nihil aliud se velle, quàm quod esset illi consentaneum, O Deus consentientium amator voluntatum! cur non in mentem mihi veniunt similes sententiæ, & inuentiones, quibus approbem in omnibus, & per omnia, diuinæ voluntatis tuæ dispositiones?

Colloquium ad sanctos, vt tibi donum huius sanctæ Conformitatis obtineant, Pater, Ave,

Recollectio. Lectio Thomæ de Kempis.
 Rosarium. Visitatio Venerabilis Sacra-
 menti. Cœna. Recreatio. Litanîæ San-
 ctorum. Visitatio Venerabilis Sacra-
 menti. Præparatio Meditationis cra-
 stinæ. Examen. Quies, sed prius tripli-
 ci genuum flexione honora imaginem
 B. Virginis, quæ in cubiculo tuo exposi-
 ta est. Cultus ille magis tibi proderit,
 quàm existimas: delectatur eo Deipa-
 ra, & mirum in modum compensat.



DECL

DECIMVS DIES.

*De Amore erga Venerabile Sacra-
mentum.*

Proximè ad metam consistis, Hagio-
phila & in tertio die Viæ vnitivæ. Et
quamvis non ignorem, Orationem, Ex-
ercitium Præsentivæ Dei, & deuotionem
erga Virginem Matrem. esse media effi-
cacissima ad nos Deo vniendos; quia
tamen omnia, spatio octo vel decem
dierum tractari non possunt, & certissi-
mum sit, nulla re facilius hanc internam
cum Deo communicationem, & quam
prosequimur in hac vita, vñionem cum
summo nostro bono acquiri, quàm con-
sideratione, Amore & frequentatione
diuinæ Eucharistivæ, quæ merito nomi-
ne Communio, tanquam vñio hominis
cum Deo appellatur, hodiernum diem
illi concedemus; fructus, quem inde
hauries, clariùs patefaciet rationem in-
stitutum meum.

*Visitatio Venerab. Eucharistivæ. Et præpa-
ratio ad meditandum.*

L M E.

I. MEDITATIO.

*De Amore, quem Deus in Venerabili
Sacramento nobis testatur.*

Oratio præparatoria consueta.

P*ralud.* I. Repræsentabo mihi visionem illam, S. Catharinæ Senensi perquam familiarem. Intuens sacram Hostiam in manibus Sacerdotis, videre sibi videbatur fornacem ardentem, ad inflammandos omnes illos, qui propius accessissent, idoneam.

II. Pralud. Utinam accendar hoc igne amoris, qui est in diuinissimo Sacramento! quandoquidem illic Deus se collocauerit, ut eum amarem.

I. Punctum. Quantum fieri potest, Amicus Amico præbens esse desiderat, idque vnum est Amicitiae argumentum. Omnia Deus excogitauit, egitque, ut suum erga homines Amorem testaretur; cumulauit illos beneficijs, contulit naturam vitæ, sensûs, rationis participationem, illam ipse suis manibus ad imaginem & similitudinem suam efformauit:

dedit

dedit illis cor proclive propensumque
ad Amorem, addidit præterea severissi-
mum mandatum, vt toto illum corde
diligent: & vt nihil omitteret (ne
obijci ab hominibus posset, rem esse ar-
duam, illum amare, qui sub aspectum
non caderet) oculis nostris & sensibus
visibilem palpabilemque se præbuit sua
Incarnatione: *Verbum caro factum est,*
& habitauit in nobis, vt, Teste, Augusti-
no, Familiaris diligeretur ab homine, &
quia hoc tantum erat ad triginta tres
años, vt se futuris quoq; sæculis præsen-
tem sisteret, abdidit se sub speciebus pa-
nis & vini, vt indicaret se eos amare,
quibuscum esse continuò volebat; id-
que modo tam admirabili, vt non sit in
vno dumtaxat Orbis loco, vt dum viue-
ret, sed in omnibus regionibus, quacum-
que terra hominibus culta se porrigit,
vt præsentiam suam omnibus indul-
geat; illudque beneficium vsque ad
mundi interitum prorogabit. O Deus
hominum amantissime! quis te vicif-
sim non amet! meritò te Filium homi-
nis

nis indigitabas, cum tanto in hominem amore rapereris. Qua in re animum meum, & ingenium occupo, si non excogito modos, quibus testificer me diligere te, nihilque mihi esse æquè in votis, quàm vt semper sim tecum?

II. *Punctum.* Amico non sufficit præsentia, sed quoad fieri potest, coniungi vnique desiderat. Vbi vera amicitia est, ibi vnum cor, vna voluntas, vna res est. Iesus in hac vnione excessit omnes amantes, vt sciremus, quanto nos diligeret affectu. *Qui manducat meam carnem, & bibit meum sanguinem, in me manet, & ego in eo.* En vnionem, cui par esse alia non potest; maior est, inquit Cyrillus, quàm si duæ ceræ liquefactæ in vnâ commisceantur. Hac vnione vitam Dei viuimus. *Qui enim manducat me, & ipse viuet propter me.* Ita vt susceptum Christi corpus idem in animabus nostris operetur, quod in corpore cibus alius in stomachum demissus: hinc nobis vitam gratiæ conseruat. *Ego sum panis vita, qui de calo descendi. Quis*

nem vnquam aliàs audijt similem vnionem?
 tales amores? nunquam Amicus sub-
 stantiam suam, seu totum se dedit, vt
 nutrirer sustentaretque Amicum. O
 eximie in Amore! nunquam te tantum
 amabo, quantum amare te vellem.
 Vellem si fieri posset, me tibi ita vniri, vt
 in permissione huius tam amabilis v-
 nionis, me ipse perderem, neque am-
 pliùs essem, nisi in te!

III. *Punctum.* Tandem Amicus dat
 omnia sua & cum Amico facit com-
 muniā. Facit id Iesus in Sacramento,
 tam mirabili, quàm amabili profusio-
 ne. Dat nobis corpus, animam, vitam,
 sanguinem, quo nihil in rerum natura
 præstantius est, cùm sit pretij inæstima-
 bilis. Dat diuinitatem suam, veniens
 cum Patre & Spiritu Sancto; participes
 nos facit suæ gratiæ, & virtutum nobis
 necessarium, iuxta dispositionem, qua
 ad hoc Sacramentum accedimus. Ve-
 nit etiam instructus suis perfectionibus:
 nam Amor illius. illius Clementia, Pa-
 tientia, Humilitas, Omnipotentia mi-
 rum

rum in modum se produnt in hâc diu-
nissima Eucharistia. Maiorine Amore
communicare se quis potest? O DEVS
liberalitatis infinitæ! desidero te amare
plusquàm vlla vnquam Creatura te a-
mauit: imò Amore infinito opus foret,
vt Amorem rependerem Amori.

Colloquium ad tres Personas SS. Tri-
nitatis de tanto collato beneficio. Ad-
mirando, Obstupescendo, Amando. Pa-
ter, Aue.

Recollectio Meditationis. *Electio Tesseræ,*
apta erit hæc ex D. Augustino: *Vbi est ab-*
sconditus pulcher, quem desidero? aut illa sen-
æ. Bernardi: Valde auarus est, cui Deus non
sufficit.

Lege partem Officij, aut alterius Oratio-
nis vocalis, Audi sacrum, deinde vaca
lectioni spiritali.

DISSERTATIO MA- TUTINA.

De Communione.

PROMISI tibi, Hagiophila aliquem de
Communione sermonem, & opinio
mihi pridem infixæ, quòd origo nostra-
rum imperfectionum, & fructus exigui,
quem

quem in vita spirituali colligimus, æque
à Communionibus tepide, & ex con-
suetudine susceptis, atque à malè insti-
tutis Confessionibus oriatur, facit, vt in-
re tanti momenti & quàm maximè ve-
lim tibi impressam, stem promisso, dicti-
que mei fidem exequar. *a* Sumo exor-
dium à facto memorabili, quod Cini
Ferrariensi accidit: traduxerat ille ado-
lescentiam in magnis difficultatibus pu-
dicitiae suae, imò ad probrosos lapsus, at-
que inordinatam viuendi licentiam de-
uenerat; nihilominus desiderium salu-
tis magnos in anima stimulos, & me-
tum damnationis aeternae excitabat;
vnde consilij gratia adiit Confessarium
suum, petijtque, qua tandem ratione
posset ab hac miseria, & istis pessimae
consuetudinis occasionibus emergere:
Viam, inquit Sacerdos, compendiosio-
rem non video, quàm vt vxorem ducas,
duc & modò illa non abutaris, in saluo
es. Obtemperauit consilio, vxorem
duxit, & conscientiae pace fruitus est.
Verùm, quia Matrimonia aeterna non

a In stimulo virtutis.

sunt,

sunt, intra annos aliquot vxor fatis-
 concessit; & en veteres rediere mole-
 stia, eademque, vt olim, carnis pugna;
 itur ergo in antiquam siluam, & nouæ
 infameque libidines magis, quàm ante-
 hac, animum ipsius lancinabant. Qua-
 re iterum statuit virum Religiosum,
 consulere, vt animæ remedium inue-
 niret; rationem præteritorum illi red-
 dit, & exiguo se teneri desiderio nouæ
 ducendæ vxoris, ne in malam incideret,
 & ne iisdem rursus periculis exponere-
 tur, quæ iacturam salutis adferrent.
 Optimâ fortunâ Pater hic, aliud omni-
 nò à priori, medium suggessit: Domi-
 ne mi, inquit, si aliquid tribuis fidei
 meæ, frequenta sacram synaxim, sæ-
 pius ad hanc mensam accede, octauo-
 quoque die sume hunc panem Ange-
 lorum, & intra pauculas septimanas ab
 hisce tentationibus liberaberis, nulla-
 que inter virtutes omnes tibi charior
 erit, castitate Acceptissimum illi fuit
 istud consilium, còque vsus per aliquod
 temporis interuallum, ita se leuatum.

ser.

ſenſit ab eo Amoris appetitu, omnibusque carnis rebellionibus, vt in nouo quodam ſolatorum orbe viuere ſibi videretur, diceretque identidem: heu! cur vnquam vxorem duxi! ah cur in primis meis difficultatibus homo non occurrit, qui mihi frequentationem Sacramentorum ſuaderet! non periſſem, nunquam matrimonio me copulaſſem, & per cupiditatum mearum moderationem reddidiſſem me parem Angelis. Vtinam reperiſſem tum temporis Confeſſarium, qui talem agro mihi medicinam propinaſſet! viuerem nunc hominum fortunatiſſimus; non tamen omnino miſer ſum, quandoquidem poſt tot toleratas miſerias iam caſtum me, & ex animi voto, continentem experior.

Ab hac hiſtoria tranſeamus ad inſolitum ſtuporem, quo ſæpe deſigor. Veriſſimum eſt, & hac proximā experientia luculenter comprobatum, idcirco mundanos homines diu in ſordibus ſcelerum ſuorum volutari, ſemperque

que in peius ruere, quod Sacramento-
rum & maxime Eucharistiæ frequen-
ti usu abstineant: a *Arui cor meum,*
quia oblitus sum comedere panem meum.
Panis est vitæ (*Ego sum panis vite*) ani-
mam nutriens & vitam gratiæ confer-
uans, & corroborans aduersus tentatio-
nes. Reipsa experimur, etiam scelera-
tissimos, aliquot diebus, post huius sa-
cratissimi cibi sumptionem, à peccatis
se continere, non aliunde quàm ab ef-
ficacia huius Sacramenti. recens vsur-
pati, quod animos illorum aduersus
hostiles impetus obfirmat. Extra du-
bium est, quin maxima hominum pars
defectu frequentis Communionis, in-
ditionem peccati dæmonisque rediga-
tur. At vnde euenit (atque id me re-
tinet attonitum) quod plures & in sæ-
culo & in domibus Religiosis, qui di-
uina hac esca sapissime fruuntur, tam-
parum in virtute promoueant, post-
centenas & sexcentas Communiones,
æquè ac antè superbi, æquè maledici,
ambitiosi, vani, impatientes, æquè sen-
a *Pf. 101. Ioan. 6.* suum.

suum suorum cupiditatibus obsequen-
tes, & post plures annos iisdem, imò
gravioribus imperfectionibus obnoxij
sint? quis huius mali fons? quandoqui-
dem hic panis Angelorum fit panis be-
nedictionis, qui omnia gratiarum fauo-
rumque genera continet? Sistere is po-
test belluinam passionem Amoris, &
emendare effrenem vitam hominis dis-
soluti, quòd octauo quoq; die per tem-
pus aliquod sumptus sit; & curare ne-
quit morbos spirituales minoris mo-
menti in pluribus Religiosis, qui eun-
dem bis terue in hebdomada, & fortas-
sis quotidie, aut in anno centies vsur-
pant. Hic ignis Amoris non consumit
illam linguæ licentiam, illum affectum
vanitatis, illum humorem propriæ asti-
mationis, illum contemptum Regula-
rum, obedientiæ, minimarumque re-
rum, neque inordinatas illas libertates, à
quibus in vita tepida negligentique
continentur? Diuinissimum hoc Sacra-
mentum, quod tam admiranda alibi,
vbi animæ recipiendis illius affectibus
minùs aptæ videntur, operatur, quidnā

Z

eadem

eadem simili ratione patrat in ijs, quæ meliorem præ se ferunt dispositionem? hoc profectò demiror vehementissimè, neque satis colligere me possum, neque promptè aliquod huius rei argumentum reperire.

Tamen omnibus maturè discussis, atque perpenſis, existimo eò tendendum esse, vt dicamus causam huius exigui profectus, qui ex tot Communionibus percipitur, siue à sæcularibus, siue à Religiosis, non provenire aliunde, quàm ab indeuotione & modico seruire, quo ad sacrum hoc conuiuium acceditur. Non præmittitur debita præparatio, in ipso actu communionis torpet tepetque animus; gratiarum actio, aut prorsus omittitur, aut perfunctoriè negligenterque fit; atque hæc vnica est omnium, quæ recensui, incommodorum ratio. Vt verò ijs occurras, author tibi sum, chara Hagiophila, vt modum, quem præscribam, adhibeas tribus illis partibus, ne tepiditate tua dedecores hoc adorandum Sacramentum. & ne adnumereris ijs personis, quæ inutiliter

liter & sine fructu illud sumentes, vix
effugere poterunt vindicem manum.
Dei omnipotentis, qui maiorem in hac
sacra mensa, quàm vsquam alibi, fideli-
tatem, honorem atque ~~reuerentiam me-~~
ritò requirit.

Fac igitur vt preparatio tua sit, quæ
lem esse oportet, id est primò Feruens,
per magna ardentiaque communican-
di desideria, eum verissimum sit D. Au-
gustini assertum: *Desiderando capax ef-*
ficeris, ut implearis. Omnes huius sa-
cerdum panis amantes fuere in simili-
bus desiderijs admirandi: Beata Aga-
tha de Cruce hinc, incredibilem in mo-
dum, languebat, & Sancta Catharina
Senensis, tam insolitam illius famem
patiebatur, vt si quando cogeretur ab-
stinere, linqueretur animo, morique vi-
deretur. An non fas esset, pro amabi-
lissimo Iesu, quem excipere volumus,
imitari ardores languoresque eorum,
qui Creaturas amant? quique ad so-
lum rei amatæ aspectum continuò su-
spirant & languent? Lectorine rubo-
rem incutiam, an potius cor illius in-

hunc panem Angelorum inflammabo, narratione eius, quod puellæ Communionis deliderio accensæ euenit? Monumenta Ordinis D. Dominici produnt. Beatam Imeldam Bonnonientem non nisi annorum circiter vndecim, sed iam sacro habitu indutam, hoc modo atque hac occasione obijisse. A reliquis sororibus optimè instructa de bono Communionis, tanto eius fruendæ voto, affectuque rapiebatur, vt moram omnem dilationemque tolli enixissimè postularet. Verùm, quæ illi præerant, non rebantur id tantillæ ætati concedendum. Itaque cum aliquando cæteræ sacramentis accederent, hænt illa in chori angulo lacrymis indulgens, deplorantique, quòd capax tanti beneficii non foret. Lacrymæ tantoperè diuinæ bonitati placuerunt, vt miraculo obtinuerint illud, quod superiorum gratiâ non potuerant adipisci; dum enim sic affligitur, sacra hostia videntibus omnibus e Tabernaculo egrediens, in aëre suspensa, supra caput paruulæ Imeldæ consistit. Quo prodigio attonitæ sorores monent.

Sacer-

Sacerdotem illicò, qui accessit & hostiis prius patenam imposuit, deinde diuino intuitu monitus, tandem Imeldæ porrexit. Hæc, ut erat flexis genibus, dum tam singulare, tantisque votis & ardoribus exoptatum beneficium capere animo non potest, subito exspirauit, non sine maxima Religiosarum, aliorumque, ad quos breuifama dimanauit, admiratione. Eæ quid sit magno teneri Communionis desiderio! Sed præter desideria, etiam considerationes & industriae adhibendæ sunt: quibus in rebus Beatus Aloysius Gonzaga non deerat, cum se tribus ante diebus per preces, per poenitentias, & per pium colloquium de Venerabili Sacramento pridie, quam communicaret, institutum, disponeret. Beata Agatha de Cruce Religiosa Sancti Dominici, preparabat se noctu, triplici corporis diuerberatione, & prece prolixâ, ad cuius finem humi prostrata extensisque brachijs in crucis formam, suorum veniam peccatorum postulabat. Non aio fieri tantum debere, & probè

cauero, quis enim crederet? conor ~~ta-~~
~~men~~ efficere, vt appareat, nulli par-
~~cendum~~ esse labori, quo quis diuino
~~hoc conuicio~~ dignum se præstet. Im-
~~primis~~ maior eo die in surgendo dili-
~~gentia~~ adhibenda est, imo proderet
~~solito citius~~ è lectulo se tum proripe-
~~re~~ fertur Ioanna Antillonia eiusdem
~~Ordinis~~, summo mane surgere solita,
 vt diutius orationi vacaret, quando illi
 erat ad sacram synaxim accedendum.
 Secundò, præparatoria sit Pura per nito-
 rem Conscientiæ, non solùm à pecca-
 tis mortalibus, verùm etiam veniali-
 bus. ita vt saltem nulli illorum sinus af-
 fecti, imò ne ipsis quidem occasioni-
 bus, quæ ad ea deducere nos possent.
 Vnde instituenda est exacta Confessio,
 aut sincerus actus Contritionis exer-
 cendus, si simus solis peccatis veniali-
 bus infecti. Deus ipsa puritas est, an
 non ergo ~~in~~ meritissimo maxima con-
 scientiæ puritate adiri debet? hanc ob
 rem olim in Ecclesiâ, priusquam Com-
 munioni distribueretur, elata voce ela-
 mabat Diaconus: *Sancta sanctis*. Et Ie-

svs ipse servator noster, qui in stabu-
lo natus erat, & positus in sordido præ-
sepi, quique mori statuerat in Monte
Caluariæ, fosteribus spurcitijsque re-
ferto, quando voluit instituire pretiosi
sui Corporis Sacramentum, mandavit
vt id fieret in Cænaculo locoque apto,
nitido, strato & benè disposito. a Ter-
tiò, sit Libera, id est, abstracta ab affe-
ctu Creaturarum. Omnes enim passio-
nes affectionesque captivam detinent
animam, atque impediunt, ne dignè &
cum fructu suscipiatur Dei filius, qui
cor ab omni re creata vacuum esse de-
siderat, vt seipso replere possit: eadem
animarum nostrarum ratio est, quæ
stomachi laborantis, aut vitiosis hu-
moribus oppleti: frustra bonum ali-
mentum illi suppeditas, parùm aut ni-
hil proficitur; frustra etiam Christum
sumis, illum vitæ panem, nisi prius pec-
cantes illos humores, illas erga te &
alios affectiones immoderatas expellis;
nihil hic excellens tibi proderit. Imò
unicus talis affectus sufficit ad impedi-

Z 4

endum

à Marc. 14.

endum omnem mille Communionum fructum, bonamque animæ sanitatem. Quid prodest Aquilæ, Ani Regiæ in altum eniti, vt solito volatu solem proximè contingat; si exiguò se sentit funiculo irretitam? Anima misera! quantumuis Regia sis Deique filia, vnico minutulo affectu impedire detinerique potes! paruum istud vinculum capax est, vt non solum accessum, sed etiam ipsam solis tui aspectum tibi eripiat. Indubitatum id est, quisquis voluerit ex Communione fructum & solatium reportare, is animum ab omni re terrena euacuet, necesse est. Ipse IESVS duo in rem præsentem B. Agathæ (cuius non semel ante memini) tradidit: primum, vt ab omni creaturâ se abstraheret; alterum vt diuinæ prouidentiae se penitus committeret; post hanc instructionem melius se præparet, qui potest.

Quod attinet ad Communionem, complectendo etiam sacram, quod prius auditur, ipsa quoque tribus conditionibus
 sti-

stipar
 nihil
 se ho
 per c
 oppo
 præle
 rum,
 nem
 rum
 amor
 cende
 Augu
 ram i
 eum a
 singu
 uis a
 Dei v
 siue o
 aman
 quod
 in ear
 defec
 lis in
 niali

a
 scilicet,

asipienda est. Primò, Humilitatis & an-
 nihilationis sui ipsius, vt quis indignum
 se hoc incomparabili favore reputet,
 per considerationes ad hunc affectum
 opportunas, tum vitæ præteritæ, tum
 præsentium imperfectionum, tum alio-
 rum, qui meliorem animi dispositio-
 nem ad hanc mensam adferunt, & re-
 rum similitum. Secundò, Attentionis,
 amore & reuerentiâ plenissimæ, exer-
 cendo actus Amoris, & Fidei circa hoc
 Augustissimum Sacramentum, qui mi-
 ram in nobis attentionem excitabunt,
 eum æquissimum sit, eam hîc esse magis
 singularem maioremque, quàm in quo-
 uis alio negotio, siue ob Maiestatem
 Dei viuentis, quem sumus excepturi,
 siue ob beneficia & gratias, quas ab hoc
 amantissimo Patre expectamus. Circa
 quod notandum est, plures Theologos
 in eam sententiam conspirare, a quod
 defectus deuotionis & attentionis actua-
 lis in ipsa Communione, & peccata ve-
 nialia, quæ committuntur sumendo il-

Z 5

lam

a Vide Suarez in 3. p. tom. 3. dist. 64.
 sect. 4.

Iam cum animi euagationibus & tepiditate, impediunt, quo minùs in anima effectum suum producat, & ne vllum gratiæ gradum illi communicet, ob excellentiam huius Sacramenti dignissimi, & exigentis quodam iure suo, vt homo se totis viribus illi applicet. Tertiò, precum & magnarum postulationum ab hoc supremo Rege, & munificentissimo benefactore, qui maximè præstandis beneficijs delectatur, & qui seipsum nobis donans, cætera quæ petemus, recusare non vult, modo sunt ad ipsius gloriam spiritualémque animæ nostræ profectum. Præcipuè verò postulabimus tum, & sancta quidem importunitate vrgebimus id, quod potissimum desideramus. B. Maria de S. Benedicto, Ordinis D. Dominici non omitebat quotidie, & maximè tum, cum communicabat, petere, vt sibi statim à Comuniõne mori liceret, & voti composita est. Vtilissimum etiam erit eo tempore, rogare Iesum, vt benedictionem suam nobis impertiat. Si visibiliter in domum aut cellulam nostram ingredere.

deretur, subito ad illius pedes proiecti,
illum adoraremus, & vt nobis benedice-
ret, precaremur. Idem præstemus, quo-
ties oculis fidei cernimus illum acco-
dentem, & iam hospitio pectoris exce-
pimus. Vidit aliquando B. Carita eius-
dem Ordinis, Christum ab Ara benedi-
centem sororibus, quæ sumpta Com-
munione recedebant.

Superest gratiarum actio, quam per-
ficient hæc tria: Primò Perseuerantia,
vt illi minimum horæ quadrans impen-
datur: tum grates agendo diuino huic
hospiti, tum compellendo Angelos tan-
tæ Maiestatis stipatores, tum e Sanctis
stipem spiritualem corrogando, ab hoc
virtutem aliquam ab altero nouam gra-
tiam: citius opinione nostrâ quadrans
absoluetur. Sancti, qui rite huius bene-
ficij excellentiam conceperunt, fuere in
studio gratitudinis, recolendâque bene-
ficij memoria admirandi. B. Agatha de
Cruce nunquam à Communione tem-
plum sine mœrore deserebat, & abiens,
de via, identidē respectabat locum, ubi
Venerabile asseruabatur, vt relicta ado-

raret, & deinde totum diem referendis gratijs consumebat. Secundò Fiducia, vt cum Christo, tanquam cum sponso animæ nostræ amantissimo, loquamur, repetendo & rursus proponendo omnes modieas & magnas nostras, tum corporis, tum animæ necessitates. S. Tereſia aſſerit, tempus iſtud eſſe negotijs noſtris cum illo pertractandis opportunifſimum. Tertiò liberalitas ex parte noſtra: vt conferamus præſentemūſque munus aliquod in grati animi teſtimonium. Exempli gratia, tolerantiam verborum aculeatorum, propositum nunquam de vllâ re murmurandi, victoriam alicuius paſſionis, & ſimilia, quæ Chriſto ſcimus eſſe accepta.

Ad hunc modum, Hagiophila, Communiones inſtituendæ ſunt. ſic accede, aut etiam meliùs; nullam neglige, quia vſurpa, quàm potes, frequentiffimè; neque vilius rei dolor te magis affligat, quàm ſi aliquam omiſeris: *Vnus ſit dolor, hâc eſcâ priuari*, ait D. Ioannes Chryſoſtomus. Tuus omnis proſectus, & ~~inſolumentum~~ pendet à modo, quo
huc

huc sacrae mensae accumbes. P. Balthasar Alvarez vir eximiae sanctitatis, cum quodam die aliquid boni operis peregisset, postmodum sub Oratione matutina vidit Christum plenis vlnis ferentem, dena, & quasi pondere opprimeretur, subleuari postulantem: Imaginare sic esse in Venerabili Eucharistia, nihilque aliud ab illo desiderari, quam ut te beneficijs cumulet; accipies, modò, uti par est, accedas.

Adde huic Lectioni, si placet, aliquot Capitula Tractatus octavi, secundae Partis Rodericij, aut aliquot ex Libro quarto de Christi Imitatione, in his omnibus reperies, quae devotionem tuam erga Venerabile Sacramentum inflamment.

A Lectione renova eandem devotionem. Ad quam nonnulla suggero in meo *sermone de Favore apud la s v m* devotione secundâ, & octavâ Capitis octavi.

Sequitur præparatio Meditationis sequentis.

—(o)—

II. MEDITATIO.

De Amore, quem nos Venerabile Sacramento debemus.

Oratio prapparatoria solita.

I. P. *Præludium.* Proposito tibi Deo Seruatore, audi illum dicentem: Ignem veni mittere in terram, & quid volo, nisi vt accendatur? vt nimirum ex parte nostra, illi accendendo, non desimus.

II. Prælud. Pete à Deo gratiam, vt agnoscere possis, quantum debeas Deo Filio, quod se in Sacramento Amoris tanto Amore tibi dederit: & vt accendat in te illum ignem Amoris, quem luculenter accensum desiderat.

I. Punctum. Fideles amantes semper desiderijs pleni sunt. Et cui rei melius impendere possemus desideria nostra, quamdiu hanc miseram vitā degimus, quam anhelando ad Iesum in Altari præsentem, quam desiderando ad illum adire, salutare, recipere? Iesus est desiderium collum æternorum, etiam desiderium

rium est vallis miseriarum, præcipue in
 Altari sepositus. Sponsa filium vocat
totum desiderabilem, inuò desideria, &
 omnium nostrorum votorum scopum.
 Etiam videmus Sanctos incredibili hu-
 ius desiderio arsisse, quod vtile est con-
 siderare, & laudabili quâdam impatien-
 tiâ languisse, quod mirari nos oportet.
 Abbas Pastor affirmat, Religiosos suos
 (cùm instaret dies Communionis) sic
 anhelasse ad caelestem hunc cibum, vt
 ceruis, fontes aquarum desiderantibus,
 similes esse viderentur. S. Catharina Se-
 nensis tanto ardebat Communionis, &
 se Sponso suo Iesu vniendi desiderio,
 vt palàm arefceret, & animo linqhere-
 tur. Eadem desideria sic S. Tereſiam
 stimulabant, vt nullis neque aëris in-
 commodis, aut tempeſtatibus, neque
 periculis, ab illo adeundo, posset impe-
 diri. S. Catharina Genuensis etiâ, Com-
 munioni proxima admirandam impa-
 tientiam, languoréque incredibilem
 patiebatur: citò, citò, descende Iesu in
 cor meum, aiebat. O cor meum! cor
 omni

omni glacie frigidius! quo tandem ista
hiems animi tui erga hunc cibum An-
gelorum, postquam horum amantium
ardores didicisti? declinate Commu-
nionem, procrastinare, alios ab illa
auertere, ita miser ero, ut heu audeam?
Ignosce, Domine, & spondeo deinceps
te fore dilectum cordis mei, & desidera-
tissimum animæ meæ.

II. *Punctum.* Qui amat Filium Dei,
Primò, illum frequenter recipit per
Communione Sacramentalem. Ille
Sponsus est animarum nostrarum, an-
non igitur decet, ut illi sapius uniamur,
quo testificemur nos penitus ad illum
pertinere? Secundò, sæpenumero spi-
ritualiter communicat, ut compense-
Communione Sacramentalem, quâ
toties uti non potest. Affirmabat B. Io-
anna de Cruce, se ita communicantem
ijsdem gratijs à Deo cumulari solitam,
quas in reali Sacramenti usurpatione
acceperat. O præclaram, addebat, com-
municandi methodum! in qua neque
Confessario, neque Superiorum facul-
tate, neque ullius alloquio opus, præ-

terquàm tuo, ô Deus meus! Tertiò, dat operam, vt illum videat, vifiter- que fapias in die, non alia quàm falu- tandi, adorandi, aue & vale dicendi, rogandi, grates agendi, & affectum de- monftrandi gratia. Amici hoc inter fe officio, & erga Principem Aulici fun- guntur. Confidera, quid in hifce tribus facias, & quid facere deinceps velis. De- precatio. Propofitum, Feruor in tribus illis Amoris argumentis.

III. *Punctum.* Qui Filium Dei, vt i par- est, diligit, accedit ad illum maximâ, quâ potest, animi puritate, cum Amo- re, cum humilitate, cum reuerentia, cum fide, cum optima denique mentis corporifque difpofitione. Hinc olim communicaturis acclamabatur: *Acce- dite cum fide, tremore, & dilectione.* Si adeundus, aut falutandus eft Princeps, maxima cura attentioneq. in ornando corpore adhibetur: quid facere illum, conuenit, qui hofpicio fuo excepturus eft Regem cæli, & terræ? an non omni fâctitate animus inftruendus exornan- dufque eft? hinc etiam olim Daconus
dice-

dicebat ijs, qui corpus Saluatoris recipiebant: *sancta sanctus*. Vide, an eâ ratione istisq; virtutibus instructus accedas. Pudor, Confusio, Desiderium puritatis Conscientiæ, & Victoriæ de Passionibus obtinendæ.

Colloquium cum Filio Dei; & amabilissime & desideratissime omnium Amicorum meorum! toties dico, quod te amem, cur non igitur aliquo indicio prodo Amorem meum! qui bene amat, id solum cogitat, quod amat; & quomodo illi placeat. Nonne hic opprimere me dolor deberet, quod videam tam exiguo me ferri in te Amore! Creatura aliqua sese ingerit in animum meum, cùmq; deperco: & cunctabor te amare, te sæpius excipere, Altaribus tuis adesse? ad eum modum ego te? te qui omnibus cæli terræque Amoribus dignissimus es! ô probrum mihi! Cui ea gratia est, ut recensear inter seruos tuos & in numero amantium tuorum! Pater. Ave.

Recollectio. Visitatio Venerabilis Sacramenti per Orationem illam: ANIMA CHRISTI SANCTIFICA ME, quæ in simili

Simili Visitatione deberet esse familiarissima. Examen. Prandium. Recreatio. Tempus scribendi; denique legendi, aut id quod sequitur, aut aliud.

DISSERTATIO POME-

RIDIANA.

*De desiderijs ad sanctitatem. & professione
Etum spiritalem aspiran-
tium.*

FAtendum est, fuisse Sanctos, qui actiones, externâ specie, & in oculis hominum, admodum stultas exercuerint: quin eadem fuerint in oculis Dei sapientissimæ, non dubito; nil tamen obstat, ut non illas insanissimas, homines iudicarent. Meæ opinioni accedet D. Bernardus: *Vis audire insaniam?* inquit, *ecce illam. Optabam anathema esse pro fratribus meis. Nonne insania est. pro Christo, velle anathema esse à Christo? velle ne alij pereant, perire; cum primam sui rationem habeat charitas? pergit S Abbas: Vis aliam? audi Moysen: si non dimittis, dele me de libro vite. Quæ insania propter Deum, aduersum Deum iniungere,*
vel-

vellēque adigere ad decretorum fir-
 rum retractionem? deinde; *Qua insa-*
nia est hac, quā insani erant Martyres in-
ter tormenta videntes? moriuntur, pa-
 tiuntur, & cruciatus suos irrident; dum
 ipsi carnifices horrore plumbi liquati,
 rotarum, ignis, bullientis olei, aliorum-
 que suppliciorum, quæ inferunt, concu-
 tiuntur: illi sine metu sunt, quibus infe-
 runtur, & nuptialibus delitijs videntur
 interesse. An non illæ sunt insaniæ? imò
 verò, sed sanctæ insaniæ, hoc est, summæ
 sapientiæ molitiones. Et, si scrutari ve-
 limus reliquorum Sanctorum monu-
 menta, & res gestas, plurimas tales insa-
 nias reperiemus, unde meritò S. Paulus:
Nos stulti propter Christum. Coniicit se B.
 Iacoponus in locum, quem audire no-
 lint honestæ aures, cumque Christus di-
 ceret, eum insanire, quòd istic confide-
 ret reponere ausus est; illum longè ma-
 gis insaniuisse, quando infamem in cru-
 ce mortem subierat, idque nudus co-
 ram innumera multitudine, & pleno
 meridie propter Iacoponum, ceteros-
 que homines. S. Catherina Senensis pla-
 ne se.

me serio sic Deum compellabat: O Amor
mi! quam sentirem me tibi deuinctam,
si me ancillam tuam in aditu inferni
collocares, portæque vices fungerer,
ne vlla deinceps anima posset eò pene-
trare, solaque pro omnibus luerem!
actus illi & mille similes in Annalibus
Æternitatis conscripti, quibus Sancto-
rum vita emicuit, an non actus stulti-
tiæ mundanis videntur, quamquam di-
uinâ æstimatione sint sapientissimi?
vnicus erit instar omnium, quem etiam
omnibus vnâ acceptis æquiualeere iu-
dico, estque S. Pauli asserentis: *In quo
quis audet, in insipientia deo, audeo &
ego.* a Stultè loquor, nil refert, quid-
quid aggredi potuere alij, eo animo
sum, vt æquè ausim. Cui vnquam San-
cto vox erupit fidentior? & si Sancto-
rum actiones stulræ censentur, an non
hæc, quæ omnes illas complectitur, erit
coram hominibus omnium stultissima,
& sapientissima omnium, coram Deo?
nescio sanè, an excogitari possit ani-
mus hoc excelsior. Quid Paule? vis

ergo.

ergo manum & affectum extendere ad omnia, per quæ hætenus tot egregij & magnanimitate pollentes viri iêre, ibuntque impofterum? *In quo quis audeat, audeo & ego.* Quid? ergo paratus es, cum Abrahamo, caput illi personæ amputare, quæ tibi est charissima, vt illam Deo immoles? ergo promptus es subire tormenta & cruciatus omnes, quos generosi Christi Athletæ sustinuerunt, & ad finem Mundi sustinebunt? excoriari, lapidibus opprimi, torreri, in rotam agi, suspendi, comburi, membratim secari, equis distrahi, & quoduis aliud supplicij genus pati, eoque, vt etiam, cum D. Bonauentura, optes tot crudelissimas mortes oppetere, quor animæ hætenus conditæ sunt, vt omnium salutem cautum sit? Expeditus ergo es conficere & excqui, quidquid eximij & nobiles Dei serui suscepere, aut tolerauere, aut saltem ob amorem Magistri & Domini sui desiderauere? Imò verò, inquit Paulus, non ista tantum omnia, sed si liceat, etiam maiora; desipere quidem videor, sed tamen Amor meus me rapit: *In quo quis*

quis a
ego,
rem!
non a
hunc
hum
hoc e
mitat
est C
mini
O
mitat
Hagi
in m
care
virtu
essici
mia
nostr
citab
cilio
pluri
ribus
anim
tione

quis audet, in insipientia dico, audeo & ego. O sanctum & inflammatum Amorem! ultrane tendere aliquis posset? non arbitror: sed neque miror amplius, hunc Paulum à B. Petro Damiano filium Solis, & cor Amoris appellari: in hoc enim vnico actu gloriosæ magnanimitatis suæ, splendet vt sol, similisque est Cordi Amoris, quandoquidem nemini cedere vult in Amore.

Occasione huius eximie magnanimitatis & rari Amoris D. Pauli statuo, Hagiophila (quandoquidem proximè in meta es tuorum exercitiorum) reuocare tibi in memoriam duas luculentas virtutes, quæ plurimum in anima tua efficient, quæque te ad magna & sublimia proficiendi desideria (qui magnus nostrarum solitudinum fructus est) excitabunt. Ordior ab ea, quæ creditu faciliior est. Non nocet, imò verò iuuat plurimum, desiderare & conari suis viribus maiora. Valdè honorificum est, animæ Dei amore flagranti, vt cogitationes suas & desideria extēdat ultra id, quod

quod vnquam factura est; & vt facere
 velis, quidquid alij fecere. Ea mens erat
 S. Apostoli: *In quo quis audet, audeo &
 ego.* At conatus illi, inquires, temerarij
 sunt, sunt improuidi excessus: Illos, in-
 quam: exigit diuinus Amor. *Amorem
 viuere excessibus*, iam olim S. Dionysius
 affirmauit. At stultum est appetere, quæ
 obtineri non possint: hoc verò ipsum
 est, quod requiritur in tessera sinceræ
 Amoris: *Amorem insaniam sanctam esse*,
 ait D. Bernardus. Veniamus ad ratio-
 nes, & hanc virtutem illustremus. Tria
 potissimum argumenta reperio, propter
 quæ viribus nostris maiora aggredi, ten-
 taréque debeamus. Primum, quia hæc
 Amoris natura est, quæ iubet, vt sic
 ametur: *Quod fieri non potest, hoc fa-
 cere vult Amor*, inquit post Platonem
 D. Bonauentura. Et Regius Propheta:
*Beatus vir, qui timet Dominum, in man-
 datis eius vult nimis. Nimis*, commen-
 tante Richardo de S. Victore, quia etsi
plus posse suo, non tamen velle suo.
*Quisquis Deum amat, sic agit: plus
 vult:*

vult quàm possit, & quòd fieri non potest, illi possibile, adeòque facile videtur, dicitque cum Paulo? *Omnia possum in eo, qui me confortat.* Et cum Dānide: *Vult nimis.* Et si carpere illum volueris, respondebit: *Amorem vivere excessibus.* Et, *Quod fieri non potest, hoc facere velle amorem.* Volo humilitate ceteros omnes homines superare, aiebat B. Franciscus Borgia, fortasse tamen non superavit, & certum est, illum procul ab humilitate Filij Dei, & Deiparæ abfuisse. Cur ergo tam profundam humilitatem sibi proponebat? *Quod fieri non potest, hoc facere voluit Amor.* Sancti Anselmi vox fuit: *Ego do me tibi totum, Domine, & plusquam me totum, & ex toto corde meo, & plusquam toto: at qui, plusquam se totum, & plusquam ex toto corde? fieri nequit.* Tamen quod fieri non potest, hoc facere vult Amor. Non prætereamus nostrum Apostolum, illud cor Amoris: facere non poterat, quidquid fecerant alij, facturique erant, nihilominus cogitatione & affectu cō-

contendebat; *Quod fieri non potest, hoc fieri vult Amor.* Si diceres hodierno die, *Hagiophila*, serio te velle in posterum orare sine ullis animi euagationibus; nolle te amplius affici, aut adhærescere illi personæ, quam nosti, quæque contra tuò menti tuæ obuersatur; te in familiaris colloquio, dumtaxat de Deo diuinisque rebus locuturam; te ex amore pudicitie cohibituram omnem tactum cuiusvis personæ, & quidem iocosum & leuem; te tota vita fore candidam apertamque ijs, quibus oportebit; te nunquam, neque de personis, neque de iniurijs tibi illatis conquesturam; non magis prope admirarer, etsi scirem illa omnia vix à te obseruanda, aut omnino non: cum enim inflammato iam sis in Deum amore, non dubito, quin desideres aggredi omnia, quantumuis ardua sint, & speciem etiam aliquam præferant impossibilitatis: *Quod fieri non potest, hoc facere vult Amor.* Alterum argumentum est, quod magna hæc desideria, etsi de eorum effectu non constet, nutri-

tri-

trānt animam, stabiliāntque in Amo-
re Dei, qui istis vehementer delectatur.
Et verò *Nuntij sunt Amoris intimi* erga
Deum, vt loquitur D. Bonauentura &
parui Christi Sagittarij, vt vult S. Clara,
qui rectā in diuinum cor collimant. Et
non vides ea cohonestasse Danielelem,
magnifico hoc titulo, *Viri desiderio-*
rum? Deus, inquit eximius rerum spiri-
tualiū Magister, (a) *nō minus sancto de-*
siderio lacatur, quā sitota anima amore,
& deuotione liquefat. Quantillum ope-
ræ erit, Hagiophila, si dicas: Volo tam
exacta esse, atque Beatus Aloysius, qui
nihil vnquam sine facultate faciebat,
adēdō vt sine illa, ne folium quidem char-
itæ alteri commodaret. Volo in pauper-
tate imitari sanctum Xauerium, qui,
præter vestem & Breuiarium, nihil su-
perflui apud se retinebat. Volo contem-
dere ad puritatem Religiosissimi Alfon-
si Rodericij, & per totos quadraginta
annos, si Deus vitam eonsueque proroget,
oculos non defigere in vllius persone
faciem, quæ à textu meo sit aliena. Volo

frangere curiositatem ad exemplum
 Ignatij, & in focum abijcere litteras
 adhuc obfignatas, quas iudicabo præ-
 ter Aulicum verborum ambitum nihil
 continere. Volo Sanctorum vestigijs in-
 sistere, eorum more virtutibus omnibus
 incumbere: hoc animam meam aptabit
 ad sanctitatem, optimis cogitationibus
 instruet, reddetque acceptam diuinæ
 Maiestati. *Deus, non minus sancto desi-*
derio latatur, quam si tota anima amore
& deuotione liquefat. Tertij argumenti
 loco sit, quod qui scopum, præsertim re-
 motum, attingere ferireque vult, de-
 beat paulò altius collimare: hæc vehe-
 mentia desideria, etiam vires exceden-
 tia, quasi quædam collimationes sunt,
 quæ proinde attolli necesse est. Et cum
 deceat nos Dei causa facere, quidquid
 fieri potest, vti. mox dicam, sequitur
 nobis, vt eò pertingamus, altius esse
 collimandum, tentandumque supra id,
 quod possumus: *Iniquum petas, vt equum*
obtineas, iubet vetus paroemia; & fami-
 liaris vsus est Mercatorum, qui pro re
 vena-

venali, decem aureos exigent, vt auferant quatuor. Esto Mercator industrius in negotio salutis tuæ, multam desiderans, vt saltem aliquid assequaris; maiora viribus aggredere, vt peruenias ad id, quod vires ferunt. Ad eum modum Deus nos adhortatur, inquit Augustinus, quando præcipit: *Diliges Dominum Deum tuum ex toto corde tuo, ex tota anima tua, & ex omnibus viribus tuis*: Fieri istud in hac vita mortali non potest, interpellationes obstant creaturarum: ista perfectio (ex Theologorum sententia) spectat ad vitam beatam, cælestemque: nihilominus illam à nobis Deus exigit, nimirum vt studio contentionisque nostra, saltem hoc assequamur, vt tantum diligamus, quantum vitæ fragilitas permittit. Eiusdem rationis est istud. *Estate perfecti, sicut Pater cælestis perfectus est*. Quis queat hanc summam incomprehensibilemque perfectionem consequi? nullis humanis ea viribus obtineri potest; si tamen vires omnes tuas impenderis imitando cælesti Patri, iam Deo fecisti satis, & pluri-

mum es consecuta. Magnis igitur incumbe desiderijs, Hagiophila: si aspirans ad magna, eò non pertingis, pertinges tamen eò, quò Deus te vocauit, & vbi te esse desiderat, & totidem tui erga Deum amoris præbebis argumenta, quot desiderijs æstuabis: *Signum verae charitatis, sunt altissima desideria.* Sunt etiam vitæ currentis & finientis suprema solatia. Moriens Bernardus eò potissimū se solabatur, quòd longè maiora desiderasset, quàm re ipsa fuisset executus. Quæstum ex his collige, & cogita, quibus solatijs velles, illa hora terribili, & anxietatibus plenâ, deliniri.

Tempus est, vt transeamus ad alteram veritatem, videamúsque parùm hæc ingentia desideria prodesse, nisi prodeant in actum, reddanturque efficacia in ijs, quæ sunt in nostra potestate. *Filioli, non diligamus verbo, neq; linguâ, sed opere, & veritate.* Et, *nunquam Dei Amor est otiosus, operatur enim magna, si est, si verò operari renuit, Amor non est.* Probatio Amoris est exhibitio operis, non linguæ. Et si

asse-

asseueres te ex toto corde diligere Deum, si tamen actiones humilitatis, charitatis, mortificationis tuorum sensuum, & Amoris proprii; Temperantia, Imitationis Christi, accurationis in rebus minimis, diligentia in omnibus, etiam in promptè surgendo, resignationis in omnem Dei dispositionem, & continuæ de tuis passionibus victoriæ, non consequantur, non induces me, ut Deum credam à te amari. Quod si est, non abludivis à loquaculis illis, qui continuâ garrulitate aures aliorum offendent: Moliebantur Athenienses illustre aliquod ædificium, eamque in rem, duos totius Græciæ præcipuos Architectos in senatum euocârunt. Prior, stupendam habuit orationem, quâ plurimas elegantissimorum ædificiorum formas proposuit, artis suæ ostentatione fucum Auditoribus faciens: Alter paucissimis perorans, Patres, inquit, quæcumque ab illo dicta sunt, eadem me facturum polliceor, capitis periculum libens aditurus, nisi fecero. Itaque huic commissum

est opus, reiectusque alter, qui tanto
 verborum apparatu, & pulchris idea-
 runt sermibus, senatum pauerat. Facit Lo-
 quutuleius ille, vt meminerim eorum,
 qui inter meditandum, in spiritali exer-
 citiorum secessu, & dum annua Con-
 fessio instituenda est, abundant multis
 emendandæ vitæ propositis, præclaris-
 que desiderijs: quæ plurimum oblectant
 Patrem spiritualementem, faciuntque vt illum
 impensæ operæ non pœniteat; verum
 quando venit ad opus & vsum ho-
 rum propositorum & desideriorum, ec-
 ce miseri languent, tepentque, vt antè.
 Vnicus aspectus, vnicum scomma deri-
 diculum, ipsum cervical, ipse occursum
 aliorum, similisque occasiones, illos ab-
 ripiunt in veterem licentiam; & cum
 delinquere cœperint, laxant vitijs habe-
 nas, parum referre existimantes, pau-
 cæne, an multa confiteantur; adiri quò-
 que posse alium confessionis causâ, ne
 ab ordinario illis ignauia, teporque ex-
 probretur: Ita semper in peius rui-
 tur, proximis quidem exercitijs rursus

oculos aperiunt, sed ad pauculas septi-
manas, & vt præcedentium annorum,
consuetudinem teneant. Atque ~~ita~~ vi-
uendi ratio (quod sanguineis lacrymis
deplorandum foret) admortem vique
propagatur. Auertat à nobis Deus &
sanctissima Mater hanc loquendi vani-
tatem. Longè facta verbis præstant &
excellentiùs est benè agere, quàm benè
loqui, & quidem ad eum modum agere
quem nos docet Sapiens: *Quodcumque
potest manus tua, instanter operare.* San-
ctus Paulus solis desiderijs & verbis non
acquieuit, neque tantùm dixit: *in quo
quis audet, audeo & ego.* Non, profectò
non, quidquid poterat, instanter opera-
batur: *Vnus omnium officia & personas
Paulus exercebat.* Vnus, omnibus fiebat
omnia, Apostolus, Virgo, Martyr, Soli-
tarius, Dominus, Seruus, Opifex; in cam-
pis, in vrbibus, mari, terra, noctu, inter-
diu, vbique & semper *vnus omnium offi-
cia & personas Paulus exercebat.* O ho-
minem eximium! ô præclaram instru-
ctionem, quam delicatulis illis & sensua-

libus proponit, qui vni officio, vni rei sic adhaerescunt, vt, vix Censuris Ecclesiasticis, ad aliquid agendum aliud compelli queant, malentes in hoc otio vitam traducere, quam miranda laudandaque operari; & tamen hi profitebuntur, se ex toto corde Deum diligere: scilicet, credat Iudæus Apella, non ego, verus amor opere & veritate, non lingua & verbo demonstratur.

Concludamus, Hagiophila, hanc dissertationem, & reliquas omnes dicto Sapientis. *a Cogitationes robusti semper in abundantia*: quod dictum proprie ad te spectat, alia enim versio sic habet: *Cogitationes collecti semper in abundantia*. Quasi diceret: cogitationes & bona desideria eius, qui est in virtute robustus, quique spirituali secessu sese collegit, sunt abundantia, & numero, & omni genere. Interpretor autem hunc locum non de desiderijs tantum, verum etiam operibus, vt sciat is, qui à secessu & collectione egreditur, sese & his, & illis debere.

debere abundare, quemadmodum hîc
duarum illarum veritatum propo-
ne ostendere sum conatus. Habeamus,
habeamus magna desideria, aspiremus
contendamûsque ad sublimia. Vt mo-
lestum sit, non refert, etiam si sanguinem
tuum impenderes: *Sanguis tuus, est tota
clavis Paradisi*, inquit Tertullianus. Ri-
deare, ludibrio habeatur ista vitæ tuæ
mutatio, stultitiæ nomine proscindatur;
quid tum, si Deus sapere te existimet?
quam dicere posse cum Apostolo: *Nos
stulti propter Christum?* ô felicem, sapi-
entemque stultitiam! ah vtinam sim ex
his sapienter stultis, vt sim æternum sa-
piens & felix!

Si videatur, prosequere ea, quæ matutinis
horis in Rodericio, aut Thoma de Kem-
pis cœpisti, optione capitum & mate-
riarum tibi relictâ.

Peraâ verò lectione aggredieris hoc Ex-
amen.

SS(O)SS

EXAMEN CIRCA

MODESTIAM.

Reterunt nonnulli ad defectum modestiæ actiones quasdam, quæ potius sunt imperfectiones à natura, vel malâ consuetudine comparatæ, quàm veræ immodestiæ; potius ciuilitati & decoro, quàm modestiæ, quâ iam Hagiophilam adornare studeo, aduersantur. Tamen vt illa omnibus attendat, paratus sum aliquam etiam harum facere enumerationem. Hauriri ex omnibus vtilitas potest, emendando quidquid aliquam speciem habet immodestiæ.

Erunt, qui in communi confesso tibias decussabunt; qui genu alterum alteri imponent; qui spucent, aut tussient indecorè ad nauseam aliorum, qui idem verbum centies iterabunt; qui tricies in die veterem fabellam, aut quod audierint, recantabunt; qui continuò & sine causa ridebunt; qui cæcorum instar vociferabuntur; qui quartâ horæ parte duodecies oscitabunt, nullo formato Crucis signo; qui artus diducent more

vitu-

vitulorum; qui pruritu quodam sua sen-
 sa manifestandi, aliorum sermonem in-
 terpellabunt, garriéntque continuo; qui
 ungues dentibus demordebunt; qui na-
 res emungent digitis, & sine strophio, lo-
 aut inepte mucum considerabunt, quasi
 de excluso vnione solliciti; qui perpetuò
 manum habebunt naso, aut mento ad-
 motam, vt sordes, aut barbam vellicent;
 qui res dictaque sua semper exaggera-
 bunt; qui os audientibus tam prope ad-
 mouebunt, quasi osculaturi, aut halitum
 afflaturi; qui semper erunt tremuli la-
 bijs & inquietis manibus, quas ad stabi-
 lem decentemque gestum firmare non
 possunt.

Reperies alios, quibus sit astricta
 frons, & morosa vultus compositio, qui
 omnium dictis factisque obrectabunt;
 qui vbique cantillabunt, qui secum lo-
 quentur, qui tam fixo obtutu in vultum
 tuum intuebuntur, vt terrorem incute-
 re possint; qui supercilia indecorè demit-
 tent: qui pedibus reptabunt, veluti de
 sepulchro solliciti senes; qui ita gradum

suspendent, quasi Matri, ovis incubanti, infidiarentur; qui sic properabunt, quasi accenta domus festinato illorum subsidio indigeret; qui semper circumferent oculos, etiam inter bibendum; qui cubitis innixi comedent, & horrendum dentibus stridorem excitabunt.

Quando, Hagiophila, assero instituendum esse de modestia examen, non intendo, ut in has inurbanitatis actiones oculos conijcias: scio enim ab illis plurimum abesse mores tuos, id solum volo, ut ad sequentes modestiæ notas te discutias.

Primò, *Non huc illucque leniter caput iactare.* Secundò, *Continere oculos suos, & demissos potius, quam alto situ.* Tertiò, *Obtutum in eos non desigere, cum quibus loquimur.* Quartò, *Sereno esse vultu, non verò frontē, aut nasum corrugare.* Quintò, *Labia nec nimis comprimere, nec nimis diducere.* Sextò, *Manuum gestus neque vasti sint neque affectati.* Septimò, *Incessu si moderatur, nisi necessitas aut charitatis aliquam festinationem postulet.* Octauò,

uò, Tota corporis compositio grauis sit & decora. Nonò, Sermo modestus & humilis. Decimò, ita quoq, incumbendum est, ut maxima decori ratio habeatur, ac proinde non sine indusio. sed sic. ut qui nos obseruaret, nullam aliam partem corporis quàm faciem oculis expositam videret. & eo situ, ut non supini, aut proni, sed lateri incubantes simus, tum amore pudicitie, tum modestie, ubiq, obseruanda, gratia.

Sequitur tempus Officij, aut alterius Orationis vocalis, tum huius Considerationis.

CONSIDERATIO.

I. Frustra aspiras ad vnionem cum Deo, intimòque illius fauores, nisi Oratio tibi cordi sit. Frustra, inquam, sine hac, quæ familiare cum illo est colloquium, & gratiosa communicatio; quæ clauis est cælestium donorum, omniumque quæ desiderare, aut sperare possumus; quæ thesaurus est, quem tanto affectu sancti quæsiuere, ut propter hunc abdicauerint sese omni humanâ conuersatione, aut in deserta loca se ab-

den-

dendo, aut noctes diēsque consumendo,
 ut cum tanta Maieſtate tractarent. Ve-
 rum, nos capit aliquod huius exercitij
 deſiderium, nihil melius promptiusque
 eſt, quàm adire Venerabile: hic enim ro-
 gantibus, adorantibus, ſuſcipientibus, &
 ſæpe viſitantibus, ea orandi ars inſtilla-
 tur. Et fateor me nunquam viſiſſe ho-
 minem Orationi deditum, qui non de-
 votiffimè huic Auguſtiſſimo Sacramen-
 to afficeretur; neque affectum huic A-
 moris compendio, qui non intimè per-
 Amorem Deo coniungeretur.

II. Dei aſſertum eſt, ad perfectionem
 requiri, ut quis coram Deo, atque in eius
 præſentia ambulet. O Deus! poſſumne
 ad votum meum te magis habere præ-
 ſentem, quàm ſi adſim tuis altaribus, &
 ad adorandas illas ſpecies accedam? aut
 hîc, aut nullibi diuinæ præſentiæ exerci-
 tium diſci poteſt.

III. Inculcatur mihi, ut ſæpe Angeli
 mei Tutelaris meminerim, & quòd ſi
 amplectar affectu illos, qui nos custo-
 diunt, inflammandus quoque ſim amo-

re Domini Angelorum : ah ! istud est,
quod animitus postulo ; volo igitur co-
lere Angelum meum , volo constanter
illius habere memoriam , illum alloqui ,
cum illo familiariter conuersari ; minùs
facere non poterit , quàm vt me reddat
Amantem mei Iesu , & famelicum pa-
nis Angelici ; occultis me stimulis exci-
tabit , vt salutatum eam ea loca , in qui-
bus quiescit , eò se mihi comitem adiun-
get , & interea dum aget cum cæteris
Angelis , qui adorandam hanc Aram
turmatim stipant , patietur , vt cum eo sa-
lutis meæ negotia pertractem .

I V. Ne quidquam laboras te Deo
tradere , frustra ad illum rectà tendis , nisi
priùs Mariam diligas , illius Matrem .
Hoc vnicum & supremum arcanum est
ad deuinciendum sibi Iesum . Repudiat
Deus , neque vult nostros Amores , si eo-
rundem non est particeps Maria . Et
nunquam filium aliquem agnouit Ma-
ria , quin eundem quoque Iesus in filium
adoptarit . Et quò maior est in Matrem
amor , eò erit etiam in Filium ardentior .

Tan-

Tantum dilige Mariam, & illicò senties
inflammari te amore eius, quem ipsa
vnicè diligit; & quia statim in cælum
evadere non potes, vbi legitimis ardori-
bus tuis satisfacias, poteris difficulter ab
Altaribus auelli, vbi illius Filius, & vni-
cus amor, depositus est.

V. Nil magnum, nihil admirandum
in hoc Mundo est; quidquid ego æsti-
mo, quidquid admiror, est adorandus il-
le Orbis locus, vbi in Aris nostris Iesus
absconditus requiescit. Sæpius audiui,
sublimes animos nihil admodum ma-
gnum sperire, extra Deum: & perplacet,
quod nihil magnum sit, nihil dignum
animis affectibusque nostris, nisi ille.

VI. In vita deuota, & spiritali, tam
exiguum nihil est, quod non mereatur
incrementum gratiæ, quodque in cælo
inestimabili gloriæ pretio non com-
pensetur; vnicum suspirium, vnicus in
cælum aspectus, vnica oculi propter Dei
amorem à creatura auersio, ah quid tan-
dem erit! quanta igitur merces actuum
amoris, adorationis, fidei, spei & obse-

quo-

quorum Deo, sub panis speciebus abscondito, oblatorum, & cultus ipsius personæ exhibiti? profectò, nunquam adibo illum quin tales actus, magno numero cumulos, illi exhibeam, atque præsentem.

Hora quietis & relaxationis animi. Officij divini, aut alterius Orationis vocalis. Visitationis Venerabilis Sacramenti. Et tandem præparationis ad sequentem Meditationem.

III. MEDITATIO.

De tribus admirandis qualitatibus Venerabilis Sacramenti, quæ nobis illud reddunt amabile.

Oratio præparatoria consueta.

I. P*relud.* Proponam animo meo, Filium Dei esse in Venerabili Sacramento, & in sacra theca, veluti Captivum amoris, simili omnino ratione, quâ sanctus Ioannes Chrysostomus dicit: Christum esse obsidem à Deo Patre nobis datum.

II. Pra-

II. *Pralud.* Postulabo à Iesu gratiam
benè agnoscendi, quid illum in hoc A-
moris carcere reddat amabilem.

I. *runclum.* Hoc diuinissimum Sa-
cramentum totum ex Amore compo-
situm est, nihil in eo manifestius apparet,
quàm Dei erga homines Amor: unde
S. Thomas illud, Sacramentum Amo-
ris, appellat. Et S. Bernardus: Amorem
Amorum, dulcedinem omnium dulce-
dinum. Et non ita pridem Dæmon ipse,
ex ore possessi hominis, coram sacra-
Hostia confessus est; illic ignem esse
Amoris pro nobis, & pro illis ignem iu-
stitiæ. Et reuerà, illic sinceri Amoris sca-
turigo est: illic hauritur Amor in Deum,
illic à Deo Amor propinatur. Et for-
tassis inde est, quod nonnulli Iesum di-
xerint *esse mammillam Dei Patris*. Qui
enim hinc sugunt, nisi obicem aliquem
objiciant, vehementissimo amore ac-
cenduntur, & tanquam Leonem ignem
spirantes, & facti hostibus terribiles ab
hac mensa, ab hac, inquam, mammilla
recedunt. Neque rarò accidit, vt ab hoc
Amo-

Amoris igne tantum animo robur aduersus tentationes accrescat, vt non eo solum die, quo recipimus, sed pluribus etiam postea inuicti incolumésque conseruemur. O Iesu plusquam amabilis! post tantum Amorem non amabo te? aut non amabo te intensius, quam aliqua tuarum creaturarum: imò, in testificationem huius amoris, vellem omnes excederem te amando! vnde non inuideo Seraphinis gradum illum gloriæ, quem in calis obtinent, sed quòd, plusquam ego, te diligant, hoc demum inuideo, & doleo.

II. *Punctum.* IESVS in sacratissimæ Eucharistiæ est admirabilis, imò iuxta Damascenum: *est admiratio*. Miraculum est, portentum est, admiratio est hominum, & Angelorum. Primò, ob admiranda, quæ isthic reperiuntur: Corpus in spatio tam exiguo; Corpus in locis pluribus constitutum, Corpus quod totum est in tota hostia, & totum in parte qualibet, pluraque alia. Secundò, ob Deificationem, vt, sic dicam, carnis nostræ,

stra, quæ quodammodò, per hanc manducationem, diuina efficitur: *Manducabis me, nec tu me mutabis in te*, ait Christus ore S. Augustini, *sed tu mutaberis in me*. Tertio, ob Epitomen & Anacephalaesin omnium beneficiorum à Deo in nos collatorum, omniumque admirandorum: *Memoriam fecit mirabilium suorum*, inquit David, *etiam dedit timentibus se*. Et asserit S. Irenæus, IESVM esse recapitulationem omnium bonorum, quæ à Deo facta sunt; idem asserere possum de Venerabili Sacramento, vbi Iesus cum nouis, & ante inauditis, miraculis est. O Deus! qui creaturas omnes tuas ob excessum Amoris tui admiratione, stuporeque defigis. Nil il deinceps admirari volo, quàm tua inuenta Amoris, nisi fortasse cogar obstupescere frigus meum, & modicum illud Amoris, quo in te feror!

III *Punctum* Venerabile sacramentum est Paradisus terrestris, eo nomine Iesus appellatur à Petro Damiani, quod ni etiam in Sacramento existens illic

verus

verus est Adam ; illic gaudium est & quies animæ : idcirco Christus hoc Sacramentum vespere & in cana instituit : nam à ientaculo itur ad prandium , à prandio ad canam , cana verò non aliò spectat , quàm ad quietem & somnum . Et , quo maiore quis curâ diligentiaque se disposuerit , eò maiori quiete , & solatio cumulatur . Testantur id S. Catharina Senensis , & tot aliæ felices animæ , quæ ab illius aspectu aut sumptione delicijs incredibilibus perfundebantur . O Deus totius consolationis ! non erit imposterum grauis illa mora , quâ te facie ad faciem videam in cælis , cum te sæpius adire , excipere , & in te conquiescere , possim in terris . *Etenim passer inuenit sibi domum , & turtur nidum sibi , ubi reponat pullos suos : Altaria tua Domine ubi tu es , nidulus meus erit , huc secedam , vt leuem fastidia mea consolérque me in omnibus , quæ paterna tua prouidentia mihi voluerit euenire .*

Colloquium. O Deus infiniti Amoris ! nunquam debitâ gratitudine alleque-


quæmur magnitudinem beneficiorum
 tuorum: fieri non potest, vt satis æ lau-
 damus, vt parem meritis tuis gratiarum
 actionem referamus, etiam si officio isti
 totam impenderemus æternitatem. Suf-
 ficiat igitur bonitati tuæ hæc imparis
 adeoque ingrati animi confessio nostra,
 eaque debitæ laudis & gratiarum actio-
 nis vices fungatur, illoque nomine sit
 diuino tuo Amori accepta gratæque.


*Recollectio. Lectio Thomæ de Kempis li-
 bello temerè aperto, Rosarium, Visita-
 tio Venerabilis Sacramenti, Cæna. Re-
 creatio, Litaniæ Sanctorum cum Hym-
 no, Te Deum Laudamus, ad referendas.
 Deo gratias pro felici Exercitiorum suc-
 cessu. Visitatio Venerabilis Sacramenti.
 Examen conscientiæ. Quies. Hic te va-
 lere iubeo, & ab eo, post annum reditu-
 rus, vt videam num constanter optimis
 tuis propositis decretisque inhæseris.
 Author interea sum, vt eadem singulis
 mensibus à Communione semel perle-
 gas, eorumque recordationem tibi in-
 culces.*


Omnia ad maiorem DEI gloriam.


um.
lau-
rum
o isti
Suf-
ris
tra,
tio-
fir.

s li-
tra-
Re-
ym-
das
fuc-
nti-
va-
tu-
nis
ris-
alis
de-
ide









Biblioteka Jagiellońska



stdr0023415

ba
m
m
ba
cu
tu
co
to
3v
cu
m
fo
E
m

100000
100000

100000
100000

Soluto Hagie
P. B. artu

1670
H